





Ex Bibliotheca
majori Coll. Rom.
Societ. Jesu

264.20

0

86

G

m. 320.



VENERABILIS SERVI DEI
FRANCISCI
OLYMPII

Ordinis Clericorum Regularium

V I T A

D E S C R I P T A

A IOSEPHO SILOS BITVNTINO

Ex Eisdem Clericis Regularibus Presbytero



R O M Æ;

Typis HH. Corbelletri. MDCLVII.

Superiorum Permissu.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
IN THE
MUSEUM BUILDINGS
LONDON

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
IN THE
MUSEUM BUILDINGS
LONDON



SANCTISSIMAE
VIRGINI
DEIPARAE.



IOSEPH SILOS CLERIC. REGVL.
D. D.



QVAM de Francisco
Olympio, eiusque vir-
tutibus scriptionem,
pro modo adornaui,
Tibi, Augusta Dei
Mater, vt consecra-
rem, visus ipsemet Franciscus Olym-
pius exposcere votis suis. Scilicet, Te
Patronam, Te Parentem ab ipsis penè
vitæ rudimentis coluit; auspicatusque

à festis Tuis Niuibus vsuram lucis, vſ-
que adeó postmodúm à Tuo igne inca-
luit, vt in Te ornanda, obsequio, cul-
tu, studio totus fuerit. Aedes, arasque
Marianas splendidé concinnare, pro-
curare Tua sacra, mortalium in Te pie-
tati amplificandæ prolixius studere,
Tuo denique Nomini terrarum amo-
res, affectusque adiungere, hæc eius po-
tissimùm meditamenta, & curæ. Et a-
deras ipsa perbenigné Clienti Tuo.
Visa quippè es cunas ipsas Tua vicis-
sim beneuolentia afflauisse; informasse
prématurè infantiam; ac cœlestis velut
apis, in eius non ore, sed pectore inse-
disse, mellificasse: tùm genium Puero
indidisse; ac præclaram indolem, quæ in
egregiam sese postea innocentia, ac vir-
tutum omnium laudem explicauit.
Quid in reliqua deindè vita Francisco
beneficentius, quàm Cœli Regina?

Opes animi, quæ illi ingentes, nonnisi
à Tua manu, quæ tornatilis, aurea.
Exigua, magna si peteret; aderas supra
votum munifica. Lenienda interdum
diuexata secreto morfu pectora? Leni-
nibas, irrigabas ipsa Tuo nectare, ac bal-
samo. Valeret, decumberet? Tu illi
tutela, & salus. Igitur, qui inclyto Tuo
Nomini cultu pietatis intimè addictus;
dedicatusque olim fuit; iterum se Tibi
dicat descriptus à meo calamo. Is idem
Olympius est, qui per ætatum gradus
Tuo Patrocinio dignatus, auelli à Te,
Tuisque vestigijs nescit. Agnoscis pro-
fectò illum de vultu, ceu parens filium.
Eadem hic quippè vides spectatæ fron-
tis, orisque lineamenta: laudatissimos
nempe mores, quos ipsa peramanter in-
stillasti, virtutes, quas aluisti, sanctimo-
niam, quæ Tuis auspicijs, ac docu-
mentis insigniter adoleuit: atque adeò

vt ille olim Olympius ab insigni com-
plexione virtutum, atque à Tuo in il-
lum studio Tibi acceptissimus; ita hic
etiam à me impolitè concinnatus, ac
Tuo in sinu eliminandus, per arum planè
fuerit. Reliquum est, vt amplitudine,
ac benignitate Tua complectare, ac fo-
ueas, quod est iam pridem Tuum: atq;
interim, si quid pretij meruisse hic la-
bor, ac stylus potuit, faue etiam, Au-
gustissima Virgo, auctori, & operi.



D. FRANCISCVS CARAFA
Congregationis Clericorum Regularium
Præpositus Generalis.

VIta Venerabilis Serui Dei Francisci Olympij Clerici Regularis à P. D. Iosepho Silos nostræ Congregationis Theologo conscripta, & à Patribus, quibus id commissum recognita, & approbata, ut typis mandetur, quo ad nos spectat, facultatem concedimus. In quorum fidem has literas manu nostra subscriptas, & solito nostro sigillo munitas damus, Romæ die 17. Septembris 1657.

D. Franciscus Carafa Præpositus Generalis.

D. Nicolaus de Lino Secret.

Vitam Venerabilis Serui Dei Francisci Olympij ex nostris à P. D. Iosepho Silos, nostræ item Congregat. conscriptam, iussu Adm. Reu. Patris D. Francisci Carafæ Præpositi Generalis diligenter percurrimus: & quod acres ad mouere stimulos pietati legentium possit exemplorum in ea seges, atque explicata multiplex virtus, dignam ducimus, quæ lucem aspiciat. Romæ die 8. mensis Septembris 1657.

D. Carolus de Palma Cleric. Regul. Consultor,


& Sac. Theologiæ Professor

D. Andreas Sottani Cleric. Regul.

& Sac. Theologiæ Professor.

**Imprimatur, Si videbitur Reuerendiss^{us}
Patri Mag. Sacri Palatij Apost.**

M. A. Oddus Episc. Hierap. Viceg.



Imprimatur
**Fr. Raymundus Capisuccus Ordinis
Prædic. Sac. Palat. Apost. Mag.**



A V C T O R
DE VITA OLYMPII
à se Conscripta
O D E.

NOn hic verendæ frontis Olympij;
Formamque vultus egregiam manu
Expressit arguta Timætheus,
Phidias aut poliere curæ.
Fluxa hæc : decoræ protinùs extima
Imago frontis deperit, orbira
Labentis æui proterente,
Deciduo quod in ore vernat;
Aeternæ mentis forma, volubiles
Quæ ludit annos, aurea & indoles;
Cognata cœlo, & maior æuo
Effigies animæ perennis;
Hæc picta chartis. Spirat Olympius
Qua parte vivus nil color audeat,
Nil Coa dextra; & cuncta fingit
Ingenio potiore virtus.

Hac ille laus est nascitur auspice,
 Repræque cunis; mox & in integros
 Assurgit annos: tùm decoris
 Cæsaries sentit pruinis.
 Seu flore primo lacteus ebibit
 Præcepta morum; hæc arripit impiger.
 Dicente, rectam frugem, & altè
 Pectore in exiguo recondit.
 Seu, qui iuuenta serbuit impetum,
 Frangendus ardor, et laque Cypria;
 Virtus retundit, corda & ære,
 Indomito aut adamante munit.
 At colla subdit paupere sub toga
 Si prona cælo, compede & aurea
 Mentem reuincit, sic potitus
 Imperio meliore mentis:
 Adaucta proh quàm diuite copia
 Virtus dicato crescit Olympio!
 Affusa largè, exaggeratis
 Diuitijs cumulat merentem.
 Hinc vis flagrantis pectoris ignea,
 Complexa blandè Numen amabile:
 Et nectar illapsum medullis,
 Deliciæ & lacrymis remittit.
 Hinc suctus acrem pauperiem pati,
 Ceu cariorem vellere Punico,
 Quam longa detriuit vetustas,
 Dives amat tenuem lacernam.
 Non lauta curæ prandia; sæpiùs
 Sat fonte puro pocula, sat Ceres,
 Par & quies sopit reclinem,
 Stramineo breuior cubili.
 Mens inde velox petuolat altiùs;
 Tangitque penna remige sydera;
 Et magna sublimis tuetur,
 Sydereis residens theatris.

At hæc sub imo pectore contegit,
Periculosi transluga luminis.

Se namque munit nocte, & optat

In tenebris radiare virtus -

Tu siste . . Grandis nam labor, intima

Lustrare magni pectoris. Arduum est,

Quæ quisque celat, condidique

Dona sinu tacitus profundo,

Per ora vulgi spargere. Nobilem

Mentis figuram sæc fuit inclytæ

Libasse, præstantemque parat

Effigiem variâssæ telæ,




D E
FRANCISCO OLYMPIO
EIVSDEM SENARIOLI.

Olympus astris celsior, surgit supra
Quicquid volubile est, fuga & quidquid rotat
Præcipiti, & vltra lubrici mandî vices.
Olympus ardet semper, & fulget mero
Meridie, æterno iubare plenus suo.
Olympus Augustale ter magnum Dei,
Quem sacrat, implet, diuitat, pingit, fouet;
Aequus ille Soboli, & innuptus Pater,
Paterni & hæres pectoris, Verbum Patris,
Spirabilis & ille ardor, & lux mentium.
Olympus alto gurgite exundat boni,
Et melle sudat, neqtare & puro madet:
Hic vena pulchri, pax, serenitas, caput
Hic lenæ sacræ amœnitatis diffluit.
Fallimur? an abripuit stylum præceps calor?
Qui dixi Olympum, Olympium mihi mens fuit
Dicere: renulsa littera laquei chelys.
At hunc, vel huic exprefferis refert patrum,
Nam par Olympo, aut similis est Olympius.
Sublimiore Olympius perstans gradu,
Caduca celsa fronte despectat, premit.
Olympius pura ardet, & lucet face,
Imbutus arcano iubare niueum sinum!
Olympius vim Numinis fusam intimè,
Iplumque Numen pectore & gerit, & capit:
Olympium largis sua mergunt gaudia,
Quæ sidera rigant aurea, & Cælum beant.
Sic nomina remiscet venustè, & res suas
Olympus, & Olympius: vterque purior,
Sublimis, ardens, melleus, plenus Deo.

PRO.

PROTESTATIO

AUCTORIS.

 VM Sanctissimus D. N. Urbanus Pápa VIII. die 13. Martij anno 1625. Decretum ediderit, idemque confirmavit die 5. Iulij anno 1634. quo inhibuit, imprimi libros, hominum, qui sanctitatis, seu martyrij fama celebres è vita migraverint, gesta, miracula, vel revelationes, seu quæcumque beneficia, tanquam eorum intercessionibus à Deo accepta continentes, sine recognitione, atque approbatione Ordinarij; & quæ hætenus sine ea impressa sunt, nullo modo vult censerì approbata. Idem autem Sanctissimus die 5. Iunij anno 1641. ita explicaverit, ut nimirum non admittantur elogia Sancti, vel Beati absolute, & quæ cadunt super personam, benè tamen ea, quæ cadunt supra mores, & opinionem cum protestatione in principio, quòd ijs nulla adsit auctoritas ab Ecclesia Romana, sed fides tantùm sit penes Auctorem; Huic decreto, eiusque confirmationi, & declarationi observantia, ac reuerentia, qua par est, insistendo, profiteor, me haud alio sensu quidquid in hac Serui Dei Francisci Olympij Vita refero, acci-

cipere, & accipi ab vllō velle, quā quo ea solent;
quæ humana duntaxat auctoritate, non autem di-
uina Catholicæ Romanæ Ecclesiæ, aut S. Sedis
Apostolicæ nituntur: ijs tantummodò exceptis,
quos eadem Sancta Sedes Sanctorum, Beatorum, aut
Martyrum Catalogo adscripsit.



SERIES CAPITVM

LIBER PRIMVS.

| | |
|---|----------|
| F rancisci natales, & virtutis rudimenta. | Cap. 1. |
| Consilium incunda Religionis, & vota. | cap. 2. |
| Frequens votorum repetitio. | cap. 3. |
| Vita, ac disciplinæ ratio post vota. | cap. 4. |
| Sacerdotio initiatur, & in re diuina facienda religio. | cap. 5. |
| Tyrocinio perficitur, eiusque administrandi modus, & ratio. | cap. 6. |
| Actiua Francisci Vita. | cap. 7. |
| Contemplatiua Francisci Vita. | cap. 8. |
| Spirituale Olympij gaudium, et lacryma. | cap. 9. |
| Quædam Olympij itinera. | cap. 10. |
| Mariana Conceptionis Sacellum Olympij opera celebratur. | cap. 11. |
| Insecti Olympio mali damones. | cap. 12. |
| Insectus Infernis hostibus Olympius. | cap. 13. |
| Angelorum in Olympium blandimenta, ac studia. | cap. 14. |
| Olympij in morbis virtus. | cap. 15. |
| Occasione egritudinum ex Olympij vena sanguis. | cap. 16. |
| Consecratæ à Francisco aque vis, et mira. | cap. 17. |
| Francisci apud omnes existimatio dum viueret. | cap. 18. |
| Vngarorum Regina Franciscum in honore habet. | cap. 19. |
| Beneficia ab Olympio, ac mira dum viueret. | cap. 20. |
| Supremo agrotat Olympius, ac pie moritur. | cap. 21. |
| Olympij sepultura. | cap. 22. |
| E sepulcro odor. | cap. 23. |
| Post Mortem mirabilia. | cap. 24. |
| Externa Olympij species. | cap. 25. |

LIBER SECVNDVS.

| | |
|---|----------|
| D E Charitate in Deum. | Cap. 1. |
| Olympij aduersus proximos cbaritas. | cap. 2. |
| Olympij in brutas animantes blanditia, et commiseratio. | cap. 3. |
| Olympij Religio. | cap. 4. |
| Olympij in diuinam Eucharistiam Religio. | cap. 5. |
| Olympij in Christi Domini cruciatus pietas. | cap. 6. |
| Olympij in Diuam Virginem Religio. | cap. 7. |
| Olympij orandi studium. | cap. 8. |
| Videt longè posita, ac futura. | cap. 9. |
| Occulta, atque ima pectoris peruatit. | cap. 10. |
| Olympij obedientia. | cap. 11. |
| Olympij Castimonia. | cap. 12. |
| Olympij Paupertas. | cap. 13. |
| Olympij Corporis afflictatio. | cap. 14. |
| Olympij Humilitas. | cap. 15. |







Vera Effigies Venerabilis Servi Dei Patris D. Francisci Olimpji Clerici Regi,
qui cum Sanctitatis fama obiit Neapoli in Coenobio SS Apostolorum
die 21 Februarij. 1639 Ætatis suæ 79. Roma super pernu 1647



FRANCISCI OLYMPII

VITA.

Liber Primus.

Francisci natales, & virtutis rudimenta.

Cap. I.



FRANCISCVM Olympium
Clericum Regularem, eximia
religione, vitæque sanctimonia
virum vt describerem, suasere
cùm nostratium, tùm extero-
rum vota, enixè postulantium,
vt quæ, dum is viueret, com-
mendata omnium plausu præ-
clara exempla virtutum fuere, excepta tandem sty-
lo, publicæ animorum vtilitati prostant. Floruit
is quidem nostra hac tempestate Neapoli ea nomi-
nis celebritate, ac morum fama, vt nesciam, an vlli
vnquam communis ad eò consensus mortalium, ac
veneratio contigerit adhuc superstiti. Certè quidã ex
nostris hominibus egregiè probus, ac prisce præsertim
æui cum paucis doctus, dicere solitus erat, sibi qui-

Qua no-
minis fa-
ma florue-
rit Olym-
pius.

A

dem

Francisci Olympij Vita:

Vulgi in-
genium.

Aequè a-
pud om-
nes in ho-
nore O-
lympius.

dem sacrarum historiarum monumenta euoluenti ;
neminem ducentis abhinc annis occutrisse , quem
omnes passim concentu quodam animorum in-
pretio , ac veneratione habuerint , sicuti Francisco
Olympio contigerat . Rarum quippè , ea esse quem-
piam probitate , ac indole . vt omnium animos , amo-
resque occupet . Variū multitudini ingenium , atq;
id illi insitum , vt nunquam perindè res præclare ge-
stas multi probent , quā plerique etiam improbent ,
ac eleuent : siue illos liuor , siue quædam agat oblo-
quendi cupido : quorum sanè iudicia neque sanctis-
simos quosq; viros effugisse , compertum habemus :
& quos morum innocentia tueri abundè debuit , illos
hæc eadem inculpatæ vitæ lux obrectatoribus obie-
cit : offenduntque hi quidem semper liquidissimo
in Sole maculas , quas cæteris deinde cōmonstrent .
Cum Francisco Olympio secūs profectò actum .
Adedò nanque is sibi omnium studia , affectus , admira-
tionem insigni quadam modestia , ac pietate con-
ciliauerat , vt nullus vnquam aliquid sibi in viro in-
nocentissimo displicuisse , affirmauerit : nullus , vel
morosior , visus quippiam muslare , aut carpere . Do-
mestici , exteri , ordo , populus , ac viri ipsi principes
æquè illum suspicere : Olympium nominasse , abso-
lutissimam quandam religiosi moris , atque excel-
lentis virtutis imaginem , ideamq; obiecisse erat . Que
cū suo loco denarranda mihi opportuniùs sint , in
hoc rerum vestibulo innuisse idedò volui , vt ostende-
rem , communia nunc vota iure omni exposcere , vt
quem suis olim studijs prosequuti sunt certatim om-
nes , is ipse suis modò lineamentis descriptus , ac ve-
luti animatus , prodeat in lucem , spiretque denuò
Olympius , ceu rediuius narratione virtutum . Quod

ego,

Ego, vt publicæ huic pietati faciam satis, nauare pro modo, ac viribus statui, non tam copia, cultuque dictionis, quàm, quod est in eiusmodi commentarijs primum, integra fide.

Neapoli natus est Franciscus, anno à Virginis partu nono, & quinquagesimo supra sesquimillesimum, die Augusti mensis quinta, magnæ Matris niuib. sacra, vt dicere postea solitus esset, se quidem, quod nascentem Diua Virgo, ceu grande sydus aspexerit, peculiari quodam nomine obstrictum illi esse; magnisque ijs auspicijs, ac sacrarum niuium commemoratione moneri se, cùm illibati cuiusdam animi candoris, tùm præcipuè in Deiparam obseruantia. Quod verò inter Saluatoris, ac Diui Dominici solemnia edi in lucem contigerit, his ipsis nominibus ad lustralem baptismi fontem affectus est: addita etiam Horatii appellatione; quo postea nuncupari nomîne consuevit: professus, vbi ab æuro ratio, ac virtus accessit, iniquè secum actum, quod omiſſis sacris appellationibus, profanum nomen adhererit. Pater illi Tyberius Olympius, nobili loco Capuanus, æquè probus, ac doctus: qui quidem ingenij, ac studiorum fructum, vt demeteret, foro Neapolitano mancipatus, in causis præcipuè capitalibus perorandis totus iuit: valuitque ad eò in eo patrociniij genere doctrinarum præstantia, ac vi facundia, vt quos sibi reos tuendos susciperet, in libertatem facillè vindicaret; adeptus vulgò ab huiusce dictionis vsu, atque asserta sæpiùs libertate Diui Leonardi nomen. Mater, Isabella à Leo, præclari moris foemina, cui soror Victoria à Leo, Ioannis Angeli Barilij, Caiuani Ducis, ac Regni Neapolitani à secretis, viri nobilis, vsuque rerum spectati coniux.

Eius in-
cunabula

Nomen,

Parentes

Frater. Fratres habuit omnino sex, quorum duo cum præcipuis è Neapolitana nobilitate familijs innexi matrimonio sunt: vti & germana itidem soror splendide nupsit: florente nimirum opibus domo, quam perindè laute auxerat Pater, vt ex filijs primo loco natus fuerit etiam Fauaræ Dominus, quod est in Lucania oppidum. Quamquam quæ est fortunarum inconstantia, pressit postea opulentam familiam, grauis inopia: viditque Franciscus ipse suos indigere: quod illi in eximie tolerantie palæstram, ac laudem cessit, vt in tempore dicemus. In hac autem rei familiaris difficultate non minimum sanè negotij facessere videbantur, quas fratres susceperant, filiarum: quibus nihilominus adfuit Franciscus, non quidem officijs, aut emendicata à pijs viris munificentia, sed ipsa sui nominis celebritate, atque opinione virtutis. Enimuerò præcipua quædam Neapolitanæ Sanctimonialium cœnobia nullo eas censu inter Virgines suas adoptarunt: putaruntque, satis eas dotis numerare, quòd Olympij neptes essent. Neque verò Christo, cui nubit sacra Virgo, splendidius afferri patrimonium potuit, quàm præclara adeò affinitas, ac consanguinea tantæ pætati puellarum indoles.

**In paren-
tes obsequium.** Iam verò præter ingenium, quod in ipsis statim literarum rudimentis volucris quædam in addiscendo facultas commendauit, egregia quædam in puero virtutum semina, quæ maturam, aureamque mox segetem adpromitterent, visa statim efflorescere. Parentibus nihil eo obsequentius. Planè, vt est refractaria, atque indocilis puerorum ætas, ceteri quidem fratres nunquam adeò in obsequendo prompti, quin appellari interdum subasperè, multa-
rique

sique oporteret. De Francisco testata mater est,
 nunquam in eo habuisse, quod vindicaret; oppor-
 tuno videlicet, facilique ad omnem obseruantiam
 ingenio. Semel erratum famuli luere ipsum conti-
 git, vapulauitque immerito: quod æqua fronte,
 vultuque supra puerum tulit: fuitque non tristitiæ,
 sed pietatis incitamentum multa. Receptus nan-
 que in domesticum sacellum, diem illum inter pre-
 ces traduxit. Supra parentum obsequium, & cul-
 tum animum occupauerat Dei timor, ad cuius nor- Et Dei
 mam, ac nutum metiri iam tùm incessus, actus, timor,
 verba; veritus, ne quid inconcionum, ac præposte-
 rum excideret, quod animum, ac Numen læderet:
 tùm si quid leuioris licet noxæ admisisse intelligen-
 ret, sacra confessione eluebat. Qui quidem Dei ti-
 mor moderari, adductis veluti habenis, non modò
 pueritiam, atque adolescentiam visus est; verùm
 etiam præmaturo quodam freno ante ipsam ratio-
 nis vsum componere mentem, ac mores cœpit:
 adeò vt affirmauerit ipsemet aliquando, vehemen-
 ter sollicitum se id ætatis, ne prolabi contingeret.
 Quod sanè vltra fidem videri posset. Nam quo tem-
 pore admordere culpa animum nequit; planè non
 ea tùm perterritescenda: nisi quis festinatis ætatis in-
 crementis, ac luce quadam mentis antelucana æta-
 tem ipsam anteuertit. Quocirca dici quodam-
 modò Olympius potest à cunis pius, ac virtutem
 penè habuisse collactaneam; vt de nonnullis sanctis
 viris memoriæ prodictum est, quorum cunabula,
 atq; infantia religio, ac pietas consecrauit. Cautis
 timor candori potissimùm mentis, ac corporis inte- Et mēis
 gritati, quam tueri principe studio visus est: gnarus, candor,
 ea se die natum, qua die Matris Dei niues hanc præ-
 sertim

tertium virtutem deprædicarent. Elucebat in vultu ipso ingenuus pudor, cuius speciem ne verbulo quidem, aut aspectu vilis vnquam fœdasse, aut inumbrasse leuiter; seruauitque ad extremam deinde vitam pulcherrimum hunc illibatæ castimonie florem, præcipuum nempe, at maximè deciduum, æ fluxum vitæ ornamentum.

Ad hæc, in egenos charitas admiranda planè in eo ætatis rudimento fuit. Commiserari ex animo: tum manu etià iuuare, cum suppeteret puero, quod elargiret. Et accidit aliquando, vt, poscente elemosynam paupere, dum is meridiaretur, partitam confestim annona, aut integra etiam erogata, pietati egregiè litauerit. Quod an summa animi alacritate obiret, testimonio fuerit, quòd grandis deinde natu, senectaque etiam ætate memoria id ipsum repetere, ingentique cum animi sensu, veluti impensæ olim liberalitatis voluptatem regustaret, referre solitus erat. Saecrorum etiam cultui, religionique in Deum visus egregius puer scitè proludere. Enimuerò, qui cœtera puerorum studia, lusus, nugas quadam maturæ iam mentis grauitate proscripserat, tempus deinde religiosè terere consueuerat: dabatque præcipuè operam excitandis, ornandisque sacris domi ædiculis, in quibus diuinorum ritus, functionesque Ecclesiasticorum in morem obire, imitarique videbatur. Specimen nimirum id fuit intentionis eius studij, quo postea, vt explicabimus, Ecclesiasticæ rei cultum, atque elegantiam procurauit: quo quidem in cultu cum ipse totus esset, tum alijs etiam inflammandis vsurpare ea Prophetæ verba solitus erat: Dilexi decorem domus tuæ: quibus subindè addebat: Et Matris tuæ: nempe, vt singularem, quam à cuna.

Et religio.

211

eunabulis penè conceperat, in augustissimam Dei
 Matrem obseruantiam ostenderet. Et verò, præci-
 pius in optimo adolescente Marianus hic cultus Et in Dei
parâ pie-
tas.
 fuit. Visa planè Diua ipsa Virgo hac potissimum,
 pietate eius indolem, animum, mentem informasse,
 atque erexisse: neque enim insigni eiusmodi deuo-
 tioni, tantoque in Deiparam studio, ardorique eius
 æuiphebulus ex se respondisset. Sertum corona-
 rium, quo hæc cœli Regina celebratur, non semel,
 sed pluries in diès percurrere: exercebatque non
 corpus pila, uti moris est pueris, sed pietatem, ac
 linguam precarijs ijs globulis. Ieiunia cum libe-
 ter toleraret, tùm ipsam in primis diem, in quam sa-
 lutatæ ab Angelo Virginis festum inciderat, totum
 deinde consequentem annum colere strictiore absti-
 nentia consueuerat. Ad eam viciniam, quam à Li-
 gnarijs Neapolitani vocant, paternas proximè do-
 mos ædes Deiparæ à Carmelo erat, Carminellum,
 vulgò appellant; Huc ille consalutandæ, celebra-
 ndæque Dei Matri se se frequentius recipere: Patro-
 nam hic prensare, orare, meditari. An verò proba-
 ret illa clientis sui religionem, ac studium, collatis A qua
beneficia
 beneficijs ostendit. Semel, raptantibus currum
 equis, ita Olympiipedem rota pressit, ut obtritum
 putauerint. Sed implorante illo Carmelitæ Virgi-
 nis fidem, ac patrocinium, ita currus pertransiit, ut
 ne leue quidem damni vestigium in pressio iam pede
 reliquerit. Hoc sibi: illa alijs. Puer quidam non
 mediocri quidem cum corporis labe ab alto decide-
 rat, luxatisque foede membris, iacebat. Commise-
 ratus casum Olympius, Marianum templum adit:
 fusisque ad Deiparam precibus, breui restituta pue-
 ro incolumitas. Domi verò, amissis quibusdam
 clau-

clauibus, serua iram Dominæ, ac mox verbera vehē-
mentiùs pertimescebat. Quid tūc Adolescens, cui
cereum à naturæ facilitate pectus? Ad Dei Matrem
conuolat. Nec mora; non modò repertæ vtrumq;
clauēs; sed quod ille potissimū rogauerat, id loci
reperiri eas contigit, vbi suspicari nullus posset,
quempiam data opera occultasse. Abundè hæc
non modò adultam iam in ipso ætatis tyrocinio in
Diuam Virginem obseruantiam, sed multiplicem
etiam virtutem in adolescente indicant. Nam cui
tām prope aderat Dei Mater, mores inesse laudatissi-
mos, atque insignes animi partes oportuit.

Consilium inuenda Religionis, ac Vota.

Cap. I I.

NIMVERO, qui præclatis hisce
pietatis veluti primitijs vitam inchoa-
uerat, destinatus religiosæ disciplinæ
videri poterat. Quos enim sibi, suisq;
obsequio seposuit Deus, illos plerum-
que præmaturè expolire, ac suis etiam
notis distinguere solitus est. Igitur dum egregior
naturæ impetus vsu, exercitationeque piorum ope-
rum format ornatissimus luuenis, crescitque in dies
diuinorum sensus, atque æstimatio; mentem reli-
giosi Instituti concipit: impulitque potissimū,
quem diximus, timor, ne rerum humanarum illece-
bræ fallerent, ac labi aliquando in lubrico continge-
ret. Ac primò quidem animum D. Dominici re-
gulæ appulit, alliciebatque tanti Ordinis splendor,
ac sanctitas. Verū cū assiduus in nostra D. Pauli
Ecclesia adestet, nostris etiam hominibus sæpiùs im-
mixtus,

Religio-
nis men-
tem con-
cipit.

mixtus, capi cùm loci religione, tùm ipsiſ Theatine
 vitæ rationibus, planè arcana quadam vi, inſtinctu-
 que Numinis viſus eſt. Etenim quo tempore addi-
 tus maximè Prædicatorum Familiæ erat, peracri
 quodam deſiderio noſtræ diſciplinæ capeſſendæ
 vellicari, atque vrgeri vehementer ſentiebat: adeò
 vt interrogatus ſerjò à noſtratibus, an daret Cleri-
 corum Regularium Inſtituto nomen / cùm abnue-
 re animus eſſet, ac conaretur; annueret nihilomi-
 nùs impetu quodam, cui imperare, aut obluſtari
 minimè poſſet: agnouitque monitorem deindè con-
 feſſario, cui rem omnem aperuit, ſe genio quidem
 aliò propelli, diuinitùs verò ad Regulares Clericos
 vocari. Quocirca pandere huic vento vela iuſſus,
 Theatinum habitum in D. Pauli coenobio petijt; ac
 die Februarij ſexta decima voluentis anni ſeptuage-
 ſimi quinti ſupra ſeſquimilleſimum, ætaſ ſextode-
 cimo exceptus ingenti cum eius Familiæ approba-
 tione eſt: præſertim Ioannis Capycij Galeotæ, qui
 tùm Paulinam eam domum adminiſtrabat, viri
 præter generis laudem, ab inſigni pietate, multiſque
 animi partibus commendatiſſimi; qui, quòd ab ip-
 ſo Horatij vultu, externaque ſpecie neſcìo quid præ-
 diuinaret celebrioris olim virtutis, ac famæ, viſus,
 maximo quidem opere gratulari hoc Ordini addi-
 tamentum, ac decus.

Dat Cle-
 ricis Reg.
 nomen.

At non hic diù hæſit Olympius. Enimuero quam
 ſuperiore anno in Romanis Comitijſ agitauerant
 Conſcripti Patres, ac probauerant Sanctorum Apo-
 ſtolorum domum, iniri, fundarique hoc anno con-
 tigit; deſcriptaque loci familia, viſum in primis op-
 portunum, vt quæ in D. Pauli contubernio tyronum
 pubes alebatur, eò immigraret: proindèq; tranſire

Horum
in susci-
piendo ha-
bituritus

illuc adolescentulum oportuit, planè non sine qua-
dam testificatione virtutis. Solemne quippè nostro
Instituto est, vt non statim ac adoptatus quispiam
in Ordine est probationis annum auspicetur: verùm
ad quoddam experimentum exigua quadam habi-
tus distinctione proludat disciplinæ integrum qua-
drimestre, necesse est: nempe vt tam is, qui autho-
rari ea militia postulat, illam per id spatii, an æqua
viribus, sibique, ac genio sit contentanea, exploret,
quàm Ordo ipse eiusmodi candidatos, eorumque
habitudinem, indolem, ingenium propiùs inspiciat.
Hospites interim hi, non tyrones appellantur: quo-
ad quadrimestri expleto, collatisque vnà Patrum
suffragiis, ad probationem admittantur. Igitur
quotquot in Paulino tyrocinio erant, hospites ii qui-
dem, antequàm sedem commutarent, initiandi so-
lemni ritu Theatino habitu fuisse, vt præscriptum
deindè probationis stadium vnà simul in Sancto-
rum Apostolorum domo decurrerent. Olympio
legitimum eiusmodi temporis interuallum non-
dum lapsum: verùm quòd alacriore quodam spiri-
tu eniti ante alios, ac præire moribus videbatur, hac
eum lege soluere Patres non dubitarunt: atq; intra
trimestre, quod insolens nostris, inauguratus Reli-
gionis insignibus est. Quid verò acciderit matri,
quo is die habitum induit, atque Horatii nomen
de more commutauit, non hic planè dissimulan-
dum. Nihil hæc antea de ritu vestium, mutando-
que ea die filii nomine inaudiuerat. Ergo expe-
recta summo mane, accidere ad aures vocem
sensit, quæ Francisci nomen ter disertè exprimeret.
Obstupuit illa quidem: at visum, non adeò in ea
rei nouitate immorandum: quippè non dum pro-
sūs

Quid ma-
tri acci-
derit, cū
habitum
induit O-
lympius.

ſus abacto ab oculis ſomno, ludere adhuc inſomnia videri poterant, atque inſufurraſſe auribus nomen. Sed rediit, & quidem ingentior admiratio. Allatum ſiquidem illi mox eſt, exuto filium veteri nomine, appellari Franciſcum. Quo ſanè altiùs quid peruolūtare animo mater cœpit; ac didicit, monente cœlo, non indignum Franciſci nomine filium fore. Id quod ipſamet poſtea comprobari omnium ſtudiis, ac linguis Neapoli vidit. Ipſi verò Franciſco periucunda accidit nomenclatio, quòd pulcherrimam obſiceret menti virtutis æmulandæ ſpeciem: nempe eximiam Seraphici viri ſanctitatem, quam imitaretur, atque exprimeret moribus.

Franciſci
nomine
afficitur.

In hoc inœuntis diſciplinæ exordio, dum pollicetur de ſe magna Olympius, auſpicatus inſigni animi contentione, velut in Olympico pulvere ſanctioris vitæ curſum, admiſſa quadam ſenſim caligine, animique ægitudine, elanguit ille mentis ardor, mali certè dæmonis artibus, qui quòd ab egregia optimi adoleſcentis inſtitutione probè intelligeret, quantus hoſtis inferorum regno adoleſceret; experiri hoc probationis anno vires ſuas, conarique omni ope viſus eſt, vt illum à propoſito, ſuſceptæque vitæ ratione deturbaret. Inerat Franciſco naturæ quadam hilaritas, quæ cùm otii dulcedinem, libertatemque, & quicquid oblectare lætam indolem ſolet, identidem animo obſiceret, arietare bonam mentem eò periculoſiùs cœpit, quòd eſſet ab interno hoſte pugna, ac impetus. Hinc illi intra domus, ac cellulæ anguſtias contingere, moleſtiſſimum: ſolitudine, ac reſeſſu nihil experreſto eius ingenio, ac viuido infeſtiùs: ſubire piorum exercitiorum tædium; & ab eo aſpera vi-

In tyro-
cinio pu-
gna.

deri: ac ardua Ordinis instituta: denique nulla
 menti quies à frequentibus eiusmodi impressioni-
 bus, quibus verberari, ac quati animus eo impetu
 visus est, vt penè de gradu mouerint: præsertim,
 quòd is aperire Magistro conflictatum acriter pe-
 ctus, aut negligeret, aut pertimesceret: quo sanè
 vires addi inferni hostis conatibus, nemo non videt.
 Nihil quippè in via Dei perniciosius, quàm secreto
 vellicari, ac peti morſu: vtque ab occulto morbo
 conclamata infirmi salus: ita si prodas, hoc ipsò
 penè conualuisti. Hinc Olympius, quòd foueret
 sinu malum, ac quadam etiam oris tranquillitate
 eùm sodalium, tùm moderatoris sui oculos falleret,
 fronte, scilicet, letus, anxius pectore, propè ab-
 fuit, vt constantiam, habitumque exueret. At
 enimuero qui ad sublimem quendam gradum vir-
 tutis illum destinauerat Deus, is idem adfuit in
 tempore, afflauitque eùm menti lucem, tùm fir-
 mitudinem, ac robur pectori, vt aduersarii tenta-
 menta agnosceret, trangeretque. Hac nempe pa-
 læstra vtitur diuinum Numen, vt inter dura adole-
 scat fortius, ac generosiùs magnarum animarum
 virtus. Itaque diffilatæ mox procellæ, ac lufæ, quas
 demon adornauerat, machinæ: rediitque præclaro
 ascetæ tranquillitas, alacritas, ardor. Quæ factu
 difficillima videbantur, perfacilè obire: oblectari
 magnoperè supernorum gustu, ac contemplatione:
 modestiæ, suique demissioni cum paucis studere:
 viuendum præcipuè, amœnumque naturæ genium,
 quo vsus communis hostis fuerat constantiæ expu-
 gnandæ, non segniter, aut perfunctoriè atterere:
 concepit præsertim peracere omittendi solemnì pro-
 fessione, ac ritu vota: quibus mirum est, quo se
 studio

Sed vin-
 citur.

studio comparauerit, & quibus inundari tùm quidem deliciis peculiari quodam fauore Numinis contigerit. Ad aram nãque maximam dum sistitur, vt inter solemnia sacra nomen publicè profiteretur; ad ea psalmi verba, quæ ter repetuntur: Suscipe me Domine secundùm eloquium tuum, & viam. visus insolitus quidam emicare vultu ardor, ab interna nimirum pectoris flamma, quam diuinitus conceperat. Votorum verò schedulam publicè de more cùm legeret, vi quadam lachrymarum incredibili interceptus; non ita imperare sibi, aut sistere illas potuit, vt pergeret: immorandumque aliquantisper fuit, quoad remitteret ille efferuescentis animi impetus, ac copiosior non tàm fletus, quàm coelestium deliciarum vena. Planè,

quod affunditur interdum liberalissimè coeli
nectar, per oculos etiam exundet, neces-

se est. Quamquam in acceptabili

hoc sacrificio eluenda suismet

lachrymis víctima fuit,

antequàm iugulata

mysticè

votorum sacramento,

ad aram ca-

deret.





VNCVPATA tantò cum volup-
tatis sensu vota ; visa incendiis, atq;
affecisse mirificè Francisci animum ;
cumque eò sæpiùs recurreret recot-
datio, nihil deindè frequentius in eo
fuit, quàm, repetita religione, hæc ead-

Quàm
laudabile
vota re-
petere.

dem, vnde tantùm deliciarum manauerat, instau-
rare. Laudabile profectò id instituti est, nec sine
fructu ; receptumque vsu plerisque è religiosis Or-
dinibus : vt hi quidem semel ; hi verò bis in anno
solemni ritu, cultuque concepta semel persanctè, ac
publicè vota repetant. Sæpiùs instaurasse D. Fran-
ciscum Assisinatem, ac Beatam Gertrudem, memo-
rat in suis ad nostra instituta Commentariis An-
tonius Caracciolus. Quotidiè verò id religionis
øbire, non mediocri in lucro posuere alii : atque
ita factitasse Paphnutium, magni nominis ascetam,
in Patrum Collationibus legimus. Et nostræ qui-
dem Institutiones veterum nostrorum Patrum
consuetudine, exemploq; monent nos, hortanturq;
vt sua quisque vota, antequàm cubitum se recipiat,
in genua prouoluitus repetat. Quod si Romana
militia authorati, dictum semel Imperatori suo sa-
cramentum, quotannis ad fortitudinis, fideique in-
citamentum instaurabant ; cur non religiosi viri,
qui augustioribus sub signis sanctiùs militant ; ver-
ba, in quæ semel iurauerint, non sæpiùs repetent ?
Consequitur porrò instauratum hoc sacramentum
sua merces, ac pretium. Nam gliscit hinc animi
a. d. r.

A. Par. 2.
cap. 1.

P. Polyb. lib.
6. de milit.
Romana.

ardor, ac studium ad ea, quæ polliciti semel sumus, quam promptissimè obeunda. Tum ipsa promissorum memoria, si fortè ignauia consopiuerit, aut labefactauerit, excitatur; moxque priscæ dedicationis, ac præsentis officii. Ad hæc, iterum, ac sæpius dando, conduplicamus profectò munus, atque agere perquam liberaliter cum Deo videmur: eòque diuinam vicissim munificentiam lacessimus, ut æqua lance vouentis voluntatem rependat. Quod, etsi ex Theologorum sententia instaurare vota, non sit nouo se votorum authoramento obstringere: nihilo tamen minus perindè repetimus, ac si tum primùm solemni, sponsione authoremur: idque ingenti cum animorum compendio, fructuque fieri, nullus planè negauerit. Et sunt non infimæ^d notæ docti viri, qui amplissimam illam, quæ omnium consensione religiosæ professioni tribuitur, delictorum, siue peccatorum veniam, communem cum eiusmodi renouatione esse, disertè affirmant: adeò ut quoties ~~repens~~, toties quicquid commeruisti lustralis ~~flamma~~, restinguas. Hanc igitur repetitam votorum religionem, qua nosmetipsos, atque arbitrii fasces, ac iura; tum fortunas, bona, illecebras iterum abdicamus; mirum, quo studio Franciscus Olympius arripuerit. Nam quod alii sæpè, ac bis in anno, singulis alii diebus obire consueverunt; hac ille parsimonia minimè contentus, eadem sæpius die ita renouare solitus erat, ut singulis etiam momento id factum voluisset. Quapropter, cum quædam illi essent statæ diei horæ, tum alia extra ordinem tempora destinauerat, in quibus istiusmodi sacrificio litabat. Conscientiæ labeculas ubi sacra confessione expiasset; expiabat verò quotidie, illi

Quid de
votorum
repetitio
ne Theo-
logi.

C. Sayr. lib.
II. clau. cap.
3. §. 19.
A. Cor. itali.
2. lib. 11.
cap. 11. quasi
1. et alibi.
D. Apud Pel
ligr. Comm.
Centur. 2.
par. cap. 1.

Instaurat
frequent
ter vota
Olym-
pius,

id illi statim curæ, ut vota denuò nuncuparet: veluti tùm quidem opportunè, ac pro dignitate æterno se se Numini dedicasset, cùm noua accesserat à poenitentia mundicies, ac nitor. Cuius quidem nitoris studio id interdum curabat, ut pueri etiam suo nomine vouerent: ut puritatem, videlicet, adaugeret eorum innocentia. Ad hæc, cùm à morbo decubaret, & Christi Corpori communicaret; augustissimam Eucharistiam hac præsertim instauratione professio. nis excipiebat. Cùm daret ad Patrem Generalem literas, obseruantiam illi probabat suam nuncupatione votorum. Si quid aggrodi præclari operis, aut excellentis virtutis oporteret, ut auspiciò inciperet, initium ab iterato votorum sacramento sumebat; addebatque animos, atque alacritatem ea cuiuscunque magni operis veluti prolusio. Præterea in Diuorum solemnibus cùm ad ea præcipuo se se cultu, cura, que comparare solitus esset; tùm illud opportunissimum, iisdemque Diuis pergratum putabat, nempe instaurare vota. Quoties in Ant^qrem aliquem offenderet, veneratus demissius Intus^{us}, non antea abibat, quàm solemnia apud illum vota renouasset. Id ipsum ad summi sacrorum Antistitis pedes obuiisse, in iucundissimis posu it. Conuenire siquidem, ut in loco dicemus, Gregorium Quintum decimum semel contigit: ac tùm quidem, ut perparcè de rebus aliis, ac ieiunè pro singulari modestia disseruit: ita verba non sanè pauca in votorum renouatione consumpsit: ratus, nunquam opportuniùs, ac congruentiùs, quàm apud augustissimum ipsum militantis Ecclesiæ Imperatorem, ac Christi Vicarium religiosæ militiæ sacramentum dicere, ac repetere potuisse. Ad hæc, compellauit illum aliquando

do literis Constantia Barberina, ac tùm Urbanum Max. Pont. tùm ceteram Barberinam domum eius precibus cōmendauit: qua ille arrepta occasione, cùm ornatissimę fēminę verbis, pietatis, atq; officij plenissimis respōdisset; id in primis addidit, se quidem præcipuo quodā animi sensu ad SS. Patris pedes tùm quidem procūbere, ijsq; ex osculatis, solemnibus paupertatis, castitatis, & obedientię vota instaurare. Quem deindē morem neq; supermo ipso spiritu, ac penē depositus omisit. Enimuerō cū illum Nicolaus Herrera Apost. Nuntius in eo rerum articulo inuideret, cōflictatus licet extrema vi morbi, spiritu, atq; ardore quodam supra vires, atque instantis fati ærūnas, cūm pleraq; edidit diuinę charitatis documenta, tūm ipsa potissimū Religionis vota in eius manibus diserte suscepit. Et quod præcipui etiam viri dē Religiosis familijs officij causa eō conuenirent, veluti supremi ipsi adessent illorum Ordinū Moderatores, nihil illi antiquius, quā eandē ijs religionē, repetitis votis, probare. Neq; omittendū, vsq; adeō irem periculosē paucis ante annis egrotasse, vt supremū morbū illum putauerint. Ac tūm quidem adfuit Franciscus Card. Boncōpagnus Archiepisc. Neap. vt Virum longē sibi commendatissimū inuideret. At ille ea dignatus amplissimi Antistitis beneuolentia, vnā cūm quęsitissimis gratijs id statim religionis obire voluit; dictū, videlicet, semel, ac toties repetitū votorū Sacramentū in eius manu instaurare: putauitq; non mediocrem sanē fructum ab eius præsentia iterum vouendo decerpisse.

Illud Francisco aliquando molestissimum, quod visus hoc votorum solatio non nihil temperasse. Additissima illi erat Ioanna Austriaca, lectissima, ac religiosa in paucis Princeps, quæ Neapoli transmissura in Siciliā, id enixē postulauit, vt permitterent, vnā secūm ferre non ipsū

Vel in supremo
vite spiritu.

Ioanna
Austriaca
Olympij
effigiem
postulat.

Olympium, sed effigiem. Satiari eius identidem aspectu, ac frui monitis solitam; auelli deindè, tantoque carere fructu pietatis, nihil sibi acerbius fore. Si ea vultus lineamenta, spirantemque imaginem asportaret, fore, vt persuaderet sibi, nō totum abesse Olympium; sed in efficta ea specie eius veluti dimidium, partemue saltem aliquam secum habere, quæ leniret subindè desiderium, ac vel mūta ipsa in tabula erudiret, moneretq;. Agnouere Patres, nō leue quidem boni Senis modestiæ parari vulnus. Nam qui sibi à mortaliū luce, ac cultu cauebat maximè, quid abhorreret magis, quā sui simulacrū ad quādam venerationem expingi, ac multiplicari se, cohonestariq; in tabulis, ac bono veluti in lumine collocari? Verū quod infimis id precibus posceret Austriaca, iussū Francisco, vt permitteret pictori vultus: nempè & Saluatorem ipsum, hoc est, humilitatis exemplar suam olim imaginem ad Agabarū Regem misisse. Planè, vt sua est animi demissioni facundia, obniti, luctariq; multis vir modestissimus. Illud præcipuè inculcare; petendam ab optimo exemplari effigiem. Nam quodnam artis, atque operæ pretium fuerit, deterrima, aut vulgaria coloribus imitari? Se quidem nullius æris hominem; nec dissimilem fore imaginem. Metuere vehementer, ne inanispictura ad vnguem exprimeret vmbatilem virtutem suā: nec demū par esse, vt imagini honor haberetur, quem exemplar ipsum non commeruisset. Non illi in iustissima causa, patrocinandæ, videlicet, modestiæ, momenta rationum decrant: verū accedente mox sanctiorū imperio, dedit confestim manus, id enixè precatus, vt quando certum erat, exprimi vultus; sinerent, tres omninō flores, liliū, rosam, caryophyllum, quædam veluti solemnium votorum symbola, appingi. Quo quidem visus mirificè tranquillari, ac sua restitui fronti serenitas. Abundè nimirum compensari humilitatis dispen-

Quod illi
moletti-
finium,

Sed an-
nūc, mo-
do ad ef-
fectū voto-
rum sym-
bola

dispendia putauit : quando sibi videretur, vel in tabula ipsa retinere sua vota, atque ea singulis momentis quodammodò renouare. Id nanque in sui commodum, ac pietatis incrementum ab ea effigie tùm deriuabat, quod à se ipso impetrare minimè potuisset : nempè vt inter ea votorum symbola veluti perpetuò voueret. Porro, qui istiusmodi instauratiuæ votorum religioni addictus vsque adeò erat ; formulam sibi ea renouandi peculiarem concinnauerat ; verbis quidem, à sensu, à pietate planè aureis : vt dictasse, atque adornasse insignis quædam in Deum deuotio, ac ardor videri possit. Excusa hæc olim Romanis typis non mediocri cum priorum hominum fructu prodijt. Verùm, quòd gratior suo quæque in loco res est : tùm quòd exciderit faciliè, quòd tumultuaria, ac breuìs pagina excepit ; exscriptam eam formulam hic volui, manusuram nempè diutiùs, atque vti eam volentibus opportunam. Sic verò habet.

IESVS, MARIA, FRANCISCVS.

Ego D. Franciscus profiteor hodie coram Domino Deo, qui exaudiuit me, & respexit humilitatem meam, & laborem, atque angustias, & eduxit me de Ægypto in manu forti, & brachio extento, & introduxit ad locum istum ; & idcirco offero nunc primitias terræ huius, quam Dominus dedit mihi. Respice tu, Domine, de Sanctuario tuo, & de excelsò cœlorum habitaculo munera, quæ obtuli tibi hodie, & vota paupertatis, castitatis, & obedientiæ, quæ tibi, te inspirante, quondam nuncupauì : & benedic famulo tuo Francisco, & terræ, quam dedisti ei, lacte, & melle mananti. Ecce tu Domine Deus meus inspirasti mihi, vt faciam mandata

Votorum
instauran-
dorum
formula
ab Olym-
pio.

hæc , atque iudicia , vt custodiam , & impleam ex toto corde meo , & ex tota anima mea .

Ecce Dominus elegit te , Francisce , vt sis tibi Deus , & ambules in vijs eius , vt custodias vota tua , & obedias eius imperio . Ecce Dominus elegit te , Francisce , vt sis ei famulus peculiaris , & custodias præcepta , & consilia illius . Caue , ne obliuiscaris , vt sis seruus Sanctus Domini Dei tui .

*Ego D. Franciscus Clericus Reg. indignus
Sacerdos ob Dei bonitatem , obq; inter-
cessionem Beatissima semper Virginis
Marię cōfirmo , quod nunc pronuntiaui .*

Vita , ac disciplina ratio post vota .

Cap. IV.



NUNC VPATIS Deo votis , vitam sibi ineundam duxit Franciscus , quæ Dei obsequio , ac cultui mancipatum deceret : ad omnem , videlicet , religiosi moris obseruantiam , exactamque potissimum nostrarum Institutionum formam . Planè quòd floreret maximè ætas , ac indoles , nonnihil adhuc reliquum erat innatæ hilaritatis . Naturæ quippè impetus , ac volucrem quendam à iuuenta ignem nunquam bona fide extinxeris : suæ remanent , veluti in recessu , reliquæ , quas nec tam citò , nec tam faciliè emendaueris . In has ille statim insurgere , ea quidem animi contentione , ac studio , vt vitus mox fuerit , quicquid genij , florentisque æui supererat , interior quidam

Olympij
in virtu-
te pro-
gressiones

dam diuinorum sensus, ac ardor depasci. Præsertim
 cum initiari sacris contigit, ceu non tam animo im-
 pressus ordinis character, ac nota fuerit, quàm adprel-
 sa lateri fax, promouere pleno gradu ad perfectio-
 nem cœpit: vt ab aspectu ipso, ab incessu, à cultu,
 vsuque pietatis omnes probè intelligerent, vberio-
 rem cœlestiū munerum copiam interiore eius ho-
 minem impluisse, ex qua tam læta exurgeret seges.
 Illud semel intentissimam comparandę, exercendę-
 que virtuti mentem, ac supernè imbutam luculen-
 ter ostendit. In solempni re diuina ministrabat sacri-
 ficanti Olympius; accesseratque de more ad locum,
 vt Euangelium caneret: cum ecce tibi sub ipsum
 statim initium hædere, atque obmutescere: tùm
 manare vbertim lachrymæ, veluti ab intimo quo-
 dam sensu doloris. Nullum in vegeto iuvene natu-
 ræ deliquium, aut languor apparebat: vultus, color,
 vires constabant; eòque mirari, qui aderant, horta-
 rique, vt pergeret. Frustra omnia. Occupauerat
 nanq; vt vocem fletus, ita animum insolitus quidā
 motus, vt conari ampliùs verba nequiuert, subi-
 uitq; Sacerdos ipse Diaconi vices. Qui iam tùm ar-
 cana diuini Numinis beneficia, ac sacramentum
 Regis abscondere didicerat; interrogatus: ecquid
 subitæ rei accidisset? partim silentio, partim naturæ,
 animiq; defectionem quandam causatus, responso-
 nem distulit. Sed altiùs prudentes viri petendam rei
 causam existimarunt: & ipsemet ingenuè deindè
 affirmauit, vehementi tùm quidem cogitatione atq;
 horrore defixum, quòd tam vile caput, ac mortaliū
 deterrimum, qualis esse sibi videretur, eò dignitatis
 peruenisset, vt Christi Domini Euangelium publicè
 enunciaret: proindèque nec temperare lachry-
 mis,

Quid illi
 in Euan-
 gelio enū-
 ciando
 acciderit

mis, nec imperare sibi, vocique potuisse, ut pergeret.

Filius mo-
destia.

Quod autem in luene honestissimo intuentium statim oculos, animosque pertraheret, ea erat incredibilis oris modestia, exactusque ad religiosæ disciplinæ leges totius corporis habitus. Virtutis ea princeps cura, externam speciem componere; interiorisque hominis substructioni non ante manum admovent, quàm ipsam ædificij faciem, & quicquid est externi actus, concinnet, exornetque modestiæ laude. Et in Francisco quidem cum splendidam, sumptuosam, que excitare perfectionis fabricam cogitaret; visâ à propyleo, hoc est, ab aspectabili facie, ac forma corporis opus inchoare. Nihil quippè in eius specie, aspectuque cerneret, nisi quod esset perquàm concinnè, religiosèque compositum; ut elucere iam, tum in oculis, ac fronte nescio quid exterioris sanctimonix videretur. Testatus id Indicus Mendoza, Mondesiari Marchio, quo tempore Neapolitani Regni vices administraret. Vtebatur is per familiariter, utpote quem suæ etiam conscientix admovent, Ioanne Capycio Galeota, quem supra appellauimus, illumque cum à cætera virtute, tum maxime ab eximia quadam animi demissione suspiciebat. Neque enim adduci vir modestissimus unquàm potuit, ut curru vectus ad Prætorium adiret: neque admitti, nisi per secretiorem aditum volebat, ut obsequium, honoremque aulicum deuitaret. A profanis item negotijs abhorrebat: professus, non extraneis conscientix momenta sui muneris partes, curasque extendi. Qua quidem agendi ratione si Principum aulas eiusmodi religiosi viri tererent, non ad eò profectò eorum fama, communisque Sacrorum Ordinum exislmatio laboraret. Igitur, fundatum non

Neapolitani Pro-
regis de
ea testi-
monium.

ita

ita pridem Sanctorum Apostolorum coenobium, dum regeret Capycius Galeota, festa quadam die, ed adiit Prorex, vt diuina inibi vsurparet mysteria, honestaretque sui præsentia ea templi rudimenta. Benculentiam verò vt cumlaret, dimisso famulatu, excipi citra scenam, ac pompam communi, frugalique mensa voluit. Inter epulas familiam contemplatus, oculos in Francisco Olympio ita defixit, vt nomen, patriam, genus, mores, consilium capefendæ Sodalitatis, aliaque de eo permulta edoceri singillatim, atque accuratè voluerit. Aderant quidem in ea potissimùm iuuenum classe, quos cùm sua, tùm suorum virtus nobilitabat: nempe Basilus Pignatellus, Lauri Marchionis, ipsiusque Proregis amicissimi filius, postea Aquilanis Intulis, cohonestatus: Antonius Grifonus, qui, mutatis nuper stipendijs, è Belgio in Religionis castra inuolauerat: Ioannes Baptista Castaldus, qui Neapolitano in Gymnasio iuris prudentiam publicè multa cum laude docuerat, alijque, præcipui sanguinis. Hos omnes, audito vix nomine, præterijt Prorex, ac ceu vinceret minores ignes grandius, ac clarius quoddam sydus, visus in Olympium totus incumbere; captus, videlicet, insigni modestia, ac pietatis indole, quæ vultum, atque oculos, humi deiectos, mirificè implebat, commendabatque.

Egregiæ verò fronti apprimè respondebat ipse animi recessus, atque intima virtus; quæ quanta deindè futura esset, primitiæ illæ spiritus, atque instituta optimis moribus iuuentus indicabant. Visus nanque iam inde primis lineis adumbrare, quod postea natu, ac virtute grandior suis coloribus perfectissimè descripsit. Hinc videre in eo erat id flo-

Exactæ
disciplinæ
ratio.

rentisæui strictiorem quandam sui custodiam; ac censuram, voluntariam corporis afflictationem, mundi, suiq; despectum, abstinentiæ studium, paupertatis cultum, castimoniam, ac pudoris florem, in diuinis rebus commentandis contentionem, in proximos charitatem, religionem, humilitatem, patientiam, quæ nos præsidia virtutum in loco commemorabimus. Disciplinam deindè Ordinis, legumq; nostrarum obseruantiam eo quidem studio arripuit, vt quicquid vel minimùm instituta læderet, crimen duceret. Nihil adèd aut humile, aut incommodum, quod non alacri, ac paratissimo obiret animo. Stata orationis tempora nunquam non aliqua appendix cumulabat. Choro veluti ad delicias assiduus aderat. Et nocturnam quidem psalmodiam, à qua vel seruantissimi quique legum quandam sibi identidem ad spiramentum aliquod vacationem indulgent, ea ipse contentione obire instituit, vt per annos omninò quadraginta, & eò amplius, nunquam à matutinis ijs laudibus abstinerit: coactus nempe neruos subindè remittere, fatiscantibus à senio, ac valetudine corporis viribus. In reliquis Instituti moribus prorsùs nihil in eo desideraueris: in tractatione sacrorum mundissimus, elegantissimus: cultus vestium, ac cellulæ suppellex intra votam inopiam: in silentij obseruatione, recessuque citra publicorum munerum fraudem plane strictior: cum templum, cum domus conuerrenda, eo puluere sordidari honestissimum perindè, ac religiosissimum putabat: denique quæ fuit in adultor iam viro disciplinæ maturitas, florere præmaturè coepit in iuene.

Literarum studiis, quæ firmamenta Ordinum
sunt,

sunt, ac præclara actuosæ virtutis instrumenta, in-
 formari quidem Franciscus cœpit maiorum iussu;
 neque tam sterili solo committisemina videbantur,
 vt labores, atq; eruditionis spes falleret ingenium. A studiis
seriatur.
 Verùm, quòd vellicari mox scrupulis plus nimio
 contigit, atque abriperent à literarijs exercitatio-
 nibus molestissimæ cogitationes animum, abrum-
 pi scholas oportuit. Etsi ab eo, quo iam teneba-
 tur, diuinorum studio literarum ardor, ac gustus
 ita elanguisse videbatur, vt gymnasia, in quibus nō
 doceret diuinus amor, fastidiret. Certè Deus ipse,
 qui ad sanctiorem quandam, purioremq; sapientiã,
 atque ad optima in partem Franciscum destinaue-
 rat, ne distrahi contingeret, corrupto veluti cœter-
 rarum scientiarum sapore, ab ijs auellere curauit:
 voluitq; vt in animorum quæstu ea illi adiumenta
 literarum famularentur, quas orando, ac contem-
 plando didicisset. Et verò cœtera rudis, sapientissi-
 mus à Christi academia videri potuit; ineratque lu-
 men, ac vis mentis supra voluminum eruditionem:
 adeò vt plerique viri principes, & illum in rerum
 grauissimarum momentis consulerent, & euentu
 deindè consilium, ac sapientiam probarent. Audi-
 tus item aliquando de quibusdam diuinorum arca-
 nis eo quidem acumine, atque vbertate ingenij lo-
 qui, vt non facundiùs, aut doctiùs è superiore loco
 vir quispiam eruditissimus disseruisset. Testantur
 id viri docti, quos occupauerit libenter hîc stylus; vt
 quo eruditionis genere instructus Olympius fuerit,
 agnoscat statim Lector. Vico Aequensi Neapolim
 soluerat, securus quidem sui, ac pelagi. Sed quæ
 ieuitauerant crispantes vndæ, excitata subita ven-
 torum tempestate, euerti, turbarique mox cœpere.

Sed diu-
nitus sa-
piens

Cauendum matu:è duxere nauæ: & qui Neapolim cursum intenderant, Stabias flectere, capto ex re consilio, cogitarunt. Stabijs diuertere ad Societatis Ieu Patres Olympius voluit. Nouerat laudatissimos Instituti mores, atque in religiosos hospites humanitatem: exceptusque in eo Collegio omni officiorum genere fuit, effusa obuiam ad Olympij nomen familia. Tùm, quòd probè scirent Patres, nihil ad Dei Serui aures, gustumque accidere gratius possè, quàm si sermones de prijs rebus sererent; institutæ iucundissimæ eiusmodi colloquutiones.

De Diua
Virgine
sine labe
concepta
copiosè
loquitur.

Cumque Duæ Virginis sine originis labe conceptę instarent solemnia, ijsque celebrandis Neapolim Franciscus contenderet; de hac potissimum magnæ Matris prærogatiua loqui coeptum. Quam ille nactus dicendi materiam, non quidem cunctabundus, ac tractim, vti literarum rudes; sed perindè ac si in sacræ Theologiæ spatijs versatus diu esset, copiosè, ac peracutè, styloque etiam, qui à sententiarum pondere, atque ab ipsa notione verborum aliquid supra scholasticum characterem indicaret, argumentum explicauit: planè vt affirmauerint, qui aderant, viri eruditi, tantùm doctrinarum in medium attulisse, quantum afferri ab exercitatissimis ingenijs minimè potuisset. Abundè, scilicet, in diuinæ dilectionis Athenæo, ac schola orationis erudiuntur piorum mentes; vt dixerit vir ille à Franciscana Familia verissimè, vel despicatissimam vetulam, si amare didicisset, scire potuisse, quantum Diuus ipse Bonauentura, hoc est, sui æui in doctrinarum laude summus, sciuisset. Et suppetunt quidem insignium præsertim foeminarum exempla, quæ cùm nullis vnquam literis operam

auassent; ea tamen de Deo, diuinisq; rebus afflatu Numinis dictauerint, ac scripserint, quæ ab argumenti sublimitate, granditateque dictionis litterarum etiam captum fugiant.

*Sacerdotio initiatur, & in re diuina
facienda religio.*

Cap. V.



QVOD magnoperè ad spiritus incrementa, vitæque, quam instituerat, progressionem Franciscus optauerat, id erat, sacerdotio insigniri: gnarus, eò se coelestium munerum affusione vberius, ac liberalius irrigandum; quò propius ad boni fontem, ipsamque Diuinitatem eo sacri Ordinis gradu accessisset. Die Februarii mensis quinta, & vigesima voluentis anni octogesima quarti supra sesquimillesimum inauguratus; qui exquisitis se se religionibus, ac per plures dies ad id dignitatis comparauerat, visus incredibilem pietate, animique in primis modestia, humilitateque suscepisse. De Dei amicitia, ac beneuolentia nihil supra deprecari posse, existimabat, quàm homines prouchi vsque ad aras. Missam nunquam subindè nominauit, quin sanctam, aperto etiam capite, appellaret. Illam bonorum omnium scatebram: illam præsidium, ac solatium sui: illam denique in vitæ aduersis certissimum sibi per fugium esse, passim affirmabat. Immolandi quotidie morem quo ardore, studioque arripuit, e deindè constantia retinuit: nisi cum affigeret lecto grauissima

In sacri-
cando re-
quē reli-
giōsus, ac
si equens.

inualetudo, sacro nunquam abstinuit. Imbecillitas, lassitudo, languor, itinera non ea erant, quæ quotidianam litationem abrumperent. Intra quadraginta annorum spatium, ex quo primam Deo hostiam libauit; cessasse bis contigit: semel cum Vico Aequensi Neapolim traiceret, adspirantibus lentè contra votum, ac spem auris, quæ cymbam impellerent, elapsoque per eas moras sacrificandi tempore: iterum probandæ Viri virtuti, sic iubente moderatore; apud quem frustra conniti multorum officia, ac preces visæ sunt, ne tam seuerè, tantoque cum vulnere pietatis cum eo ageret.

Opus verò longè diuiniissimū cū sit, peractum semel in Cruce Sacrificium, incruentam ad aram repetere; in id maximè neruos contendere videbatur Olympius, vt quæsitissimo se se cultu ad illud appararet. Veteri Sacerdotio vmbra tantæ rei contigit. Hircorum iugulum, ac fibras cultro petere, eorumque fœdari sanguine, hoc priscae religionis munus: quod tamen qua munditiæ, cultuque corporis, quibus lustrationibus, quo firmatum splendore implerent Sacerdotes, nemo non nouit. Nobis veritas ipsa, & lux, hoc est, immaculati Agni Dei sacrificium cū sit; qui mentis candor, qui flos castimonie, quæ inesse morum, vitæque innocentia, ac pietas deberet; aut quo non solari radio puriores esse manus oporteret, quæ diuina hæc mysteria, ac iugulatum mysticè Numen pertractant? Vt quanta maxima posset animi munditiæ, atque ardore spiritus ad aram accederet, in eiusmodi apparatu totus erat Franciscus. Præibat rerum cœlestium contemplatio, idque non perfunctoriè, ac raptim, sed per plusculas horas: vt & incalesceret
vehe-

vehementer ab igne, quem meditatio euentilabat ; & hausto diuinitus lumine , inclaresceret simul mens à diuinorum commentatione : adibatque ad immolandum cum supernè collustratus, vt eius vicitimæ pretium, dignitatemque agnosceret ; tum intimè inflammatus, vt suus etiam ignis incenderet holocaustum . Summo deindè animi nitoris puritatisque comparandæ, conscientiam sacramentali confessione quotidie procurabat, ea vi doloris, internique sensus significatione, ac si palmaris aliquis criminis reus esset ; aut in castris improbitatis stipendia, veluti Matthæus aliquis, aut Magdalenæ diu meruisset . Hoc nempe potissimùm decere illibatum hoc sacrificium Vir innocentissimus putabat : nempe, haud fœdare, & tergere ; vt par immaculatæ Hostiæ Sacerdoti nitor contingeret : Porro quòd nonnisi accersitus celebraret, accersitus verò ne quid moræ obedientiam delibaret, illucò accurreret ; accidit, vt vocauerit semel ædituus, cum is non dum noxas de more eluisset . Conflitari hinc obedientiæ legibus, hinc studio purioris conscientiæ visus est . Quid igitur palmam obedientiæ detulit, aduolauitque ad eam vocem . Sed dum iret, iuniorem quendam ex nostris Clericis offendit . Nec mora : pectus illi raptim, ceu confessorio aperuit, euulgauitque utcumque labeculas ; ne omninò tacuisse videretur : quo quidem visa deleuisse obedientia, aut humilitas, dum ad Clerici pedes procumbit, quod non expiauerat poenitentia .

Olympi)
In cele-
brando
puritas ;

Hac animi puritate, cultuq; ad aram accedens, fieri minimè poterat, quin incredibili quodam affectu, ac pietate litaret . Planè, quæ intimè arderet deuo.

Et in vul-
tu ipso
pietas,

deuotio, veluti non caperet illam pectus, exundare in vultum ipsum videbatur: adeò vt mutari insolita quadam supra hominem specie, atque abire in vultum Angeli eius ora, contingeret. Id quod tùm maximè euenire consueuerat, cùm sublatum manibus Eucharisticum Christi Corpus, adorandum de more ostenderet. Videre tunc planè erat, affusa coelesti quadam faustitate, ac gratia, veluti radiare Viri faciem. Dicebatque confessarius, si pingere Olympium vellont, non aliàs exprimi opportuniùs eius vultus potuisse, quàm quo tempore ad aram faceret: nempe cùm illos impleret, venustaretque religio, ac sua etiam adderet lineamenta diuinus amor. Ardor hic porrò, ac diuinorum gustus in piissimo Sacerdote, vt vehementer malum demonem æstu quodam inuidiæ cruciabat, ita is abrupti illum, aut remitti, pro viribus conabatur. Planè, vt sua cuique est ærumna, & cruz, scrupulis diuexabatur Olympius: idque illum præcipuè sollicitum, anxiumque habebat, ne dum sacris operaretur, aliquid fragmentorum porrò auolaret, excideretue, aut aspectum fugeret eum tanti mysterii iniuria, ac dehonestamento. In iis proindè colligendis plùs solito immorari: accuratè anquirere, ac peruestigare: tùm si quid dubii oboriri contigisset, angi supra modum, torquerique vsque ad animi deliquium. Ob id cauerant Patres, ne extradomum, nisi cùm præcipua, aut Principum, ac sacrarum Virginum pietas posceret, celebraret; ac tùm quidem aderat sacrificanti cautus aliquis sacerdos, qui tempestiuè dubia, scrupulosque dissolueret: vti in regio Prætorii Sacello Neapoli accidit. Nam postquàm Lemensium Comitem Pro-

regem,

Et scru-
puli,

regem, atque ornatissimam coniugem inter rem-
 diuinam sacro Christi Corpore refecisset, atque in-
 censum seruorum Diuæ Virginis transcripsisset, vel-
 licari dubio coepit, ac maximo perè vereri, ne cali-
 cis labro fragmentum adhæsisset. Visum turbari à
 fundo pectus: adeò vt quam coeperat ab ea piorum
 Principum religione voluptatem, absorbuisset pror-
 sus omnem præsens tristitia, videri posset. Sed ad-
 fuit opportunè socius; testatus, nihil se diuinæ men-
 sæ reliquiarum, accuratissimè licet inspexerit, de-
 prehensisse: quo ille tranquillari visus. Exercen-
 dæ viri virtuti, & vt suæ etiam essent in cœlestium
 deliciarum pelago procellæ, ac syrtes; permittebat
 hos animi æstus diuinum Numen. Sed inferno de-
 moni, qui eisdem intendere motus animi, ac pera-
 cres cogitationes curabat, alia mens erat: nempè,
 vt dum is scrupulis exagitatus, secum ipse in sinu
 disceptaret, interturbata animi attentione, languo-
 sceret interim deuotio, atq; ardor ipse diuinæ cha-
 ritatis remitteret. At enim qui molestissimum
 ærumnæ genus æquo animo ferebat Franciscus, vt
 nihil de interiore affectu, studioq; pietatis detractum
 ibat; ita aliquid ab insigni tolerantia in sui profe-
 ctum deriuabat: meruitque aliquando, cùm maxi-
 mè fluctuaret, vt non sine singularis cuiusdam be-
 neuolentiæ significatione adesset præsentī ope Deus
 ipse. Illud hic non dissimulauerim. Rem diuinam
 in sacrarum Virginum monasterio, cui à Sapientiâ
 nomen, dum facit; aduertit, alteram pallam, qua
 nos Theatini homines ad commodiorem in colli-
 gendis præsertim fragmentis vsum ex vetere nostrati-
 uū consuetudine, ac summorum hominum appro-
 batione vtimur; haud quidem simplicem, ac laxam,

Inter rē
 diuinam
 adest eius
 scrupulis
 Dei boni,
 etc.

uem, vti moris nostri est; sed pinnulis elegantē ad oras distinctam, atque adeò retinendis intra minuta illa acus opuscula fragmentis, dum excuterentur, obnoxiam. Pulsari intimè, discruciarique vir in eius potissimùm rei cura delicatior: idque eò vehementiùs, quòd morari, aut mutari pallam, integrum, cœpto iam sacro, non esset. Ergo nil reliquum, quàm compositis iis animi fluctibus, poscere à Deo opem, ac pergere. Mirum sanè dictu: Panem vt ritè consecraret, manu dum tenet, animaduertit, pallam, quam exornatam modò viderat, pinnis, omnique operis elegantia omninò expertem. Solitudinem excepit admiratio: gratelque Deo habuit, quòd quæ motum animi concitauerat operosior palla, hæc eadem mirè composuisset, exuto ornamento, & cultu.

Eiusmodi verò diuinæ beneuolentię argumentis, aliisq; in missæ sacro dignatum deliciis persæpè fuisse, qui tanto ardore spiritus, atque intentissimo mentis studio celebrabat, talicè sibi quisque persuaserit. Verùm quòd hæc semotis arbitris, atque intra velum, cœlo tantùm teste, euenere, obruit suis tenebris humilitas. Illud non latuit, angelos aliquando litanti ad sacram aram non modò adstitisse, sed insolito quodam obsequij genere ministrasse. Id quod explicauerim alibi opportuniùs.

Ad eius
Missæ sa-
crificium
concur-
sus,

Hæc eius porrò ad aram religio vel ab ipsis Sacerdotij rudimentis manare in vulgus cœpit: accurrebantq; certatim omnium ordinū homines, vt litan-tem cernerent, vsurparentq; ab ea manu mysteria: quod viro modestissimo oppidò molestum: cogitauitque tūm quidem de commutando domicilio, vt eam mortalium celebritatem abrumperet. Gliscen-

reverò in dies sanctum novæ fama, incredibile planè dictu est, quò tandem concursus excreverit. Cùm ad sacrum faciendum prodiret, sacris licet vestibus induto, innumeri penè se se obijciebant: prentare, insufurrare aliquid ad aures: hi stola, hi brachio detinere: eademque deindè, abloluta litatione, in Sacratio frequentia, eius opem, precesque implorantium. Quocirca decrevere tandem Patres; laboranti adeò Viri humilitati consulere: iussusque in sacrarij sacello, quò haud perindè facilis multitudini aditus, sacris operari; ac nonnisi in Conceptæ Diuæ Virginis solemnij, aut cùm matrona aliqua princeps summis id precibus pietatis ergo postularet, publicè celebrabat: ac tùm quidem compleri templum, atq; æstu quodam effervescente: & quòd persuaderent sibi, fore ut vberiore cum fructu Christi Corpus ab Olympij manu sumerent, haud iniri eorum numerus poterat, qui ad sacram Synaxim, tunc adirent. Sacrarium deindè, ut nescit impedimenta, ac moras necessitas, cohibere celebritatem minimè potuit; irruebantque impetu quodam, cùm Franciscus faceret. Quapropter quòd senium etiam, ac valerudo effecerant, ut ægrè gradus eundo, ac redeundo emetiretur; interdicto penitùs exterorum accessu, celebrare in domestico superioris domus sacello, oportuit.

Nec sanè mirū, ea mortales frequentia accurrere, ac preces efflagitare, cùm celestem Deo hostiam Olympius immolaret: quando scirent, efficacissimū quidem ex se sacrificium, addi nihilominus ab eius pietate, ardoreque animi non minimū efficacitatis: ut facilè sibi quisque persuaderet, fore, ut quo ille immolando posceret, impetraret. Et ipse

Nihil mis-
sa effica-
eius.

met nihil missæ sacro actuosius, nihil ad beneficia,
opemque Numinis obtinendam opportunius pu-
tabat . In arduis præcipuè hanc sacram anchoram
deprædicabat : tùm, si qui preces à se postularent,
missas, aiebat, celebrandas curarent : inde com-
moda existere, inde mala, atque ærumnas depelli .
Id semel Capuanæ Ciuitati accidit . Premebatur
plerisque Vuallonum cohortibus, quæ inibi, atque
in circumiectis proximè pagis in hybernis detine-
bantur . Gens ea est ab Italogum moribus non pa-
rum sanè dissona : indole, cultu aspera ; augebatq;
naturæ impetus, ac ferociam castrensis licentia . Hi
pleraque vltra ius, fasque vltrò admittere : nihil in
foro, aut domibus tutum : placuisse, abstulisse erat,
iniecta manu, ac vi . Hinc passim turbæ, ac rixæ,
ac nihil propius, quàm vt laceffiti quotidianis in-
iurijs populares, arma vnanimi conspiratione con-
clamarent, imbuerentque Urbem mutuo cruore,
ac cædibus . Igitur petendam diuinitus opem rati
Magistratus, Franciscum Olympium, gentilem
nempè suum, compositis ad eum literis, appellant:
quo res Capuana loco sit, exponunt: tùm præsen-
tem, tùm maximè impendentem ab Vuallonibus
calamitatem vt fufis ad Deum precibus auertat, ro-
gant etiam, atque etiam . Ad hæc Ille : æquo ani-
mo essent : darent operam, vt ad Mariani Rosarij
numerus, honoremque ter quinquies Missarum
sacrificia celebrarentur ; ac tore, vt affulgeret Dei
bonitas, ac publica Ciuitati faustitas . Quod quidem
ita affirmauit, vt congeminatis quibusdam etiam
verbis, spem faceret omninò certam . Nec mora :
receptæ offerri victimæ: vbi ventum ad quartam
decimam, nec facessere eam hominum colluuiem

Capuanæ
Vrbi sa-
crificijs
occurrit.

cernerent : addubitare vehementer Capuani , ac penè opem desperare . At enimverò peractò vix , quod supremum erat sacrificiorum , quinto decimo , ecce tibi Neapoli nuntius , qui Vuallonum copias euocaret : quo quidem defuncta Ciuitas est eo metu , ac malo . Gratulatus sibi nimio quidem opere successum Magistratus , Francisco , qui sacra imperauerat , ac eorò etiam prædiuinauerat , acceptum beneficium retulit : ac re publicis tabulis ad æui fidem consignata , eius etiam literas asseruari in Urbis tabulario voluere . An verò in ipsiusmet Olympij sacrificijs ingentem Neapolitani spem collocarent , præter concursus , quos modò diximus , illud etiam testatur , quòd afferri passim ad eius missam solebant indumenta , vela , amuleta , pia donaria , aliaque id genus , quæ postea pietatis ergo , ac recuperandæ , tuendæque incolumitati gestarent . Et adibant noui etiam Magistratus , qui togas suas , nempe vt auspicatò induerent , & sui officij , iustitiæque partes incorruptè administrarent , consecrari ab Olympio postularent , Hæc ille omnia , dum sacrificium obiret , fisti ad aram volebat : precabatur interrim , vt ea cœlestis quædam virtus afflaret ad presidium , tutelamque eorum , qui postea vterentur : vbi autem sacrum expleuisset , eodem vestitum apparatus legitimis precibus , ac ritè consecrabat . Quæ quidem quotidie contingebant : insumebatque in ijs tempus planè non modicum : cui adde subindè moram ab insigni , atque accurata religione , qua se ad id præclari operis comparabat , litabatque : tum à senio , atque à corporis imbecillitate tarditatem (nam perquàm lentè agere , atque interspirare identidem oportebat) subducta ratione , ternas

Neapolitanorum
in Olympij sacra
studium ,

circiter horas eius missa perdurabat.

Laborare hic administri patientiam, facile erat. Quis enim sine tædio per id temporis spatium operam sacrificanti commodaret? Quocirca vehementer sollicitum ipsa sua prolixitas habere Virum modestissimum poterat: veritum, ne absterri ea mora socium contingeret, aut non adeò alacriter inferuaret. At enim occurrit opportunissimè huic molestiæ diuina bonitas, quo maximè tempore accisæ nimium vires, atque ætatis infirmitas trahi in longum litationem cogerent. Annos siquidem ante eius obitum, omninò decem Clericus quidam ex nostris ea illi alacritate administrare instituit, vt sacerdotio postmodum initiatus, abstinere ab officio noluerit. Fuit is Franciscus Pepolus ex illustri cum primis gente Bononiensis: dignus planè, qui raptim hic saltem memoretur ea potissimum de causa, quòd mutatis vitæ rationibus, & aliâ veluti in scena, personam induerit, & euaserit omninò alius: vt dici de Francisco Pepolo optimo iure possit, quod de Sylla Valerius Maximus affirmauit: nempe quòd ita à se mutatione morum recesserit, vt non vnus, sed duo fuisse Pepoli videri possent. Etenim antequàm daret Religioni nomen, si Alphonsum Comitum (sic nanque appellabatur) inspicias: nihil illo ab insita indole, aut solutius moribus, aut ita immanius. Præfacto, ac peracri vir ingenio ferro, ac cædibus gaudere: quicquid est citra Padum Cisalpinæ Galliæ, totamque penè Flaminiam terrore compleuerat: interminari, vlscisci, miscere omnia: exulabatque à plerisque vrbibus, ceu publicæ tranquillitatis, ac non vnus criminis reus. Remisso deindè rebus humanis nuntio, nihil

Franciscus Pepolus describitur.

eo religiosus, modestus, mitius; reseditque ardens
 nimium indoles, veluti Alphonsus ille non utcum-
 que abdicasset, sed vivere penitus desisset. Ordinem
 Genue iniuit peculiari quodam instinctu Numinis. Illatam siquidem sibi à viro quodam iniuriam, arbitratus, ut erat in eiusmodi animi motibus
 æquè impatiens, ac vindex, eò efferbuit, ut incendere viri villam decreuerit. Ergo noctu vim nitrati
 pulveris ad id excidij eò attulit: at domum igne
 absumendam dum quærit, etsi quàm diligentissimè
 peruestigaret, nusquam ea occurrit domus; quoad
 sub primam lucem, cum abijciendum co-
 silium fuit, ne detegi facinoris auctorem contigisset,
 ob oculos fuisse ædes aduerterit, quas minimè
 viderat. Quo quidem moneri diuinitus censuit
 præposterae suæ mentis, morumque licentiæ; ac statu-
 tuit tùm quidem, suscepto religionis consilio, pro-
 ram obuertere, atque alijs se se ventis permittere.
 Quòd autem notæ vir indolis, qui omne æuum
 ferro triuerat, haud facile sacram aliquam familiam
 reperisset, quæ exciperet; id omni ope contendit
 Alexander Cardinalis Estensis, Theatino nomini
 addictissimus, cui ille perfamiliaris, ut inter nostrates
 adoptaretur. Tyrocinium, in quo maximè
 emolliendum ferox ingenium, frangendique natu-
 ræ impetus fuere, insigni cum laude pietatis, regula-
 risque disciplinæ studio posuit: vitus profectò ex
 spirante minarum, & cædis Saulo in Paulum eua-
 sisse, atque à simultatibus, armorumque usu præ-
 ferendum spiritum ad Dei charitatem, atque exer-
 citamenta virtutum traduxisse. Nuncupatis votis,
 Neapolim in Sanctorum Apostolorum cœnobium
 Maiorum nutu concessit, libens quidem, ac volens

co nomine, quòd inibi Franciscus Olympius moraretur: atque eam sibi statim demandari prouinciam petiit, vt quotidiano Serui Dei sacrificio ministraret: quo quidem in munere nunquam visus, aut mora temporis lassari, aut languescere fastidio: quin Sacerdotio, vt innuimus, insignitus, quo tempore defungi Clericos nostros eiusmodi ministerio contingit; non ipse abstinuit; continuauitque sacris etiam subindè confessionibus admotus, ac vocum suffragio cohonestatus, cum canescerent item ab æuo tempora: ac dicere solitus erat, se quidem pluris facere Olympio in re diuina ministrare, quàm quicquid gradus, honorisque consequi in Ordine, aut foris posset. Obiit is quàm religiosissimè in eadem domo; sequutus intra annum amantissimum Patrem; nempe vt coelo etiam, si fieri id posset, facienti ad æternam eam aram Sacerdoti suo perpetuus minister adesset. Hactenus de Francisci Olympij in faciendo sacro apparatu, cultuq; religionis: reliquam eius aduersùs sacram Eucharistiam obseruantiam in loco exponemus,



*Tyrociniū præficiunt, eiusque administrandi
modus, & ratio.*

Cap. VI.



O statim regularis obseruantie studio, ac vsu præstare aliis Franciscus visus est, vt in ipso iuuentæ flore idoneum reputauerint Patres, quæ formandis aliorum moribus admo- uerent. Enimuero quod nonnisi

Tyronū
procura-
tioni ad-
mouetur.

veteranis, & qui in religiosæ disciplinæ castris stipendia diu fecerint, tribui munus solet, nempe Nouitiorum procuratio, ac regimen; datum illi planè maturius, renunciatusque Magister est vix Sacerdos. Quo quidem Maiorum iudicio nullum luculentius de eius morum præstantia testimonium: veluti flauesceret id ætatis aurea in eo virtutum seges, cum illam suo in flore vix adpromitterent alii. Magni quidem momenti in sacris Familiis semper fuit tyronum educatio. Hinc robora, ac firmamenta Ordinum: hinc in Sodalitatum corpus, ac membra sanguis, color, sanitas: nempe si Institutis, moribus, pietate probè informentur adolescentes: si secus, exitium inde, ac pestis, crescitque soluta iuniorum indoles ad commune Ordinis malum. Eapropter præcipua apud religiosos viros cura ea est, vt in spem egregiæ disciplinæ excolatur quàm studiosissimè nouitia hæc soboles. Excolitur autem potissimum periti Magistri artibus: magna quippè disciplinæ pars, optimum Rectorem contigisse. Qui quidem emineat ipse primùm innocentia morum, atque

Quæ Ma-
gistris par-
tes.

In digno
scenda
indole
solertia.

atque opinione virtutis, necesse est: Frustra enim imprimere in aliorum animis magister contendet, quod ipse prius non expresse-rit eximia vitæ probitate. Post pietatem, ac mores peritia accedat, tractandorumque animorum usus. Compertum si quidem est, plerisque præclara licet adiumenta, virtutum insint, si illos experientia destituat, ludi operam: ac nihil vnquam frugis ab herbescente tyronum virtute extitisse, si in eiusmodi moderatoris imperitiam inciderint. Perneccelsaria item mentis quædam solertia, vt nouitiorum genium, naturæque propensionem, ac vim dignoscat. Alia quidem indoles alia fingi ratione postulat. Ingenium huic facile, ac sua sponte it, quò trahitur: lentum illi, ac stimulis excitandum. Hic præparci, angustique animi: audentior ille in arduis capelsendis, ac quætæcumque virtutis capax. Actuosior alius; alius contemplationis, ac recessus naturæ cupidus. Cum his non vnus, idemque agendi modus, ac ratio adhibenda: pro captu, animique habitudine informandus quisque est. Nam & diligens agrorum cultor, vt non omnis tellus fert omnia, pro soli genio semina, fruges, arbores terræ mandat, vt proueniant. Idemque de nouitiorum dicendum vitis, quæ cum cætera naturæ indole è fertilissimo noxiis eiusmodi herbis seculo in tyrocini-um asportant. Alius alio laborat malo, extirpanda à singulis singula; sed discriminatim, diuersisque planè artibus. Exper-cto igitur, erectoque ingenio Magister sit: vt opes naturæ omnes, vires, propensiones, vitia, & quæ maximè in fundo latent, peruadat, exploretque; nempè vt suas cuique virtutes inferat, sua euellat funditùs vitia. Ad hæc, sit & animo,

animo, & aspectu grauis, vt reuerentiam incutiat
 intuentibus. Oris verò speciem, rigoremque tem-
 peret comitas: ne ab adducta nimium fronte in-
 metum degeneret reuerentia. Id nanque in edu-
 canda sobole cum primis cauendum Parentibus, ne
 nimius timor plumbeos efficiat filios, quos beneuo-
 lentia, ac amor aureos facit. Charitate deindè
 polleat, quæ patiens, ac benigna est; & qua ferre,
 atque emendare studeat, quas secum afferunt pra-
 uas consuetudines Nouitij. Reputet nanq; secum
 ipse, necesse est, rudes, informesque, veluti ad quan-
 dam officinam expoliendos, eliminandosque accede-
 re: completi propterea illos, par est, ac tolerare
 vitia, vt corrigat: quodque magnoperè ad forma-
 tionem morum facit, attemperare se eorum indoli
 debet, ac fieri omnia omnibus, & quandoque cum
 pueris puer ingenio charitatis. Quod ad corporis;
 animique afflictationes pertinet, doceat quidem
 internis, externisque rigoribus assuescere; Sed suus
 sit ijs modus, ac laxamentum, ne valetudinem de-
 libet intentea nimium asperitas. Æquè præfertim
 omnes amet, omnibusque prospiciat Magister: non
 hunc molliùs, illum seueriùs habeat: lædit quippè
 vniuersos singularis eiusmodi affectus. Si quid ve-
 rò operæ, ac laboris nauandum; præluceat ipse pro
 viribus facem, vt incendat, subdatque exemplo sti-
 mulos. Virtutes item neque magnificè ostendet;
 sed neque omninò abscondat; vt non modò præ-
 cepta, ac monita tyrones audiant; sed & præclaros
 actus videant, vt imitentur. Ad extremum is sit
 Nouitiorum rector, qui ita curet magna, vt minuta
 minimè negligat: ita eorum animos fingat, vt ex-
 ternum etiam hominem, vultum, incessum, gestus

Mixta se;
 ueritati
 comitas;

componat: ita sibi vacet, vt curas suas omnes tyro-
num profectui voueat: ac meminerit, sibi deindè
adscribenda, quæ illi peccauerint: quod Philoso-
phus ille, magnoperè laudatus ostendit, qui, exer-
rante ephebulo, non illi, sed præceptorì alapam im-
pegit: veluti plectantur meritò Magistrì, quicquid
delirant adolescentes.

Olympi)
in regen.
dis Noui-
tije pru-
dentia,

Exemplo
præit.

Atque hæc, quæ generatim, ac leuiter duximus
lineamenta, videntur planè Franciscum Olympium
in procurando tyrocinio ad vnguem descripsisse.
Ætas illi quidem intra iuuentam, grauissimo mu-
neri impar: sed quam excellenti quodam genere
solertia, atque exaggerata quadam virtute abundè
suppleuit: vt afluētus longo vsu eiusmodi magiste-
rio, factusque ad aliorum disciplinam videri posset.
Illud princeps in eo studium, vt exemplo præiret,
sanciretque opere præceptiones. Hinc labores non
modò vnà simul obire; sed occupare strenuè. Quas
adprobare tyronibus, atque inserere virtutes vellet;
curabat, arrepta non segniter occasione, vt illas
exerceri à se priùs cernerent. Egressus aliquando
domo cum Nouitiorum classe pomeridianis horis,
vti moris est animi causa identidem egredi, redijt
post Angelicæ salutationis signum: quod cauetur
omnià nostris; præsertim quòd sepòlitum id tem-
poris vespertinæ meditationi est. Ergò monere
subasperè eius moræ Præpositus, ac supercilio age-
re: tùm Olympius, deceptus hyberno sole, excusa-
re licet præcipitem diem posset, noluit: sed coram
tyronibus humi delectus, intimo quodam sensu fa-
teri culpam maluit. Nec satis hoc illi: nam, vt con-
fessario postea denarrauit, vellicari vehementiore
quodam morfu sensit, quòd non se grauiùs, atque
cla-

clamoribus accusasset : nempe vt reliqua etiam domus audiret admissam à se noxam, ac facinus. Quí nanque alumnos suos ad humilitatem, sui que maximè despectionem componere contendebat, id perficere planè efficacius documento sui curabat. Ille verò opportunus adeò in teneræ eiusmodi indolis formatione, quem modò diximus, seueritatis, ac facilitatis nexus, dici vix potest, vt viri prudentiam commendaret. Nihil eius vultu grauius, nihil deindè gratius, atque ab insita quadam serenitate, hilaritateque iucundius. Consona fronti verba, nunc aspera, nunc byssina pro tempore. Ita increpare, vt ipse in corrigendo rigor placeret. Negare ad exercitium virtutis : tùm benignè annuere : nec deerat comitari suus ad incitandum stimulus. Æstiuis caloribus cùm maximè diuexaret sitis, aquã aliquando si peteret æstuans pubes ; negabat dura fronte : vbi eo renutu aliquantisper eorum tolerantiam probauisset, afferebat ipsemet placidissimo vultu frigidam. Quidam ex tyronibus, quòd nunquam externam eius oris speciem mutari, ac nihil in eo præferuidum cerneret ; destitutum neruis, atq; acrimonia virum putauit : atque adeò nihil ab nimia ea mansuetudine timendum ; ac quemque exerrare impunè posse, sibi persuaerat. At enim suo statim malo aduertit, latere aculeum, ac suos esse sereno interdum cœlo fulgurationes. Siquidem cùm nescio quid culpæ, quæ leuis videri poterat, admisisset, sensit mox à tergo increpantem non leuiter : idque non acri vultu, ac voce ; sed occulta, quadam vi, qua visus exardescere blandè seuerus. Atque hac quidem mixtura morum nihil, quod sibi inconcinnum in suis videretur, dissimulabat : nihil

Mixtura
in eo mo-
rum.

omittebat dignum poena , quod non multaret . Tyronum nescio quis , dum extra domum deambularent , licere sibi voluit è vicino horto fœniculum sumere . Nihil quidem hoc damno leuius : at non leue Francisco fuit , disciplinam lædi . Erratum graui obiurgatione vindicauit : neque hac contentus poena , vespere abstinuit ipse tota ferè coena ; vt illatum à Nouitio olitori damnum , sarciret eo pretio . Deprehendit aliquando , qui pium librum legeret innixus muro pedibus : monuit illicò reuerentia , quæ deceret legentem sacra : nec impunè id voluit : iussit nanque , vt nixus genibus , diutius eo corporis habitu legendo perstaret . Quidam itidem ea Diui Bernardi verba : Cella quasi coelum tibi sit : ceu quodam ioco pronunciauerat : audiit ipse ; nec tulit in tam seriis ludi ; damnauitque in vestigio temporis intempestiuus nugantem cellæ , ac solitudini solidum diem . In istiusmodi animaduersionibus , vt pastus tuos non quidem delicatè , sed viriliter , & quibus robur deindè spiritus esset vorandis aduersis , educaret , multus erat Franciscus : alioqui mitissimus , vti significauit , atque adedò blandus , vt subactus . quodammodò , aut dilutus suauissimo quodam nectare charitatis videri posset .

In tyro-
nes cha-
ritas.

Et verò quod ad hanc erga alumnos suos dilectionem attinet , nihil eo studiosius . Ter saltem in die singulos sua quemque in cellula inuisebat : appellare comiter , monere : si quid indigerent , vltro offerre , vltro afferre ; matri protectò similis , si affectum metiare ; si in eorum commodis procurandis sedulitatem famulum diceres , planè expeditum , ac nauum . Aequa deindè lance sui studium , ac operam distribuere . Præter admodum adolescentes , quo.

quorum ætati paulò indulgentior ; cœteros pariter, eodemque charitatis sinu complectebatur. Nul- lum à natalibus, à patria, ab ingenio apud ipsum, discrimen. Eodem omnes patre, ac stirpe genitos, eadem natos patria putabat. Miscet nempe, con- funditque homina, ac genus charitas. Hæc porro indoles indifferens, ac media vel in rebus ipsis, quæ animæ commoda spectarent, inerat illi penè à na- tura. Quo maxime tempore angi scrupulis, ac su- pra modum cœtuare dubijs mentem contingebat, eius conscientiam quidam Confessarius ea solertia, temperabat, ut ad peracres animi sui morsus lenien- dos nihil ille duceret opportunius ; ac dicere soli- tus erat, hominem sibi coelitus datum, rectorem, nempe fluctuantis conscientie quàm peritissimum. Nihilo tamen minùs, ubi is, siue ad experimentum, siue curis alijs districtus, illum monuit, ut alium, cogitaret Confessarium ; non aliquam testari vultu tristitiam visus ; non preces expedijt, ut continua- ret ; sed in ea duntaxat verba respondit : Modò nō Confessarium ipse deligam, quisquis ille fuerit, sci- to, fore mihi gratissimum.

Quæsitissimus deindè rerum ordo, ac distincta, quædam temporum, atque actionum series in eo tyrocinio cernebatur : ut statim diceret, à Sapientis- simo regi. Animorum unio, ac charitas incredibi- lis : certamen de humilitate, ac de virtutum studio erat. Quicquid Magister præcepisset, non modò nullus detrectare ; sed ut obsequentior quisque vide- retur, occupare imperata contendebant. Obedien- tiæ legibus constare maximè Societates ratus, ut hanc potissimum virtutem altè imprimeret, cuncta ab suo nutu pendere, aut confici, curabat : proin- deque

Quid il-
los potis-
simùm
doceret,

deque nullus eo inconsulto, aut inscio aliquid priuatim, publicè agere: sed neque effigiem Diuorum aliquam ex vno in alium cellæ locum trasferre audebat. Quam in suo rectore paupertatem Nouitij cernerent; mirum est, quo studio complecterentur. Ab rasa à cella, à vestibus ad cutem superflua: cui malè factum, ac vetustius indumentum, ille ornatum se splendidiùs putabat. Parsimoniam ijs vsq; adeò ad cor, vt vel ipsa numerarent ellychnij flammam. Si de Ecclesiæ cultu agitur, ac nitore Sacrorum; cerneret, & nihil impensius curare Olympium, & tyrones, eo auspice, nihil nauare studiosius, ac elegantius. Planè in ipso rerum initio non adeò Sanctorum Apostolorum templum sacrû instrumentum, suppellex, symmata commendabant, vti modò honestari, ac penè superbire cernimus: attamen perindè eleganter, ac concinnè exulta ibi omnia, vt citra aurum, ac gemmas, effulgerent quàm splendidissimè parietes ipsi, ac aræ: còque Neapolitana nobilitas, quòd mundissimus inuitaret cultus, & nitor, celebrandis solemnioribus per annum sacris accederet: Nempè religiosa Nouitiorum pubes, præsertim ex Olympij schola in id maximè incumberebat, vt quamuis non opes, ac sumptuosæ ex auro lacinie altaria conuestirent, niterent nihilominus à simplici quodam ornatu, ac studio.

Magiste.
rio fun-
ctus.

Tyrocinia hac disciplina morum diù rexit: impetrauitque tandem, emerito eiusmodi magisterio, missionem. Scilicet, præfecturæ, non adstrictioribus se vitæ rationibus subducere curauit. Nam quod ad studia virtutum, morumque attinet, ita postea agebat, ac si rudimentum spiritus tûm quidem

dem poneret, ac nouissimus tyronum esset. Id illi grandiore iam natu accidit. Marcellinus Oda, Præpositus Generalis, seruantissimus regularis disciplinae vir, dum Sanctorum Apostolorum cœnobij inspectionem obiret; vt florentissimum in ea domo tyrocinium ad magna eniteretur, optimum factu putauit, si Franciscus vnà cum Nouitijs iis ageret; ratus, fieri vix posse, quin inspecta illi cominùs perfectissima virtutum idea, ad earum amorem vehementer accenderentur, Ergo eius consilij virum monuit: qui quidem pristinis se se vigilijs, ac rectioni admoueri putans; angustari ac conflictari sensu non mediocri coepit; verùm vt audiuit, non magisterio, sed contubernio, exemploque se destinari, nimium, quantum exhilarari visus fuerit. Adiit incredibili quadam alacritate locum; tyrocinij leges ad vnguem seruare; quæ Nouitij obirent munia, accurate & ipse obire iam senex; parere, subesse, veluti vnus ex ea esset iuniorum classe: continuassetque in eo vitæ genere, nisi afflicta nimium valetudo, ac frequens virorum procerum interpellatio cursum illum abrupisset. E cuius deindè disciplina quinam extiterint viri pietate, moribus, Insulis etiam conspicij, prolixius planè esset hic recensere. Vnum ad specimen non omiserim, nempe Iacobum de Stephano Neapolitanum, cuius ipse virtutes non adeò icigne in nostris historiis descripsi; fuitque, qui illas Commentario perdiligenter exceperit. Is cum incitatissimos in animorum quæstum spiritus prebasset semper; tandem veluti non caperent Europæ fines magnæ animæ imperus, exhaustis terra, marique itineribus, longè positas Asiæ regiones peruasit. In Orientali Iberia nullum non flagrantissimæ cuius-

Cum Nouitijs ad exemplum versatur.

Iacobus de Stephano ab Olympi schola,

cuiusdam indolis documentum edidit. Christi Euangelium, Romanamque fidem vt disseminaret, ire, redire Apostolicum in morem. Non ardua, montium, non sylvarum horror, ac vastitas abster-
 rere, quo minùs eundo huc illuc consēpultis alta-
 caligine mentibus lucem faceret orthodoxę religio-
 nis: audiuitque meritò Iberiæ Apostolus. Spiritum
 ibi posuit, vbi tot laboribus, ærumnis, vigiliis, pere-
 grinationibus Christiani nominis dignitatē mirificē
 propagauerat. Eius non ita post multò ossa Francis-
 scus Maria Maggus ex nostris, Georgiani & ipse no-
 ualis impiger olim cultor per infinita propemodùm
 locorum spatia, atque incommoda Messanam, vbi
 Viri virtus percelebris, asportauit: exceperuntque
 pios Manes Ciues solenni parentalium pompa, gra-
 tulati sibi summoperè magnum Cinerem; non se-
 cus ac, si is ipse rediisset, qui Urbem olim suam
 egregiis curis, atque eximia laborum contentione
 demeruerat. Attulit & Maggus in Italiam vnā cū
 iis ossibus quandam Sanctissimæ Trinitatis effi-
 giem, rudi quidem schemate, vtpote charta expres-
 sam; sed cui pretium fecerat Franciscus Olympius,
 qui Iacobo dono illam dedit, quo is die Religionem
 iniit. Hanc postea insigni pietate Iacobus coluit &
 compertum habemus, eius ope tūm per Aegæum,
 mare, tūm in Iberia, Perside, Arabia à fluctibus, à
 barbaris, à viarum abruptis ingentia effugisse peri-
 cula. Cuius etiam præsidio Maggus ipse pleraque
 cūm sibi, tūm aliis collata beneficia memorat,
 camque ad quandam decentiam argento exorna-
 tam in honore habet, non sine quotidiano, præ-
 sentique mortalium fructu. Nempè peculiarem,
 quandam illi impetrarunt efficaciam cūm Olym-
 pius,

plus, qui dedit, tùm Stephanus, qui diu coluit; & qui in celebri Francisci schola ad pietatem eruditus, suis deindè moribus ostendit, veluti ex vngue, qua floruisset virtute, quod ille administrauerat, tyrocinium.

Actuosa Francisci vita.

Cap. VII.



ET si in foraminibus petrae, in cauer-
na maceriae, hoc est, in Christi Do-
mini vulneribus, atque in ipso præ-
sertim eius latere, quò se Sponsi sui
voce inuitari intimè sentiebat, com-
morari tranquillissimè, ac procul
mortalibus optabat Franciscus: nihilo tamen mi-
nùs non ita beatissimo Magdalenæ otio ad Salua-
toris pedes sedendo, ac quiescendo frui potuit, quin
spargeret se se ad publica etiam hominum commo-
da cum Martha. Planè auelli à cellulae solitudine,
ac secessu mentis sine graui quodam sensu non po-
terat, quem vultu ipso, tùm gemitu identidem, ac
suspirijs testabatur: vt diceret, nihil illi molestius,
quàm relictis veluti tentorijs, ac vmbra, in solem, ac
puluerem prodire. Verùm ita deindè externis se se
curis permittebat, veluti nihil esset illi iucundius,
quàm vitæ operosioris exercitia, & commune pro-
ximorum bonum. Abscondi, ac sanctioribus ijs
gaudere tenebris, timor profectò is erat, ne in ea,
mortalium luce aliquid caperet detrimenti humili-
tas, afflaretque piorum operum præstantiam noxio
quodam halitu publicus fauor, ac aura.

Operosa
Olympij
agendi ra-
tio.

vbi de salute animorum, de ægrorantium, aliorumque miserabilium hominum siue solatio, siue ministerio agebatur, alacrem nauare operam vir flagrantissimus videbatur. Accurrebantq; passim ex omni hominum censu, qui aut consilium, aut auxilium in rebus difficillimis efflagitarent: aderat ipse omnibus: & qui perparcus alioqui verborum, erat, facundissimus in eiusmodi proximorum necessitatibus videri poterat, ac peculiari etiam vi quadam præditus in tranquillandis conscientijs, ac componendis potissimum animis, aduersæ fortunæ motibus diuerberatis. Et quibusdam antequam æumnas suas ad remedium aperirent, ceu longè antea nouisset, medicinam vltro faciebat: acciditque hoc sæpè, vti in loco dicemus, cùm de superiore eo lumine, quo ad secreta imi pectoris pertingebat, agemus.

In adiungendis verò Deo mortalibus, eorūq; animis procurandis, ac cōmuni in primis pietate amplificanda multus erat Franciscus, si studium, ardoremq; zelj spectes. Nam licet ijs artibus destitutus videri posset, quæ præcipua indipiscendorum animorum instrumenta sunt, publicæ nempè vocis, sacreque eloquentiæ vsu, ac scientiarum præsidij: compensabat nihilominus hæc ipsa eo, quo posset, modo priuatis monitis, quibus maior interdum ad virtutum frugem vis inest. Hæc autem monita vt opportunè instillaret, intentissimus in omnem rei benè gerendæ occasionem videbatur: ac præterea pia quædā donariola elargiri solitus erat; nempè pictas auro, ac minio, quas sua ipse manu effingebat, imagines: tùm grana, ac numismata piacularia, libellos, flosculos, quos Mariana ara consecrauerat,

In exci-
tandis ad
pietatem
mortali-
bus indu-
stria.

rat, atque id genus alia; quæ dum dono daret, accipientes ad pietatem informabat; adhortandoque priuatim, ac cominûs, fructus demetebat planè mirificos, fallente nunquam eloquentia: vt plures ipse de plano, atq; ad aures veluti insusurrando, quàm alij è superiore loco splendidè declamando, Deo, virtutique asseruerit. Narrantur à familiaribus istiusmodi adhortamentis pleraque conceptæ virtutis, ac pietatis exempla. Referam vnum, aut alterum, quòd aliquid habeant admirabilitatis. Stephanus Tironus, honesto vir loco Olympium semel conuenit, rogauitque, vt quando apud primarios Neapolitanæ Urbis Magistratus eximia valeret gratia, iuuaret officijs apud ipsos nescio quid sui commodi. Ille, cui non fluxa fortunarum incrementa, ac bona, sed opes animi curæ erant; oblatam vltro occasionem, iniecta veluti manu, arripuit. Et te, inquit, meminisse, æquum est, mihi Dei seruituti mancipato, æterna duntaxat, atq; animorum negotia cogitanda, aut curanda. Quæ mundus deperit, peritura ea sunt, ac emarcida: & si rectè calculum ponas, irritamenta malorum. Aurum, opes penè è faucibus Inferi erutæ, cò irreparabili ruina animas trahunt diù cruciandas. Ne te fulgor ille amabilis perindè, & noxius diuitiarum capiat: ab ea luce æterna sæpè nox, ac ignis vsque ad perditionem deuorans. Hæc flexanima vi dicendi dum inculcat, percussus horrore, ac metu quodam Stephanus, vehementer tremere, vt olim ad Pauli verba Felix: adeò vt domum reuersus, dum mutatam, pallentemq; oris speciem aduertunt, ac causam familiares rogant: Me miserum, inquit, perij: Interos mihi penè aperuit Olympius ardore

Et sermō
nis vīs,

linguæ : periculum à diuitijs, earumq; curis ob oculos posuit: hinc per ossa tremor, ac consternatio, vt reciprocare animam vix potuerim, perduretque etiamnum metus. Atque hæc quidem admonitio non mediocri quidem emolumento viro fuit. Nam is postea diuinis rebus, æternæque saluti impensius vacauit. Illud etiam notatu dignum. Iuuenis quidam, nostro Ordini addictissimus dare illi nomen statuerat, sed mutata subindè mente, alium Neapoli inijt. Is à lætiore quadam naturæ indole ita suo se genio permiserat, vt laxius viueret, quàm adstrictior sui Instituti ratio posceret: pulsabatque nihilominus animum intima quædam vox, quæ moneri disciplinæ, atque officij sentiebat. Ergo quòd Franciscum Olympium nouerat, conuenire illum, vitæque suæ rationes cum eo communicare ad remedium constituit. Qui quidem apprehensum manu Iuuenem, dum sic illum ad horæ quadrantem detinet, ad suæ disciplinæ laudem, amoremque, ac diuinorum gustum mirificè inflammauit. Enimuerò faslus is ipsediseretè est, quo tempore manum ille detineret, moneretque; ceu fluiuium quendam igneum affundi vberiore quadam vena à brachio ad ima ipsa præcordia sensisse; indeque ardorem concepisse non vulgarem; quo nihil ipsi postea potius fuit, quàm regularis disciplina, morum cultus, ac proximorum salus.

In ægrotos præpropensio.

Sed neque frugiferis in eiusmodi sermonibus, ac monitis visa Olimpij nauitas sistere: opera, ac manu æquè actiuosus. In ægrotos præcipuè inerat illi naturæ quædam propensio; vt in delicijs poneret, inuisere, consolari, inseruire. Semel vt humilitati operaretur, conclaue quoddam domus, vbi è Laicis

eis fratribus aliquot domestica obibant munera,
 ingressus, atque humi deiectus, ex osculari singulo-
 rum pedes coepit: inter quos & valetudinarium
 conspicatus, ac libasse osculis vestigia minimè con-
 tentus, in eius etiam manus inuolauit, prensauitq;
 eo statim elogio: Felices manus, quas decumben-
 tium ministerio mancipauit, deuouitque pietas:
 fouere, atque erigere strata morbis corpora: malis
 ipsis veluti immisceri, ipsasque tractare sordes, hoc
 splendidum, ac non vulgare operis pretium. Et
 verò nihil illi prius, quàm, si qui domi valetudine
 laborarent, perhumaniter adire. Si quempiam de-
 cumbere serò rescuisset, veluti peccasset desidia,
 moræ veniam principe loco ab infirmo postulabat.
 Illos verò inuiscendi hæc potissimum ratio. Inuti-
 lia, & quæ tenus auribus oblectarent, facessere iu-
 bebat. Opportunissimum leuando corpori, atque
 animo pharmacum reputabat, sermones de diuinis
 rebus miscere. Ad hæc, vt à patientia mitesceret
 morbus, tolerantiae laudes proponere. Sedulo etiã
 ministrare, atque eò studiosius, quò foediora, ac vi-
 liora manus prouocarent. Denique quo animi
 sensu id operis obuiisset, vt ostenderet; impressis
 ægrotantium pedibus osculis, abibat. Nempè ne-
 scio quid sacri, ac sancti, aut quædam Christi Do-
 mini deuenerari simulacra putabat, cùm infirmos
 inuiceret, cultumque osculo testabatur. Cum ex-
 teris par studium, sedulitas, ardor. Compertum id
 Neapoli: & quòd nunquam sine fructu Olympii
 accessus; euocare certatim infirmi: putabantque,
 leuamento malis fore vel ipsam duntaxat Viri præ-
 sentiam. Ire ipse labore, aut tædio nunquam fra-
 ctus: ac sæpe dum operam vni daret, accurrendum
 alteri

Eos inuiscendi ratio.

alteri fuit ; vt non adeò interdum facile eſſet , parti-
 ri ſeiſum, ac tempus . Et Moderatoribus quidem
 domus , cùm multi ſimul mitti Olympium poſtu-
 larent, labori, curæque erat non mediocri, morem
 ſubindè omnibus gerere, ac Serui Dei operam , pie-
 ratemque ex æquo diſtribuere . Porro, etiam ſi lon-
 giùs interdum ægri abeſſent ; eòque emetiri proli-
 xius iter, opus eſſet ; pedes ibat, quoad ætas, ac vi-
 res corporis conſtitere . Labefaſtatus doindè ſenio-
 ac morbis, imbecillitatem ſuppleri curru, oportuit .
 Quod illi ſanè moleſtiſſimum , qui faſtum , hono-
 remque omnem, ac non modò ſui commodum, ſed
 eius etiam ſpeciem ſumma ope auerſabatur. Neque
 verò nobilibus duntaxat viris egregiam hanc ope-
 ram nauabat : quo quis pauperior , atque à morbi
 genere miſerabilior, eò libentiùs adibat ; quòd is ſi-
 bi referre Chriſti vultus lineis propioribus videretur,
 Tranſeundum illi perſæpè erat publica quadam
 via, vbi vili in contubernio, ac ſtramento hydropi-
 cus quidam , ac membris captus miſerandum in-
 modum iacebat . Hunc, quoties illac tranſiret Fran-
 ciſcus, inuiſere, ac conſolari, ac munuſculo etiam
 aliquo recreare ſolitus erat . At enim uerò aſtuofam
 eiufmodi aduerſùs ægros virtutem, ac ſtudium nul-
 libi explicari illuſtriùs, ac pulchriùs, quàm in publi-
 cis malorum conceptaculis, hoc eſt , hoſpitalibus
 ægotantium domibus , ac noſocomiis contigit .
 Hæc nempe pulcherrima illi theatra , ac per oppor-
 tunæ ad fortitudinis, patientiæ, charitatis exerci-
 tium paleſtræ : hinc à multiplici corporum clade, à
 miſeriarum Iliade, à morborum illuue vberri-
 ma virtuti ſeges . Adibat præſertim Neapoli Inſanabi-
 lium noſocomium ; aream proſectò eius pietati non
 im,

imparem . Quid hîc excellentis virtutis nauauerit , quid vorauerit incommodi , quid patrauerit miri , quæ dederit flagrantissimi spiritus documenta , dicemus in tempore , cû de Viri charitate sermo erit . Vindicat hunc nempè sibi locum ardens ea virtus , quæ quicquid vsquam morborum , atque ærumnarum est , sui iuris putat . Atquo interim hæc delibasse de operosa Olympii vita , sat fuerit .

Contemplatiua Francisci vita :

Cap. VIII.



EXPLICARE scorsim superiore capite externa Olympii opera , per necessarium duxi ; ne dum hîc contemplationis studium , ardorem , contentionem , assiduitatem memoro , putet quis , totum se illum meditationi , beatoque mentis otio permisisse : proximorum verò curas , actionemque propriam omnem ablegasse . Planè licet non adeò se se parcè mortalium commodis dispensauerit Viri nauitas : nihilo tamen minùs si Olympium cû Olympio componas ; agentem , videlicet , cum contemplante ; illum comperies interiori mentis exercitationi intentum vsque adeò fuisse , vt dicas , aut nullam operosæ virtuti , aut exiguam certè operam nauasse . Visus profectò non tam ad laborem , quàm ad volatum , hoc est , diuinorum commentationem factus . Volatus hic autem illi , vt non sine externi operis , actuosæque vitæ motu , ita generosiorum instar auium fuit , quæ tacito , immotoque penè alarum remigio , ac quodam sui libramento , & quàm

Contemplationi addictissimus Olympius .

tran-

Cōsue-
illi com-
mentādi
spatia,

tranquillissimè, & quàm altissimè ad sydera velificant. Iam verò quantùm contemplationi dederit Del Seruus, hinc planè compertum, quòd cùm horis non ampliùs quatuor, & viginti distinguatur dici, ac noctis spatium, subducta is ratione, octodecim omninò quàm mente, quàm voce orando insumeret: senis duntaxat horis quieti, refectioni, ac reliquo corporis cultui sepositis. Dato antelucanis laudibus signo, statim ad diuina mentem appellere, ac templo insistere vsque ad communis mensæ signum: quo interim tempore, aut facere ipse ad aram, aut aliis facientibus adstare, aut psalmos, hymnosque in Odèò modulari, aut priuatis litare, precibus, ac cœlestia tacitus commentari videbatur. A mensa templum repetebat, quoad silentiū signum receptui de more caneret. Modica deindè quies per æstatem; tùm pomeridiana iterum oratio: hyeme verò exigua à silentiū signo interiecta, temporis mora, vespertinæ horæ ad Chorum reuocabant. His expletis, perstare nihilominùs aliquantisper ad sacram Eucharistiam: tùm cellulam repetere; & aut pereurrentis piis libellis, quod quædam etiam oratio est; aut sacris imaginibus minio, auroque exornandis, quod illi leuamentum aliquod, operam dabat. Vespere ad communem orationem ita conueniebat, vt ad coenam produceret preces. A coena vnà cum aliis templo item aderat ad gratiarum actionem; vbi proluxior subindè ad prouectam iam noctem mora, ac contemplatio. Membra postmodùm ad quietem componebat: nec vltra tres horas nocturna ea quies, ac somnus. Hæc fermè eius vitæ ratio, ac distributio: vt facilè intelligas, si tempus quadripartitò diuidas, vix quartam eius

eius partem curando corpori, externisque curis illum tribuisse: reliquum preces occupabant. Testis ipse Odèi locus, in quo is orare de genu consueverat, quem cernere erat ab assiduitate, vsuque excauatum, ac mirè detritum. Solemnioribus verò per annum diebus, cùm scilicet festæ lucis religio accenderet vehementiùs animum; nimiùm, quantum neruos in hoc meditandi studio contenderet. Perparcè tùm quidem, atque auarè admodùm tempus ipsis corporis, vitæque necessitatibus dispensare, vt prolixius superesset commentationi spatium. Et noctes quidem, cùm quæ est Christi Domini natalibus sacra, tùm quæ sextam maioris hæbdomadæ feriam excipit, integras transigere insomnes consueverat, quiete penitus ablegata; nisi quòd quiesceret in sinu tranquillissimæ contemplationis. Auocabant enim uerò identidem, ac crebriùs aliquando, quàm vellet, proximorum commodas; ac tùm quidem iret, rediret, staret in eorum domibus, semper diuinum, aliquid aut mussare voce, aut tacitus commentari videbatur. Quæ quidem precum admurmuratio vsque ad eò illi domi, forisque assidua, vt dixerit interdum aliquis, Frâncisco ab infaticabili recitatione, motuque oris æneas, aut ferreas esse genas, maxillasque oportere. Scilicet, hæc illi princeps cura; constans, ac perpetuus per coelestium rerum meditamentum cum Deo nexus: ita vt vel cùm suis, aut aliorum opportunitatibus impartire se se, aut tempus videretur, tùm maximè accessu mentis, atque impetu contemplationis adhæreret Numini. In ipsa coenatione visus per læpè dum cibum sumeret, manantibus fletu oculis, suspensisque à Diuorum imaginibus, quæ inibi extabant, preces fundere. Ad

Et orationem
 assiduitas,

singulis
penè mo-
mentis.

eundem etiam modum quoscumque corporis actus
ac munera confundere, ac miscere precibus solitus
erat: ut dici sanè citra dubitationem omnem possit,
Franciscum semper orasse. Illud enim uerò præcla-
rum indolis, animæque contemplatricis argumen-
tum. Nam cum ea Prophetæ verba: Omnis spiri-
tus laudet Dominum: ita explicaret, ut dicere Va-
tes regius voluerit, vel ipsos hominum anhelitus de-
bere esse Dei laudes; contestari sapissimè voluit, so-
quidem, ne aliquis à diuinis aliquando laudibus
vacaret, deperiretque anhelitus, apud animum
suum statuisset, ut quoties spiritum duceret, singulis
ijs interpirationibus Dominum dilaudaret. Planè,
cum respiratione, atque anhelitu mortalium vita
constet, & singuli Olympij anhelitus Dei laudes
essent, affirmari iure potest, illum non tam spiritus
reciprocatione, quàm oratione, precibus, ac diuinis
laudibus vixisse: ita ut hoc illi fuerit viuere; nempe
orare, psallere, meditari. Hinc illam frequenter sen-
tentiam usurpare solitus erat: scilicet, feriari à pre-
cibus, esse genus quoddam mortis. Putabat nem-
pe, mori quempiam oportere, cum orare desineret:
utpote quem destitueret spiritus, ac vitæ anhelitus.
Et sanè is fuit communis sanctissimorum hominum
sensus: quorum ea fermè verba, oratione ali, vege-
tari, animari ipsam animam: ut hominem diuinam,
minimè contemplantem cadauer appellauerint, aut
hominis vmbra, pictumue simulacrum, non ho-
minem.

Porro qui addictissimus negotioso huic mentis
otio erat, dare aliquando operam, uti inuimus,
mortalium necessitatibus, interpellarique oportebat:
atque adeò decerpi contemplationis tempus;

ac detrimentum aliquod capere ardorem illum spiritus, quem assidua cum Deo consuetudo, atque oratio euentilabat. Eapropter sarcire identidem damnum receptu quodam, ac solitudine, qua nihil eiusmodi dispendijs compensandis opportunius, solitus erat, Id quod eo etiam nomine illi gratissimū. Nam qui honestari se plurimū Neapolitanorum studijs, ac celebritate cerneret, humilitatem, cui maximè cauebat, in tuto ponere sibi videbatur. Læditur nempè hominum plausibus modestia: & quamquam externo honorum cultu, ac pompa insignis ea virtus non capitur, utpote quæ semper in infimis consistat, elata licet gentium sermonibus coelo tenus: molestiæ nihilominus non mediocri est viro humili, dilaudari, coli, ac vulgi fama circumferri. Igitur cū tuendæ, quam tantoperè adamabat, sui deiectioni, tūm maximè ut totum se, se contemplationi permetteret; hominum frequentia, ac se sibi suffurabatur Olympius. Nunc Surrentum, nunc Æquensem Vicum petere. Vtraque ea Vrbs in Picentinis, nec longiùs Neapoli recedunt, interfuso mari, quem Craterem vocant; aeris amœnitate, soliq; ingenio proximæ, ut situ. Edito vtraque loco, pelagus, ac Neapolitanam Ciuitatem prospectant: qua sanè oculorum illecebra nihil, aut pulchrius, aut iucundius. Extant vtroque nostratum domicilia, in quibus ita loci salubritate, amœnitateque fruuntur Patres, ut sint etiam incolis, ac colisque non minimæ quidem utilitati, ac fructui. Gratissima alterutra Francisco statio; eò vel maximè, quòd inueneret etiam vtroque religio. Et in Æquensi quidem Vico Deipara Virgo, quam à Tauro appellant, à patratis miris percelebris, non.

Consueti
Olimpio
recessus.

Ciuium mòdò pietate, sed circumiectæ etiam regionis concursu colitur. Surrenti verò sacrum Diui Antonini Abbatis pignus in ade sui nominis apud nostros quiescit, ob asserta quàm sapissimè ab infernorum doemonum inesseione, ac vi humana corpora cùm Surrentinorum, tùm dissitarum etiam gentium venerationem, famamque promeritum. Secessum, aut hunc, aut illum quoties vir Dei adiret, laxare genio suo, ac contemplationi frenos: non hic extra cellulam nolentem trahi contingebat, non distrahi, auocarique mentem: non aures molestissimis plerumque alloquutionibus dare: non principum virorum limina, aulasque terere: verùm continuata mentis tranquillitate, haustisque liquidissimis cœlo delicijs, Alcedonia agere, ac non nisi cum Deo, secumque esse.

In Maria
na Vici
Ecclesia
frequen-
ter in-
moratur.

Aequensis Virgo præcipuè illi ad cor. Hæc ita sublimi, ac conspicuo in loco accurrentium deuotioni, ac votis prostat: vt cellulam etiam, ac faciendis sacris aram infernè habeat, quæ cùm introrsum acta, à certa luce nonnihil recedat, ipsa sui vmbra, nescio quid maioris venerationis conciliet. Huc se se Olympius recipere, velut in sinum optatissimæ quietis: hic ceu sub augustæ Virginis vmbra, quam desiderauerat, sedere, latere, ac commentando diutius perstare. Aderat diuinis laudibus assiduus: tùm à Choro, qui celsiore inibi loco est, ad imum illud conclaue facilis illi descensus. Hoc nempe religiosissimo Viro iucundissimum, nectere precibus preces, atq; à psalmodia ad contemplationem gradū facere in Mariano eo specu, quem sibi ad spiritus delicias, securamq; stationem, ac portum delegerat. Illustrari porrò mirificè inter pias huius sacelli tenebras

bras contingebat; adeò vt qui peculiari quodam lumine introspiciendis pectorum arcanis valeret, vt in loco opportuniùs explicabimus, in Aequensi hoc secessu perfundi superna ea luce vberius quodammodò videretur. Illud hic notatu dignum, quod cum insigni mutatione morum accidit. Redibat à Virginea ea cella, offenditque domi inter eundem virum quendam, cui Aloysio Stafardo nomen; obscuro is loco, & Francisco penitus ignotus. Ergo illum vt vidit, perindè ac si iam diù familiariter vsus eo esset, admota humeris ad blanditias dextera, suo nomine compellauit. Quid rerum, inquit, agis, Aloysi? Cura animæ rem, & confitere peccata tua. Percussus ad hæc ille verba, ac ceu telo quodam ictus, humi procumbere: tùm ad Olympij pedes aduolutus, illos, manantibus vber- tim lachrymis, exoculari flagitabat. Veuuit vir modestissimus: & quòd propè aberat suffixi in cruce Redemptoris effigies, eius libare osculo pedes iussit, abiitque. Neque post multò aduentantes è Patres, hærentem inibi, lugentemque Aloysium comperiunt, quibus ille: cupere se, ait, Patrem iterum alloqui, qui mirum in modum cor sibi intimè tetigerat. Velle nimirum ad poenitentiae fontem animæ sordes eluere; quando ab intestino quodam odio quatuor omnino annos conscientiam non expiasset. Adijt denuò Olympius, atq; illum blandè consolatus, ad obeundam & quàm citò, & quàm benè sacramentalem Confessionem hortatus est: gratulatus magnoperè, rediisse ad frugem virum, cuius intima, affixamque malo suo mentem diuinitus agnouerat, ac persanauerat.

Arcanum
viri ani-
mum co-
gnoscit

lam, æquè illi gratum Surrentinum contuber-
nium.

Surrenti-
nientis
oria.

nium. Extat hic itidem hypogæum, vbi sacrum Diui Antonini monumentum, ac cineres. Remotior ea templi pars, atque adeò ad agendum cum Deo opportunissima: quò se Franciscus recipere solitus erat, ac prolixiùs commentari: sentiebatque propè sacrosillos Sanctissimi Abbatis Manes pectus vehementiùs incalcere. Nec vtcumque cœlestia meditando feriari in Surrentino hoc recessus; sed ea interdum animi attentione, æstuque terebatur, vt excederet omninò sensibus. Accurrebant nostri, vt vimillam Numinis, excessumque mentis in cernereht, dum oraret: qui aliò auocatus, præsentibus licet non aduertebat. Illud autem aliquando hic accidit, quod immorantem cœlo Olympium probat, nec sanè accidere nisi additissimo contemplationi viro poterat. Rem ex literis ad Vincetium Gilibertum, Præpositum Generalem Surrenti datis, hausimus; compertumque id etiam est communi nostratum, atque exterorum fama. In superiore eius templi Odèo musicum quoddam organum erat, quod nonnisi perrarò, ac certis per annum ferijs, solennioribus, videlicet, pulsari consueuerat. Auditum hoc aliquando alieno quidem tempore resonare. Accurrunt admirabundi quidam ex nostris, ac maiore quidem admiratione, Franciscum vident, qui, hausto Numine, atque animo, vt agnoscere de vultu erat, ab alienatus, organum pulsabat: idque anxie quidem: nam qui solus aderat, simul moliri folles, simul decurrere articulis cymbalum, administer ipse, ac psaltes videbatur. Non semel frui hoc spectaculo ijs licuit; ac tandem monendum Præpositum duxere: qui eò dum inuolat, ad motum organo, pulsanterq; de more illum

repe-

Organū
pulsat.

reperit. Nihil inconcinna ea viri modulatione iucundius: verum ad eius modestiæ, humilitatisque exercitium, adducta fronte, monero, increpare: Ecquid intempestiuo eo sonu admirationem omnium concitaret? annon aduerteret, animi leuitati dari præposteram eiusmodi symphoniam? At scire ipsum debuisse, nulli licere, ad numeros domi canere, aut psallere. Hæc ille prouolutus in genua, ingentique suffusus verecundia audit, ac veniam, veluti quid grauioris piaculi admisisset, demissius petit. At enim qui probè nouerat Præpositus, cum esse Olympium, ut quiduis aliud, quàm nugas, atque id genus laxamenta adamarèt, explorandâ rem propius duxit. Itaque illū conuenit, ac remotis arbitris, de eo organi sonitu interrogauit. Qui quidem rem, ut erat, permodestè, atque ingenuè fassus: se quidem, ait, dum semel in superiore Choro suas preces ad Deum funderet, audiuisse illud ipsum organum, sua sponte canere quàm suauissimè; certè arcana, quadam vi Coelitus, atque ab eo Spiritu, qui scientiam habet vocis. Licuisse hinc porrò coniectari, id fore Coelestibus gratum, si & ipse Psalmistæ ritu persolueret Deo laudes in chordis, & organo, & ut Diua olim Cæcilia, quæ cantantibus organis Domino decantabat. Monitum proindè diuinæ voluntatis, ad organi sonum, ac numeros suas modulari preces coepisse, elatis modò quinquies folliis ad Christi vulnerum numerum; modò ad magnæ Matris gaudia exprimenda, septies. Hæc Olympius Præposito, quin admirabili eo organi concentu, nullo, videlicet, mortalium pulsante, beneuolentiam, ac blandicias Numinis erga illum agnouit: ceu quodam gloriæ libamento dignari illum voluerit: ut olim

Non sine
Coelitū
inuitamē
to.

Quod nō
semel ac-
cidit,

olim Franciscum Affinatem, personante cœlitus
cythara, supernis delicijs vsque ad animi, amorisq;
deliquium perfudit. Et verò id illum cœlestium
deliciarum Surrenti aliàs commeruisse, aliorum
etiam fide compertum habemus. Narrat siquidem
Franciscus Boluitus, qui præclaros eius actus, vir-
tutesque breui commentario excepit, virum quen-
dam nobilem Surrentum Neapoli se transtulisse, vt
quædam animi momenta cum Dei Seruo commu-
nicaret: qui quidem illum in superiore, quem dixi-
mus, Choro alloquutus, instructusque ad spiritus
profectum monitis, dum inibi eius iussu orat, musi-
cum illud organum modulatè, ac concinnè admo-
dum canere ex inopinato audit. Vertitur: & qui
pulsaret, vidit neminem; nisi quòd Olympius serò,
atque accuratè folles tractaret. Defixus admira-
tione vir nobilis, adesse è cœlesti Odèo Angelum
quendam, sibi persuasit, qui armonicæ eas fistulas
temperaret. Absoluta deindè armonia, id etiam
is aduertit, quòd hospite, vt aiunt, insalutato, fur-
tim dilapsus, in cellulam se se proripuit Franciscus;
veritus fortasse, ne à tantæ rei nouitate, atque admi-
rabilitate anquireret ille studiosus, atque interro-
garer, cogeretque aperire Sacramentum Regis cum
fraude modestiæ. Sed de contemplatiua Olympij
vita hætenus. Qua verò mentis attentione
oraret, quo corporis habitu, qua internæ
lucis affusione, quo fructu morta-
lium, dicemus in loco, cum
vnà cum reliquis virtuti-
bus orationem etiam
explicabi-
mus.

Spiri-

Spirituale Olympi gaudium, & lachryma.
Cap. IX.



B hoc assiduae contemplationis fonte manare liquidissima voluptas videbatur, à qua perfundi, ac vernare Francisci cum animus; tum vultus consueuerat: idemq; orationis vsus perpetua quædam scatebra fuit, unde beata lachrymarum perennitas fluere; quæ diuina ipsa gaudia non modò non interturbabant; verùm puriore quadam vena irrigabant, adaugebantque. Gaudere profectò semper ex Apostoli præcepto illum oportet, cui à rerum cælestium contemplatione, ac veluti aspectu quodam scena aperitur longè pulcherrima. Nam ut meditatio imitamentum quoddam gloriæ est: quippè idem illa Diuinitatis obiectum, eademque intelligentiæ vi complectitur: ita libamentum aliquod æternæ voluptatis inde existere, necesse est: planè ut idem sit cõmentari diuina, & lætari. Et in Francisco quidem per speculum id liquidò, quem nunquam cælestibus delicijs non inundatum, externa ipsa eius species indicabat. Vultus illi quidem grauis, atque ita continenter serius, ut sint qui testentur, per plures annorum decades nunquam illum à se visum risisse: imitatum profectò Christum Dominum, quem fleuisse quidem aliquando, risisse nunquam, affirmant. Semel homo quidam exterus festiuissimi planè moris, dum nescio quid operis in Sanctorum Apostolorum domo nauat, citra omnem quidem iniuriam,

Vultus
Olympio
grauis.

aut damnum, at ridiculum planè in modum in la-
tus decidit. Effusè ridere, qui præsentes aderant,
inter quos & viri grauissimi, quos lepidum caput
mirè affecit suo casu: at in Francisco nullus fuit,
qui vel minimùm diducta ad risum ora aduerterit:
immutato, videlicet, vultu in cōmuni ea hilaritate,
ac scena. Nihilò tamen minùs in grauissima ea spe-
cie nō modò nihil adductæ frōtis, ac triste, sed quæ-
dā etiā emicare serenitas, ac tranquillitas videbatur,
quæ intuentes ipsos exhilararet: planè, vt simul, &
venustaret oris grauitatem, sanctitatemque hilari-
tas, & hilaritatem vicissim consecraret pietas, ac
grauitas. In læto autem, hilarique eo vultu, nemo
statim non agnoscebat gaudium, quo intimè frue-
batur. Index quippe animi facies: & vbi semel di-
uina quædam lux pectus occupauerit, ceu mundis-
simo quodam è vitro eluceat è vultu, ac fronte, ne-
cessè est. Ipsa in primis cælestis voluptas, quam
Deus impluit, latere in fundo cūm nesciat, expri-
mi, representarique externo aspectu oris postulat:
florentque statim vultus, cūm eiusmodi delicijs ir-
rigatur animus. Constans præterea hæc erat in eo
hilaritas, ac semper idem oris tenor: vt nunquam
non alacrem, lætumque Olympinū vidisses, abacta
prorsùs ab oculis, à fronte tristitia. Quo sanè indi-
cabat, ab æterno Diuinitatis fonte ea esse gaudia,
quæ vultum exhilarabant. Hoc nempe inter cæli,
mundique delicias discrimen: hæc torrentis in mo-
rem in ipso suo impetu exarescunt: illæ verò peren-
ni vena fluunt, durantque: vt de his quidem me-
ritò a Philo pronunciauerit: Prophana gaudia,
somnia sunt similia: veniunt, abeunt: occurrunt,
refugiunt; priusquam compræhendantur, auolant.

Grauitati
mixta
hilaritas.

A Lib. de
Joseph.

De ijs ^{B. Ap. 113} Bernardus : Illud verum est gaudium, quod non de creatura, sed de Creatore concipitur, & quod cum possederis, nemo tollet à te. Semel visa insolita quædam tristitia Franciscum occupasse : adiitq; consternatus, nec sine fletu Confessarium : ac dolere se, inquit, desidiâ, atque inertiam suam. Quam in alijs cerneret charitatis alacritatem, ac flâmam, sibi non tam incitamento, quàm pudori, mœrori, que esse. Nam cur in tanta aliorum annona, sui ipse spiritus inopiam non desleret ? At enim breui absterfus mœror, ac dispulsa ea mentis caligo est. Siquidem consolatus illum blandè Cōfessarius, vt abiret, peteretque à Dei Matre cordis lætitiâ, iussit : Paruit, atque humi stratus, vbi tantisper orauit, visus mox serena fronte alius : gaudere, exultare, hortari ad lætitiâ obuios ; planè vt ea die nihil fuerit Olympio festiuius.

Hæc porrò gaudia ea aliquando in illum affundi copia videbantur ; eaque vi, impulsuque afficiebant, vt imperare sibi minimè posset, quominus exiliret, suamque lætitiâ celebraret choræis. Accidit hoc semel die Pentecostes : quo die, vt olim Apostoli adeò diuini Spiritus musto immaduere, vt ab insolita quadam facundia, ardentiq; amoris impetu ebrios putauerint : ita Olympium in tanto cœlestium flâmarum imbre is ardor occupauit, eoque accendi gaudio visus est, vt mirè efferri, ac saltare ad numerû cœperit. Nempè, quando facto repente de Cœlo sonitu, concentum longè suauissimum éderet diuinus Spiritus ; suarum ille partium duxit, eiusmodi pareré sono, interiorique lætitiæ, quæ simul animum, simul corpus agitabat, librabatque ad saltus. Et verò dici & ipse tunc potuit à nimio.

A lætitiâ exilit.

Semel.

quodam neſtare ebrius. Nam, vt Romanus Ora-
 Et iterū, tor: Nemo ſultat ſobrius. Iterum die Domicae
 Circumciſionis ſacra, choræas itidem ad ingentis
 lætitiæ ſpecimen duxit. Enimuerò facturus mox
 ad aram, ac ſacris iam veſtibus indutus; dum co-
 gitat, purpuraſcere infantem Deum, cumque pri-
 mum ſanguinem eſſe, quem ille ad publicæ ſalutis
 pretium funderet; lætari ſupra modum: eoque
 tandem efferbuit gaudium, vt non Sacrarij locus,
 non ſacerdotalia ipſa inſignia temperare nimium
 impetum, ac publicam, velut in theatro, ſaltatio-
 nem potuerint. Planè cū hinc illum dolere In-
 fantis vulnus cogeret; hinc verò lætaretur, quod
 primitiæ illæ ſanguinis ſpes mortalium irrorarent;
 vicit lætitia, ſorbuitque adeò mœrorem omnem,
 Et tertio vt etiam præ gaudio exiliret. Tertiò ſub ipſum
 Virginis puerperium, ac Dei Natalem dum ad Sa-
 crarium pergeret, vt miſſæ ſacrum celebraret; ecce
 tibi è communi via ruſticus auenarum ſonus ad
 Olympij aures accidere. Qui per eos dies in coe-
 leſtium Natalitiorum contemplatione totus erat,
 Paſtorum ad Dei cunabula ſiſtulas audire ſibi vi-
 ſus eſt: concitari proindè intimo quodam gaudio,
 ſenſuque incredibili efferri: ac tandem, quod eiuf-
 modi motus nullus reſerit, ſaltare naſcentis Dei
 laudes coactus eſt; ceu Paſtorum choro immixtus,
 ad eandem ipſe cunas properaret, celebraretque
 Et ſe pidi cum ipſis Genethliaca Numinis: cuius quidem in-
 fantiæ feſtiui choræarum plauſus magis congruere,
 quàm grauior quædam religio illi videbatur. Ad
 hæc, in cuiuſdam decumbentis cella ſemel mora-
 batur: & cuius nunquam ſine pietate, ac fructu
 præſentia; hymnum, cui initium. O Glorioſa Do-
 mina:

mina: recitare instituit: atque ad ea verba: Vi-
tam datam per Virginem gentes redemptæ plau-
dite: à subito lætitiæ æstu, nec sine mentis abaliena-
tione plaudere & ipse cœpit: tùm, veluti ad numerũ,
choræas ducere, ac subsilire. Postremò illud non
omittendum. Solemnis quædam lux erat, con-
ceptaque Franciscus ab eius diei mysterijs, eorum-
que contemplatione lætitia, gestire, atque exilire,
festiuissimè non sine quodam excessu mentis cœ-
pit. Dum saltat, Frater Laicus ex nostris adfuit, qui
ratus, quod erat: correptum nempè Numine
Olympium, ab interiore quodam gaudio subsilire:
ne id choræarum, ardorisque abrumperet, instituit
& ipse vnà simul saltare: quo ille comite, visus vi-
gorosiore quodam spiritu parère lætitiæ, quæ ani-
mum mirè occupauerat: adduxitque mox habe-
nas, vbi deuotionis ille ardor remisit. E cœlo hi
quidem impetus: à quibus vbi semel pectus inca-
luerit, nemo est adeò sui potens, vt ijs imperauerit:
atque adeò nemo profectò illos carpsit, nisi qui
celerè, igneosque cœlestium deliciarum motus
ignoret. Nihil frequentius, quàm, concepto in tel-
luris sinu igne, subsilire testæ, ingentesque ipsas
moles à fundo dissultare, ac quati. Longè impe-
tuosior diuinus ignis, atque ab eo gaudia, quæ mor-
talium sinu excepta, vt animos, ita & interdum,
corpora huc illuc arcana, ac subita quadam vi
agunt. Neque enim potare de torrente diuinæ vo-
luptatis vllus vnquam poterit, quin torrentis etiam
in morem impetu quodam feratur. Visus aliquan-
do Vates regius ceram Dei Arca choræas ducere,
nec erubuit: quando eò traheret, cogeretque affusa
diuinitus voluptas.

Olympio
à cōtem-
platione
lachry-
mæ.

Iam verò, diuinarum rerum contemplatio, quam diximus eiusmodi lætitiarum fontem, eadem & fons est lachrymarum: planè ut ab ea una, eademque existant vena deliciæ, & lachrymæ, veluti ab eodem sinu gemellæ. Et in Olympio quidem, ut animo gaudia, quod modò significauimus: ita exundabat oculis fletus. Nihil profectò facilius, quàm abire illum in lachrymas: ac veluti cereum esset illi cor; vbi in meditatione incalesceret, statim liquefcere, ac fluere per oculos videbatur. Cella, Chorus, Templum madere sæpiùs ab eo fletu. Visus aliquando in communi ipsa cœnatione, alieno profectò tempore, ac loco, collachrymari. Nam: siue quæ habebatur super mensam de more lectio, siue pia quædam cogitatio à cibo auocaret, subsistere interdum videbatur: tùm oculos Diuorum imaginibus, quæ inibi erant, desigere, atque vberitè flere: planè ut nihil tùm pretiosius, ac dulcius ijs epulis esset, quas ille oculorum liquor, siue nectar respergeret: ac dicere regio cum Psalte poterat: Potum meum cum fletu miscebam.

Præceptū
inter rē
diuinam.

Hic autem lachrymarum fluxus nunquam copiosior, ac perennior, quàm cùm Missæ sacrum faceret. Perfundi vestes ipsæ Sacerdotales, atque Altaris linthea videbantur. Quippè, sicuti quæ exillantur è floribus aquæ, eò fluunt vberitè, quò subditus ignis viuacior: ita haud profectò mirum, quòd inter rem diuinam largior è Francisci oculis manaret lachrymas: quando à carbone illo igni-
ro, qui in Altari accenditur, & consecratur, vehementiùs incalesceret. Surrenti illud sanè ingenti admirationi fuit. Sacris operabatur in Monialium Asceterio, cui à Diuo Paulo nomen: eum arde.

ardere insolito igne charitatis cœpit ; ut vultu
etiam ea flamma emicaret . Sacrum deindè Chri-
sti Domini Corpus dum manu tenet ; visæ erum-
pere vberissimæ lachrymæ , eo nimirum impetu ,
ac copia , ceu rupto obijco , fluuius aliquis exun-
daret . Admotum frequenter sudarium usque
adeò immaduit , veluti mersum in fontem ali-
quem fuisset . Mirari tantam vim lachrymarum ,
qui aderant ; ac suas in alieno fletu continere
minimè potuere . Moniales nihil impensius ef-

flagitare , quàm persusum , imbutumque eo

fletu linteolum ; quo posita Antistita ;

in partes illicò diuisit , ac deuotio-

nis ergo singulas singulis de-

dit : habueruntque in-

pretio suam quæque

particulam ,

Olympij

lachrymis , veluti gemmis , aut vnionibus

insignitam , At de mirabili gau-

diorum , ac lachryma-

rum nexu

satis ,



Quadam Olympij itinera.

Cap. X.



Bituntū
proficif-
citur.

ÆSIT plerumque Neapoli Fran-
ciscus; tūm quòd rarò commutan-
dam sedem iusserint Maiorum nu-
tus: tūm verò quòd non ex ijs erat,
quem videndi mores multorum, &
vrbes desiderium vellicauerit. Egres-
sus nihilominus Neapoli, egregijs etiam virtutum
exemplis eiusmodi profectioes, atque itinera nobi-
litauit. Quo tempore Bituntū, quæ Ciuitas est in
Apulia, quam Iapygiam appellant, non ignobilis,
fundari nostratium Coloniam contigit; quòd pluri-
mum interest, rerum rudimenta faustè poni, ac
cœnobiorum potissimum initia eximia incolarum
virtute commendari; destinatus eò est Dei Seruus,
futurus nempe amplificandæ inibi rei Theatinæ à
morum laude, ac sanctimonix fama opportunissi-
mus. Innuisse Præpositum, sat fuit. Nam qui con-
sanguineorum, patriæque studium, atque affectum
prospè omnem procul haberet; vbique sibi vide-
batur æquè peregrinus, ac ciuis. Atque admira-
tioni sanè non mediocri fuit, ita non anxie discessio-
ni se comparare, veluti standum illi esset, aut pro-
pior quædam petenda ad animi laxamentum,
villa. Non penula, non cœtera conficiendo itineri
suppellex illi curæ. Discessurus verò, vbi ad aram
litasset, adesse etiam Choro, horasque Canonicas
persolvere de more cum alijs voluit. A Choro mu-
tato vix pileo, atque elata tantisper ad expeditum
iter

iter lacerna, in equo fuit. In itinere nunquam deinde visus à precibus ferari. Nihil ab eius ore, aut testium sermonis, aut nugarum excidit: id quod nec grauissimis ipsis viris verti vitio solet, fallendo itin-
 ri. Incommoda, ac viæ tædia abundè minui precum studio putabat. Hinc sertum Rosarium assidua manu terere: Hymnos, ac Psalmos muscare: meditari interdum tacitus diuina, ac coelo peregrinari mente. Principiò quidem, si quam inter eundem sacrâ ædiculam, aut effigiem offendisset, desilire equo solitus erat, vt de genu Diuorum imaginis veneretur: sed cùm nonnihil molestiæ crearet socijs frequens ille exscensus, ac mora; monitus, abstinuit. Viri deinde aduentus non diù in ea Vrbe latuit. Eximia oris modestia, orationis assiduitas; perparcus, ac frugiferus sermo, humilitas, pietas gentis famam, ac beneuolentiam statim Olympio conciliarunt: hæsitque vsque adeò populorum animis ea morum sanctitas, vt vigeat etiam nūm- inibi venerabilis Viri memoria.

In coiti-
 nere pie-
 tas

Is verò in eo cœnobio eo sui, mundique despe-
 ctu agere, vt esse supra quicquid est rerum huma-
 narum videri posset. Si qui fortè è Neapolitanis
 Patribus eò aduenisset; data vix, acceptaque salu-
 te, ne deesse charitatis officijs videretur, abibat: ni-
 hil præterea de statu rerum Neapoli cognoscere,
 aut interrogare: de nostratibus, de exteris, de con-
 sanguineis, perindè quasi defunctus ijs esset, aut illi
 sibi; sermo omninò nullus. Materiam porrò in
 ea domo exercendæ pietatis nactus, visus planè in-
 signi quodam studio complecti. Nosocomium
 ægrotis cùm popularibus, tùm exteris excipiendis
 artiguum cœnobio erat, facili quidem aditu, vtpo-

Quæ illi
 in ea do-
 mo vitæ
 ratio.

Ægrotis
 operam
 nauat.

te quibus commune atrium. Dei munus putauit, tam propè esse charitatis segetem, quam demeteret. Adire statis diei horis, ac procurare omni officiorum genere affecta corpora, quorum cladem, atque infortunia vt mulceret pro modo patientia, verbis spiritu, ardoreque plenis ad illam, ac coeteram pietatem decumbentes hortabatur. Domi verò si quid esset edulij, aut aliquid fortè bellariorum exteri donassent, quod opportunum fouendæ paupertati, atque ægritudini foret, iis seponebat: tùm expectatis tenebris, ne opus proderet dies, ac lux, inter primas faces Xenodochio tacitus afferebat, dispersiebatque: planè vt quoties appareret loco Franciscus, Angelum sibi videre videbantur infirmi, qui aut à manu, aut à lingua, opportunissimè quidem semper dona diuideret. Hic etiam admotus temperando tyrocinio fuit: & quòd propior illi ea iuuentus, eiusque inspicere accuratè actus poterant, mira postea de eius vitæ rationibus, de animi deiectione, de afflictatione, contemptuque corporis, de abstinentia, de orationis studio, de cultu religionis deprædicabant: quæ eùm ad virtutes, quas alibi commemorabimus, pertineant; non est, cur hic stylum morentur.

N. ap-
lim r-
uertit jr.

Iam si reuertentem inde Neapolim Franciscum prosequi velimus, erit profectò, quod breuiter narrasse, pretium fuerit. Sub ipsam Iunii mensis exitum iter contigit: quo tempore cùm nullibi non, æstuet cælum, tùm in patentibus Apuliæ campis ardet, vritque acriùs Sol: atque adedò viatoribus id primum, vt molestissimum ab nimio æstu iter noctu conficiant: mutantque opportunè vices, vt noctu quidem cant, stent ad quietem die. Ergo in ipso

Apo-

Apostolorum Principum peruigilio Aſculum (Ciuitas ea eſt ad militarem viam) Franciſcus vnà cum ſocio ex noſtris, & reliquis comitatus perueniunt, qui continuandum nocturnum de more iter ſtatuunt, quamquam feſta ſubindè lux, Petro, & Paulo ſacra inſequebatur, vrgebatque audiendi ſacri præceptum. Id quod haud quidem gratum accidere Olympij auribus poterat, cui nihil antiquius, quàm qua deceret religione, cultuque animi tantorum Principum ſolemnia excipere: putabatque, non eum eſſe Appulum Solem, qui pietatem læderet, ac decoloraret. Luſtandum igitur cum mulione diù fuit, qui tandem Viri manſuetudini, ac modèſtiæ dedit manus, tribuitque inſuper viæ ducem, qui illum, ac ſocium, peractis ſacris, ne aberrarent, duceret. Mirum ſanè dictu: celebrata per otium myſteria: tam repetito curſu, ſocios, qui iter longè antea capeſſiuerant, non modò aſſequutus iſ eſt, verùm etiam veluti non pedibus, ſed volatu quodam emenſus viam eſſet, illos, dilapſo licet, aut amiſſo ductore illo itineris, duas omninò horas anteuertit. Monſtri proſectò ſimile ijs fuit, occupatſe diuerſorium Olympium; ac ſe quidem, qui æſtus nocte, ac vmbra fallere curauerant, prolixiore peruſtos Sole: agnoueruntque, veriſſimum illud, viatoribus nihil omninò decerpi temporis à Miſſæ ſacro. Nulli porrò expeditum ad eò iter maiori admirationi fuit, quàm mulioni, qui dum putat à ſtimulis acrioribus equos feſtiſſiſſe; atque ad eò totèdè cruentatos, ac laſſitudine penè enectos eos eſſe; aduertit alacres adhuc illos, neque minimùm libata à calcaribus latera. Sic nempè concitatis mirè equis, monuit Franciſcus Chriſtiani officii comites,

Mirum,
quid itine-
re.

ac mirabili documento commonstrauit, Numinis cultum, Diuorumque religionem nunquam non humanos actus iuuiffe.

Romam
ad Comi-
tia allega-
tur.

Romana modò itinera; nam semel, ac iterum Romam petiit, prosequimur. Et primò quidem cùm habenda generalia de more Comitia, atque al- legandi è singulis domibus essent, qui Conuentus celebrarent; lectus ipse inter alios: cuiusmodi Pa- trum iudicio adduci nunquam peruisset, vt annue- ret, nisi præclara illexissent Christianæ religionis monumenta, quæ Romæ coleret. Et verò, quam- uis in publicis iis consultationibus eximiæ pruden- tiæ, intentæq; in commune cōmodum mentis spe- cimen dederit, ac responderit adamussim muneri: visa nihilominus princeps eius cura pietati operari, ac sacræ Urbis templa, plena venerationis loca, trophæa martyrum, ac tot pignora sanctitatis adora- re: quod ita præstitit, vt admirationi fuerit pietas, studium, cultusque animi, ac vis lachrymarum, qua Romana ea Sacra inuiferet. Alterum Ro- mam iter non mediocri quidem tristitia suscepit; quòd nescio quid sibi axistimationis, ac famæ exi- flere inde videbatur. Contigit hoc Christi anno vertentis seculi altero, & vigesimo, cùm Nicolao Ludouisio, Gregorij Quintidecimi Maximi Pontifi- cis ex fratre Nepoti Isabella Gesualda, Venusiæ Prin- cept, importato in Pontificiam eam domum am- plissimo Dominatu, nupsit. Neapoli lectissima Virgo morabatur: cumque immigrandum Romam esset, id maiorem in modum à nostris petijt Polyxe- na Furstembergia, Casertæ Princeps, ac Sponsæ ma- ter, vt Franciscus Olympius vnà secum pergeret. Id nempe sibi, ac filix ingenti solatio fore, ac satis leua-

Iterum
Romam
cum Ve-
netina
Principe.

leuamenti iter habiturum à Viri præsentia, sermonibus, precibus: denique putare se, haud auspicatiùs celebrari filiae nuptias posse, quàm si propius adesset, ac thalamo benè precaretur Dei Seruus. An molestissimum id illi acciderit, facile is coniectauerit, qui tacitam eius consuetudinem, humilitatemque expenderit. E cellula, ac vmbra veluti in lucem trahi: Romam Pontificis neptem deducere: ea in aula nosci: publicis ijs gratulationibus, ac nuptiarum solemnijis misceri, secum ipse reputans Olympius, nimium, quantùm abhorreere ab ijs videretur. Excusare proindè valetudinem, ac senium: rogare etiam, atque etiam ornatissimas Principes, vt sententiam mutarent: Se quidem spiritu, ac precationibus in comitatu fore: Roma verò quòd abesset, nihil impedire, quo minùs fortunari splendidissimū connubium votis suis à Deo impetraret. Sed hæc frustra. Nam quæ Principem filiam vnicè adamabat Furstembergiam, id impensius optabat, vt nuptias Serui Dei auspicijs celebraret; veluti fausta omnia adpromitteret Viri præsentia. Igitur parere nobilissimæ Matronæ precibus, ac maiorum imperio Franciscum oportuit. Iter perinde, ac si religionis ergo peregrinationem suscepisset,, insigni quadam pietate instituit. Orare semper quâ voce, quâ mente. Famulitium eius nominis, ac dignitatis foeminis splendidissimum planè erat. Omnium autem ora, atque oculi in Olympium conuersi: mirari modestiam, vrbaneitatem, mores, ipsosq; eius vultus ad omnem sanctimoniam compositos. Principes verò foeminæ alloqui interdum illum, aut cernere, in delicijs habebant; idque ijs erat, emollire iter, eiusque incommoda. Romæ non obscurum
Olym.

*Ipsa quidem re-
luctante,*

Olympij nomen, ac sanctitatis fama: eoque de facie illum agnoscere, gratissimum plerisque fuit. Ab ipsis in primis Ludouisijs nimium est, quantum promeruerit honoris, ac studii. Illum Gregorius Pontifex adire ad se iussit, atque alloqui familiariter voluit; agnouitq; ab aspectu ipso, quæ lateret intus virtutum suppellex. Is autem cum nunquam non insigniter humilis, coram summo ipso sacrorum Principe visus profectò à maiestate penè opprimi. Pauca, eaque de diuinis rebus loquutus; in eo faciùs videri voluit, nempe in solemnum votorum repetitione, quod alibi innuimus. Attulit præterea vim piacularium globulorum, ac numismatum non mediocrem: id etiam, atque etiam, ac per quàm demissè à Summo Patre petens, vt dignaretur eas sibi consecrare, quæ postea Neapoli excitandæ pietati de more largiretur: quod prouiore quadam voluntate, ac manu concessum, gratulante sibi magnoperè Pontificis munificentiam Francisco.

Roma Neapolim reuersus, non ita post multò iter aliud instituit, breuius illud quidem, sed à quadam gentium celebritate, studioque aduersùs Dei Seruum non sanè dissimulandum. Tenebatur peracri quidem desiderio Olympius sacrū Diui Matthæi Apostoli pignus inuisendi, quod Salerni in primario eius Urbis templo eximia populorum veneratione, concursuque colitur. Vtque id religionis obiret, facilè à maioribus impetrauit. Igitur cum Andrea Piscara Castaldo, laudatissimo ex nostris viro, & Ioanne Francisco Nisio, Sacerdote item ex nostris marinum iter Lembo inijt. Salernitano insinu luctari furenti cum pelago oportuit; ac glisciente maris æstu, vsque adeò procella efferbuit, vt occupan.

cupandum maturè littus, nautæ duxerint. Terra, verò partim pedibus eundum fuit, partim in equo, nec sine præfenti incommodo. Siquidem quo vehabatur equo Olympius, qui mansuetissimus, vti affirmabant, vique dum fuerat; ecce tibi ex inopinato cæstro quodam actus, insanire, furere; vt non sine frontis vulnere, ac dehonestamento bonum Senem dorso excusserit. Planè ab inferno, communique hoste conflata isthæc terra, marique pericula, nemo non dubitauit. Enimuero cùm ad Dei Seruum certatim mortales accurrerent, & is nullâ rei bene gerendæ occasionem prætermittens, ad pietatem, Deique amorem passim omnes institueret; prædamque non sanè paucam ab ipsis inferorum faucibus extraheret; interturbare malus dæmon, atque omninò abrumpere iter summa ope conabatur. Quod ille consilium, ac malas artes cùm probè intelligeret, eò vehementiùs inardescere videbatur, ac pergere. Quibusdam in Oppidis, qua transcendendum iis fuit, præeunte Viri fama, temperare sibi popularium ardor minimè potuit, quominùs æs campanum gratulabundi, ac solemni ritu pulsarent. Salerni verò, vbi aduenisse Franciscum, manauit rumor; visa suis penè conuulsa sedibus Ciuitas: accurrere omnium ordinum Ciues; eaque statim populorum frequentia templum exundauit, vt faceretùm quidem ad aram nequiuerit. Redire postera luce, idque clam, atque alieno tempore oportuit; ne religionem, ac sacrum denuò impediret celebritas. Aedes, in quibus interea temporis agebat, communiri milite opus fuit, ne confidentiùs irrumperet, atque in vestes etiam inuolaret ardens nimium religio. Abeuntem verò incredibile dictum est,

Oblucti-
te malo
dæmon.

Ad ipsū
cōcor: sus.

est, quæ vis mortalium prosequuta fuerit. Adhibendus item miles fuit, qui confertissimam multitudinem dimoueret, ac sisteret: quæ tamen ad multam viam progressa: neque à vestium lacinijs quæ ferro, quæ manu præcidendis, discerpendisque abstinuit. Retulere hæc Castaldus, ac Nisius, quibus non exiguus sanè labor, Virum ab ijs existimationis, honorisque argumentis, atque ab humilitatis sensu penè consternatum, erigere. Putauerim equidem, nunquam adductum iri Franciscum, ut id itineris, ac religionis susceperet, si ardorem hunc, honoremque flagrantissimæ Ciuitatis, ac tantummodestię vulnus animo prædiuinasset.

Porro, quod diximus supra, solitum Olympium Aequensem Vicum identidem secedere, ut per eam tacitę, remotęque domus silentia contemplaretur, audiretque attentius cœlestia; non hic emensam frequentius vltro, citroque viam exponam: sed redeuntem semel, ac iterum, quod non sine quadam admirabilitate contigit, stylo deducam. Igitur cùm in Aequensi eo contubernio moraretur; ægrotare periculosè Valcarcerem regijs Neapoli à Consiliis, contigit. Ferebatur is præcipuo quodam in Dei Seruum studio: & amabat ille vicissim à morum integritate, pietateque Valcarcerem: qui perinde quasi ab eius præsentia suæ vitæ salus penderet, id prolixius cupere, ut adesset: factaque à Maioribus facultate, eò expedita cum cymba Vincetium Valcarcerem filium misit, ut deduceret. Neque mora: Exceptus lembo Olympius: ac dum nauigant, in ipso Neapolitani crateris medio visa repente eripere cœli faciem, ac diem nubes, procellamque interminari. Nec post multò, rupto velut

velut obijce, ruere imbris Cœlum. Orare interrim Franciscus, visusque arcere mirè pluuiam. Si quidem dum extra, circàque lintrem effusè plueret, nihil ingredi ruentis procellæ, ac perfundere vectores, ac nautas visum. Mirari omnes à quadam veluti reuerentia distineri pluuiam, ne propiùs accederet, auderetque in eos, quos tutaretur Olympius. Valcarcer in primis stupore percutus, vim precum, Virique sanctimoniam deprædicare: qui postea, cum rem Neapoli passim denarrasset, Hieronymo etiam Pignatello, viro ex nostris integerrimo retulit, qui scripto summa fide excepit.

Ruente
imbre,
ficeas O-
lympius.

Alterum narramus ab Æquensi domo Neapolim iter, quà terra, quà mari perindè admirandum. A feбри decumbebat Pumiliani Dominus è gente Ambrosina, Francisco addictissimus: ac morbo ingrauescente, quòd probè sciret, superiorem quandam vim medicam inesse Dei Viro, petijt etiam, atque etiam, vt adiret. Hyemabat vel cum maximè tempus, ac cymba transmitti eius pelagi sinum, posse, desperabant; idque reliquum esse, et si tactu difficillimum, vt mari ad Stabias, quæ in maritima ea ora Vrbs est, veheretur: exciperet deindè currus, reliquo itineri conficiendo. Igitur, eò mittitur currus, quem, corrupto ab assidujs imbris itinere, inuerti non semel contigit: atq; ita aliquando hæsit, vt eluctari teterrimam viam vix potuerit. Stabias longè antè quàm eò appelleret Olympius, peruenit: & quòd agitatum ventorum vi pelagus, altè intumesceret; quiduis aliud putare auriga, quàm incommoda adeò tempestate adnauigare cymbam posse. Attamen præstolari ad maris oram aliquantisper statuit; cum eminùs lembum videt, planè

L non

Et fur-
te pela-
go, fere-
na vitetur
tempe-
state,

non sine ingenti quadam admiratione. Enimvero turbulentissimum licet pelagus vbique fureret; ibat nihilominus tranquillissimè cymbula: adeò vt quàm illa transiret, deferuescerent statim fluctus, aëtis veluti in planitiem vndarum montibus. Id quod non auriga modò, verùm etiam popularium plerique fuisset oculis comprobarunt. Accurrerant quippè admirabundi, vt in ipso æstu sterni mirè pelagus, atque enauigare per eos turbines auspicatissimè lembum cernerent; creuitque mox à propiore aspectu omnium admiratio. Etenim cùm ad littus ita se se frangerent, sorberentque inuicem reciprocantes maris vndæ, vt eò appelli, atque exscensionem fieri posse, omninò negarent; dum propius accederet cymba, inspiciebant, æstu penitus deferuescente, positoque impetu, componi fluctus: ac penè fidem oculis abrogarunt, cùm silente prorsus, pacatoque littore, exscendit Olympius. Tributum id Viri sanctitati, putaruntque, facile iniecis-
se mari frænum, cui nulla menti ab animi motibus tempestas, ac turbo.

Porro quæ diximus, testatus auriga ipse est, vir probus, cui Francisco Caputo nomen, qui & illud addidit æquè profectò mirum. Nam vbi Stabias peruenit Olympius, attripere euestigiò Neapolitanum iter constituit. Vrgebat quippè parendi studium. Verùm quòd vergeret iam in vespèram dies, ac noctè peragenda magna viæ pars esset; negare auriga, in tanta rerum difficultate iniri tutò iter posse. Se quidem, aiebat, impedimenta, ac moras expertum in aduentu planè ineluctabiles: vacuum licet currum inuersum semel, ac iterum: vsque adeò deindè ineptissimis per sæpè locis inhæ-
sisse,

fisse, ut ultro, citroque agi nequiverit : idque luce:
quid nocte, cum cœcum omnino iter, ac consilium,
artemque omnem eripiunt tenebræ ? Infortunia,
proinde, ac casus pertimescere : ac sibi etiam vehe-
menter metuere : neque enim impune se laturum,
si quid improperi accidisset . Ergo id loci insiste-
rent, ac differrent in posteram lucem iter , Hęc ma-
gnoperè inculcare auriga . Sed dum actum agit, ad
illum Olympij locus : Certum, inquit, nobis, nulla
mora Neapolim petere . Tu æquo sis animo, ac
scito, amicissimum Deo caput vehere . Sat fuerit ,
habenas utcunque, non tam regere, quàm manu
tenere : cœterum, Deo aurigante, feliciter ibimus.
Dictis hisce adamussim paruit currus rector , Nox
erat ut cum maximè illunis : corrupta ubique itine-
ra, ac foeda imbribus : non habenas ille, non equos
temperare ; erectusque grandi quadam fiducia, sui,
ac currus regimen Viri Dei precibus permittere .
Ergo inoffenso, ut aiunt, pede ventum Neapolim
intempesta iam nocte . Nullum per densissimas
cas tenebras, uti die acciderat, infortunium :

Et felix
in diffi-
li via iter

visi vorare viam equi : non labi fallente

vestigio : non sistere defatigati : pla-

nè ut vehiculum agitasse cœ-

lestis quidam quadriga-

rius videri potuerit .

Atque hic itinerum

meta, ac fi-

nis,



*Marianæ Conceptionis Sacellum Olympij
opera celebratur.*

Cap. XI.



In sacro-
rum Apo-
stolorum
Ecclesia
Marianæ
Concep-
tionis
cella.

ON diù extra Neapolim, quas di-
ximus, excursions Franciscum de-
tinuere, cui diuturna : atque ad ex-
tremam vsque vitæ lineam statio
Sanctorum Apostolorum cœnobiũ
fuit : in quo illud potissimùm religio-
nis addidit ; nempe celebriorem Marianæ Concep-
tionis cultum . Extat in ea Basilica ad læuam eius
partem Sacellum, magnæ Matri, sine originis labe
conceptæ sacrum . Hoc Dei Seruus, cui princeps
in Diuam Virginem religio, vti in loco exponemus,
frequenter interditi, noctũq; coepit : hic terrarum,
cœlique Reginam colere : hic suas preces, ac la-
chrymas fundere : si quid sibi, si quid proximis vel-
let, hic petere . Et verò propensam sibi ea in Im-
agine Dei Matrem cùm agnosceret ; & petebat ma-
gna, & magna item impetrabat . Id quod vbi in vul-
gus manauit, nimiùm, quantum in eandem Con-
ceptæ Virginis effigiem excreuerit Neapolitana re-
ligio . Celebrare certatim illam Viri, foemine : ac-
currere voti causâ . An verò pronam inibi Deiparæ
clementiam vtu discerent, testantur pro parietibus
gratiarum indices tabulæ, ac votiua donaria : tùm
varia ornandę aræ suppellex, sacrumque instrumen-
tum . Quo loco non id prætermittendum . Tribu-
tum à nobili quodam, pioque viro aurum fuit, vt
nescio quid argentei operis ad Altaris vsum cura-
rent.

rent. Dum operi insistitur, monitus ab artifice Franciscus, pecuniam minimè sufficere. Ille, argentum, inquit, & aurum non est mihi: sed tu persuasum habeas, id curæ Dei Matri fore: neque post multo vir alius è patricio ordine, rei inscius, sed necessitati peropportunos, ad eiusdem sacelli cultum tantundem pecuniarum misit, quantum absoluedo operi deerat. Sic visa suam effigiem honestare præsentiquadam prouidentia Virgo ipsa: aderatq; ibi auscultâdis mortalium votis peculiari quadam benignitate, ac pronis auribus.

Porro cùm cernerent Sanctorum Apostolorum Patres adauctam mirificè aduersùs eam aram venerationem; vt id religionis & ipsi iuarent, accenderentque magis, ac magis ea Ciuitatis studia, id communi suffragatione anno voluentis seculi sexto, & vigesimo decreuere, vt illibata Virginis Conceptum anniuersario, solemnique ritu celebrarent: & vt, qui communis eius pietatis auctor videri poterat Olympius, is ipse ijs solemnij initium, atque omen faceret. Quocirca primæ illi partes demandatæ; ac tùm in peruigilio vespertinas laudes, tùm die ipso solempne sacrum ritè obiuit. Incredibile dictu est, quantum eò affluerit populorum, qui procerum, ac matronarum concursus facti, quo æstu, plausuque effertbuit Templum, ac ipsum in primis Marianum Sacellum, quod ab Olympio etiam appellabant. Sed neque sine animorum, ac pietatis prouentu deuotio. Visi nanq; expiare sacra confessione noxas suas penè innumeri, quorum plerisque omnibus id in primis propositum, vt Eucharisticum epulum Serui Dei masu sumerent. Et quidem is fuit adeuntium ad Diuini Corporis mensam

Ad.

Insistitur ad eam aram solemniter.

Quo populorum concursu

numerus, vt admirationi fuerit, tantum fuiſſe illi virium, quæ confertiſſimæ multitudini ſufficerent . Quod autem incitata vehementer ſtudia minimè expleri feſta duntaxat luce viſa ſunt, continuata per oſto conſequentes dies celebritas ; quam & exhilarabant quæſitiſſimæ canentium voces, & quotidiana à noſtris facundia inflammabat .

Imminet
Neapoli
annonæ
caritas.

Atque inter has quidem oſtauas ſerías , & ſua nobilitare ſolemnia, & Franciſcum ipſum honeſtare Diua Virgo voluit ; euentu quidem eò illuſtriorè, quod ad omnes pertinuit com modum, depulitque, quod eſt populis moleſtiſſimum , nempe annonæ caritatem . Referam id, quod in noſtris etiam Annalibus ex fide retuliſſe me , memini . Tenuerat diutiùs, pergebatque quædam aeris intemperies, ex qua aſſiduís procellis, ac ventorum vi agitari pelagus cum contingeret, exiſtere hinc non leuem quidem ærumnam Neapolitanæ Ciuitati oportebat . Enimuerò quod Stabijs , ac Pompeiis molitur in communem vſum frumentum, ac onerarijs deinde nauigijs Neapolim vehitur ; importari ab incommoda ea cœli tempeſtate minimè poterat : cumque neque terreſtri itinere tranſmitti tantum annonæ poſſet, quæ populosa adeò Vrbi ſufficeret ; reliquū erat, vt, cœpta iam cibaria eiufmodi difficultate, arctam deinde expectarent famem . Neapolitanis Magiſtratibus nihil hac calamitate grauius . Nouerant quippè plebis ingenium, quam ſi irritauerit ſemel fames, non fas, non ius illi curæ : miſcetque facile omnia ieiunus populorum furor . Et Neapoli quidem, vt promptum vbique obſequium, ſi annonæ conſulat Reſtorum prouidentia ; ita ſi negligat, acriores, quàm vſquam gentium turbæ . Conſul.

sultum ea super re sæpiùs: at frustra. Agendum nanque cum cœlo, & pelago erat, quæ nullus mortalium suo vnquam nutu temperauerit. Id vnum tandem sedit, vt quando humanis consilijs desperauerant, diuina capesserent. Tempestates, ac maria diuinum illum Neptunum concitare; eiusdem supercilio componi, ac serenari, Celebrari per eos dies in Sanctorum Apostolorum Templo Diuæ Virginis Conceptum. Quid hac tutela, ac ope opportunius, præsertim si Franciscus Olympius pro ipsis staret, interpellaretque Dei Matrem, ad cuius ille imaginem, vti communi fama ferebatur, impetrare magna solitus erat? Itaque in eam Urbis Septem-Viri discessere sententiam, vt Franciscum vnâ conuenirent. Quid à cœli iniuria immineret, quid à Ciuium fame metuerent, aperirent: precarentur deindè, vt caulæ patrocinaretur, fusis pro maris tranquillitate precibus, ad illam nempe Dei Parentis effigiem, quam scirent ipsi propitiam. Vilius ea procerum, ac Urbis vota complecti singulari quodam studio Vir flagrantissimus: statimque illa ad cœlestem Reginam detulit; ac stratus humi, quâ voce, quâ lachrymis perindè orauit, vt mox exorauerit. Sequenti siquidem die, mutata, quæ lugubris diù fuerat, aeris scena; vultum induit cœlum, omninò alium; redijtque mari tranquillitas, quæ annonam simul, & securitatem attulit ciuibus, cōmeantibus vltrò, citròque nauigijs, Plaudero, & suo decreto, & Olympij precibus Magistratus: neque enim, & illo apud Virginem, & Virgine apud Deum interprete, factum id dubitarunt. Luculentum proindè beneficium vt aliquo grati animi documento testarentur, collatis vnâ votis, obsignatissime

Propulsa
tur Olym
pij preci-
bus peri-
culum.

Neapolita-
næ Vr-
bis gra-
tuitudo.

que tabulis decreuere, vt singulis annis intra Conceptæ sine labe Virginis solemnia cereum viginti pondo sacræ eius imagini, quæ in Sanctorum Apostolorum Ecclesia colitur, dedicarent. Ad hæc, vt eius cœnobij Præpositum appellarent, rogarentq; vt pro fausto suæ Urbis statu, annona præfertim, singulis per animum sabbatis sacris ad Marianam eam aram operari Olympium sineret. Extat decretum hoc ad diem Decembris decimam obsignatum: ac quorundam qui rem communem administrant, Rectores Urbis, (Electos vocant) Templum conueniunt, votum cereum solemniter ritu dedicant, instaurantque eo accessu, ac donario accepti beneficii memoriam: vnde adaucta mirum in modum, & ad eam imaginem pietas, & in Franciscum obseruantia: qui deindè, quoad superfuit vita, anniuersariam celebritatem eodem accursu, ac studio populorum continuauit: hæsitque aræ illi pijsissimi Viri nomen: ita, vt non tam Conceptionis Deiparæ, quàm Olympij sacellum hodieque nuncupetur: gaudetque magna Dei Mater communem veluti habere cum Cliente suo aram, ac se quidem ita in ea effigie à populis coli, vt simul Francisci memoria in eadem ipsa cohonefsetur.



Infesti Olympio mali Dæmones.

Cap. XII.



V M nihil oderint magis inferni hostes, quàm piorum vigilias, afflictationes, preces, ac pro animorum salute studia, infensissimos profectò fuisse illos Francisco, necesse est, què cernerèt affixum adeò diuinis rebus, ac summa contentione cū suæ, tùm aliorum pietati operantē. Ac primò, nil curabāt impensius rebelles genii, quàm virum flagrantissimū ita à pietatis studiis abducere, ac distrahere, vt vim illā feruentissimi spiritus retunderent, enervarentq;. Hinc frequētes illi, ac peracres animi morsus, ac scrupuli, quibus diuexari plus nimio, diximus. Planè malorum dæmonum arte intendi, fouerique molestissimas eiusmodi curas, experientissimi pleriq; viri persuasum habuere. Nàm quòd externò, apertoque impetu Francisci virtus nunquam elanguisset, posse illam, occulta ea pugna, ac veluti ab insidiis labefactari, non desperabant. Tùm fore, vt non satis aliorum saluti vacaret, qui metueret suæ: cùm exploratum sit, id potissimū incommodi eos animi aculeos, internamque formidinem asferre, vt refrigerato diuinorum sensu, zeloque proximorum, nec sibi quis ab nimia anxierate opportunè consulat, nec aliis vacet. Hic in Olympio scrupulis exagitando dæmonum scopus; quæ ille machinamenta quæ Maiorum obedientia, ac nutu, quæ insigni tolerantia, quæ precationis studio strenuè disicere: vt iis vti stimulis ad incitatioem in via Dei cursum vi-

Olympij
scrupuli à
dæmone,

deretur, lufis aduerfariorum impressionibus.

Olympio
insultant
dæmones
ranarum
specie.

Hæc igitur cùm minimè procederent, non deerant & alia malis geniis tentamenta. Interdum, fpectris illum terrere: ac tùm quidem irridere Franciscus, ac contumeliosè appellare: ceu contemptum haberet. Illud frequentius: abire illos in ranarum formas; ac saltribus vltro, citroque cellulam percurrere: tùm vestibis etiam adhærere: nempè vt abigendis, excutiendisque bestiolis intentus Dei seruus, mentem ab attentiore diuinarum rerum cura auocaret. Visus semel à quodam ex nostris è cella anxius, ac citato gradu egredi, atque aduersum parietem petere: tùm, excussa veste, quàm celerimè item regredi. Admirari ille: et quòd ab eius spiritus viro nihil, nisi meditatè fieri, ac seriò putaret, rem cū viro quodam graui cōmunicat, qui Olympio persamiliaris, scire hæc poterat: audiuitque, commutatos persèpè in ranunculas malos genios coram dissultare solitos, atque eius etiam adhærere scere indumentis: illū verò adeò festinanter è cōclauis egressū, vt pestem illam excuteret. Inter orandū hæc potissimū molestiæ, ac nugæ: quo tempore & aliis etiam auocamentis utebantur. Horarias aliquando preces vnà cum Ioanne Baptista Palumbo, quem illi socium addixerant, recitabat. Sub ipsum psalmodiæ initium auditus in ea cellula strepitus non secus, ac si displosa inibi ferrea fistula fuisset: adeò vt territus supra modum Palumbus, Iesu nomen inelamauerit. Tùm Olympius immota fronte, veluti eiusmodi terroribus assuetus: hoc agamus, inquit, sui quisque officii munus impleat. Quo sanè nō obscurè innuit, vtitas eas esse dæmonum artes, vt mentem abalienarent, perturbarentque;

Terroribus
agunt.

que; ne Dei laudes qua deceret animi tranquillitate, atque attentione persolueret. Interdum etiam ut conceptam ab oratione vim, ardoremque spiritus retunderent, aut patientiam utcumque irritarent, exercerentque non iniurijs alijs non colaphis temperabant. Ac semel quidem, dato cœnæ signo, à templo, ubi immoratus orando, contemplandoque diù fuerat, cœnationem petebat, diuinitus iam refectus, ac Deo plenus; cum impactus, quantacūque vi potuit, Francisci vultui colaphus fuit. Ad sonitum versi, qui propè aberant, Patres, interrogare: *Ecquid rei esset?* At ille subridens, ac frontis quadam serenitate ictum dissimulauit: ita tamen, ut quamuis ipse tacuerit; suffusi nihilominus liuore vultus, ac subitus tumor excussam alapam abundè ostenderint; intellexeruntque statim illi ab infernorum hostium rabie eam oris iniuriam, ac dehonesta menta extitisse: quæ ille, ceu blanditias Numinis, hilari quadam fronte, vultuque excipiebat planè liberali.

Et colaphis.

At enim verò nunquam impotentiùs agere, ac furere in Franciscum inferorum hæc mostra, quàm cum hortamentis, monitis, precibus aliquem in proximorum animis diuinorum sensum, amoremque excitasset, aut perditos aliorum mores ad frugem reuocasset, aut quoduis aliud eiusmodi præclari operis nauasset. Tunc enim uerò acti in rabiem, expedire inferni listores virgas, ac flagra, ac noctu præsertim implacabili odio, ac vi aggredi. Insonare ab eo impetu, ac verberum procella cellulam: cum interim non se ipse destitueret; sed quæ Cælitum præsidio, quæ præsentis animo, iactisque in tortores ipsos conuicijs, quæ strenuè ferendo aggressio-

Et verberum grâdine.

semel,

nem, ærumnamque egregiè propulſabat. Longior planè eſſem, ſi ire per ſingulas eiufmodi impreſſiones vellem: facitque etiam ſimilitudo, vt non omnes, ſed paucas, raptimque explicem. Dominicus Dicaſtiglius, vir grauis, qui à Franciſci confeſſionibus diù fuit, in actis Neapolitanis, cùm pro teſtimonio dixit, id ſibi accidiſſe, teſtatus eſt. Morabatur in Sanctorum Apoſtolorum domo, ac prouecta iam nocte ingētes audire ſtrepitus ſibi viſus eſt in Olympii cella, quæ ſuæ propior. Ergo qui conatus, iraque in illum malorum dæmonum probè nouerat, accurrere. Inſraſto quidem vultu, ſed qui à luctu laborare nonnihil videretur, illum comperit: ſtatimq; quod promptius armorum genus fuit, luſtrali vnda parietes inter preces reſperſit. Tūc interſpirare Franciſcus, ac ſuæ ſerenitati reſtitui, veluti graui quadam deſunctus cura, moleſtiaque, quæ animum prægrauaret: eodemque in temporis veſtigio prouolutus humi, exoſculari Dominiſi pedes, ingentesque habere gratias, quòd opportunus adfuisset. Quo ſanè rem ſibi eſſe cùm aduerſariis longè inſenſiſſimis, duraque in palæſtra ſignificauit.

Et iterū.

Eodem in Sanctorum Apoſtolorum Cœnobio eadē itidē turbæ auditæ ſæpiùs à Marco Blaſio, grandi natu, ac pio ex noſtris viro, qui propè ab Olympii cella aberat. Præſertim nocte quadam cū plūs ſolito à clamoribus perſtreperet Serui Dei Cubiculum, accurrit ipſe ad fores, rem vt propiùs exploraret: audiuitque veluti alter quidem validè percuteret, vapularēt alter ſtrenuè, cadente nimirum ſpiſſa verberum grandine: cū interim inclamaret in ea verba Olympius: Quid à me, cruentæ beſtiæ, queritis? Parui quidem ego ex obedientiæ legibus.

gibus. Quod ipsum is idem Blasius cum Gabriele Maria Honorat Lotharingo, laici Ordinis fratre, cui demandata Francisci cura fuerat, iterum audiuit, ac viri cladem, afflictationemque commiserati, aperuere ex inopinato cellulam, illumque de genu orantem inuenere. Non adducta ad tristitiam fronte lamentari, ac conqueri: non opem polcere, ne luctum proderet: ostenditque nihil procellæ peruasisse animum, quando quædam etiam vultu vernaret serenitas. Planè cum non dubitarent, à malis geniis tùm quidem illum peracerbè acceptum, ac multo verberè multatum; tùm id factum putarunt, quòd eo die pium aliquod pro animorum salute opus ex obedientia patraisset: atque indè concepta rabie dæmones iram impotentius euomuisse.

Illud etiam à Ioanne Francisco Nisio, quem supra memorauimus, narratum, quod non minimum quidem à quodam armorū strepitu terroris habuit. Regebat is Æquense Cœnobium; ac semel sub ipsum noctis contioinuum ecce tibi in Francisci cellula inconditæ quædam voces, turbæque adstreperè, perindè quati aliqua inibi armatorum manus fureret, misceretque omnia. Ad hæc, audiri Dei Seruus ea quidem spiritus difficultate, vt intercludi illi anima, elisistaucibus, videretur. Ergo ad illum, nulla mora, Nisius: Et accepisse se auribus, inquit, allisum, sonitūque armorum, ceu militaris ibi furor debaccharetur. Ediceret, quænam armata ea phalanx? an signa intulissent rebelles dæmones? Tacuit vir modestissimus, ac defixo humi vultu, visus affirmare. Scilicet, cum in tranquillissimo eo Vici recessu prolixiorè daret diuinæ contemplationi operam Franciscus: tùm suas etiam procuran-

Armorū
etiam cō
flictu ter
retur.

dis, inflammandisque ad amorem Dei mortalibus curas impertiebat, planè non sine communis pietatis incremento; vtrumque studium interturbare; aut vindicare ea inferiorum spectra, ac Legiones conabantur. Qui quidem militarium copiarum, atque armorum strepitus audiri etiam in eius conclavi Neapoli fuere. Et Ludouicus quidem Antinorus, spectati vir nominis ex nostris, summa fide testatur, olim se prima adhuc pube iuuenem in eodem Coenobio morantem, nocte quadam non dum adulta monitum à sodalibus, audiri in Olympii cellula veluti confluantium armorum agmina: egressumque cubiculo, in fine quidem certaminis peruenisse; reperisse verò ad ianuam plerosque ex Patribus attritos, metuque penè exanimatos; qui disertè affirmabant, audire sibi visos equitum; peditumque concurrentium copias; & Franciscum intrepidè obloquentem, inuocantemque vehementiore quodam spiritu Iesu, & Mariæ nomina.

Sed neque dissimulandum, nocturnis eiusmodi terriculamentis Dei Seruum, vel cùm ægrotus lecto decumberet, peti solitum: nempe vt afflictionem afflicto adderent teterrimi hostes: & quando fortissimum virum debellare ex se soli minùs possent; foederatis cum morbo viribus aggredierentur, conficerentque. A graui corporis incommodo aliquando laborabat, atque vna illi salus, edormire malum. At enim, qui nunquam dormiunt peruigiles aduersarij, id ijs curæ fuit, vt somnum abigerent. Id quod semel ipse disertè valetudinario aperuit. Nàm cùm is mane cellulam de more adiret: Hem, inquit ægrotus, Sus ille (sic dæmonem per contemptum appellabat) tantùm mol-

stiarum

In mor-
bis à ma-
lis genijs
æ. omne.

ftiarum intulit, vt noctem inſomnem duxerim. Verum vt oftenderet, quo fretus auxilio, & incolunitatem, & ab hoſtibus victoriam ſperaret, ea verba, quæ aptè magnæ Dei Matri accomodantur, uſurpauit: Ipſa conteret caput tuum. Quæ quidem ea vi, ac ſpiritu viſus pronuſſaſſe, vt quamuis à valetudine ſupra modum languerent vires; calces nihilominus ſtrenuè excuſſerit; ceu tùm quidem dæmonem ipſum protereret, mulctaretque: vt videretur etiam cubile ipſum ab eo impetu quati. Nempe generoſius cum ijs agebat, veluti imperio quodam, ac poteſtate in ipſos valeret, vt modò dicemus.

Infeſtus Infernis hoſtibus Olympius :
Cap. XIII.



SUPERBISSIMAM malorum dæmonum nationem tùm maximè læſeris, cùm ſpreueris : Enimuerò, vt eſt appetentiſſima honorum ſuperbia; ita nihil illi moleſtius, nullumque tormentum maius, quàm contemni: Antonius, illuſtris ille Inferorum antagoniſta, ac tot palmarum athleta, hoc fermè telorum genere, contemptu, videlicet, ac deriſu, integras interdum eiufcemodi hoſtium phalanges proſtigabat. Iſdemque armis utebatur Franciſcus, in Antonij Palæſtra egregiè edoctrus. Conuiciari, illudere, deridiculo habere. Si quis interdum de vi dæmonum, eorumque malis artibus inciſiſſet ſermo; aut imperare ſilentium, aut auertere ipſe au-

Dæmones
contem-
nit :

res,

res, ne honoris aliquid pestilentissimis iis geniis videretur loquendo, audiendoque haberi. Accidit id præsertim cum nostri Ordinis viro, qui coram Olympio infessam prauis spiritibus quandam domum cum referret; descenderat iam ad ea enarranda, quæ inibi funestandis ædibus, terrendisque inquilinis patrabant. Tum ille: Apage, inquit, hanc narrationem. Illata mortalibus consilio, ac vi dæmonis incommoda, exigua illa quidem fuerint, aut magna, nunquam profectò sermonibus vsurpanda. Efferrî siquidem illi, ac superbire, veluti plurimi facias, si quæ ipsi gesserint, seriò, atque ad historiæ fidem narres. Contra, ea silentio inuoluere; hoc est illos contemnere, ac magnoperè exagitare.

Eius præsentia
quam ijs
infesta.

Hunc igitur Francisci contemptum; cum preces, ac reliquam vitæ sanctimoniam nimium, quantum humani generis hostis formidaret. Faceßere, erumpere, ubi is aduentasset, aut adesse, quoquo modo significaret, Illud argumento fuerit. Extremam animam quidam ex nostris hominibus insigniter pius, atque absolutissima vir virtute agebat. Planè nunquam vehementiùs, quàm extrema vitæ linea furunt dæmones. Hic machinas, conatusque suos omnes adhibere, eò etiam validiùs, quò quis innocentior, ac sanctior: & in hunc quidem eximie pietatis virum visi acriùs insurgere, atque arietare: adeò vt ostenderet is vultu, gestu, totiusque motu corporis in discrimine summo rerum versari, ac nonnisi cum implacabili, teterrimoque hoste rem sibi esse. Congeminare preces, qui aderant, Patres: afferro à piaculari vnda, à sacris imaginibus, à Diuorum lipsanis, eorumque imploratione opem. Frustra omnia: æstuarè siquidem moribundus magis, ac magis,

magis, luctarique, veluti in difficillima palæstra. Certamini aderat Olympij confellarius, qui quòd probè nosset, quam ille imperij vim, potestatemque in prauos dæmones passim exerceret, accersendum duxit: nullus dubitans, quin acerrimam eam pugnam vel ipsa sui præsentia profligaret. Mira res dictu: Adfuit ille vix, cum fugatis, qui id vehementissimæ tempestatis excitabant, diffolata momento procella est; redijtque infirmo vultus, animique tranquillitas, qua piè mox decessit, velificauitque in cælum.

Hoc præsens, illud etiam absens, ac facili quadam ratione: quo sanè compertum, ad exturbandos, depellendosque dæmones non Olympium, sed Olympij nomen, aut vicariam quandam eius umbram, sufficere. Villa Sancta Maria Oppidum est in Vestinis Gentis Caracciolæ. Hic ipsas Dominorum ædes Lemures infederant, easque nocturnis laruis, ac terroribus infestas habebant. Procuratæ legitimis religionibus, atque ex Ecclesiæ ritu precibus non semel fuere, ac frustra: adeò vt abire inquilinos ipsos domo, atque alienis excipi testis, oportuerit, vt incommoda euitarent, ærumnasque à malis iis genijs: qui ceu vellent & ipsi splendide habitare, ea sibi conclauia vindicauerant. Inter hæc eò accersitus Antonius noster Caracciolus, vir ab ea demo æquè doctus, ac probus; qui infestas à Lemuribus ædes cum sciret, ea illas obsidione exsolui Francisci ope, ac vi posse, facile sibi persuasit. Igitur ingenti fiducia, ac spe plenus, quam ille in solemnì supplicatione, die Purificatæ Virginij Sacra haberi solita, facem non ita multò ante manu prætulerat, secum attulit. Quà deindè facem, vbi eò ventum, in frustra diuisam, per ea conclauia, implorato Dei Parentis, ac Olympij

Illo; domo abi-
git, quam
infederat

nomine accendit . Nec plura : quæ diù ab inferno-
rum dæmonum turbis adstrepuerant ædes , ex-
templò expiatæ . Nihil ampliùs inibi laruarum, ni-
hil omninò strepitus : altum vbique , vastumque
silentium . Qui primus incolet, ipse Antonius fuit;
qui monstra faceffiuiffe sui experientia commōstra-
uit : ac parta subindè securitate , repetiuere suam se-
dem Caraccioli , acceptamque retulere Francisco
domum, atque animorum quietem .

Humana
corpora
obliden-
tes diue-
xat.

Dæmones verò, qui humana corpora diuexarēt,
quo imperio premeret, ac vi percelleret, haud facile
memoratu est . Indignari vehementer, ac fremere
energumeni, cùm aut ipse adesset , aut eius nomen
pronuntiarent : vt liquidò appareret, nihil esse infer-
nis inquilinis Dei Seruo infestius . Extat Surrenti San-
ctimonialium cœnobium, è Diui Benedicti discipli-
na, cui à Diuo Paulo nomen, eòque Marcus de An-
gelis, Sacerdos ex nostris sacris confessionibus au-
diendis adire Antistitis iussu solitus erat . Moraba-
tur hic Christina Falangola, ex eo censu monialis,
quam occupauerant prauis dæmones, ac miris planè
modis exagitabant . Igitur cum eò accederet de
Angelis, vt adiret interdum vnà secum Olympius,
curabat : id nempè cùm cæteris monialibus solatio,
tùm ipsi energumenz leuamento fore, existimabat .
At enim Christina, etsi impensius aliquando, nem-
pè cùm esset sui potens, efflagitabat, vt eo virpiissi-
mus accederet : nihilo tamen minùs cùm sciret, ad-
uentasse; internis ijs furijs agitata, turbari vehemen-
ter, infremere, nec conuicijs abstinere . Et Marco
quidem indignabunda : Caueret, aiebat , ne cum
Francisco eò adiret : Secus si faxit, fore, vt serò pœ-
niteret . Contemnere ille eiusmodi minas , ac per-
gere

gere eò alacriùs, quò cerneret, torqueri inde non mediocriter dæmonem : qui quidem vt iniuriam, atque ex Olympij præsentia cruciamenta vleiscere, tur, exercere quàm molestissimè, atque exagitare Marcum cœpit. Ac semel, cùm ad aram faceret, hostiamque iam manu teneret, vt ritè consecraret, bestiolam immisit, quæ peracri morfu minimum digitum peteret. Planè vt cùm abigi tùm quidem, implicitis manibus, atque ob tanti sacrificii reuerentiam minùs posset, patientiam sacerdoti excusserit : Postera deinde luce Gynæcèum cùm adiisset, statim adillum quadam cum reticentia Christina : Rudimentum quidem molestiarum fuit, quod heri exhibui, cum tu : tuo malo, ac grauiore adhuc supplicio scies, quid irritata possit patientia, ac furor. Et consensere mox dictis facta : Insequenti siquidem, nocte quodam veluti terremotu quati cellam, ac labare solum sensit ; consternatusque graui metu, inclamare opem cœpit. Nec post multò cùm Romanam peteret, in itinere, cùm quiduis aliud pertimescere sibi posse videretur, exilire ex inopinato equus, ac non longè à præcipiti quodam loco fure ; incubuitque mox in illum, excussum sella : planè vt periclitari non minimùm de vita contigerit ; putaruntque, qui aderant, comites, saltem graui aliquo incommodo affectum. Qua ipsa die cùm, id, nisi occultis, infernisque nuntiis sciri Surrenti minimè potuisset, Falangola infortunium denarrauit gloriabunda ; malorum nempè dæmonum instinctu, ac nutu, qui malum creauerant. Quo tanè significarunt, quàm sibi infestus esset Franciscus ; quando adeò impotenter eius præsentiam ferrent, ac vindicarent.

Et huius
protur-
bat.

Coniu-
ges . filij
energum-
eni .

Integra modò familia producenda in medium, est, quæ Viri Dei in Dæmones vim vberrius testetur . Pater, genitrix, filij correpti, infelsique malis geniis, vitam inter teterrima ea monstra Neapoli ducebant planè infelicitissimam . Nulla id loci quies, vbi perturbarent, agerentque susque, deque omnia turbarum amantissimi dæmones . Pater, Bartholomæus Auricola . Hunc eò potissimum incitabant, vt se se præcipitem daret: ac semel quidem id efficere, vt ab altissima Pausilypi rupe decideret . Mater, Isabella Gualteria . Nihil hac foemina miserabilius . Adlatrare, ceu canis: quicquid intus torqueret, confectus macie, ac squalore vultus demonstrabat . Geminis item cum filiis haud mitius desertorum spirituum ingenium: planè vt circumferre malorum Iliadem viderentur; grassante arcana quadâ lue, quæ membra corruperat, ac miserè depascebat . Non absimilis inferorum locis ea domus videbatur, vbi tot simul corpora, atque animas implacabilis dæmonum rabies exagitabat . Iam legitimæ euocationes, ac sacra ex Ecclesiæ ritu carmina, diræque tum Diuorum patrocinia frustra hætenus fuerant: ac videbatur profectò diuini Numinis consilium, nonnisi Francisci Olympii virtuti eiusmodi profligatarum legionum trophæa seposuisse . Igitur cùm eius in Inferos potestatem inaudiuisset Bartholomæus, spe bona erectus, fore sibi persuasit, vt si ab eius manu Eucharisticum Christi Corpus aliquando sumeret; soluta obsidione, tyrannidem excuteret . Nec mora: Æquensem Vicum petit, vbi tùm ille agebat, exceptusque ingenti planè commiseratione ab eo est, ac iussus bono animo esse; quando Christi Domini virtute, ac promeritis fracta iam esset au-

dacia

dacia Principum tenebrarum; & modò fides accessisset, nihil esset Christianis hominibus facilius, quàm illos Saluatoris eiusdem armis, ac nomine loco depellere, ac sua in Tartara deturbare. Ergo fufis ad Deum, ac Deiparam precibus, obsessum, afflictumque miserandum in modum virum diuino Altaris Epulo reficere sua manu instituit: idque dum per plusculos dies continuat, deseruere desertores angelì stationem; ac restituta Auricolæ libertas, incolumitas, ac sua mens. Edocta hinc coniux, quem imploraret libertatis suæ vindicem, eundem ipsum eadem animi fiducia adiit: ac iussa recognoscere: atque expiare conscientiam, admissa à Francisco ad sacram Synaxim est. Libata vix ea Altaris hostia, cùm visa ex eius ore flamma erumpere: nempe inuoluti suo igne euasere, redieruntque ad stygem demones, relicta, quam diù inhabitauerant, ac diuexauerant, miserabili foemina, quæ prouoluta statim humi, grates Deo, ac Dei Seruo egit. Illud hic porrò non dissimulandum. Cùm Vicum petiit Isabella, discesserat iam Neapolim Olympius; atque adeò manere inibi oportuit, quoad ille postliminio rediret. Nec ita post multò, dum is reuerteretur; cùm id scire Isabella minimè posset, audita disertè pronunciare: En meus tortor venit. His dictis, quæ non dum apparuerat, visa mari cymba, quæ adueniret: ac dum explorant, comperiunt, aduētum ea Olympium, quem tortorem suum energumænæ mulieris ore appellauerat dæmon; vtpote qui viri virtutem probè nosset, ac prædiuinaret, ea mox sede ab eo exturbandum, vri accidit. Post parentes filios etiam, haud benigniùs quidem ab infernis hospitibus habitos, ab sua lue vindicauit. Adducti namque

In libertatem assentur.

namque ad Franciscum arreptitij adolescentes, expiati-
 que religionibus, ac precibus, agnouere & ip-
 si, abactis extemplò inessoribus, qua ille potentia,
 ac virtute in expugnandis Inferis valeret: atque ita
 asserta in libertatem familia est; ac veluti ab hoc
 Hercule Augiæ stabulum repurgatum. Extant &
 alia eiusmodi exempla, quæ docent ad Francisci vo-
 ces, ac preces fugari repentè solitas fœdissimas Infe-
 rorum belluas: quas, etiam, cùm opus esset, baculo
 multabat, abigebatque. Visus nanque non
 semel vultu quodam subirato fustem ad suæ cel-
 lule fenestram impingere, veluti aut expelleret
 aliquid, aut percuteret: certè, vti constans om-
 nium erat opinio, prauos, tunc genios, qui ad ip-
 sum accedere propius, ac molestiæ esse ausi fuerant,
 intentato, impactoque baculo fugabat, aut meritas
 poenas verberibus exigebat. Quo sanè osten-
 dere videbatur, quo illos loco haberet:
 quando cum iis, veluti cum vilissi-
 mis mancipiis, atque ex infima
 sorte nebulonibus fuste-
 ageret. At enim ne
 plus æquo in-
 ter deser-
 tores
 angelos detinuisse videar De
 Virū, de his hætenus, inui-
 tantque cælestium ordi-
 num Angeli, vt de sua
 ipsorum in illum be-
 neuolentia aliquid
 delibemus.

*Angelorum in Olympium blandimenta,
& studia.*

Cap. XIV.



PECVLIARI in Angelos ferebatur religione, ac studio Franciscus, quorum tutelæ, ac fidei commendata cum animorum, tum corporum momenta, salutemque mortalium nouerat. Suum præcipuè Tutelarem Angelū mirum, qua reuerentia, cultuque prosequeretur. Destinauerat illi quotidianum precationum pensum, quod & summa animi attentione persoluebat: & si quid aggrediendum difficilioris operis, etiam congeminabat. Nihil eo inconsulto agere: cauebatque maximè, ne inconcinno aliquo, seu verbo, seu gestu præsentem læderet. Quædam etiam in Tutelarem suum vrbannitas inerat. Eundem nempè foret, aut standum: ingrediendum, egrediendum, id ipso quadam oris modestia curare videbatur, vt præiret Angelus, eandemque ipse aliis religionem impensè propinabat. Cum Diuos alios intimè colendos, tum maximè Angelos, monebat: opportunitates ab iis existere omninò magnas: interpretes, nuntios, oratores esse quàm disertissimos apud Deum. Semel quis voti, uam quandam tabellam, beneficii testem dedicare cogitabat. Plerique in ea è diuorum censu descripti; quibus ille, ne quid deesset, appingi & Custodem Angelum iussit.

Angelos
principe
studio co
lit.

Promerita hæc eius in Angelos singularis obseruantia,

Ad sunt
Olympio
angeli.

uantia, ac pietas, ut ipsum vicissim Angeli suis studiis complecterentur, honestarentque interdum præcipuis benevolentia argumentis. Occultis planè modis hæc, ac veluti secretiore in conclavi, ut manare in vulgus, ac sciri minùs potuerint. Atamen non ita latuere omnia, quin aliqua diuinitus, aut coniecturis comperta, fama euulgauerit. Neque verò eiusmodi in Olympium studium obscure Angeli commostrarunt, cum illum aliquando per tenebras, ac difficili via deduxere domum. Percelebre Neapoli est Diui Martini coenobium, monte impositum, quem à Diuo ipso Martino vulgò appellant. Ciuitati ineubat, eiusdem Urbis, tum Neapolitani Crateris, ac reliqui maris prospectu amænissimum. Incolunt Cartusiani Patres, lucentque omnibus è summo eo loco tantæ disciplinæ exempla, ac mores. Optauerant diù religiosissimi Patres ad piam animi relaxationē, ac deuotionis ergo familiari Olympij consuetudinē, ac colloquio frui: factaque à Maioribus facultate, adiit ille; ac solidum diem moratus cum iis est ingenti quidem cum eorum voluptate, ac fructu. Vespere redeundum illi erat longiore quidem via, qua venerat: nam quod breuius est iter, præcepit illud, ac præruptum, difficili quidem ascensu, difficiliore descensu. Ergo dum currum cum socio expectat; aduertunt, se felle rhe-darium fidem: atque intendentibus se se tenebris, aceliui, abrupteque viæ se committere cogitabant: anxie quidem, ne persupina ea loca sub id maximè noctis tempus falleret vestigium; metuebatque Francisco socius, nempe Seni, & cui firmæ non satis vires. Inter hos animi æstus, ecce tibi viri quatuor se se obiciunt, graui specie: interrogant, num is esset

esset Franciscus Olympius? Affirmantibus se non, modò comites, sed vię duces exhibent. Igitur abruptum, cœcumq; à tenebris iter parum est, illos nullo incommodo ementos; nam festinato mirè gradu ac ceu volatu quodam, dùm longiùs adhuc abesse putant, peruenisse se ad Sanctorum Apostolorum coenobium aduertunt. Viri autem illi quatuor, dum gratias habere Dei Seruus parat, euauere. Planè haud ex vano putarunt, Angelorum veluti quadrigam eam fuisse, quæ breui, ac compendiario quodam itinere vexerit domum Olympium.

Domum
mirè de-
ducunt.

Atque hoc quidem semel, illud sc̃piùs, quod multorum fide constat: nempè Angelos illum à somno excitare solitos, vt rerum diuinarum contemplationi, ac cæteræ pietati vacaret. Nocte, vt in tempore significatum est, litare Deo precibus consueuerat Franciscus; & quòd prolixiùs oraret, anteuertere nocturnum tempus, ac suffurari se quieti, ac somno oportebat. At enim uerò, quòd ipsa interdum horologia, quæ vigilias, quietem, ac preces distinguerent, aliquando non suppeterent, aut fallerent, aderant tunc peruigiles excubitores Angeli, qui ostium pulsarent, excitarentq; Id quod auditū, exploratūq; accuratè à plerisq; nostris est, qui proximè ab eius cella aberāt. Etenim cū nocte intēpesta, atq; alieno prorsùs tempore pulsari sæpenumero eius ianua inaudiuissent, nec facillè sibi persuaderent, vsq; adeò intempestiuè abrumpi à nostratibus Viri somnum posse; excubare, ac rem diligenter anquirero decreuerunt. Itaq; stata hora pulsata ianua est: nec mora: exiliunt, inspiciunt, ac neminem prorsus repertiū: quod dùm iterum, & tertio ingenti cū admiratione obseruant, in eam tandem iuere sententiam,

A somno
excitant.

Angelos eos esse, qui horam enunciarent, ac sua Francisco tempora distinguerent. Quòd si longiore interdum spatio ad orandum, piumque aliquod opus obeundum indigeret; anticipare tùm quidem signum exhibitores, illumque excitare maturius consueverant. Neque omittendum, ægrotasse aliquando illum à graui erysipelate: ac tùm quo tempore decubuit, abstinuere eo munere Celites: nempe vt morbo, curationique consulerent quiete: ac simile vero est, qui incolumis viri vigilias exercendæ pietati curabant, eosdem ægrotantis somnũ non modò non abruptisse; verùm, vt potè salutis instaurandæ opportunissimum, etiam conciliasse.

Sacrificati
mini-
strant.

Non exiguum hoc planè, monitore Angelo, ad nocturna orationis pensa surgere. Illud splendidius; sacris ad aram operanti præsentis ministerio adesse prænobiles eos cæli ciues, ac sacrificium insolito quodam obsequio, cultuque prosequutos. Religiosissima quædam fœmina in sanctorum Apostolorum templo assidua erat. Mores informabant ad omnem pietatem nostri homines; animique potissimum deiectione, ac modestia solida eius virtus nitebatur. In rerum etiam cælestium contemplatione, ac diuinis mysterijs multa erat. Hæc semel Olympio ad aram Diuæ Virginis sacrificanti aderat: & quo tempore abluendæ manus essent, ad ea verba: Lauabo inter innocentes manus meas: abrepta à sensibus, visa sibi Angelum videre, oris gratia, ac luce quadam longè pulcherrimum, qui velut aulicus quidam puer, composito ad obsequium vultu aquam illi funderet; tùm linteum abstergendo porrigeret. Restituta hæc sibi, aperuit illicò rem confessorio, qui de his erga Dei Seruum blanditijs
atque

atque honore Cœlitum in sinu magnoperè gauisus, mulierem monuit, vt quando ita honestari pios viros cerneret, curaret ipsa pietati impensè operari, atque amare vehementiùs Deum. Planè Angelos missarum sacrificijs reuerentia, cultu, obsequio turmatim interesse, comperta res est. Testantur id cùm ⁊ alij satis multi, tùm plerisque in locis ⁊ Ioannes Chrysostomus, de quo item Diuus ⁊ Nilus memoriz prodidit, ipsum sacrificij tempore eiusmodi Cœlitum phalanges perspicuè videre solitum. *Vnde admiratione, ac letitia plenus* (verba sunt Nili de Chrysostomo) *amicis multum spiritualibus seorsim narrabat, quemadmodum, cùm sacerdos oblationem sanctam facere inciperet, plurimi angeli è cœlo lapsi, splendidissimis stolis induti, nudo pede, aspectu intento, vultu demisso circumstantes Altare, magna reuerentia, quiete, & silentio vsque ad mysterij consumationem, assistunt.* Obire igitur aram venerationi, timorique immixtos, solitos Angelos, passim legimus. At enim ex sacerdotibus aliquem id vnquam fauoris promeruisse, vt Angeli ipsi, affusa manibus aqua, datoque ad abstergendum linteo, inferuissent; haud facile quis in sacrarum historiarum monumentis reperiât, vti de Olympio modò narrauimus piissimæ mulieris fide: quæ iterum dum ad Marianam eandem aram eiusdem sacro interesset, facto itidè mentis excessu, Christum Dominum vidit grauissima oris specie, qui Franciscum benediceret, verbis conceptissimis inquires: Hic est seruus meus, quem vnicè diligo. Quod illa ad Confessarium item detulit: cuius iussu quæ semel, ac iterum viderat, suis literis consignauit: ita tamen, vt clàm omnibus ad certum tempus haberi, & cùm euulgari postea ad

Præses
missæ sa-
cro An-
geli.

A. Ambro.
in c. 1. Luc.
Dam. Epist.
50. ad Art.
Hic. Arcop.
de calcif.
Hier. cap. 5.

et 9.
B. lib. 6. de
Sacerd.
C. Epist. ad
Anat.

Dei gloriam contigisset, suum dissimulari nomen ,
voluerit ,

Olympij in morbis virtus .

Cap. XV.



Labefac-
tatur a
morbis a-
nionus.

Aletudine, ac morbis nihil est , quod
hominum genus magis afficiat , ac
premat . Hostibus , periculis , alijsq;
fortunę aduersis nō statim cedimus:
obnitimur plerumque præsenti ani-
mo; emicatque tūm maximē gene-
rositas, ac vigor, cūm in palēstram euocati, eiusmo-
dici infortunijs conflictamur . Morbis nulli vn-
quam obluſtari contigit: dat statim quisque ma-
nus , ac ceu victus , prosternitur: idque eo quidem
nomine longē miserrimum, quōd rarō in ea corpo-
ris clade non animum afficiat languor. Remitti Vir-
tus, rigor, ac disciplinæ nerui; eosque interdum cer-
nimus plus nimio indulgere sibi , quos aliās valen-
tes , ac integros, factos ad omnem austerioris vitę
specimen dixisses . Scilicet, cūm nihil tūm non-
honestet naturę imbecillitas , ac morbus ; facilē ē
statu erectę mentis dilabimur ad illecebras: emolli-
turque hinc cum exteriori homine etiam interior,
ac morbus morbum facit . Iam verō, Franciscum
grauiter identidem decumbentem , varijsq; morbo-
rum generibus implicitum in præsenti repræsentrari,
erit profectō pretium operę ; vt agnoscat statim le-
ctor , Viri virtutem longē fuisse vigorosiorem ,
quām vt illam ægritudines, ac dolores frangerent ;
neque ad eō vnquam desquisse corporis incommo-
da ,

da, vt ad animum refrigerandæ pietati, ardorique spiritus peruaderent: atque interim frugiferum tanè exemplar extabit, vnde in morib; non tolerantiam modò, sed & ceteram etiam disciplinam, ac veluti rationem, modumque ægrotandi petamus.

Vfus quidem est Olympius magnam vitæ partem integra valetudine, quam etiam præclaro vsu prosperiorem reddidit. Nam veluti non vtcumque, sed athleticè constarent vires, visus nulli vnquam labori parcere. Obire disciplinæ munia ad vnū omnia: diurnæ, nocturnæque psalmodiæ inexhausto quodam spiritu interesse: ieiunia, non ea modò, quæ leges nostræ præscribunt, sed alia extra ordinem seruare; pane interdum, ac frigida contentus: orationi cùm die, tùm ad multam noctem vacare: vrgeri non vnīs afflictationibus corpus; dare etiam proximis operam: planè vt nullam vnquam sibi ab officiorum assiduitate relaxationem, ac spiramentum indulgeret. Tuendæ verò valetudinis studium illi prorsus nullum: adè vt cùm intemperie, fluxuq; capitis aliquando laboraret, exorari nunquam potuerit, vt aliquid medicarū rosarum sumeret: quòd diceret, naturam eiusmodi blanditijs facilè assuescere: superabatque ferendo leuia isthæc incommoda: atque id interim illi curæ, vt tota corporis incolumitas militaret Deo, qui dederat. At enimuerò, vt fluxa sunt mortalia, sit quispiam licet firma admodum corporis habitudine, succedente nihilominus mox æuo, tentari morbis, eorumque impressionibus labefactari, necesse est. Id quod Dei plerumque consilium est, vt pietatem, ac spiritum ad hanc ægritudinum cotem expoliat, ac materiam det, segetemque virtuti. Atque hac quidem palæstra ex-

cepit

Olim fir-
mæ O-
lympio
vires,

Posse cepit Franciscum diuinum Numen. Enimuerò ab
 morbis anno vertentis seculi tertio decimo exercere illum
 slictatus, grauiſſimis morbis cœpit: attritaq; tractu tempo-
 ris, ac sensim vires: adeò vt sub ipsum vitæ extre-
 mū cadaueri ſimillimus videri poſſet; vtpote quem
 vis corporis, ac vox ipſa, anhelitus, ſpiritus deſti-
 tuerant, Reciprocare mala, atque alijs alia ſucce-
 dere viciffim videbantur. Grauiſſimis modò febri-
 bus laborabat; modò peracerbis laterum doloribus;
 podagra interdum, mox chiragra, tūm eryſipelate;
 denique nunquam ferè à morbis feriari videbatur.
 In his incredibilis tolerantia, de qua ſuo loco: &
 quod rariſſimum planè, vſque adeò præſens, atque
 ardens illi deuotio, tūm ipſa in primis cū Deo vnio,
 ac ſi optimè valeret, reſponderetque exterior mem-
 brorum vigor internæ virtuti. Hinc meditari, ora-
 re, pſallere: quotidianam ad Coelites pietatem, ſta-
 ta prodeſunctis, ac pro viuentibus precum penſa
 in ipſa ægritudinum moleſtia, atque acerbitate per-
 ſolueret; Chriſti Domini Corpori quotidie commu-
 nicabat; quo pietatis, atq; animi ſenſu, quo ardore
 ſpiritus, nullus poſeò explicauerit. Anno verten-
 tis ſæculi quartodecimo eryſipelas, graſſante etiam
 ad reliquam corporis cladem febris, vultum ita oc-
 cupauit, vt oculos ipſos inualerit, ablata etiam vſu-
 ra lucis. In moleſtiſſimo eorum ſtatu non ſe ille
 deſtituit. Nam vt ſunt opportuniſſimę diuinis cõ-
 mentationibus tenebrę, vſus ea oculorum nocte eſt
 ad attentioſiorem rerum cœleſtium cõtemplationem,
 ac pſalmodiam. Interrogatus, an aſiduam illam
 cum Deo vnionem eriperet atrox malum? negauit,
 eam vim morbo, vt à Deo cogitationes, curasque
 ſuas auelleret, & quamuis non nihil afferret impe-
 di.

In quibus
 pietatem
 probat
 ſuam.

dimenti naturæ languor; ad eam nihilominus difficultatis cotem exacui affectus suos, affirmabat; meramque meridiem in mediis ipsis tenebris esse animo, siue lucem ad contemplandum, siue ardorem ad amandum requireres.

Eximia item in eo erat in eiusmodi morbis animi tranquillitas. Si vis mali, atque inde periculum glisceret, pronuntiarentque seuerè medici, non tristitia, non metus vultum mutabat. Si spes deinde, imminuta nonnihil ægritudine, animos faceret, non idè exhilarare, atque exporrigere plùs æquo frontem videbatur. Mortis namque, ac vitæ medius, in Dei voluntate, ac nutu quiescebat; ad quem mirū est, qua se mentis alacritate, securitateque componeret. Planè cū sibi persuaderet, à Dei in nos beneuolentia bona, ac mala omnia existere; æquè ægritudinem, ac remedia adamabat. Et remedia quidem hoc potissimū placendi Deo studio libenter admittebat; nisi quid in ijs, aut peregrinæ artis, aut nimii sumptus cerneret. Contristari, testariq; mœrorem vultu tūm quidem videbatur. Scilicet, ita curari optabat, vt elucere in ipsa curatione fragilitatem, ac paupertatem veller; metuebatque vehementer, ne dum incolumitati consulerent, votam inopiam, ac cæteram disciplinam splendore quodā, pretioque labefactarent. Id semel planè non sine admiratione accidit. Ægrotabat grauiter; & quòd vis morbi, ac nimia corporis imbecillitas nescio quid posceret præsentissimi pharmaci, quod multo constaret; à medicis præscriptum: coemptumque, allatum domum est. Quod vbi ille rescīuit, visus incredibili quodam sensu affici, ac lamentari etiam, atque etiam, tantū æris pro vilissimo, ac nullius

Et animi
tranquil-
litatem.

Et in re:
medijs pa-
upertatē,

æris

æris capite insumptum. Nimirum, aiebat, longè vilioris se pretii esse, quàm medicinam. Quid inutilem vitam tanti emerent? Cur adeò pretiosè, ac splendide curarent vermem? Scirent, paupertati quæsitissima ea remedia molestiora esse, quàm morbum. His dictis, conuersus ad parietem nouus is Ezechias, tacitus, veluti quiesceret, diù mansit: tùm perinde quasi è somno excitatus: sibi quidem, inquit Patribus, meliùs esse. Adeuntibus verò medicis, depræhensus penè sanus: quocirca abstinendum pretioso eo pharmaco fuit, quod decreuerant: putaruntque Patres, Olympium, qui tanti fieri valetudinem suam, ægrè tulerat; conuersum ad parietem, eo silentio disertè perorasse apud Deū causā suam, ac felici faciundia, ac precum successu depulisse à se medicinam simul, & morbum.

Inuisétes
monitis
instruit.

Porro inter hæc morborū incōmoda cū proficeret ipse plurimū, augetetq; à tolerantia, atq; à cetera virtute promerita; tùm illud cū primis curabat, vt alios item nō modò exēplis, sed verbis etiam, ac monitis erudiret. Nam quòd periculosè plorūq; decūberet, manabat vix invulgus rumor, Franciscum ægrotare: cū, supremum eum morbū rati, accurrebant certatim ex omnium hominum gradu Neapolitani; partim vt officij causa inuiserent, partim vt nouissima ab eo verba haurirent: hi se, illi suā, ac familias vt commendarent: Gratum hoc illi accidere, atq; ad gustum humilitatis minùs profectò poterat: præsertim quòd veluti in cōmuni quadam direptione expilari cellulam, atque in modicam eā suppellectile iniici manus, ac seponi deuotionis ergo, suis met oculis cerneret. Excruciari intimè hac mortalium opinione, cultuque sentiebat: vt qui ni-

h il

hil horreret magis, quàm à sanctimoniæ fama honoris argumenta. At enimvero sensum hunc animi conspire fructuosiore mox cura videbatur. Intensus quippè in animorum lucrum, ut excipiebat perhumaniter adeuntes, ita abire illos cum fructu, cupiebat. Alloqui proinde incredibili quodam spiritu; ac veluti non lecto decumberet, sed è suggestu quodam ad concionem declamaret; præseruida, quadam vi dicendi monere, hortari, ad virtutis laudem, studiumque incendere, omnium planè, quotquot aderant, admiratione; quòd in tanta virium, imbecillitate suppeteret viro vigor, ac ardor. Fraudi quidem non mediocri affectæ salutis ea erat hominum celebritas, atque ipsa præsertim dicendi cōtentio: attamen pergebat vir flagrantissimus, quòd opere pretium faceret non exiguum. Et anno quidem voluentis seculi quarto, & vigesimo, quo penè conclamata eius vitæ salus fuit, subirasçi medicos oportuit, interminatos, nisi adeuntium frequentiam, ac dictionis assiduitatem cohiberent; fore, ut ipsi decumbentem, quem adeò illa læderent, non ultra inuiserent: quod ille non æquis omninò auribus accipiebat: quòd dilabi rei benegerendæ occasionem cum frequenti, attentaque, atque adeò docili concione cerneret.

Integros autem, ac sanos ad se aduentantes ita in spiritu procurabat opportunissimis, quæ modò diximus, adhortamentis, ut singulari quodam ingenio charitatis ægrotantibus etiam ægrotus confuleret. Mittebantur ab exteris, viri Dei percupidis bellaria, ac secundarum mensarum deliciæ, quas

*Ægrotus
ægrotos
iuuat.*

debat, ut quod dono darent, non sibi, qui non id unquam benevolentiae promeruerat, sed Deo donarent. Sic nempe, neque onerari se, suamque modestiam beneficiis; & fore, ut oblatum Deo munus gratius ipsi redderent, ac magnificentius. Has porro eduliorum illecebras, ut aliorum in se beneficentiam vestigalem pauperibus faceret; ægrotantium inopum leuamento statim destinabat. Nam facta à maioribus facultate, per celebri nosocomio, quod à salutata ab Angelo Virgine Neapoli nuncupatur, mittebat. Hoc, scilicet, præcipuum morbis suis solatium: hæc suarum ægritudinum lenimenta, recreari suo munere inibi decumbentes: planè ut mirarentur plerique omnes, cum, qui adeo propriis crucibus premeretur, vacare alienis infortunij posse, oblitumque sui, alios commiserari.

Agritudi-
num exitum
cognoscit.

Ad extremum recenseri pleraque adhuc possent de constantia, de contemptu vitæ, de pietatis usu, de amore in Deum, de sui demissione, quas ille virtutes mirificè intendebat, exercebatque, dum ægrotaret: at abundè fuerint, quæ diximus. Illud non dissimulandum: nempe perindè ipsum prævidere solitum ægritudinum suarum exitum, ac si superio, re quodam lumine, ac monente Deo ipso, cognosceret. Et in ea quidem, quæ suprema illi fuit, valetudine, ut in loco significabimus, sub ipsum mali initium re nondum comperta, certò se excessurum pronuntiauit. In cæteris verò, etsi addubitabant vehementer medici, ac nonnunquam etiam à vi morbi vitæ desperarent; ipse nihilominus, crescente licet aliorum metu, ea quidem securitate de salute sua loquebatur, veluti iam conualuisset. Et in Vici Acqueusis coenobio id accidit. Excruciabat illum, ut
cum

cum maximè laterum dolor, continuus æquè, ac peracerbus, planè vt supremum illi exitium afferre videretur; cū ex nostris vnum, qui aderat, sui intimū interrogauit: Quantum vespertinarum precum hora distaret? Mirari ille, quod non eiusmodi interrogationes Francisco solitæ. At enim vbi eadem ipsa hora doloribus defunctum, illum penitè conualuisse, aduertit; tunc enim uerò facilè sibi persuasit, non modò de salute vtcumque illum diuinitus monitum; sed de hora etiam, momentoque certior factum.

Occasione ægritudinum ex Olympii vena sanguis.

Cap. XVI.



Frequenti morborum, quos modò loquuti sumus, impressione mitti ex Olympij vena sanguinem, persèpe oportuit: qui quidem aliquorum pietate exceptus, seruatusque; dum mirè purpurascit, ac floret, collatisque etiam beneficijs inclarescit, Viri Dei virtutem clariorem reddidit, atque inducto veluti quodam minio, etiam pulchriorem. Quocirca post ægritudines opportunè hic se se obijcit sanguis, sanè non omittendus, vt in historijs item efferuescat, perenneque, qui citra omnem corruptionis labem vitreis liquefcit, ac viuit in vrnulis. Igitur ab insigni opinione, quæ de eius sanctimonia Neapoli percrebuerat, quicquid laciniarum, ac suppellectilis eius fuerat, in pretio cū haberetur, tū ipsum in primis sanguinem

Eius sanguis in pretio.

Apud Gabrielem Mariam Honrat.

nem cum secari venam contigisset, ceu quid pretiosius, impensius efflagitabant. Accipiendus clam erat, ne virum modestissimum contristarent, si aduertisset. In eo proinde surripiendo certare nostri, ac exteri: & medici ipsi adesse dedita opera sectioni curabant, ut saltem sudariolum arte quadam, ac furtim intingerent, asportarentq. Qui primus ampulla illum vitrea exceperit, seruaueritq; is fuit Gabriel Maria Honrat, Lotharingus, laici Ordinis frater, quem supra nominaui: qui anno voluentis huius seculi quartodecimo, quo à grauissimo quodam erysipelate Franciscus laborauit, valetudinarij munere in sanctorum Apostolorum domo dum fungitur, interiore quodam impetu, instinctuque actus, seruare detractum illi sanguinem statuit. Qui quidem sanguis, quod vehementissimus tùm esset morbus, æstuante peracuta etiam febris, visus non adeò sincerus, ac purus exilire, atque adeò corrumpi citius debuerat. Verùm ita nulla ex parte speciem mutauit, ut ceperit etiam roseo quodam colore purpuræ mirandum in modum efflorescere: uti vernat hodièque is ipse viuus, ac pyropo non ab similibus color.

Apud Cerchiam Marchionissam,

Pt Paulum Philamarinum.

Reifama plurimorum desideria, ac vota domi, forisque accendit: idque suis precibus nonnulli euicere, ut aliquam eius cruoris partem obtinerent. Fuere hi ex nostris Hieronymus Pignatellus, vir grauissimus, postea Archiepiscopus Rossanensis, qui Zenobiæ Pignatellæ, Cerchiaræ Marchionissæ sorori dono dedit: Paulus Philamarinus, Episcopus Cajacensis, & Fulgentius Gemma vir eloquentissimus, Margaritæ Gonzagæ, Ferrariæ olim Ducis à sacris confessionibus, qui Neapoli eo anno declamauerat;

ac

acferunt, Mantuam redeuntem, Ferrarienti eidem Principi ornatissimæ, quæ Olympij nomen, ac virtutem abundè nouerat, id pretiosi muneris attulisse. Ex exteris Octavianus Loffredus, Cannæ Marchio, vt aliqua, & ipse eius sanguinis particula potiretur, ossiculum è Beati Andreæ Auellini corpore, quod in pretiosissimis habebat, cum Gabriele Maria diuisit, accepitque vicissim pro osse cruoris partem. Porro quod ab ea diuisione Lotharingo huic fratri reliquum fuit, asseruare is perdiligenter, atque insigni veneratione studuit: crescebatque in dies cultus, quòd nunquam non fluidū, liquidumque, ac colore quodam florido cerneret: veluti tūm quidem sua manasset vena: etsi frigidissimo interdum coelo, ac reliquis temporum iniurijs ad experimentum exposuisset. Ne rem sibi pericaram fragili committeret vitro, vitrum ipsum stanno incluserat; sicque tutiùs vnà secum circumferebat, ceu quoddam aduersùs infortunia amuletum, tutelamque vitæ præsentissimam. Et euenere quædam memoratu digna, quæ hic referre, non sanè pigebit.

Et Fulgētium Gēmam,

Et Octavianum Loffredū,

Dominicus concubletus, Arenæ Marchionis filius, voti reus, petere Barium Urbem debuit, vt ea se aduersùs D. Nicolaum Myrensem religione exolucret. Commendatus is à parentibus, nostri Ordinis studiosis nostratium fidei fuit, qui in eo illum itinere sunt prosequuti: aderatque is ipse Gabriel Maria, qui antequàm Neapoli discederet, Olympium inuiscere, vt bene precaretur, voluit: & ille faustum iter precatus, id magnoperè ab eo petijt, vt se Diuo Nicolao, quem vnice colebat, commendaret. Ergo Barium vbi peruenissent; & Francisci mandata exequutus Gabriel Maria est, & simul instinctu quodam

Mira à Lotharingi sanguine.

Qui se-
uet,

dam ad sanctissimi Episcopi tumulum deponere tantisper, quem secum ferret, sanguinem voluit. Mira res dictu: ebullire extemplo, ac veluti admoto igne in caluisset, efferuescere in spumas coepit: plane ut metueret ille, ne diffundi contigisset. Agnouit profecto sanguis ille Appuli eius Thaumaturgi ossa, ac manes: atque eo ardore, motuque testari Olympii ipsius in illum religionem, atque intimum cultum voluit. Ebullientem verò eiusmodi ampullam cum Concubletus, tum nostri ingenti cum admiratione inspexere: durauitque is ardor, ac spuma, quoad Neapolim postliminiò peruenere. In ipso verò reditu tuit, quòd effusè item mirarentur. Propè Montè Fuscum, quod est in itinere Oppidum, ascensus quidam difficilis viam non modicè quidem asperat. Hic vnum meritorij currus equum spiritus destituit, conciditque à labore exanimis: adeò ut cum auriga, cui Onuphrio nomen, eius vitæ desperaret, conficere illum, ac pellem detrahare cogitaret. Inter hæc Gabriel Maria: Apage, inquit, est adhuc, quod iubeat bene sperare. Sanguinis ampullam exerit, ad mouet: nec mora: visus euestigiò alacri quodam spiritu equus surgere; tum currum pertrahere, ac reliquum viæ, ac cliue nempe iter, ac arduum vorare. Humana id ope factum, putauit auriga, rogabatque enixè, efficax adeò remedium edocerent, ut defatigatos, enectosque interdum, lassitudine equos eo præsidio restitueret. At monendus tum quidem fuit, à piissimi Viri sanguine effluxisse vim illam, quam nulla profecto exæquarent medicæ artis consilia.

Exanimè
equum
vegetat.

Illud eidem sanguini tributum. Marcellinus Oda, Neapolitanæ Prouinciæ Visitator in Apuliam, ac Salern.

Salentinos, vt ea Ordinis domicilia de more inuiferet, contendebat, Socius illi Gabriel Maria. Nihil tùm Apuliæ regione infelicius: imbrem quippè cælum diù negauerat, cuius duraturam adhuc diutius indignationem serena vbique eius facies indicabat. Sitire campi, ac segetes: lamentari vehementer coloni, quorum labores, ac spes non tempestas, sed tranquillitas, ac suda nimium tempestas corrumperat. Populis nihil ea aeris serenitate foedius, ac tristius, vt qui certam ab annonæ caritate cladem metuerent. Igitur Gabriel Maria regionis calamitatem propulsandam opportunissimè Frâncisci sanguine, quem secum gestabat, ingenti quadam fiducia sibi persuasit. CrySTALLUM, eo cruore nobilem, manu protendit: tùm age, inquit, FRANCISCE, non tàm sanguis hic tuus, quàm tua in sanguine efferuescat pietas. Emolliant preces tuæ æneum hoc cœlum, ac regionem exhilarent ruentes tandem imbres. Nulla tùm quidem cœlo nubes, nullum pluuiæ vestigium: attamen non prius postera illuxit dies: quàm largus telluri imber, alimenta segeti, genti faustitas compluerit.

Et pluuiâ
impetrat.

Hæc alijs Viri Dei sanguis, qui sibi etiam cauit aliquando, & illi, qui ipsummet circumferebat, deprædicabatque: quod ingenti quidem admirationi deseruiit. Socius is idem Gabriel Maria Ioannis Baptistæ Gallucij ex nostris Neapoli Sanctum Martinum, nō longè Beneuento oppidum petebat. Curruuebantur: ac dum irent, nescio quonam equi metu, aut cestro perciti, impetu fugam arripiunt. Non rectoris peritia, ac vis, non accurrentium voces valuerunt, vt sisterent: raptare per summa; per ima currum, penè effractum. Dum desilire

seruatur,
& seruat,

Ga-

Gabriel tentat, fallente gradu, interceptus rota est : & quòd altera subindè, eodem impetu acta, insequetur quadriga, obtritum iterum rotis currentibus : adeò, ut nullus dubitaret, actum de eo esse. Ille Franciscum Olympium, eiusque extemplò fidem implorauerat : eòque dum alij commiserantur, accurruntque, surgit ipse incolumis, ac integer. Verùm, quòd per eam corporis partem currus transierant, ubi is gestare sanguinis ampullam solitus erat ; nihil antiquius habuit, quàm explorare, an illi bene esset. Mirum dictu : ampullæ thecam, quam ex stanno diximus, dissutam, diffractamque comperit, vitrum omninò incolume. Quocirca gratulari illum geminum sibi beneficium contigit ; seruata nempè per eam rotarum iniuriam, & suam vitam, & Olympij sanguinem : omnibus interim, qui aderant, stupore percussis, quòd superstitem cernerent, quem conclamauerant ; & quòd violentus adeò impetus, stannò obtrito, vitro pepercerat. Hic porrò penes Lotharingum hunc fratrem cruor, qua die defungi vita Franciscum contigit, ac per octo consequentes dies visus mirè ebullire : vocatique in facti conscientiam fuere plerique è Sanctorum Apostolorum domo Patres, atque ipse in primis Præpositus, qui tùm Vincētius Caracciolus, postea vniuersi Ordinis Præpositus Generalis. Efferbuisse itidem, atquin spumas abiisse, quoties de præclaris Viri laudibus, atque eximia virtute sermo esset, testantur satis multi, qui rem oculorum fide comprobauerunt.

Hieronymus
ebullit

Ab hoc veluti fonte diximus, riuulum fluxisse ad Cerchiaræ Marchionissam, ex dono Hieronymi Pignatelli germani fratris. Sua hic etiam à collatis beneficijs, patratique miris non caruit laude : ac pleraque

Mira de
eo narrat
Pignatelli.

raque de eo narrant eadem ipsa Marchionissa, & Ioseph Pignatellus coniux, Noiæ Princeps : tùm Fabritius Pignatellus filius, Montis Leonis Dux, & Ioanna Pignatella coniux, & Violantes, nunc in Neapolitano Sapientiæ gynæcæo Monialis, Anna Maria Pignatella, Noiæ Principis filia. Qui quidem omnes seriò affirmant, non semel id ipsos experientia tùm coram nostris hominibus, tùm coram familiaribus cepisse. In medio nempè crySTALLINAM illam Olympij sanguinis ampullam posuisse : tùm de Viri virtutibus, morumque sanctimonia sermonem vnà instituisse, ac visum extemplò abire cruorem in spumas, atque ebullire. Iidem ipsi Viri Principes id etiam domestici euentus narrant. Montis Leonis Ducum filius, primo loco natus, Burrelli Comes, nunc ab ornatissima coniuge Aragonia, Tetrænoux Ducis filia, Vallij Marchio, triennis olim puer ægrotauit. Vocatus Olympius, adfuit. Pia quadam fraude suimet sanguinis ampullam, vt eius tactu opem puero afferret, illi tradunt. Persuaserrant nempè, è Beati Auellini corpore eum olim manasse sanguinem. Ferunt, à quadam tùm quidem vultus mutatione Franciscum non latuisse, suum esse cruorem illum : sed idipse non affirmauerim. Igitur recitare illicò ad gratiarum actionem Eucharisticum hymnum Dei Seruus, ceu beneficii iam certus : tùm efformata eadem ipsa ampulla cruce, ægrotantem signauit, ac veluti quid cælestis præsidij ex ea deriuasset, restituta puero, vt Dux ipsa Mater affirmabat, non ita post multò salus. Sanguinem verò subindè contemplatus, cùm viuidum, florentemque cerneret ; magnoperè commendauit, hortarique eos proceres coepit, vt inter præcipua,

Burrelli
Comes
eius att.
ctu san-
tur

In ipsa
Olympij
manu ef-
feruiscit.

ac cariora, ceu quid pretiosissimum, haberent. Quæ dū pronuntiaret, efferuiscere mirè cruori eòq; efferri, atque excrefcere, vt qui longè infra medium an- pullam occupabat, cū ille in manus accepit; cū deindè restituit, iam penè ad orificium peruenerat spuma. Addit præterea, quam modò appellauimus, Anna Maria Pignatella, Marchionissam Matrem, cū aliquid grauioris negotij domi, aut foris accidislet, inspicere solitam Francisci sanguinem, quem non alio, quam thesauri vocabulo appellabat; atq; inde vsu quodam, atque experientia euenta rerum fausta, aut secus prædiuinabat; cū interim ingenuè fateretur, pleraque se non poenitenda accepisse diuinitus beneficia, eodem ipso sanguine, cui sua vox, apud Deum patrocinate. Hic porrò à Cerchiaræ Marchionissa ad Montis Leonis Ducem filium successionis quodam iure transijt, coliturque in ea domo Principe quodam studio. Annis verò superioribus Montem Leonem adire Ioannem Antonium Carasam, & Hieronymum Pignatellum ex nostris contigit, eiusdem Ducis alterum quidem germanum fratrem, consobrinum alterum, qui testati postea sunt, vidisse tū se cruorem illum roscum adhuc, liquidumque, ac planè recentem.

Donatus
Gasparus
Olympij
sanguinē
seruat.

Iam verò fuit è laicis alter, cui nomen Donatus Gasparus, qui quòd valetudinarius item esset in eadem SS. Apostolorum domo, secta Francisci vena, vrnulam & ipse vitream eo sanguine religionis ergo imbuit: persuaferat nempe sibi, fore, vt incorruptus hic etiam, ac floridus, vti aliàs contigerat, seruaretur: atque adeò suum & ipse fontem irriguum haberet, vnde opem alijs, salutemque, cum res posceret, deriuaret; atque interim animaret, foueretque

que eo sanguine pietatem suam. At enim lusa tùm quidem viri opinio, ac spes. Enimuero asseruatum perdiligenter dum aliquot post diebus repetit, ac recognoscit; deprehendit lapidis in morem induuisse: subfuscus item illi color inerat, abieratque pallentes in violas rosa: ita vt cùm nihil à vulgari sanguine differre videretur, proiiciendum non semel secum ipse decreuerit. Accidit hoc anno vertentis seculi circiter vnde uigesimo: quo tempore peruasit apud nostros opinio, id impensius petiisse à Deo Olympium, vt quando non sine humilitatis sensu suum seponerent sanguinem, haberentque in pretio; cohiberet id mortalium studii, & aut putrefieri sineret, aut lapidescere. Verùm quòd decem omninò post annis rediit sāguini suus color, ac flos, affirmandum profectò, ideo tùm induruisse, vt maiorem postmodùm admirationem concitaret noua post decennium purpura. Etenim eodem ipso Februario mense, quo excessit è viuis Olympius; anno, videlicet, à Virginis partu post millesimum sexcentisimū vigesimo nono, dum sanguinem inuisit Donatus, defigi stupore quodam contigit. Nam veluti adstrictam diù glaciem verni subindè soles soluiscent; fluidum illum, viuidunque, ac cinnabari etiam concolorem reperit. Id quod, & à plerisque tùm quidem è nostris hominibus spectatum, ac postmodùm cum de eius virtutibus Neapolitani Archiepiscopi iussu anquirerent, atque acta conficerent Iudices: is ipse Donatus, dum pro testimonio diceret, ampullam ipsam ad rei fidem inspiciendam iis attulit: duratque hodieque liquida, ac rubescens adhuc ea sanguinis purpura, admirabilitas.

Qui indu-
ruit.

Sed mirè
postea li-
quescit.

Sed neque dissimulanda eiusmodi item ampulla,

Sanguis
tem apud
Franciscū
Mariam
del Mo-
naco.

quæ penes Franciscum Mariam del Monaco, Drepanitanum, virum ex nostris egregiè eruditum, Romæ erat, dum is Patris Generalis Consultorem ageret, acceperatque à Laurentio Gauotto, Theatini item nominis viro, Episcopo Albintimeliensi, quam & eximio quodam studio seruabat, & mox à mirabili quodam euentu cariorem habuit. Extabat tùm Romæ, vti modo extat, foeminarum familia, longè honestissima. Anglæ illæ quidem prænobiles genere, sed Christiana religione, ac pietate nobiliores: vt quæ Patriam, gentem, fortunas, vt in Romanæ Ecclesiæ, germanæque fidei sinu viuerent, egregia quadam animi indole, atque in ipso flore œui reliquere. Harum deindè moribus nihil religiosius, nihil modestia, grauitateque spectabilius: vt in ipsa oris elegantia pudor, ac sanctitas luceat. Mirata diutiùs id eximie virtutis Romana Aula est, adfuitque ea quidem ope familiar, vt nunquam præclaræ exules Summorum Pontificum, aliorumque procerum beneficentiam tolerandæ vitæ desiderauerint! Familiares hæ quidem nostris, quorum opera in expiandis conscientiiis vtuntur; eoque & illarum perstudiosus Franciscus Maria erat: qui, quòd sæpe sæpius sermonem cum iis de Francisci Olympii virtute, ac miris habuerat; sanguinem, qui penes se erat, spectatu planè dignum, iis afferre inspiciendum, statuit: voluptati nempe lectissimis Virginibus fore, id cruoris cernere, qui perindè liquefcet, ac vernet, ceu recens manauerit. Igitur dum adit, aperta que pyxides in qua ampulla erat, sanguinem recognoscit; quem modò liquentem viderat, aduertit induruisse; ac rei nouitate percussus, penè gradum retulit. Nam quid inde peregrini spectaculi exi-

existeret ; aut quid vnquam admirationis afferret concretus cruor ? Verùm, quòd à viuida quadam specie incorruptus adhuc videretur , fore nihilominus pretium operæ, putauit, si sic ostenderet, quamquam induruiſſet . Neque mora: eas conuenit: præfari , quid ſibi acciderit : triftitiam inde ſuam aperire, ac dum prodere concretum ; congelatumque ſanguinem putat; ecce tibi fluere is ipſe, ac liqueſcere : planè vt et miraretur ipſe effuſè, & ſolatio incredibili Anglis iis Virginibus fuerit, purum, fluidumque in vitro ſanguinem cernere: præſertim quòd ſcirent , mutatum repentè eſſe , ac ſuo iterum murici reſtitutum .

Et ab eo
admira-
tio.

Romæ item penes virum principem, nempe Fræciſcum Caietanum, Sermonetæ Ducem cryſtallina eiſmodi recentis ſanguinis ampulla extat . Additiſſimus iſ cum noſtro Inſtituto, tùm Olympii nominis, quem nouerat abſolutiſſimæ virtutis ; acceptum à Ioanne Baptiſta Seriſali ex noſtris id muneris, ſingulari quadam religione domi ſeruat, ceu præcipuum aliquod eiſ præſidium, ac decus . Nihil proſectò cruore hoc purius, ac pulchrius : penè viuut, caletque, ac ſi in ſiſ eſſet venarum conceptaculis . Teſtes ſumus, quotquot penè in domo hac noſtra Quirinali viuimus . Enimuerò cum Februario menſe huius anni voluentis ſæculi quinquageſimi ſexti ingenti quodam deſiderio videndi eiſ ſanguinis pleroſque è Patribus teneri, inaudiuiſſet Dux religioſiſſimus ; qui ſingulis diebus feſtis conuenire noſtras ædes uſurpandis myſteriis ſolitus eſt, afferre ipſemet ampullam voluit . Ergo accurrimus penè omnes . Exigua quædam urnula ea eſt, ſed quæ non exiguam parit intuentibus admi-

Penes Ser-
monetæ
Ducem
ſanguis

ratio-

rationem. Non mòdò liquidus ibi sanguis; sed, uti modò significatum est, floret, ac purpurascit mirandum sanè in modum. Et nobis quidem utcumque inspexisse non sat fuit: sed manu etiam crystallum attrectauimus, excussimus, susque deque inuertimus: cum semper idem appareret cruor; viuïdus nempè, florens, purpureus. Ostendisse illum medicæ artis consultis non semel, Dux ipse testatus est: eosque recentem, incorruptumque seruari tandiù posse sanguinem, omninò negasse, ac nonnisi diuinæ cuidam virtuti id tribuendum, censuisse.

Ft Mediolani apud Pallauicinum,

Mediolanum nonnihil etiam Francisci sanguinis attulit Placidus Pallauicinus, æquè nobilis, ac probus ex nostris Sacerdos; habueratque Neapoli à Francisco Boluito, qui sua deinde non caruit in propulsandis morbis efficacitate, ac vi. Pleraq; is ipse Pallauicinus ad eundem Boluitum collata beneficia perscripsit; ex quibus quæ magis comperta, eorum nempè fide, & scripto, qui opem sensere, consignare his literis, non pigebit. Praxedes Grancina peracuta febris implicita, inflammataque ex mamillis altera, vitæ vehementer metuebat. Cum medicorum consilia minùs procederent, adhiberi valentiora remedia voluit. Ergo, illa enixiùs postulante, allatus à Pallauicino sanguis, quem Praxedes venerabunda, ingentique fiducia vespere exosculata, ita habere tùm quidem melius cœpit, ut mane abierit omninò morbus. Consanguinea huic Angelica Grancina, cui non impar beneficium contigit. Subitus quidam morbus ita illam afflixerat, ut affecto cœtero corpore, guttur præsertim insolito quodam igne, veluti admota illi fax quædam esset, æstuares; amissò etiam penitùs vocis usu. Instare iam fatum vide-

A quo mira

videbatur, cum attractu sanguinis somno se dedit: at mox expergefacta, sensit, restituto gutture, ac voce, mirè conualuisse: votiuamque tabulam, rei testem benefico suo dedicauit, quæ à nostris priuatum aileruatur. Sensere & eandem hanc Francisci opem par sororum, Lucia, & Angela Valpertica. Hæc oculum, suffusa quadam caligine, penè amiserat: illi alterius auris vsus iam diù penitus ereptus. Sanguinem utriusque applicuit Pallauicinus: & alteri mox oculus; alteri auris redijt. Euenere hæc Iunio mense vertentis seculi anno quadragesimo primo. Quo item eiusdem anni mense Puella, quæ, casu impacta ad alterum oculum forficè, ac pupilla foedè corrupta, eius penitus lumen amiserat; tactu item salutaris eius sanguinis intra dies non ampliùs tres gratulata est sibi, atque oculo lumen; testata, votiua etiam tabella beneficium. Postremò nobilem quandam foeminam peracerbi partus dolores sextum iam diem discruciauerant; ac nihil propiùs erat, quàm in ipso puerperio defungi vita. Allatus à Pallauicino sanguis, admotusque penè moribundæ. Nec mora: enixa foetum est, ipsa quidem incolumi: sed partus, uti puerpera ipsa vouerat, sacro intinctus fonte, denatus terris, natus cœlo est. Quo loco illud etiam admirationi fuit, quòd effervesce in ampulla sanguis coeperit: argumentum pronioris in foemina pietatis.

At enim ire stylum per singula, prolixius planè esset: nec vacat, imbutas Francisci sanguine lacinias, sudariola, lintea singillatim recensere, quæ, uti supra monuimus, nostrates, medici, tonsores, exterique alij, non sine quadam artis industria pietatis ergo sibi per interualla temporum se
posue-

posuere : ex quibus deindè præsens Olympij præsidium , ac diuini Numinis beneficia sunt experti . Illud hic ad specimen referam . Leonius Neapolitanus , furore quodam percitus , in filiam aliquando insaniit ; strictoque ferro , foedum illi vulnus , vbi manus brachio iungitur , inflixit . Et curata quidem tractu temporis puella , perductumque ad cicatricem vulnus : verùm , excisis neruis , pendula , ac prorsùs inutilis remanserat manus . Lusa medicorum arte , dum intimè parentes mœrent , subit animo , esse domi intinctam Francisci sanguine laciniam ; erectique grandi quadam fiducia , oppor-

Manus puellæ relictæ
reliquitur .

tunissimum fore , putant remedium ab ea

quærere . Ergo admouent : ac tùm qui-

dem perindè confirmari manus vi-

sa , vt intra biduum accesserit

illi suum robur , & vis :

fuitq; deinceps cui-

libet labori , at-


que operi

par , ac si nullum

ynquam læ-

sisset fer-

rum :



*Consecrata à Francisco aqua Vis,
& mira.*

Cap. XVII.



ST quidam in Diuinis oraculis sanguinis, & aquæ, nexus; salutemque mortalium in aqua, & sanguine constituit mundi Saluator. Eapropter Olympij sanguini, de quo modo loquuti sumus, opportunè aquam annectimus, quam vt communi pietati, ac postulantiis morbis, cæterisque vitæ necessitatibus occurreret, consecrare ipsemet solitus erat. Accurrebant nempe passim ad ipsum ex omni gradu viri, ac feminæ, ac pro sanctimonie, quàm de illo conceperant, opinione implorare ærumnis suis opem, ac petere ab eius virtute remedia consueuerant. Aderat ipse omnibus, eorumque propulsare incommoda quæ precibus, quæ sacris amuletis curabat. Hinc grana, Diuorum imagines, flosculi. Ipsa in primis aqua certis deuotionibus sacra, familiaris illi erat, distribuebatque ad omne morborum genus. Et quòd eius potissimùm oratio efficacitatem illi quâdam impetraret, adderetque etiam vim piorum, fides, saluberrima ea erat: vti abactæ non semel ab humanis corporibus ægritudines, vlcera, dolores, aliæque istiusmodi pestes luculenter testantur. Vtendum hic delectu est, ac pauca stylo seligam, quæ lectori admirationem, ac voluptatem pariant: idque in primis denarrandum, quod peruulgatum com-

*Aquâ de-
lædis mor-
bis conse-
cratâ*

muni fama Neapoli fuit. Faber quidam Ferrarius, cui Ludouico Campanili nomen, Sanctorum Apostolorum coenobio, prout conficiendi operis alicuius occasio se se dabat, interdum aderat; atque à quadam indole pietatis Francisci beneuolentiam, ac nescio quid peculiaris erga suam familiam studii promeruerat. Igitur, utpote qui eius, quam modo memorauimus, aquam vim nouerat; ut suam domum aliorumque incolumitati consuleret, illam summis precibus à Francisco petierat. Qui quidem Dominica quadam die inter sacras diuinæ Eucharistiæ ferias artificis illius domum petasatus, togatusque egredientium domo nostratium more, nullo tamen comite, iunxusque baculo visus petiisse. Dum pulsat, audit ab eius coniuge, abesse virum. Et da tu mihi operam parumper, inquit Olympius, paucis est, quod te volo. Adfuit confestim mulier, aperuitque Dei Seruo officinam: tum ille consalutare primum, quas in ea vidit Diuorum imagines: deinde habere, ait, hanc tibi phialam, quam Franciscus Olympius mittit; Viro tuo dabis, ubi primum domum redierit, eritque profectò opportuna propellendis morbis propinata infirmis aqua. His dictis, ita abiit, ut dum obseruare illa studet, qua via tenderet, aduerterit, momentò euanuisse. Reuerso non ita post multò domum coniugi, renunciat mulier, eò Theatinum hominem adiisse, missamque ab Olympio ad ægrotantium incolumitatem aquam ultro dedisse: ac dum Viri speciem, habitumque, atque in adorandis sacris imaginibus pietatem aperit; persuasit sibi Ludouicus, illum certè non alium, quam Franciscum ipsum fuisse. Quocirca, ut rem propius exploraret, Sanctorum Apostolorum coenobium eodem in vestigio

Filius mirè
compos
Ludouicus
Campanilis

stigio temporis petit. Quid acciderit, Præposito, qui tùm Vincentius Caracciolus, quem aliàs meminimus, narrat. Mirari ille vehementer, ac suspectū mulieris ingenium, fidemque habere; quòd certò sciret, neque Olympium, neque alium quempiam desideratum ea luce domi. Itaque id consilii ceperet, ut adiret tùm quidem templum foemina; nempe ut quem non ita multò ante alloquuta Theatinum fuerat, de vultu recognosceret. Adit: ac tùm fortè aderant templo pleriq; Patrum, inter quos Olympius ipse, quem illa cùm nunquam aliàs nouisset, vix intuita, constanter affirmavit, illum ipsum esse, quiaquæ phialam attulisset: agnoscere nimirum oris lineamenta, vultus pietatem, ac statum ipsum corporis. Quod sanè incredibili admirationi fuit. Congeminari nanq; Dei Seruum oportuit, ut simul domi, simul foris esset. Et Præpositus quidè dū tempus diligenter expendit, tùm accidisse rem compertit, cùm ille in domestico Sacello missæ sacrificium celebraret: quo tempore impetrare magna consueverat: ac nescio, an quid excogitari mirabilius possit, quàm affixum aræ virum aliò excurrere, ac dum Christi sanguinem ritè delibaret, aquam aliò ferre ad ægrotantium præsidium. Huiusce porrò aquæ mira comperta abundè Neapoli. Et Ludouicus ipse iuratus testis hæc persanctè, dùm acta cōficerentur, affirmavit. Se quidem impertire salubrem eam aquam solitum accurrentibus passim mortalibus: phialam verò nunquam imminutam; veluti refunderet occultis venis charitas, quod ipse detraheret. Deinde scire se, non paucos grauißimis morbis implicitos eius haustu conualuisse: deferuescente nimirum æstu febrium, affusa frigida. Postremò quasdam

Quæ de
inde non
deficit,

Et à Mar-
garitis e-
micat,

veluti margaritas longè pulcherrimas in eius phiala imo natas, pretiosiores eam aquam reddidisse: planè, ut concursus ad eam fierent, non modò ad sanitatem; verùm etiam ad voluptatem inde hauriendam: nempe ut æmulam Erithræi maris vndam cernerent, quæ vniones ad oculorum illecebras gigneret.

Tomæus
grauiter
ægotat.

Curusmodi quidem in simili phiala spectacula pulchriora item Neapoli fuere, ac celebriora. Rem ita habui. Ægrotavit anno vertentis seculi septimo, & vigesimo Ioseph Tomæus, ciuili iure consultus, Gricognemi oppidi Dominus. Morbum penè ineluctabilem statim pronuntiarunt Stephanus Rinaldus, & Aloysius Gratia, summa Neapoli medicorum capita: ita ut extremo veluti malo extrema iam remedia imperarent. Inter hæc ægotantem, inuisit Ioannes Angelus Barilius, Caiuani Dux: & ille, quod sciret, Olympij consanguineum Caiuanum, rogare etiam, atque etiam, si rei aliquid, quod à Dei Serui manu accepisset, sibi domi esset, cum primùm mitteret. Comperta sibi Viri promerita, & quæ passim conferret mortalibus beneficia: eòque excitasse ad bonam spem animos, fore, ut eius ope conualesceret. Postulatis, ingentique viri fiduciæ illicò respondit Caiuanus: acceptamque non ita pridè ab Olympio aquæ phialam, Dominico Aquile, suis à secretis dedit, ut efferret: qui gratulatus magnoperè, ac certam inde salutem sperans, recitata confestim oratione Dominica, & salutatione Angelica, nonnihil ex ea hausit: ac recreari tum quidem visus: nocte verò insequente, soluta repente aluo, ita leuari morbum sensit, ut facessiuissè penitus existimauerit. Mane, qui supremum exitium

Olympij
aqua eu-
ratur.

in

in foribus esse, putabant medici, atque externa die decumbenti penè desperauerant; dum nulla medicę artis ope mutatam rerum faciem aduertunt, diuinitus id factum pronuntiant: ac tributa Olympij patrocinio, salubrique haustui incolumitas.

At enim verò quod profligandę ægritudini præsens adeò remedium fuit, pulcherrimam deinde admirationi scenam insolita quadam rerum nouitate aperuit; quod modò innui, ac denarrasse, non sane pigebit. Quod reliquum aquę in Caiuani phiala fuit, asseruandum coniugi Tomęus dedit, quę id loci reposuit, vbi stillatitię, odoratęque vndę pleraque etiam vascula seruabantur. Aliquot autem post mensibus eandem dum phialam reuisit, fuit profectò, quod illum stupore defixerit. Enimuerò grana quędam aurea susque, deque ferri in ea videt: in ipso verò fundo, vbi attolli nonnihil modico quodam cliuo phialę solent, efformata cupressus quędam videbatur, supra omnem elegantiam pucherima. Cuneatam, atque ad miraculum viridem, aurum etiam intermicans distinguebat, illuminabatque: tùm cliuus ipse mirè viridis, radiabatque item micante auro: planè vt nihil esset eo portento amoenius, ac pulchrius. Et Tomęus quidem nil habuit antiquius, quàm vt certiozem, inspectoremque rei faceret Caiuani Ducem, qui dederat. Is verò ita tùm quidem admirari visus, vt explorare domi suę diutiùs rem postulauerit. Ergo postera luce dum spectaculum repetit, aduertit, vernare longè elegantius cupressum, aurumque interuirescere maiore quadam venustate, ac luce: ratusque, haud par esse id prodigij latere; euulgare statim cœpit: ac visi cōfestim ex omni hominum gradu eò accurrere, vt rei famam

In Aquę
phiala
spectaculo
la,

famam fuisset oculis comprobarent. Admirari plerique omnes, ac sapientissimi quique viri : fuitque ; è religiosis hominibus, qui phialā inuerteret, turbaretque : ad quoddam experimentum aquam. Et cupressus quidem diuisa tantisper eo motu videri potuit, sed rediit mox forma, venustas, concinnitas, aurum : ut adauxerit maiorem in modum intuentium cum voluptatem, tum admirationem. Amœnitates quidem celi hæ sunt, quæ sanè nunquam sine Numinis consilio eueniunt : & , si coniectari fas est, ideo hæc, superstitæ adhuc Olympio, accidisse, non temerè putamus ; ut cum is ab singulari quadam sui deiectione lucem fugeret ; tum maximè prodigiis honestaretur, celebraretque ; eius nomen, ac sanctimoniam vulgus. Scilicet, nunquam non sibi lucem facit humilitas, eam dum refugit. Hanc porro tot sceleratam prodigiis phialam dum Tomæus à Caiuano repetiti audit, rem ad Albæ Ducis, Neapolitani tum Proregis aures, ac manus peruenisse ; atque oblectatum admirabilitate, eam sibi retinuisse : usque adeò verum est, idem esse, exponi pretiosa, ac perderi. Quæ verò hisce nos literis consignamus, ipsiusmet Tomæi fide constant, cuius autographa rei narratio, sacramento etiam, ne ullus rem ineret dubitationi locus, firmata, penes nos est. Id quod & Caiuanus ipse obsignatis tabulis, testatum voluit ; subseripseruntque viri procures non pauci, qui viderant : inter quos Franciscus Salutius, Episcopus Motulensis, & D. Nicolai Bariensis Prior, & Eustorgius Agnecius, vir æquè nobilis, & grauis, alique eius notæ : extantque in Sanctorum Apostolorum tabulario literæ.

At enim admiranda huiusce aquæ vis non ea est,
quæ

Depulsi
ab aqua
morbi,

quæ exhaustiri stylo possit. Sunt & alia memoratu digna, quæ non sanè dissimulanda. Ioannes Simon Puluerinus, honesto loco Neapolitanus, peculiari quodam in Franciscum studio ferebatur; respondebatque is illi eximia planè voluntate, ac beneuolentia; vt in domesticis rerum difficultatibus, ærumnisque familiare quoddam, certumque Puluerini perfugium videri ille posset. Is igitur cùm pleaque Olympij precibus beneficia identidem acceperit; tùm eius aquæ vi quædam non sanè pœnitenda impetrauit. Semel, quæ Neapoli grassabatur popularis gutturis lues, filium affecit: qua quidem in trienni puero, quòd eluctari morbi impetum æui imbecillitas minùs posset, nihil periculosus: proindeque quòd artis consilia luderet pestis, nullum. Francisco opportuniorem medicum putauit Puluerinus. Adit ille domum: ac ceu versaretur in tenui labor, affectas pueri fauces tangit, proluitque saluari aqua; tùm Patrem bono esse animo, iubet: sciret, puerum breui incolumem fore: quod mox accidit, restincta. quæ guttur sædè depascebat, graui lue. Iterum is idem puer insequente mox anno neque explicare gressus, neque stare, suisque insistere vestigijs poterat, debilitata, videlicet, naturæ vi, laxatisque neruorum ligamentis. Euocatus eò Franciscus, familiaris nempè malorum depulsor: qui quidem acceptum sinu puerū, ingenti quadam fiducia, veluti quid præsentissimi remedii adhiberet, inspergere lustrali ea vnda inter preces cepit: statimque data ipse dextera, moliri vnà secū gressus iussit: vbi ad sacram quandā imaginem duxit; orare hic etiā tantisper visus: ac tū quidem affluso puer vigore quodam, ac restitutis mirè neruis, expedire ipse gradum

gradum, atq; vltro, citroque ire inoffenso deinceps pede. Tertiò res accidit in eadem familia vel ideò silentio non inuoluenda, quòd linguæ vsuram tangit. Adoleuerat Puluerino filia, ac iam quadriennis, ne dum conari verba, sed nec balbutire adhuc coeperat. Nihil eo silentio parentibus grauius, veritis, ne mutam edidissent. Consulendam obstetricem putant, explorandumq; an præcisum de more ligamentum linguæ foret. Inter hæc illos, ea de re penè ad animi deliquium tristes, Franciscus conuenit. Tristitiæ causam, elinguem nempè puellulam non sine graui quodam sensu audit: tùm iniecta ijs fiducia, implorandam Dei opem, inquit, qui linguas infantum facit disertas: neque insolens, compluerè è coelo linguas. Nec mora: Conceptis tantisper precibus, quam secum tulerat, sacram aquam mutæ puellæ labris admouet, signatque Cruce: quo quidem ita excitata tegnis natura est, vt loqui confestim illa coeperit, parētibus præ gaudio collachrymantibus: ac visit tùm quidem à stupore quodam elingues ipsū, quòd vocalem filiam cernerent, quam modò ceu mutam deplorauerant

Sed hæc hæc hactenus: & ne simus à
quadam similitudine fastidio,
huiusce aquæ riuos
claudimus.

Francisci apud omnes existimatio, dum viveret.

Cap. XVIII.



INVIMVS in ipso huius scriptionis vestibulo, qua floreret fama sanctitatis Olympius adhuc superstes; & quo passim cultu illū ex omni quidem ordine Neapolitani, ac exteri venerarentur. Hoc ipsum modò aliquantò fufius explicandum, vt ab ingenti populo- rum existimatione, ac fama intelligat lector, ali- quid longè supra communem virtutem in eo fuiffet neque enim nisi exaggeratam quandam pietatem, summamque animi indolem tanta vnquam con- spiratione, concentuque honoris summi, infimi celebrassent. Planè nesciri optimus quisque, ac la- tere pro viribus studet, ne quicquid præclari operis, ac virtutis veluti secretiore quadam in officina clām- nauant, publica deindè lux, ac mortalium plausus furripiat. Et Olympio quidem ea potissimum ad- cor, cella, latebræ, nox; vt qui vulgi oculis inesse, vim quandam putabat, quæ virtutem fascino quo- dam labefactaret. At enim non modò non id eui- cit, vt sua se caligine tueretur; verùm erumpente fama nominis, summa in luce, atque in omnium oculis versari visus est. Quod ad nostros homines attinet, quamquam assidua plerumque familiaritas, ac vsus existimationem minuit; hæc ipsa nihilomi- nùs studium in ipsum, venerationemque adauge- bat: vt quò quis illi familiarior, eò maiorem in mo-

In omni
existima-
tione O.
lympius.

Apud no-
stros.

S dum

Apud re-
ligiosos
exteros
summo in
honore,

dum coleret : quòd nimirum inspecta propius exi-
mia viri sanctitas maiorem sui admirationem con-
citeret. Nihil non serium , ac sanctum in eo còctu,
vbi Olympius esset, mutato confestim sermonis ar-
gumento , vbi is aduentasset . A multiplici eius
laude nò vno planè elogio, ac nomine appellabant:
vt hic quidem verum Israelitam ; ille religiosum,
absolutissimum, alius Secerdotum gemmam , alius
virtutum omnium thesaurũ, omnes eximij spiritus,
ac profundæ cõtemplationis virum dicerent. Apud
exteros verò religiosos viros mirum est, qua flore-
ret fama virtutis . Summa ipsa clarorum Ordinum
capita non modò eius sese precibus cõmendabant,
sed ipsum etiam in rebus difficillimis consulere vi-
debantur . Et quòd scirent, nihil sanctissimo viro
gratius , quàm sacrarum familiarum orationibus,
piorumque operum thesauris participem fieri ; cer-
tatim suo quisque corpori aggregabant, annecte-
bantque, vt eiusmodi in ipsum alimenta , ac sangui-
nem , ceu suum in membrum deriuarent .

Et apud
viros prin-
cipes

Iam virorum principum , ac cæteræ multitudinis
in ipsum studia nullus facilè explicauerit . Adire
illum sapientissimi , ac nobilissimi quique viri : pri-
marij nempè Urbis Magistratus : tũ ipsi Neapoli-
tani Regni Proreges, atq; Apostolici Nuntij, primæ-
que notæ Antistites, vt inuiserent, consulerent, ac
in re animorum edocerentur. A remotissimis inter-
dum locis, non alia ex causa, quàm vt ipsum con-
salutarent, eiusque se fidei, ac patrocinio commit-
terent, Neapolim aduenisse non vltimæ sortis vi-
ros, pro comperto habemus. Inter primos conue-
nire illum solitus erat Cæsar Montius, Apostolicus
Neapoli Nuntius, postea Cardinalis, & Archiepi-
scopus

Cord. Mo-
tius

scopus Mediolanensis, vir ab omnilaudum genere spectatissimus, qui vel absens id illi honoris impendebat, ut quater in anno quidam Neapolitanæ Ecclesiæ Canonicus à suo nomine inuiseret, ac consalutaret. Repetere deinde memoria cum nostratibus Mediolani consueuerat sermones, quos cum eo Neapoli habuerat. Inculpatos eius vitæ mores, præcæque humilitatem summopere celebrabat: ab aspectu ipso angelum sibi illum videri, affirmabat. Effigiem deinde apud se voluit, ut conceptam in ipsum pietatem ijs lineamentis priuatim aleret. Affectu, ac studio par illi Nicolaus Herrera, Neapolitanus item Nuntius, de quo in loco dicemus. Vixit semel in eius cellula vnà simul Albæ Dux, Neapolitani Regni Prorex; Dux Alburquerquius, Prorex Siciliæ; Magnus Nauarræ Comestabilis, Albani Ducis filius; & supremus Neapolitanæ triremium classis Præfectus: eò, videlicet, sanctimonie fama adducti, ingentique lætitia perfusi, quod alloquuti familiariter Olympium fuerint. Dux item Alcalensium vnà cum ornatissima coniuge studiosissimus illius fuit, cum Neapoli summo iure præfuit. Absens verò epistolis agebat: & in peracerba quidem Marchionis Tariffæ filij morte non aliundè solatium, mæstissimi parentes quæsiuere, quam scriptis ad eum literis, qui opportunissimis, pijsque monitis mederi grauissimo longè vulnere studuit. Illum etiam Margarita Aldobrandina, Parmæ Ducissa, ab insigni virtute sibi commendatissimum, literis appellabat, ac se, suosque eius precibus commendabat. Illum Constantia Barberina, cuius extant penes nos epistolæ, quibus Urbanum Pontificem Octauum, Viri fratrem, ac filios, moribus, ac purpura florentes,

Alcalensium Duces.

Margarita Aldobrandina,

Constantia Barberina

Sulmonis Princeps.

tes, iuuari eius orationibus postulabat. Illum Camilla Vrsina piissima Sulmonis Princeps, alijq; maiorum gentium viri, ac foemine.

Montis Regij Comitissa.

Iam quo illum loco habuerit Vngarorum Regina, cum Neapoli in Germaniam transijt, mox dicemus: interim Neapolitani Regni Proreginam, nempe Montis Regij Comitissam in medium producimus, quæ in summa rerum trepidatione præsidium sibi certissimum delegit Franciscum: Erumpente anno huius seculi trigesimo primo Vesuuio, nihil ea rerum facie horribilius fuit. Imminere suprema Neapolitanæ Ciuitati, totique Campaniæ clades, ac vastitas videbatur. Simul caligine, ac subita quadam nocte diem intercipi: simul collucere feralem in modum, ac veluti ad tragicam quandam scenam montis verticem: quati frequentissimis, atque insolitis motibus solum: æquè remotissimas, ac proximas regiones foedari, ac consepeliri cinere: flammam euomi, ac fluminis in morem terras alluere, ac perdere: prægrandia ab immani quodam hiatus eiectione saxa, aliaque terroris plena, ac terror ipse mortalium profecto neminem non incredibili quodam metu compleuit. In re verò adeò perturbata, dum alij alia, quæ diuina, quæ humana expediunt præsidia, Montis Regij Comitissa satis, superque consultum sibi putauit, si adesset domi Franciscus. Euocandum in Prætorium curat, excipitque ea quidem fiducia, veluti aduentasset securitas ipsa, ac sospitas. Regium in Sacellum vna cum illo se recipit: preces, fidemq; implorat: idque magnopere ab eo petere, ne abiret: rata, tandiù ab ea naturæ malignitate se, suamq; domum securam, quandiù inibi esset hoc Palladium.

Ab eadem hac Viri existimatione, ac fama quic, ^{Vestium} quid illi aliquando vsui fuisset, vestis ea fuerit, aut ^{Lacinię in} alia quæuis suppellex; quicquid gestasset, contigisset, aut sua manu efformasset, perquàm auidè expectebatur. Pileum persæpe commutabant, aut suffurabantur, cùm extra domum sacris operari contingeret. Aquam, qua digitos inter sacrificandum, abluerat, certatim petere; adhibebantque suis, aut aliorum morbis, nunquam sine fructu. In conspici-
cilia frequenter inuolabant piorum manus: quæ illi iactura nimium, quantum incommoda, ac molesta accideret: quòd pernecessarijs iis oculorum præsidijs, ac velut ipsius oculorum oculis carere bonus Senex cogeretur. Vestes etiam occultè, ac sur-
tim præcidere: adeò vt putauerit ipsemet aliquando, discerptam à canibus lacernam, nec aduertisse; eòque, ceu cuiusdam ignauix reum, in publica cœnatione culpam semel fateri, non erubuisse. Non ipsi sacrarum precum libro parcebant, quin Diuorum inde imagines, signandisque de more paginis vittas, ac flosculorum folia, quæ ipse quadam in Dei Matrem, atque in reliquos Cœlites religione, aut in odorandis diuinis laudibus reponere in eo solitus erat, surriperent. Diximus in exornandis minio, auroque Sanctorum imaginibus nonnihil aliquando temporis ad laxamentum aliquod, aut certè ad peculiarem aliquam animi pietatem infumi ab eo solitum. Nihil impensius expetitur, quàm hæc Diuorum effigies, eiusmodi auri, miniique elegantis; ac lineamentis ab Olympio illuminatæ. Illas qui impetrasset, aut gestabat pectore, vt ostenderet eas sibi maximè ad cor: aut inter pretiosissima quæque; gemmas nempe, aut margaritarum elenchos asseruabat.

Et Diuorū
ab eo effigies.

uabat. Cereum, quem in supplicatione, die Purificatæ Virgini sacra haberi solita, manu gestasset, infimis precibus efflagitabant; vt diuidi statim inter matronas principes oporteret: cuius frustula an præsentia aliqua ope, atque admirabilitate, plulquàm sua luce aliquando inclaruerint, alibi explicauimus.

Et Capilli. Præterea si tonderi capillos, aut barbam contigisset; planè capillus de eius capite non peribat: colligebantur; tùm expositibus distribuebantur. Zonam quandam, quòd tetigerat dūtaxat Olympius; ceu quid sacri, sanctique afflauisset ea manus; profano vsui adhibere vir quidam non ampliùs voluit.

Et baculus. Baculis, cum ijs vti senectuti sustentandæ oportuit, carere quàm sapissimè oportuit; pio nimirum furto: præsertim quòd quibusdam excitandæ pietati sententiolis ipsemet inscriberet: qui quidem characteres, ac monita, non ineleganter incisa, mirificè alliciebant, prouocabantque aliorum manus. Semel accidit, vt quædam præcipuæ matronæ famula cū totum surripere baculum, quod maximè optabat, nequiuisset; admordendo frustulum sibi præciderit; non exiguum rata, quicquid Olympij fuisset: vsque adèò virtutum, vitæq; sanctioris persuasio animos peruaserat. Qua verò solertia, ac studio sanguinem cū tonsores, ac medici, tūm nostri, exteriq; sibi seponerent, cū emitti in morbis contigisset, abundè in loco significauimus. Ad hæc, quicquid illi in communi mensa supererat panis, summis votis expetebant: atq; in ipsis mensæ reliquijs à Francisci vsu, attactuque nescio quid sacrarum reliquiarum, atque adpressæ religionis agnoscebant. Certè, vti Franciscus Concubletus, Arenæ Marchio, vir, quem aliàs nominaui, grauissimus, in Neapolitanis

nis actis iuratus affirmavit, cum Barram (Vicus is est non longè Neapoli, ubi is morabatur) Franciscus adiret, ac refici ibi oporteret; ciborum reliquias, atque analec̃ta colligebant perdiligenter famuli, servabantque: non quidem, ne perirent fragmenta, sed ne ipsi perirent. Opportunissimum namque propulsandis morborum incommodis id reliquiarũ adiuventum fore, existimabant. Et Iuuenis quidam è Marchionis cubiculo perfunctum se peracerbodolore laterum non alio quidem præsidio, quàm iis ciborum analec̃tis, palàm, constanterquo affirmabat.

Ab hac eadem opinione virtutum autographæ eius literæ, ac quivis ab eius manu characteres magno in pretio habebantur: dabantque nonnulli ad ipsum epistolas ea duntaxat mente, ut responsa deinde redderentur, ac pietatis ergo servarent. Quædam in Gallia Cisalpina primæ notæ Princeps acceptas à Francisco literas non antea resignavit, legitque, quàm accenderentur ad cultum, ac venerationem cerei: rata, id honoris, ac venerationis decere Viri Dei notas, dignas nempe lumine, non secus ac Diuorum pignora. Eadem in sacra item grana, ac flosculos, & quicquid ab eius manu fluxerat, mortaliū religio. Illud hic planè non prætereundum. Impetrauerat à Maioribus, ut ter in singulos annos, certis nempe feriis consuetæ Patrum refectiōi aliquid ipse secundarum mensarum adderet: quod quidem additamentum Diuæ Virginis, aut charitatis ferculum appellare solitus erat. Mittebantur nempe illi quædam per annum bellariorum munuscula; quæ ipse gulæ irritamenta nunquam visus delibasse. Xenodochiis pleraque, ac domestico va-

Et literæ.

Et quidvis
ab eius
manu,

letu,

Statis anni feriis
ab eo munuscula,

letudinario ad ægrotantium leuamentum addicebat. Quædam verò curabat asseruanda, vt ad beneuolentiæ, ac charitatis specimen ter in anno, vt monui: semel die Deiparæ à Carmelo sacra; iterum in eiusdem solennijs sine labe originis conceptæ: tertio festa Diui Francisci Assinuatæ luce, in communicoenatione Patribus apponeret: ac tùm quidem singulis singulas inferri exiguas patinas iubebat. In patinis verò singulis hæc erant, ab Olympii nempè manu: dulciaria, quæ diximus, Beatæ Ioannæ à Cruce granum, exigua coelitum imago, demùm exaratum eius manu scriptum, pijs quibusdam monitis instructum. Nihil profectò ijs tùm mensis lautius, ac lætiùs, quas eo ferculo nobilitaret, atque adaugeret Franciscus. Incredibilis quidem Patribus ea luce hilaritas, veluti ad sollempnium, ac regium quoddam epulum inuitarentur. Bellaria verò aut minimè ipsi degustabant, aut ad quandam pietatem vix: seruabant nimirùm consanguineis, ægrotantibus, ac bene de se meritis: qui quidem, quòd morem hunc, ac statas eas dies probè scirent: Patres, quos sibi aut affinitas, aut familiaritas coniunxerat, quæsitissimis precibus occupabant, vt eius annonæ, piorumque munusculorum aliquid sibi in tempore impertirent. In autographa verò, quàm diximus schedula, illud non semel ingenti cum admiratione accidit, vt ea potissimum monita cuique obuenirent, quibus ille siue ad disciplinæ, virtutisque progressiones, siue ad internos animi motus componendos indigeret.

Cum hoc verò studio, cupiditateq; habendi quicquidque vel minima, modò Olympij fuissent, quoddam etiam ipsum inuisendi, alloquendi, compellendi.

landique defiderium inerat paffim omnibus . Inde ad eum domi, forisq; concurfus, quos nemo vllus facile tibi perfuaferit . Si fortè Neapoli cæleftibus Iubilæi delicijs indipifcendis templa obiret, fequi illum conferta hominum multitudo ftatim videbatur: tùm è fuis quifque officinis, ac domibus certatim egredi, ac manus exofculari: ac fi quæ fœmine pertranfeuntem vidiffent, quòd illas domi pudor contineret, è fenestris ipsis fe. fua, liberos commendabant. Ibat aliquando ad Deiparam à Carmelo, eam nempe ædem, quam apud Lignarios Neapoli extare, aliàs diximus. Planè excitari tùm vifq; in ea vicinia ceu turbæ, effufis obuiam, circumfufisque vndique mortalibus; qui tandem vt ab eius aduentu lætitiâ testarentur, ferri femel impetu quodam, ac pulsare æs campanum cœpere. Subirafci ille, ac pro modo populorum æftum cohibere: tùm quòd fruftra efferent omnia, aliò diuertit, atque inire inter plaufus templum noluit. Huic celebritati, quæ Viri Dei incredibili moleftiæ erat, confulere poftmodùm Patres, caueruntque, ne pedes iret; fed aut curru, adductis vndique velis; aut cùm id poſceret nimia imbecillitas, fella geftatoria, clauſa item, ne vulgi oculos admitteret, veheretur. Diximus in Vrbe Salerni eorum ciuium ftudia, concurfus, laudes, cùm eò Diui Andreæ Apoſtoli tumultum veneraturus acceſſiſſet. Idem alibi locorum ardor. Et Auerſæ quidem, quæ Vrbs eſt propè Neapolim, vſque adeò efferbuit aliquando gentis deuotio, vt manus in ipſa eius indumenta iniicerent, ac penè diſcerperint: ac niſi ingens quædam fama virtutum, atque animorum imperus excuſaſſet: potuiſſet quidem inurbana videri ipſa pietas. Vicum, Surren-

tumque, uti monuimus, identidem petebat : ac tùm quidem cùm cymbam conscenderet , oppleri litrus circumfusa hominum multitudine, alloqui, eiusque osculari manus, ac vestes cupientium . Et quòd aliquando citiùs solito ab eorum se se conspectu proripuerit , expedire mox plerasque cymbas , ac remis incitatissimis insequi, ut consalutarent, eiusque se precibus commendarent studio planè, affectuque incredibili vitii sunt .

Sacra ab
eo mini-
strari cu-
piunt,

Porro quāvis res diuinæ propriis in bonis niteant, valeantque non aliena , sed sua vi ; nihilominus veluti nescio quid pretii adderet Francisci manus , ac operæ administrari hæc ab eo passim postulabant . Hinc ad virorum procerum vota bene precari eorum nuptijs ritè, ac persæpè oportebat : infantes item ad baptismi Fontem , aut abluere , aut suscipere : ut pauci admodum Neapoli essent, qui Olympii in sacris eiusmodi functionibus presētiam, atque operam non exposcerent : gratulati deinde , cùm , renascente per baptismum sobole, illam sibi Vir Dei abluendo, aut suscipiendo veluti adoptasset . Distribuire Eucharisticum Christi corpus solitus erat die Marianæ Conceptioni sacra ; cùm ipse solenni ritu faceret ad aram, ac votiuum munus exciperet , quod ob restitutam populo annonam Neapolitana Ciuitas Deiparæ vouerat, uti in tempore significatum est : ac tùm quidem incredibilis eorum erat celebritas, ac numerus, qui ad sacram synaxim accederent, ut Olympii manu cēleste epulum sumerent . Et ipse quidem cœtera imbecillis , vigore quodam supra vires , ac æuum diuinæ Eucharistiæ erogationem diutiùs continuabat . Non defatigari , non interire : nisi quòd nostri homines, ne plus æquo senem

Senem debilitaret, ac frangeret labor; finem ministerio imponere, atque abrumperet cogebant. Id autem, persape observatum, quosdam dum sacrum, pignus lumeret, precarios suos globulos piissimi Sacerdotis manibus admouere, ut frangerent, sicuti ad ipsa Diuorum lipsana fieri religionis causa consuevit.

Sed neque exiguum id erat eius sanctimonie opinionis argumentum: nempe honestos quoque viros, ubi in curandis morbis medicorum sententiam expetiuisent, Franciscum deinde consulere, quem scirent, celebriore in Schola, quam olim Hippocrates fuisset, rem medicam hausisse. Et quidem perinde quasi edocti ab consultissimo quodam eius artis viro fuissent, relictis plerumque medicorum remediis, quicquid ille praecepisset, exequabantur: ita ut probaret Olympius, aut improbaret, hinc discerent, quae opportuna, quae secus essent persanandis malis suis praesidia. Et ipse quidem ita adiumenta artis minimè damnabat, ut explorandam prius opem, ac vim cœlitum duceret: atque interim ex ingenio charitatis aliquod operæ pretiū deriuare in pauperum usum curabat. Enimuero monere proceres, matronasque Neapolitanas frequentissimè consueuerat, ut quicquid auri in Puteolanis, aut Aenariae balneis experiundis, aut quaerendo salubriore cœlo, aliisque peregrinis remediis expendissent, in pauperum usum erogarent: eorum nempe preces longè efficaciores fore, quam admiranda ipsa actuosioris naturæ, artisque adminicula. Et succedebat quidem monita, instaurata per isthæc pietatis opera corporum incolumitate, quod eius potissimam precibus tribuebant. Eiusmodi be-

In morbis
cōsultor;

neficii compos aliquando illustris foemina, vt quic-
quid eius consiliis deberet, & qua inde illum vene-
ratione prosequeretur, ostenderet; Sanctorum Apo-
stolorum templi chorum ingressa, quo potissimum
loco Olympius psalleret, indicari sibi postulauit; vbi
rescuiuit, humi confestim procumbens, osculari, ac
lambere solum coepit, quod ille pedibus tereret.

Neapoli-
ti norum
preces, ne
abscede-
ret Neapo-
li Olym-
pius.

Communia hæc porrò de sanctiore Francisci vi-
ta omnium ordinum iudicia septem. Viros Neapo-
litane Urbis impulsere, vt cum Præpositis Genera-
libus non semel agerent, ne illum Neapoli amoue-
rent. Quo præsidio essent Urbibus eiusmodi notæ
Dei Serui, siue superstites, siue vita functi, probè no-
uerant. Viuentes quidem virtutum vsu, corporis
afflictatione, ac vi precum sequestres, tutelamque
mortalium præsentissimam apud Deum esse. Vbi
fato cesserint, Manes ipsos, ac cineres publica tuta-
ri populorum commoda, oblucri infortunijs, ho-
minum, syderum, Dei tela propulsare: vt fortissimū
planè Ciuitatum munimentum, ac certa sospitatrix
sit Diuorum vrna. Hinc ne peramicum Deo caput
& Virum ab omni pietatis parte absolutissimum,
præcipuum nempè suæ Ciuitatis præsidium, ac de-
cus aliquando Neapolitani perderent, nostri Ord-
inis Moderatores, quâ voce, quâ literis identidem
interpellabant, ne illum aliò amandarent; quem
& superstitem suæ felicitatis vadem, ac vindicem
vellent: & defunctum apud Deum interpretem, ac
patronum. Id quod ita illi annuere visi sunt, vt in-
grauesciente postmodum ætate, ne optatissimū qui-
dem Æquensis Vici recessum illum petere permit-
terent, ne Senem morbus, ac fatum extra Neapolim
interciperet. Quod Neapolitanis longè gratissimū;
nempè

nempe vt quo studio viuentem coluissent, morientem etiam prosequerentur.

Interim ad tantæ existimationis coronidem illud hic referam: nempe exaggeratam Viri virtutem ita omnium animos, dum viueret, occupasse, eoque sanctimonix famam peruenisse; vt fuerit statim à morte, qui ornatissimum illi Sacellum, animo destinauerit, atque ad id etiam obsignatis se tabulis obtrinxerit: quòd ab eo hominum consensu certò sibi persuaderet, fore aliquando, vt honores illi publici Romanis iudiciis, ac summi Sacrorum Principis nutu decernerentur. Fuit is Flaminius Antinorus, Antinori, Archiepiscopi olim Materani, postea Siracusani, ac Ludouici Antinori Senioris, viri ex nostris omni laudum genere, pietate in primis, vti nostra testantur historiarum monumenta, cumulatissimi germanus Frater. Gens Antinora Florentiæ inter præcipuas eius Urbis familias locum tenet, à qua veluti è nobili trunco auulsus olim ramus, Neapoli opibus, atque affinitatibus floruit; eique ex quo Florentia in nouam eam sedem immigrauit, suum fuit in principe templo Sacellum: quod postea primarii eiusdem templi Odèo amplificando cessere sponte Antinori; modò alium inibi tribuerent loci situm: quam quidem destinationem tempus diù distulit. Igitur Flaminius, familiæ antesignanus, simul posteritati, simul pietati suæ consulere, arrepta præclara occasione, cogitauit. Enim verò elato Olympio, ac manante longè, latèque eius sanctitatis fama, qui tantæ Viri Dei virtuti addictus intimè erat, ab eo populorum plausu, à communi grauissimorum hominum sensu, à celebritate nominis, à miris, quæ omnium sermonibus fere-

Sacellum
illi desti-
nauit sta-
tim à mor-
te.

ban-

bantur, fore olim putauit, vt explorata ad Romā-
 næ censuræ libram præsigni sanctimonia, aris asse-
 reretur. Quapropter id statim mentis cepit, vt quod
 alibi excitandum gentile Sacellum erat, in Sancto-
 rum Apostolorum templo, tūm quidem poneret;
 ornaretque: postea, cūm licuisset, Francisco Olym-
 pio ritè nuncuparet: presso interim nomine, ac pu-
 blica religione, ne quid contra ius, fasque peccaret
 ritus, & cultus. Interim familiæ suę Serui Dei fidem,
 ac patrocinium abundè obstringere, existimabat,
 dum præter internam animi pietatem, ac studium,
 publicæ etiam venerationi in tempore, ac succeden-
 tibus deindè annis consuleret. Iam verò quod se-
 cum ipse agitauerat, communicare illicò cum no-
 stris voluit; idque cum ipsis conuenit, vt eam sibi
 concinnandam ædiculam susciperet, vbi ossa Olym-
 pij quiescerent, pactis conditionibus, ne vnquam
 inde pij Manes amouerentur. Quod quidem Sa-
 cellum magna ex parte quā *marmore*, quā *picturis*,
 auroque exornatum, à Beato Andrea Auellino ap-
 pellatur: isque modò loci genius, ac titulus: Olym-
 pij Lipsanis inibi citra omne publici cultus specimē
 contempultis. Quod sanè id luculenter euincit, in
 maxima nempe illum mortalium existimatione vi-
 uentem adhuc fuisse, cui veluti certò publicis hono-
 ribus potituro, Beatorum insigniā, ac monumenta
 præcoci quadam religione tantò antea, ac sub ipsa
 parentalia destinassent.

Sed eiusmodi argumenti hæc hæctenus: neque
 mirum, Neapoli, vbi is ageret, hac nominis, ac san-
 ctitatis fama floruisse, cum & reliquam Italiam,
 Hispaniamque, ac Germaniam etiam præclara eius
 virtus peruaferit. Et in Hispania quidē diximus iam
 in

in Regis pinacotheca extare Francisci Olympij effigiem . Germania verò , tot licet locorum spatijs ,
vfuque , ac commercio abiuncta Neapoli fit , visa nihilominùs , peruagante latius egregij viri fama , eae-
exemplorum luce perfundi . Testatus hoc est Aloy-
sius à Lusitania , ab illustri vir domo , magnorumq;
Principum affinitate longè nobilissimus , qui cùm
ægotantem Franciscum semel inuississet ; id postea
dum abiret , à Patribus prolixius petijt , vt aliquid
sibi Viri Dei laciniarum impertirent . Reuersurum
nempè se prope diem in Germaniam , vbi celebrari
eius nomen , ac famam nouerat . Scilicet , cùm non
nunquã , vti moris Genti est , peregrinari Germanos
homines Neapolim contigisset , inter præcipua eius
Vrbis ornamenta , quæ se vidisse , domi retulere ,
de Olympio etiam , cuius in omnium oculos virtus
incurrebat , suis narrauerant : atque adedò piissi-

In Hispania , ac Germania notum Olympij nomen.

simi Viri nomen neque in remotissima ea

Germaniæ regione obscurum . Neq;

verò ignorari deinde inibi ter-

rarum is potuit , quem

Maria Austriacæ ,

Pannoniæ Re-

gina Nea-

poli

nouerat , & in pretio ha-

buerat , vt in sequen-

ti capite dice-

mus .

*Ungarorum Regina Franciscum Olympium
in honore habes.*

Cap. XIX.



Neapolim
appellit
Ungarorū
Regina.

Ommuni huic omniaum Ordinum
existimationi, qua diximus modò
Franciscum floruisse, momentum
addidit Augusta Princeps, probavit-
que Viri laudes, ac sanctimoniam
suo etiam suffragio, atque in illum
studio. Maria Austriaca Philippi Hispaniarum Re-
gis Quarti Soror anno voluentis seculi trigésimo
Ferdinando Austriaco, Ungarorum Regi, postea
Cæsari nupsit. utque Sponsum peteret, ita in Italiam
velificauit, ut Genua Neapolim transmiserit: vnde
terrestri per Samnium itinere, cum superi maris tra-
ctu emenso, in Germaniam concessit. Eius aulæ
præerat summo iure Antonius Toletanus, Dux Al-
bæ, qui Regnum Neapolitanum administrauerat,
noueratque intimè Olympium: utpotè qui conue-
nire interdum illum, piosque cum eo serere sermo-
nes, in iucundissimis duceret. Is, quam de optimo
Viro opinionem ipse conceperat, insinuare & incly-
tæ Reginæ studuit: quæ quidem antequàm ex Hi-
spania solueret, cum fortunari professionem suam
multorum precibus curauerit, tum gratulata in-
primis est; quòd Toletanus, cõpositis ad Olympiũ
Neapolim literis, id ab eo postulauerit, ut quando
tâtũ esset itineris terra, mariq; exhauriendũ, adef-
set, ac regiam Sponsã deduceret oratione, ac votis.

Nea.

Neapolim verò vbi peruenit lectissima Heroïna ; specimen cùm erga nostram Sodalitatem regiæ cuiusdam humanitatis, tùm erga Franciscum eximie voluntatis, ac studii dedit. Enimuerò post principem Urbis Basilicam, nostram D. Pauli Ecclesiam ante alias honestare sui præsentia bis voluit : semel inter solemnes Beati Caietani Thiençei ferias: iterum recurrente B. Andreæ Auellini natali die: obstrinxitque planè non minimùm Regulares Clericos, quibus delibare regiæ eius clementiæ primitias cõtigit. Continuerat se se diù domi Regina, prosequuta consanguineum Caroli Emmanuelis, Sabaudia Ducis, Principis bellica laude summi funus. Quo autem die lugubrem cultum exiit, ac dispulsa veluti nubes, spectandum se se Neapolitanis dedit Austriacũ Sydus; Paulino templo affulsit. Excepta pro modo splendidè Ecclesia nihil magnificentius à parietum, atque altarium firmate : respondebatque interiori elegantia facies ipsa exterior, præclari operis stragulis pulcherrimè instructa. Ad Thiençei aram vbi preces fudisset, donariis etiam, quæ pietas potissimùm, ac quidam cum frugalitate splendor ornabat, affecta à nostris fuit. Oblectari mirificè eo loci cultu, ac pompa visa inclyta Regina: verùm quod præcipuè voluptati duxit, id fuit, adesse ibi Franciscum Olympium, quem ad eò sua virtus, atque aliorum plausus commendabant. Mirum, quem illi honorem habuerit: appellare comiter, ac scorsim. alloqui, nec quidem raptim voluit: tùm eius se se precibus, Augustumque Sponsum, ac germani fratris regna ex animo commendauit. Cumque, vti inuimus, die B. Andreæ sacra, repetita humanitatis significatione, ad eandem æquè ornatam, ex-

Olympiũ
semel al.
loquitur.

Et iterũ.

*Ungarorum Regina Franciscum Olympium
in honore habet.*

Cap. XIX.



Neapolim
appellat
Ungarorū
Regina,

Ommuni huic omnium Ordinum
existimationi, qua diximus modò
Franciscum floruisse, momentum
addidit Augusta Princeps, probauit-
que Viri laudes, ac sanctimoniam.
suo etiam suffragio, atque in illum
studio. Maria Austriaca Philippi Hispaniarum Re-
gis Quarti Soror anno voluentis seculi trigésimo
Ferdinando Austriaco, Ungarorum Regi, postea
Cæsari nupsit. vtque Sponsum peteret, ita in Italiam
velificauit, vt Genua Neapolim transmiserit: vnde
terrestri per Samnium itinere; tùm superi maris tra-
ctu emenso, in Germaniam concessit. Eius aulæ
præerat summo iure Antonius Toletanus, Dux Al-
bæ, qui Regnum Neapolitanum administrauerat,
noueratque intimè Olympium: vtpotè qui conue-
nire interdum illum, piosque cum eo serere sermo-
nes, in iucundissimis duceret. Is, quam de optimo
Viro opinionem ipse conceperat, insinuare & incly-
tæ Reginæ studuit: quæ quidem antequàm ex Hi-
spania solueret, cùm fortunari professionem suam
multorum precibus curauerit, tùm gratulata in-
primis est; quòd Toletanus, cōpositis ad Olympiū
Neapolim literis, id ab eo postulauerit, vt quando
tātūm esset itineris terra, mariq; exhaustiendū, ade-
set, ac regiam Sponsā deduceret oratione, ac votis.
Nea.

Neapolim verò vbi peruenit lectissima Heroïna ; specimen cùm erga nostram Sodalitatem regiæ cuiusdam humanitatis, tùm erga Franciscum eximiæ voluntatis, ac studii dedit. Enimverò post principem Urbis Basilicam, nostram D. Pauli Ecclesiam ante alias honestare sui præsentia bis voluit : semel inter solemnes Beati Caietani Thiençei ferias : iterum recurrente B. Andreæ Auellini natali die : obstrinxitque planè non minimùm Regulares Clericos , quibus delibare regiæ eius clementiæ primitias cõtigit. Continuerat se se diù domi Regina, prosequuta consanguineum Caroli Emmanuelis , Sabaudia Ducis, Principis bellica laude summi funus . Quo autem die lugubrem cultum exuit, ac dispulsa veluti nubes , spectandum se se Neapolitanis dedit Austriacũ Sydus ; Paulino templo affulsit . Excepta pro modo splendidè Ecclesia nihil magnificentius à parietum, atque altarium firmate : respondebatque interiori elegantia facies ipsa exterior, præclari operis stragulis pulcherrimè instructa . Ad Thiençei aram vbi preces fudisset, donariis etiam , quæ pietas potissimùm, ac quidam cum frugalitate splendor ornabat, affecta à nostris fuit . Oblectari mirificè eo loci cultu , ac pompa visa inclyta Regina : verùm quod præcipuæ voluptati duxit, id fuit, adesse ibi Franciscum Olympium, quem adeò sua virtus, atque aliorum plausus commendabant . Mirum, quem illi honorem habuerit : appellare comiter , ac seorsim alloqui , nec quidem raptim voluit : tùm eius se se precibus, Augustumque Sponsum, ac germani fratris regna ex animo commendauit . Cumque, vti inuimus, die B. Andreæ sacra , repetita humanitatis significatione , ad eandem æquè ornata, ex-

Olympiũ
semel al.
loquitur.

Et iterũ.

cultamque Basilicam rediisset; ita sacros Auellini Manes deuenerata piè est, vt ostenderit, superstitis etiam Olympii sanctimoniam plurimi facere, Nam compellare iterum Dei Seruum: monita formandæ pietati petere: vt sui ad Deum meminisset, etiam, atque etiam rogare.

Et tertio
regia in
domo;

Ad hæc, quod supra modum alliceret indoles, ac pietas, haud cõtenta Austriaca, bis illum Paulino in templo alloquutam; prolixiùs, ac per otium eius frui moribus, atque eloquio voluit, regiamque in domum ad sui spiritus delicias euocauit. Neque facile dictu est, qua hic illum affabilitate exceperit, qua comitate sui pectoris arcana cum eo communicauerit, quàm pronis auribus audiuerit. Assidere illum iussit: quem quidem honorem, vt vir modestissimus acceptaret, deuexum iam senium suasit: caput verò vt operiret, annuente licet semel, ac iterum amplissima Regina, adduci nunquam potuit. Miscere interim de diuinis rebus sermones; ad Dei amorem regium pectus incendere: opes animi, & quæ Principum maiestatem consecrant, pietatem, religionem commendare: Diuorum, ac Deiparæ in primis tutelam ad vitæ præsidium inculcare; aliaque piè versare id genus argumenta, quæ illa perquam auidè haurire, atq; in animum altiùs demittere visa est: planè vt transmississe quàm iucundissimè diem, postea affirmauerit. Quæ quidem dum ille deinde narraret, temperare lachrymis minimè poterat: præsertim quòd tanti nominis Regiam, puluinari incumbentem, lucubrantemque, ac variantem acu telas vidisset. Porro cùm ad Philippum fratrem literas postea dedisset Princeps inclyta; fertur, inter alia id etiam perscripisse, nempe Franciscum

scum Olympium virum sanctissimum, & agnouisse de vultu, & sermones cum eo habuisse: cui respōdisse Regem, accepimus, optimo ipsam iure gratulari, quod mortalem angelum agnouisset, ac compellasset. Neque verò obscurum Philippo ipsi Olympii nomen, quem commendatione virorum procerum, qui Neapoli ad Hispanam aulam identidem adirent, aut redirent, audiuerat sæpius ab excellenti virtutū vsu celebrari. Qua quidem innocentie fama permotus, eius etiam effigiem ad viuum sibi exprimī postulauit, eamque deindè interpretantissimorum hominum simulacra collocari iussit. Et vidisse illam suismet oculis vir quidam Princeps, qui ex Hispania Neapolim redierat, testatus nostris est. Cuiusmodi effigies scimus, lectissimas foeminas, ac grauissimos etiam viros pingendas sibi curauisse, ac suo in conclauī, superstitē adhuc exemplari, deuotionis ergo habuisse. Et de Ioanna quidem Austriaca, quo studio Francisci imaginem efflagitauerit, diximus in loco.

Olympii
effigies apud
Hispaniæ Regē

Porro Vngarorum Regina non ita perfunctoriè, ac veluti in transcurso insignem eam virtutem, moreque delibauit, vt exciderit mox animo Viri memoria. Planè neque remotior cœli pars, neque interualla temporis, neque noua dignitatum nomina id effecere, vt conceptam Ieruel medullitūs in ipsum obseruantiam, ac studium aliquando abiiceret. Nouem circiter annos ab eius Neapoli discessu, fungi vita Olympium contigit. Tanti funeris peruenit & in Germaniam nuntius, nec latuit Mariam, quæ iam Imperatrix. Nihil illi iucundius, quàm ea narrari, quæ præclaram eius mortem, ac parentalia commendassent: nempè populorum concur-

Fius reli-
quias pe-
sit Regi-
ma,

sationem, studia, pietatem, encomia, plausus. Vsurpare & ipsa sermonibus eius laudes; ac gratulari, quòd sibi, & alloqui non semel, & haurire eius monita contigisset. Illud verò, quo illum in honore, ac veneratione haberet, ostendit. Nam compositis ad Patrem Generalem literis (pærat tùm Onuphrius Amphora) affectam se vehementer erga Francisci Olympii nomen, ac promerita, significauit: ac proindè alendæ pietati, atque ad sui solatiũ aliquas Viri Dei reliquias cupere: mitteret ipse, ac sciret, rem sibi longè gratissimam facturum. Tantæ Principis epistolæ exemplar, quæ ingenti existimationi, honoriq; Olympii cedit, debere hic nolui. Sic verò habet.

Reuerende, & deuote Pater Onuphri Amphora, Præposite Generalis Clericorum Regularium. Cùm pertransire me Neapoli contigit, quædam cum Frâncisco Olympio momenta animi communicaui: ac planè incredibilis eius mansuetudo, vitæque sanctitas meos affectus omnes tùm quidē demeruit. Acceptis deindè ab eo literis, respondere cùm vellem, allatus nuntius est, illum è viuis excessisse: ac præterea percrebuit fama, ostendere Deum voluisse, cū in felici eius exitu, tùm aliàs, quo loco Seruū suum habueris; patratis nempè ad eius nominis implorationem miris. Equidem præcipua illum deuotione colo: quare peto magnopere abs te, vt cures diligenter aliquid mihi reliquiarum venerabilis Dei Seruū mittere, vt monumentum aliquod eius sanctitatis penes me sit, ac venerari pignora tanti Viri possim. Quod scias, fore mihi gratissimum, ac per magni rem faciam. Viennæ die Martii 25. 1640. Maria.

Nec

Nec defuit piissimæ Principi, priuatęque eius religioni Amphora, ac præcipuam illi Laciniam non sine thecæ elegantia ornando non muneri, sed obsequio misit.

Beneficia ab Olympio, ac mira, dum viueret.

Cap. XX.



ÆC autem, quam modò diximus, famæ celebritas vitæ quidem san-
monia nitebatur. Nunquam enim
perennasse diutiùs mortalium opi-
nio visa est, quam non aluit virtus;
sine qua decidua, ac breuis ea lux
nominis, ac splendor. Verùm enimuerò vt vires
eundo acquireret isthæc Viri Dei fama, vtque in
omnium sermonibus virtus ipsa esset; collata in
commune commodum beneficia, & quas ille pa-
trare in dies res admirandas videbatur, effecere.
Scilicet, id natura comparauimus, vt ea maximè
celebrentur, quæ aut utilitas publica, aut quædam
sui admirabilitas commendet. Nam qui tandem
plausus viris illis contigerit, qui præclaris licet ani-
mi partibus exculi, neque præsentī aliquo com-
modo cæteros mortales demerentur, neque admira-
tione alliciunt? Planè, quos hæc partes destituunt,
magni quidem esse aliquando poterunt, rarò cele-
bres. Igitur caput ipsum, ac fontem inspicere, vn-
de ingens Francisci existimatio manauerit; mira,
nempè, ac beneficia, quæ contulit adhuc superstes,
pretium profectò erit. Ex his autem non quidem
omnia, sed quæ magis compesta, ex actis potissi-
mum.

Olympi
existima-
tio à be-
neficijs.

mum Neapolitanis in medium afferenda; eaque fide, quam rebus non dum suam ad lācem expensis præstare, par est. Et quidem nonnulla iam, neq; exigua, neq; pauca, prout se se dedit occasio, enarrauimus. Fieri nanque vix potest, quin inter mirabilia continuo versetur stylus, cum Olympii vita, ac virtus describitur. Quæ supersunt, suis nunc sub signis, ac peculiarem in classem centuriamus.

Agmen ducat collatum oculis beneficiū, Bartholomæum Auricolam Neapolitanū, diximus, soluta malorum dæmonū obsidione, ab Olympio in libertatem assertum. Huic enata filia est, quæ haud quidem edita in lucem dici potuit. Etenim in cunis ipsius oppansus oculis panniculus, adductoq; ceu velo, lucis vsuram eripuit prorsus omnem. Nihil parentibus tristius iis tenebris, quibus amouendis non medicæ artis præsidiiis, non sumptibus visî pepercisse. Sed quæ altiùs infederant, quàm vt humana adiuuenta dispellerent, lufere curationes, ac studia. Rescuiuit id Neapoli Dominicus Surrianus, Vici Aequensis Episcopus, ac superiore quodam instinctu parentes monuit, vt si puellam restitui luci vellent, ad Olympium, qui tùm Vici morabatur, illam ducerent, sperarentque, oculorum caliginem à Patre luminum fore Francisci meritis dissipandam. Neque mora: eò ad Dei Seruum contendunt; qui puellulam cuidam Deiparæ imagini primùm obtulit: tùm conceptis ardore quodam precibus, osculum eius oculis libauit: nec post multò aduertit mater nescio quid ceu congelati albuminis ex iisdem filiæ oculis erumpere: oculos verò perlucidos, purosque, ac nulla prorsus ex parte vitiatos: statimque ita cernere cœpit puella, vt abacta penitùs ea oculorum nocte,

Oculorū
lumen
puellæ re-
stituit,

Atque, nunquam deinde aspectu rerum, ac die caruerit. Eiusmodi caligo Fabij Maionis oculos obsederat. Frustra medicæ artis argumenta fuerant; ac iam plusculos menses ijs tenebris consepultus, nihil spei reliquum esse, intimè dolebat. In re deplorata iussus adire Olympium, qui Deum aliquantisper precatus, virum benesperare iussit. Nec mora: tum quidem quædam affulgere oculis lux visa: ita ut Olympium ipsum, ceu velo quodam amoto, cerneret. At crescente mox lumine, ita frui deinceps lucis vsura cœpit, veluti nulla vnquam oculorū orbitas diem exclusisset. Id quod testatum ipsemet Fabius, signatis tabulis, voluit.

Haud carior oculorum cuiq; pupilla, quam matri filius. Burelli Comitem, Montis Leonis Ducis filium, nunc Vallij Marchionem, memorauimus aliàs Serui Dei sanguinis attactu cōualuisse. Is idem adhuc puer grauissimo item morbo interceptus, principum medicorum denuntiatione penè conclamatus Neapoli est. Mater, quando lusa ex medicinæ arte remedia cerneret; explorare diuinam opem statuit, ac Francisco Olympio interprete, cum Deo de filij incolumitate agere. Ergo accersitus Dei Seruus, domum adit. Consternatam peracerba eclade piissimam Ducem erigere, ac consolari. Tum illi: bono sis animo. Aderit in tempore ea bonitas, cuius in pennis sanitas. Hæ tuæ fuerint partes: posita luce Sanctorum Apostolorum templum conuenies: Eucharisticum ibi corpus sumes: quod reliquum est, curabit deinde Numen. Summo mane, ut quam hinc filij amor, hinc vicinioris fati timor stimulis acrioribus perurgebat; templum adiit anxia nimiùm Dux. Faciendo sacro adfuit Franciscus, qui

Burelli
Comes
cōualescit.

qui illam statim monuit, ut cum in missæ præfatione ea pronūtiari verba inaudiuisset; Gratias agimus Domino Deo nostro: tūc ipsa dulcissimi filij salutem acceptam Deo referret, gratiasque constanti quadam fiducia conciperet. Haud dubia planè spe visa animari Dux. Ad ea præfationis verba, perinde quasi beneficium iam acceperat, habuit intīmè gratias: sumptaque mox Eucharistia, domum reuertit. Inter eundem id ei accidit, quod Centurioni accidisse, diuinis proditur literis. Enimuerò serui occurrerunt ei, qui nuntiauerunt, puerum, excusso, quo tenebatur, veterno, mirè excitatum: cibum petiisse: comedisse strenuè: planè ut omninò incolūmis videretur. Gratulata nuntium Mater, rem oculis mox comprobauit. Nam valere filium deprehendit, quem primo eo æui flore decusserat penè mors: instaurauitque ex animo gratiarum actionem; testata ingenuè, debere se Olympij precibus pignus.

Admirationi sanè non impari restituta Cæsari Ferrao, Sanctæ Agathæ Principi salus deferuit. Coniux huic erat Maria Caracciola, ornatissima femina, Thomæ Caraccioli, viri ab armorum laude inter paucos spectati filia, quæ discessura Neapoli vnà cum viro in Calabriam, non priùs Franciscum Olympium inuisere, eiusque se se tutelæ, ac precibus commendare, piaculum duxit. Et Olympius quidem, utpote optimæ Principi nimio quidem opere addictus, ita illam excepit, ut non modò monitis instrueret, verùm etiam quædam illi munuscula, ac bellaria dederit. Eximie cuiusdam beneuolentiæ specimen videri id potuit, sed amuletum fuit, ac præsens propulsandis malis pharmacum. Nam qui vi mentis, ac diuino quodam lumine valebat plurimum

mum, aliquid fortasse erumne tum quidem præui-
dit, cui opportunissimum foret munus. Igitur, Gi-
lutij (Oppidum id est Calabriae) Ferraus Princeps
egrotauit, ac breui deplorata eius salus fuit. Potio-
nes quidem binas sorbuerat, retinebatque: ut iam
magis à remedijs laboraret corpus, quod & contu-
macissimus morbus, ac pharmacum ipsum gra-
uabant: ac nihil propius erat, quam ipse fati dies.
Quæ amantissimo coniugi illachrimabat, Maria,
haud frustra data sibi ab Olympio dulciaria, secum
ipsa cogitare. Satis compertum, quid interdum
efficacij haberent ab ea manu munuscula: experiri
se & Serui Dei promerita, & suam fidem nunquam
opportuniùs posse: neque insoles, medicorum cō-
silia suppleri eiusmodi piorum hominum adiuuen-
tis. Quare excitata etiam ægrotantis fiducia, nescio
quid mandere ex ijs Francisci munusculis iussit: sta-
timque utramque euomere medicinam, & cum ijs
morbum ipsum cœpit: ac breui, iugulata penitus
febri, conualuit: putaruntque medici, nisi diuini-
tùs, pertinax, ac lethale adeò malum curari minimè
potuisse: ac tenuit in ea Principis domo constans
opinio, Aesculapium fuisse Olympium. Cuiusmo-
di etiam præsidio Catharinæ Toraltæ, nobilis ma-
tronæ Neapolitanæ filius conualuit. Laborabat is
à prona, ac præcipiti aluo: Cumque frustra iam es-
sent medicorum argumenta, abire in tabem; certū-
que exitium delicatior quidem ex se puer videba-
tur. Mater post artis experimenta, confugiendum
ad sacram anchoram, nempe ad Frācisum statuit.
Ille pollicitus preces, quædam interim bellaria dat
puero. Minus opportuna ea quidem morbo: adeò
ut addubitaret magnoperè Toralta, ne fluentem

Et Cæsar
Ferraus

Et Catha-
rinæ To-
raltæ fi-
lius.

aluum vehementius irritarent. At enim, ut sunt pueri eiusmodi gulæ illecebrarum auidi, nihil illi prius, quàm vesci: quo statim, quod morbum faciebat, profluvium sisti visum; rediitque, abscedente ea lue, incolumitas:

Et Maria
Paladina,

Nobilis fœmina accepta non semel ab superstite adhuc Olympio beneficia, denarranda nunc obijcit; nempe Maria Paladina, Campi, quod oppidum est in Salentinis, Marchionissæ, Ioanni Henriquez, Hispano, Consilij, quod Collaterale Neapoli vocant, Regenti nupta. Aetate, opibus, ac supremo viri magistratu florebat Maria, cum grauissimis conflictari morbis cœpit. Sæuire præsertim peracerba dolorum vis: ac ceu clavi quidam in vitaliores corporis partes agerentur, supra quàm facilè dici, credique possit, intimè diuexari. Palæstram quotidie instaurabat, redibatque certis horis clandestina hæc lues; cuius cum ignorarent medici causam, ad motis subindè remediis aliis ex aliis, nullum interea Marchionissæ leuamentū. Igitur in tanta morbi pertinacia feliciorem fore medicū Olympiū, Henriquez putat: accersitumque rogat etiam, atque etiam, ut laboranti ad eò coniugi, suis ad Deum precibus, consuleret. Qui modestiæ, humilitati que cum primis cauebat Dei Seruus, id sibi, suisque precationibus inesse potentiæ, pernegauit: tūm insolito quodam oris habitu renidens, vultu supra hominem visus abire veluti in angelum: ac stratus mox humi; vtrunque coniugem recitare vnà secum Eucharisticū hymnum, ac Marianas laudes iussit. His peractis, crucem, quam Diui Antonini Abbatis appellabat, Marchionissæ elargitus: Age, inquit, quando tot artis adiumenta minimè processere, id reliquum, ut in Deum, ac
San.

Sanctissimum Abbatem hunc curas tuas omnes, ac spes conijcias : medicos , medicinas procul habe : nequeludent vota Superi : abiitque his dictis . Nocte tentata nonnihil doloribus Marchionissa : qui mane ita fecessuere, vt nunquam postea redierint, depulsa penitus multiplici ea corporis erumna. Cumulatunq; mox beneficium. Nam quæ à tot morborum incommodis suæ etiam sæcunditati desperauerat ; non ita post multò concepit : cumque vterū gestaret , id etiam à Dei Viro rescivit ; fore nempè, vt virilis sexus sobolem ederet , quod accidit.

Sed neque semel sospitem se ab Olympio agnouit piissima foemina . Id illi in Hispania accidit, quod dignum memoratu ducimus . Euocato ad Catholici Regis aulam Henriquez, proficisci vnà cum viro, inconsulto Francisco noluit . Illum conuenit , ac prolixè rogauit, velificationem, atq; Hispanam eam sedem fortunatet patrociniò . Nulla, scilicet , locorum interualla efficere , quin esse præsens spiritu, ac precibus posset : quæ scisciret tot nominibus ipsi obstrictam , plura velle debere : sperare proindè in remota licet mundi parte opem, operam, preces : quæ ille largè pollicitus, non defuturum tantæ fiduciæ , ac votis , disertè affirmavit . Igitur Matriti corripit vehementissima quadam febris illam contigit, vexabatque potissimum morbi atrocitas caput . Nocte dum quiescit, ecce tibi Theatini nominis Patres omnino quatuor se se illi obiciunt, eximia quidem specie, ac liquidissima luce circumfusi . Inter hos Beatus Andreas Auellinus , ac ponè Franciscus Olympius, qui intento in decumbentem digito, illam Auellino ostendebat in ea verba : Hæc est illa : ad quam, factò Andreas gradu, accessit, tetigitq; quem

Iterum
Paladina
conuale-
scit.

gestabat manu baculo, disertè pronuncians : Ade-
rit votis tuis Deus . Excitatur interim illa : ac nullus
tùm quidem capitis dolor : tùm intra biduum pro-
fligata omninò febris , ac restituta pristina incolu-
mitas . Viderat nempè vel longè positus ægritudi-
nem Franciscus , atque implorata B. Andreæ ope,
vnà cum ipso, infirmæ adfuit . Quo sanè visus sta-
re promissis, quibus abscedenti Neapoli Marchio-
nissæ obstrinxerat se se, non defuturum , vbi res po-
stulasset . Nempè nulla vnquam terrarum distantia
piorum hominum precibus obstiterit , quæ cœlum
ipsum momentò petunt .

Faustinae
Caraccio-
læ filius.

Non semel etiam Faustina Caracciola, nobilis itē
matrona beneficium erga se Franciscum in discrimi-
ne summo rerum sensit . Et primò quidem confi-
ctata suo sortu , illum tandem exanimatum effudit,
ipsa penè exanimi . Vitiatus quippè sanguis cūm
reliquum corpus affecisset; tūm partem ipsam prin-
cipem , caput nempè, afflatu quodam pestilentissi-
mo petierat : vt perturbata mentis arce, deliraret
puerpera : & medici quidem malè ominari , ac non
vltra quartum diem victuram, pronunciarunt . In-
difficili adeò re accersitus Olympius, insigni qua-
dam pietate Cœlitum opem petiit , atque inter pre-
ces laboranti capiti manum admouit . Exinde tri-
duum insomnis, quiescere tantisper coepit : exper-
gefacta, miratur , se planè aliam, affuso vberibus la-
ctē , restitutis corporis opibus , ac triumphato vici-
niore iam fato : idque ea ipsa die, qua perituram ,
dixerant medici : qui cūm non id humano ingenio,
naturæque vi euenisse, persuasum haberent, adfuisse
se veluti ex machina Deū, citra dubitationem om-
nem affirmarunt, iterum à grauissima quadam
agri-

Nō semel

ægritudine laborauit Fauſtina, choleram medici vocant: præceps morbi genus, quem dolores præſertim peracerbi aſperant: eòque breui adducta nobilis fœmina, vt iam ſuprema cogitaret, importato, ſumptoque Chriſti Corporis Viatico. At enim deſperata iam ſalute, fuit, quod violentum adeò malū ſiſteret, frangeretque. Allatus namque Olympij pileus, atque ægrotanti admotus, ita ſpem illicò vitæ fecit, deſerueſcente dolorum æſtu, vt mox omninò conualuerit. Tertio gratulari ſibi ſexennis filij ſalutem eiſdem nempè Serui Dei promeritis Fauſtinæ contigit. Fuit is Ianuarius Lanarius, egregiæ indolis puer. Hunc enatæ conſeſtim puſtulæ vique adeò operuere, vt corrupto ſcèdè vultu, oculos etiam peruaserint, erepto ipſo rerum adſpectu. Morbus; ac tenebræ eò mœroris, ac peruicaciæ adduxere puerum, vt vegetandis, confirmandisque naturæ viribus alimenta omninò recuſaret. Matris ille cebræ, ac voces; tùm exterorum adhortamenta fruſtra erant. Quare cùm ſua ſit eiſmodi morbo periodus, teneatque pluſculos dies puerorum hæc peſtis; niſi illum ali interim contigiſſet, certum imminere exitium, denunciabant medici. Ergo cùm adeſſe tùm quidem ipſemet Frāciſcus nequiret, Marcellus Surgentius, vir ex noſtris grauiffimus, Viri Dei pileolum eò ſecum atrulit: vultus, oculos, caput, ſpe bona fretus, tetigit: iuſſitque inſequentem etiam noſtem cum eo puerum quieſcere. Mane præter eius morbi ingenium, ac medicorum iudicia compertū, maturuiſſe iam puſtulas; adductas iam triduum oculorum ſeneſtras ægrotum aperuiſſe; demum integrè conualuiſſe. Monſtri ſimilis Ioanni Antonio Foliæ, principi Urbis medico res viſa: ſtatuitque ſecum

secum ipse, vicisse morbum, ac naturæ vim Olympium.

Caput
pleraque
ab Olympij
pileo,

Eiusmodi porrò capitis integumenta, quæ Francisci aliquando fuissent, collatis persèpè beneficiis, inclaruisset, exploratum vulgi sermonibus habemus. Capuæ præsertim impertita nō paucis incolumitas. Enimuerò cū anno huius seculi tertio, & vigesimo eò adiiisset Dei Seruus, atq; ad Sanctimoniales, quibus à Iesu nomen, ad aram faceret, Vincentius Casellius, Patricius Capuanus, instinctu quodam eius sibi pileum retinuit. Hic postea ægrotantibus opipidò salutaris fuit: & Casellius ipse ploraquo literis consignauit, ex quibus pauca, ac breui delibanda. Lucretia Pera triduū difficillimo à partu laborauerat, morti iam propior: at allato eo pileo, vbi primum illum aspexit, leuari nonnihil sensit: eo deinde admoto, geminum euestigio partum effudit incolumis. Maria Pompilia Casellia, Vincentij soror, & Antonius Gallucius à graui febris laborantes, eiusdem tactu pilei, cū sæuaret maximè morbus, sanitati restituantur. Vincentius Sabinus, Canonicus à disuria iam conclamatus, fatigatis frustra medicis, hoc tandem pileo visus penè rediuius. Vincentius Rarus grauissimo conflictatus morbo, eò deuenerat, vt extremis sacris procuratus, ac sensibus destitutus, reciprocaret vix animam: sed præsidium ab eo pileo dum petit Beatrix coniux, visū illicò redire moribundo sensus, nec post multò profligatus omnino morbus. Quod ipsum Hæctori Cocio accidit, restituta mirè incolumitate. Franciscus Pera discrucari podagra solitus, ingenuè affirmabat, toties facessiuisset dolorem ex ea omnem, quoties pileum admouisset. Elisabetham Mauram, Mo-

nia-

nialium à Iesu Antistitam vsque adeò vehementer
pulsabat laterum dolor, vt eius pertinaciam nulla
medicorum consilia frangerent. Ergo allatus Fran-
cisci pileus, illumque admouisse, amouisse malum
fuit. Hac ope Antonius Zappa discruciantem ma-
gnoperè articulare morbum breui propulsauit. Hac
is ipse Vincētius Casellius, penes quem id extat sa-
luberrimi pignoris, fatetur, grauissimis se se morbis
semel, ac iterum, & tertio exemisse. Atque hæc
Capuæ.

Illud Neapoli, quod Mario Loffredo, ab illustri
domo Cardeti Principi accidit, narratque ipsemet,
obsignata summa fide syngrapha, quæ penes nos est.
Inflatum luculentum huic vulnus fuit, disruptaque
colli arteria, quoties medicas admoueri manus oport-
teret, manabat vis sanguinis immodica, quem cum
nulla artis præsidia sisterent, planè conclamata
iam salus videri poterat, ac nihil propius erat, quàm
vt vitam vnà cum sanguine Princeps funderet! Iam,
quòd nil reliquum humanæ opis, ac spei esset, peten-
da diuinitus remedia fuere: & qui Franciscum Olym-
pium, eiusque in exorando Numine vim nouerat, id
in primis curauit, ac petijt Loffredus, vt quoties tra-
ctari, obligarique vulnus contigisset, adesset Dei Ser-
uus. Sperare nempe se, fore, vt eius præsentia, ac
preces manantem iugiter venam compescerent. Er-
go adire statim horis Franciscus: ac deiectus in genua
orare ad decumbentis lectum prolixius: post preces
signabat cruce vulnus: tùm reliquam curationem
medicæ arti permittere. Nec multis: ita prohibitus
extemplò cruor, vt cum pergeret ille adesse, ac pre-
cari, arteriam omninò exsiccauerit: nec post mul-
tò obducta vulnè cicatrix: cōualuitque breui Prin-
ceps,

Sistitur
vulneris
sanguis
Loffredo.

ceps, qui Olympio beneficium acceptum retulit.

sanatur
Muscetula
læ cruris
vltus.

Nec Iosephum Muscettulam, Patritij Ordinis virum in eiusmodi corporis clade fiducia in Francisci merita fefellit. Pertinax vltus alterum eius crus depascebat. Non remediis ipse, non sumptui parcere: cum interim, lulis medicorum curis, reuiuiscere in dies malum cerneret, ab ipsis artis adiuuentis recrudescens. Inter hæc subiit animo, Olympij pileum penes se esse; erectusque ingenti quadam fiducia, vlceri applicuit; euauitque mox lues: relictis vix sui vestigijs, vt adfuisse testaretur.

Et septi-
mio Ro-
berto Epi-
scopo.

At enim quando affectum, sanatumque crus meminimus, non dissimulandum profecto, quod Septimius Robertus, Romanus, Episcopus olim Tricaricensis, grandi vir natu, atque eximie religionis, consignatis autographis literis, quæ penes nos extant, de se narrat. Geminum vltus eius crura corripuerat: fœdum vtrumque, ac palmare, nec sine graui doloris sensu, siue staret, siue incederet. Nihil præsidij, curæque omissum, crescente in dies malo. Ergo Thomas Afflictus ex nostris, eius à confessionibus id illum monet, vt quando eluctarentur humanam opem vlcera, diuinam imploraret. Esse Neapoli Franciscum Olympium, cui à vitæ sanctitate mira inerat impetrandi vis: daret ad illum literas, eiusque sese fidei commendaret. Qui quidem haud segnis, quid pestis corruperat crura: quid præsentis auxilij posceret, ad illum perscripsit: idque intra Epiphaniæ Domini ferias. Nec multis: tenuit quidem morbus, quoad perlatæ ad illum literæ fuere: tùm exeuntibus eiusdem Epiphaniæ festis diebus, qui vespere, dum cubitum irer, plagas nihilo mitiores inspexerat, mane, dum lecto surgit, aduertit, ira abiisse,

abiisse, vt nullum prorsùs vestigium reliquerint; ac si nulla vnquam diuexasset, exulcerassetque crura lues. Admirationi optimo Antistiti fuit inopinata adeò incolumitas; eamque Francisci patrocínio, ac prece mirè sibi impertitam, persuasum habuit.

Neque prætereùdus hic sacerdos ex nostris, nempe Marcus de Angelis, quem aliàs meminimus. Pleuraque is iuratus testis apud Neapolitanum Iudicem de Francisci virtutibus persanctè affirmavit. Inter cætera id etiam de se narrat. Praui omninò moris vlcus crus occupauerat: & quod morbo recrudescente, nulla affulgeret à medicæ artis præsidij spes; conuenire Olympium statuit, eiusque se precibus, salutemq; suam permittere. Ergo Vicum Aequensem, vbi is tùm morabatur, petit: vlcus illi aperit: operam, ac preces poscit. Ille in genua statim procumbens, rem priùs transigere cum Deo voluit: tùm non alio quidem opobalsamo, quàm ex uicissigno vsus, spem certæ salutis iniecit: qua ille plenus, Neapolim reuertitur: nec post multò euauit purulentum malum: agnouitque Marcus in vegeto mox crure salutare Francisci manum.

Et Marco
de Ange-
lis.

Refractaria istiusmodi vlcera, quæ in carcinoma facilè degenerant, grassanturque in apertam corporis perniciem, cùm sæpe Olympii preces mirè persanauerint, perstringenda hic etiam sunt: facietque iis initium vir ex nostris, quem aliàs appellauimus, oppidò catus, ac frugi: nempe Dominicus Dicastiglius. Huic mentum fistula deformauerat planè inmedicabilis. Vbi frustra fuerant medicorum adiumenta, difficillimum ignis experimentum reliquum erat: cùm interim omnes affirmarent, id per acris curationis tentari sine aperto vitæ discrimine mini-

Dicastigli
mētum a
fistula cu-
ratur.

mè posse, Ergo ad Olympiū Dicaſtiglius, quem ſciret
 medicinę articulos noſſe omnes vno dūtaxat precū
 vſu. Ille cōplexus ex animo virum, bono eſſe animo
 iuſſit: tūm votiuā ei tabulā imperat; in ea ſanctiſſi-
 mā Triadem, magnam Dei Matrē, Diuū Domini-
 cum, denique Tutelarem angelum pingendum cu-
 raret. Id vbi ille perfecit, breui depulſa vultu, ac
 mento labes. Nempē ita certus beneficij Olympius
 fuit, vt tabellam impetratā iam ſaluti teſtem, ante-
 quā malum faceſſeret, dedicatam voluerit.

Altabel-
 lę, et Pla-
 nę ſana-
 tur facies

Eandem hanc conſpicuam corporis partem, nem-
 pē faciem id genus lues labefactauerat Franciſco Al-
 tabellę, & Ioannę Planę: & illi quidem inſanabilis
 ſerpebat per ora cancer: huic verò genas apoſte-
 ma corruerat longē peſtilentiſſimum. Intermina-
 ri ferrum vtrique, ac ignem medici. At longē mi-
 tior Olympius. Efformato ſiquidem in affectis lo-
 cis crucis ſigno, vtrumque per quā facilē, ac mi-
 rē perſanauit; quique prius horrorem quendam,
 conſpicio eo morbo intuentibus incutiebant; reſti-
 tuto poſtmodum vultu, ac priſtina oris ſpecie, admi-
 rationem peperere planē non mediocrem.

Et ſceni-
 nę manus
 ab apoſte-
 mate.

Non abſimili curata præſidio eſt pię cuiuſdā ſœ-
 minę manus, cuius nomen excidit, Ioannis Domi-
 nici Brancacij coniugis. Carbūculus in atrox quod-
 dam apoſtoma degenerauerat, quod eò tandem
 contumacię peruenit, vt alia quidem ope, quā
 igne proſtigandum, negarent medici. Nihil ſœmi-
 nę horribilius, quā ignis denuntiatio: Quare
 petere benignius è cælo remedium, ſtatuit: adiitq;
 ad Franciſcum ſpei plena. Precari, obteſtari. Ille
 commiſeratus, manum manu ſignat. Nec mora:
 quę præfractum ſouebat morbum ſanies, diſrupta-
 cure,

cute, confestim erupit; ingentique cum omnium admiratione visa eadem manus modò corrupta, modò incolumis. Cuiusmodi beneficium ab eodem celi medico sensit iuuenis quidam ornatissimus, & gente Pallauicina Genuensis: cuius manum à simili luc planè immedicabilem, vbi Olympius linxit, obligauitque, restituta sanitati est.

Iam nullum violentius, ac capitalius morbi genus, quàm gutturis lues. Grassata diutius Neapoli, ita summos, infimos visa demessuisse, vt quos semel mali vis corripuit; pauci euaserint. Ab hac ærumna Cæcilia Palmeria, spectati moris foemina, decubuit; eo quidem morbi impetu, vt desperatum de eius vita statim fuerit. Accersitus Franciscus, esse, inquit, cælo, qui eiusmodi pestes cælesti pharmaco abigeret: petendam ab eo opem. Igitur, conceptis præsentis fiducia precibus, pro medica portione liquorem adhibet, qui mirè è Myrensis Episcopi Nicolai ossibus manat: quem quidem dum ægrotanti propinat, visus vnà simul salutem instillasse. Deseruit namque extemplo mali vis, correctisque faucibus, ereptam se ab ipsis mortis faucibus agnouit Cæcilia; atque acceptum beneficium retulit, vt Nicolao, ita & Olympio, qui eiusmodi Diuorum, adiumentis, ac ipsanis cauere humilitati suæ solitus erat, ac collato munere, manum subducebat; vt beneficio fruerentur, beneficium non agnoscerent: planè præter cæterorum mortalium morem, qui cum beneficium impendunt, aut tuba canunt ante se, aut si fugiant, se cupiunt ante videri.

Porrò Cæcilia hæc Ioānis Baptiste Apicellæ, Regijs Neapoli à Consilijs coniux fuit, de quo est, quod hic etiam adnotemus. Quod Christi Domini, atque

A guttu-
ris pelle
sanatur
Palmeria

Apicellæ
capitis du-
lor fisti-
tur.

innocentiæ symbolum agnus; nimium, quan-
tum Francisco Olympio mansuetissimum hoc ani-
mal cordi esset. Quoties cerneret, ad blandiri, com-
plecti, exosculari. Quocirca fuit semel, qui ad de-
licium quoddam spiritus agnum illi miserit. Is ve-
rò, impetrato Maiorum nutu, quod addictissimus
Apicellæ esset, illi ad benevolentiae specimen dono
misit. Et Apicella quidem tanti Viri munus, ut gra-
tanter accepit, ita peculiari quodam studio domi
retinebat, habebatque in pretio. Illud verò oppor-
tunum, ac sanè mirum. Vbi creuisset agno lana,
tondebat: eaque puluinar infarciebat: quo quidem
puluinari cum tentari aliquando dolore capitis con-
tingeret, utebatur, nunquam sine fructu. Leuari si-
quidem eo adhibito, atque interdum omninò fac ef-
fere capitis molestiam, sentiebat: ceu disceret à mi-
tissimi agni lana dolor mitescere: aut certè id impe-
trauerat Franciscus, ut innocentiae typus nocumen-
tum capitis amoueret.

Prouenza-
lis conua-
lescit,

Consiliario addimus Consiliarium, sed à morbo
gravius laborantem. Fuit is Andreas Prouenzalis,
vir in Neapolitanis subfellijs non vltimus. Correptus
is graui febri propius à vitæ periculo aberat. Mole-
stior verò febri quædam morbi appendix erat, vehe-
mentissimus nempe oculorum dolor. Dum de re-
medio consulitur, aderantque præcipui nominis
medici, qui collatis vnâ votis rem expenderent, vo-
catus Olympius: rogatusque à Prouenzali suam
sententiam; vbi aliquantisper demissus in genua
orauit: Valeant, inquit, medici, ac pharmaca: bre-
ui Diuæ Virginis Constantinopolitanæ ope conua-
lesces. Postera luce respondit prædictioni euentus.
Debellatum siquidem malum est, depulsa febri, atq;

ocu-

oculis suæ incolumitati, serenitatique restitutis: habuitque vir Senatorius magnæ Dei Matri gratias, quæ beneficium, Francisco nimirum interprete, ac patrocinate contulerat.

Eademque Deipara ad eiusdem Serui Dei preces propitia, ac volente, curatus sexennis puer, Marcelli Philamarini, Viri nobilis, & Lauræ Bariliæ, æquæ nobilis matronæ filius. Intra quatuor non amplius horas excessurum illum è viuis, pronuntiauerant seuerè medici: præsertim, quòd fatisciente in tenera adeò ætate vi naturæ, quicquid medicæ potionis; aut cibi ingererent, auersaretur. Non sine Francisci præsentia, ac ope calamitas hæc fuit. Accersitus namque, dum in co-tori essent parentes, vt nescio quid peregrini liquoris ad alimentum sorberet puer, ac frustra in os impingerent: negotium in se ipse suscepit, conceptisque precibus, craterem illi propinauit, eo quidem successu, vt qui modò, stomacho oblucente, omninò respuerat, totum omninò hauserit ab ea manu. Domum reuersus, interpellare Deiparam, atque ad eius effigiem patrocinari quàm efficacissimè causæ: tùm proindè quasi impetrasset, ac grates redderet, visus terram exosculari: Nec multis: ita conualescere puer coepit, vt insequenti mox die abscesserit omninò febris. Et mater quidem beneficiū, quod ab Olympij precibus certò sibi pollicebatur, occupauit beneficentia. Nàm pictam acu vestem non exigui quidem pretij, ornandæ Deiparæ sine labe conceptæ aræ dono misit.

Iam geminum beneficium, alterum Lauræ Gattæ, matronæ Neapolitanæ, alterum eius famulæ collatum, qua fide ipsamet Laura testata ritè est, eadem nos literis consignamus. Sanguinis profluvio laborabat

Et sexennis puer

Et Lauræ Gattæ

rabat nobilis foemina, medicorum curis diù irritis :
 Sanctorum Apostolorum templum adit : vbi tùm
 fortè ad aram faciebat Olympius : & quòd dispertire
 mox adeùtibz viuificū panem vidit, eadem erecta
 fiducia , qua illa Euangelij mulier, eodem laborans
 morbo : Si Dei Sacerdotem, inquit, aut eius saltem
 indumenti simbriam tetigero , salua ero. Ergo ecu
 accumbere & ipsa ad sacrum epulum vellet, ita se
 ceteris miscuit, vt illum dissimulanter tetigerit. Nec
 mora : pressò mirè sanguine , profligata ea corporis
 intemperies : reperitque Laura in Francisci attactu
 præsidium , quod diù frustra à medicorum studijs ,
 atque officinis quæsiuerat . Porro quæ nunc sibi
 famulæ deindè suæ gratulata incolumitatē est. Dum
 fertur hæc impetu quodam, ad cubilis stipitem per
 imprudentiam ita impegit, vt caput non leui quidē
 vulnere, ac manante largiùs sanguine, illiserit. Tri
 stari vehementer Laura : sed interim euocata ad Sā
 ctorum Apostolorū eodem est , vbi publicæ tùm qui
 dem ad sacram Eucharistiam preces celebrabantur.
 Hic illa quadam in famulam charitate, ac summa
 fide precari enixè diuinum Numen, vt pro Franci
 sci Olympij meritis sanam eam vellet . Igitur post
 solemnnes eas preces domum reuersa : quam grandi
 à vulnere cruentam , ac consternatam reliquerat ,
 læto illam vultu, ac prorsùs incolumē deprehendit.
 Nusquam vulnus , aut vestigia vulneris . Curatio
 nem nempe festinauerant implorata Viri Dei pro
 merita , cicatrice etiam oblitterata , ne quid ærum
 næ reliquum esset.

Nihil est, quod excruciet acriùs foeminas ; quàm
 difficiles interdum partus . Æquè præsens dolor, ac
 futuri metus diuexat : acciditque non rarò, vt pa
 ren-

Et eius
 famula.

rēntet matri prēmaturis lachrymis puer. Adfuit difficillimis eiusmodi puerperijs non semel Franciscus, ut faustum nascentibus sydus, ita certum periclitantibus puerperis præsidium. Rei documentum præcipua matrona hic dabit: nempe Syluia Caracciola, Circelli Marchionissa, quæ maturo iam foetu, ita conflictari peracerbis, ac diuturnis doloribus cœpit, ut iam penè viderentur delicatioris sęmīnę vires prolixę, duręque adeò palęstrę minimè suffecturę. Nihil antiquius Laodomię Ruffę, parientis matri, quàm ut eò accederet Olympius, maturaretq; precibus partum. Accersitus ille, adit: post preces, tangeret puerperam, rogat Ruffa; sed dum is negat: facto illa impetu, acceptamque vi dexteram, filię laboranti admouet. Neque mora: effusus illicò partus, incolumi matre, quæ æquè sibi, ac filio vitam gratulata est à Francisci patrocinio.

A partu
liberatur
Circelli
Marchio-
nissa:

Vicum Aequensem nunc pergitur, vbi pleraque circumferuntur collata ab eo beneficia, quòd morari ibi, uti monuimus, solitus esset. Ex his diximus sparsim aliqua. Illud nunc non dissimulandum. Egressus semel domo Deiseruus, fœminam offendit, fusè lacrymantem. Interrogata, quid sibi incommodi accidisset? respondit, quicquid pecunię alendis eadē die filijs, haberet, inter eundem amisisse dolere, proindē inopiam, sortemque filiorum. Tūc Franciscus humi procumbit, orat tantisper, assurgit: ac primo statim intuitu, quam alibi perdiderat pecuniam mulier, id loci reperit: absterisitque illi lacrymas inopinato rei euentu, ac restituto suo ære.

Reperitur
amis-
sa pecu-
nia.

At maius quid profectò est, aurū adauxisse, quàm inuenisse deperditum. Fecit & hoc Olympius, reparata arcanā vi quadam pecunię sūma, dum erogatur.

Et multi-
plicatur.

gatur. Meminimus aliàs Ioannem Simonem Pul-
uerinum, Viro Dei additissimum, atque ob cura-
tam multiplicem morborum luem summè obno-
xium. Deposuerat is apud coniugem, cui nomen
Camilla Domini Vrsonis nummos aureos omninò
quinquaginta, quos attentè de more numerauerat.
Ex his ornandę Marianę cuidam imagini aureos
quinque erogari Francisco Olympio iussit: qui qui-
dem Puluerini beneficentię, vt eo, quo posset, stu-
dio responderet, id statim precatus à Deo est, vt cre-
sceret reliqua pecunia, & quod aurum decerpserat
pietas, restitueret occultè Numen. Neque irritę
eę preces fuere. Enimuerò ab eodem ipso aceruo
et si & alios quindenos aureos non ita post multò
sumpsissent, numerata ea pecunia, nihilo imminu-
tamprehendunt, constante nimirum summa au-
reorum quinquaginta. Hęc Surrenti, vbi multipli-
cata piacularia quędam grana haud minori qui-
dem admirationi fuere. Francisco moris erat, pios
eiusmodi globulos, à Beata Ioanna à Cruce nuncu-
patos, distribuere: idque non sine prouentu pietatis.
Per eam namque occasionem, vt de Dei offensa in-
timè dolerent, qui id pii muneris acciperent, cura-
bat. Nunquam proindè non iis instructus videba-
tur, ferebatque exigua in pyxide. Accidit porrò, vt
inuisurus nobilem quandam fœminam, lecto decū-
bentem, in ipso cœnobij vestibulo aduerterit, pau-
cos admodum, ac circiter octo reliquos esse in pyxi-
de, certè non iis suffecturos, quos eundo, redeun-
do, atque in ipsa ægrotantis domo offendisset: iam-
que redire in cellam, vt suppleret numerum, cogi-
tabat. At substitit: cælumque tantisper intuitus, ve-
luti quid tacitè oraret: pergimus, inquit; nam Do-

Multipli-
catur gra-
na piacu-
laria,

minus

minus providebit . Itaque dum iret , accurrentibus ad illum , quem Virum Sanctum appellabant , plerisque singulos singulis donauit piacularibus granis . Eadem mox liberalitas , dum ægram inuiseret , affecit non sanè paucos , ac satis etiam multos , dum iter remetitur , munifica semper , pronaque omnibus pyxide : demū in ipso domus nostræ aditu cū et alios comperisset , globulis minimè pepercit ; ac tū quidem Thomas Muscettula , Sacerdos ex nostris , qui illi comes , coniectis perquàm attentè in eam pyxidem oculis , illam non modò non exhaustam , sed adhuc semiplenam aduertit . Planè visa res illi monstro similis , quòd paucissima modò grana in tantam mox segetem succreuisent . Viderat nempè ipsemet antea , ac penè numerauerat : vt paulò supra octona censeret ea possent : tū vbi largè , ac subducta ratione , circiter centum distribuisset , multò plura superesse , fidem penè suis oculis abrogabat . Fontem Mandurium ferunt , haustu non minui : admirabilior longè Olympij pyxis , quæ haustu crescit .

Nec sanè minor ab eiusmodi multiplicatione stupor perculit Gabrielem Grisanum , laicum fratrem ex nostris , qui iuratus , obsignatisque literis id sibi anno vertentis seculi tertio , & vigesimo accidissè ; affirmavit . Cum morabatur in Aequensi domo Olympius , panem aliquando à Gabriele petijt , quem infirmæ , piæque foeminæ mitteret . Illo , cui comū , nis coenatio curæ erat : se quidem promptum , inquit , sed sciret , haud esse tantū domi panis , qui Patribus sufficeret ; apertoque armario , vbi seruari consueuerat , conciliauit dictis fidem . Instare nihilo minùs Franciscus , vt impertiret ; fore nimirum , vt à munifica perindè , ac mirifica charitatis manu ex-

Et panis.

crefceret panis . Ergo dedit: clausitque, quod diximus, armarium : quod deinde vespere , instructurus de more coenaculum, dum aperit, defixus admiratione est . Enimuerò supra quos paulò ante reliquerat panes, septemdecim alios reperit : multiplicata, videlicet, annona, vti Olympius adpromiserat, ac suis ad Deum precibus proculdubio impetrauerat. Neque id satis. Interrogatus namque mox ab eo Grianus, an panis suffecisset, cum abundè fuisse, ille respondisset : Age, inquit Franciscus, nec frumentum deficiet . Et verò, constans domi fuit omnium persuasio, eo anno solitam frumenti mensuram ad plusculos menses excreuisse.

Et cinctus.

Addimus & illud, quod multorum oculis, ac fide compertum scimus. Animandis ad disciplinæ studium tyronibus, inuisere illos identidem, hortarique, ac quibusdam etiam donariolis afficere, Franciscus consueuerat. Igitur in Sanctorum Apostolorum domo Tyrocinium dum regeret Theodorus Albertinus, quem aliàs nominauimus, adiit aliquando eam pubem Dei Seruus, iisque bellaria quædam attulit ; tum ad puritatis munimentum quosdam D. Thomæ Aquinatis cinctus, quos Collegij à Sapientia moniales affabrè quidem, atque eleganter confecerant. Tyrones tum erant non amplius quinque; totidemque attulerat ille cingula; quæ item, singillatim, atque adeò bellè illigata, vt necti, confundique inuicem minùs possent. Vt vidit Albertinus, suū visus oprasse D. Thomæ cingulū: at Olympius excusare numerum, ac non sine sensu aliquo affirmare, ea solummodò quinque sibi missa, vt distribueret, singula nempe singulis nouitijs. Mirasane dictu res: dum ipsemet sua manu adollescentulis

lis cinctum cuique suum distribuit, adaucto ex inopinato numero, aduertit, esse sex. Mirari effusè Albertinus, ac pubes: qui persuasum habuere, non sine vi Numinis cingula excreuisse: præsertim quòd scirent, id moris esse Olympio, vt pro nouitiorum, dumtaxat numero munuscula afferret. Sed augeri ab eius manu res, non insolens. Nam & dulciarios panes Herculani excreuisse ad ægrotantium leuamentum: & aquam ab eo consecratam nunquam decreuisse, memorauimus supra: & sunt, qui affirmant, salutarem etiam D'ui Nicolai Myrensis Episcopi liquorem vel ipso haustu adauctum. Quod nobis non adeò compertum.

Pergimus admirandas res alias recensere. Pedes aliquando Neapoli ibat Horatius Muscettula, postea Triuici Episcopus, cùm ruere improuisus, ac largus quidem imber cœpit, Ire nihilominus sub testorum proiecturis, vt vitaret pro modo pluuiam. Interim ita præire Olympium aduertit, vt mediis licet imbribus ambularet, non madesceret. Falli aspectum putat; gradumque, vt propius inspiceret, promouet. Et verò neque illum, neque socium perfuncti pluuiæ, non mediocri sane cum admiratione cognoscit. Quæ quidem admiratio mox cumulata. Nam dum ipse vnà simul incedit, neque sedari imbre contigit: gratulatusque magnoperè est, se quoque ab eius consuetudine, ac promeritis supra Cæli iniuriam fuisse. Hæc à Thoma Muscettula ex nostris, Horatij ex fratre nepote, qui quo tempore de piissimi Viri virtutibus acta Neapoli conficerentur; cùm siccis illum vestigijs, ac vestibus, cadente imbre, inambulasse: tùm auctos, quos diximus, piacularum globulos, testatus ritè est. Ab eiusmodi verò plu-

At imbre
non ma,
descit O-
lympius.

uia intactum, immunemque illum fuisse, non semel accidit. Et Adrianus quidem Guarinus, frater ex nostris laici ordinis iureiurando affirmavit, se quidem aliquando vnâ cum Olympio Vico Neapolim traiecisse: cadente verò à subita quadam procella, ingenti pluuiâ, nautas quidem, vectoresque alios, quos eadem cymba exceperat, largè immaduisse; ipsum verò serena quadam vsu inter eos imbres tempestate, nec vel leuiter aspersum; quod testati & iisunt, qui aderant, Viri sanctimoniam, cui nimbi parcerent, effusè deprecantes. Eiusmodi admiratio Andream Gizgium, fratrem item laicum cepit: cum iterû Neapolim Vico transmissurus Olympius, è Mariana domo nostra mare peteret, ut cymbam conscenderet. Pluuium tùm erat cælum, cumque nescio quid ille precum eundo recitaret, atque apertum earum librum manu ferret, aduertit Gizgizius, qui illi socius, se quidem nonnihil persusos, breuiarium verò nulla ex parte madefactum.

At enim si quæ contulit mortalibus beneficia, patrauitque mira Franciscus, describenda fusè, ac singula essent, nullus profectò exhaurire stylus posset. Raptim ne dissimulasse omninò videar, alia, nonnulla, quæ signatis etiam testibus constant, extantque in Neapolitano Sanctorum Apostolorum tabulario syngraphæ, expediam. Thomas Carasæ, vir grauiissimus, Frâncisci tactu peracerbis doloribus defungitur. Marinus Cortesius, Rotundi Marchio à lethali morbo penè depositus, Serui Dei attactu item, ac precibus, breui suæ incolumitati restituitur. Ioannis Petri Carasæ ex nostris dolor longè vehementissimus dum malas, vultumque discruciat; simul tangit, signatque cruce Olympius,

Fleraq; ab
Olympio
beneficia

pius, simul facessit molestia. Rinaldus Cortesius Surrentinus aqua intercuti annos omninò quatuor laborauerat: cruce ab Olympio signatus, mirè perlanatur. Lucretia Scifola Surrentina item foemina bis ægrotat, bis conualefcit, admota sacra quadam effigie, quam à Francisco acceperat; eademque mox imagine ingruentem horridè tempestatem serenat. Didacum Audisium, captum membris, signata item cruce; suæ incolumitati restituit. Ferdinandi Pecorarii, & Iuliæ Campanilis filius periculosè decumbit: Serui Dei manu tangi, curari fuit. Franciscus Florillus molestissimo laterum dolore diuexari solitus erat; lintheum, quo vti Franciscus consueuerat, dum admouet, ita desæuit, abiitque mox dolor, vt nunquam postliminò redierit. Didaci Spagnoli Strabienfis immedicabilis morbus veneficij (uspicionem fecerat: sed dum Francisci se se tutelæ ægrotus permittit, & is ad aram Aequensis Virginis preces fundit; breui diuturnum malum euauit.

Atque hæc quidem ad corporis commoda, ac salutem spectant. Quæ verò momenta animi tangunt, innumera penè sunt, ac longè admirabiliora. Alloquio, complexu, precibus mirum, quos ille animorum motus fecerit, quæ studia pietatis excitaue- rit, quæ tentamenta dæmonum fregerit, quas vitiorum pestes abegerit. Illustratè repentè perditorum hominum inentes: inueterati, prauique mores cō- mutati: inspectum, curatumque arcanum pectus: luse malorum dæmonum insidiæ: compositæ cogitationum turbæ: dispulsæ mentis caligines, scrupuli, metus, dubia. Exempla hic pauca, ac paucis damus: nam suo quæque narrantur loco. Franciscus

Curantur
animi
morbi.

Val.

Valcarcer
is inter-
ni motus
compo-
nuntur.

Valcarcer, internis, iisdemque vehementissimis quati, pulsarique machinis cepit, certè mali dæmonis malis artibus: eoque se tandem perurgeri impetu sensit, ut nil propius esset, quàm dare hostibus manus. Ergo Olympium adit, alloquitur, animi luctum aperit; visque Viri Dei verbis momentò componi fluctus, atque ab eo æstu suæ restitui tranquillitati animus. Id quod Valcarcer, qui palæstram illam circumferebat, fieri nisi diuinitus posse, negavit.

sedantur
Alexandri
Marini
scrupuli.

Aliam hic à scrupulis longè molestissimis perturbationem annectimus, quam is idem facili negotio dispulit. Alexander Marinus Genuensis ex nostris ipso æui flore dum Neapoli Paulina in domo studiis operam nauat, vellicari supra modum eiusmodi stimulis cepit, Non consilijs, non monitis locus erat: anxius, inquit æstare, reciprocantibus cogitationum fluctibus: quos quidem ut compesceret id tandem mentis cepit: antea ætam, videlicet, vitam accuratè recognoscere, ac generali confessione expiare: ita dispelli dubia, atque auelli peracres eas cogitationes facillè posse, sibi persuasit. At sua illum fefellit opinio. Enimuerò dum in id conscientie examen totus incumbit, ac magna, parua anquirat, mouetque; visque irritari vehementiùs curæ, ac facto agmine, insilire, adoriri, quaterere maiore impetu animū; planè ut in tanta rerum angustia, ac ceu furente nimium pelago iactatus, desperaret suæ tranquillitati Marinus. Aderat tùm fortè in Paulina domo Franciscus; & quem ille nullis non incòmodis propulsandis idoneum nouerat; adire, opemque poscere, apud animum suum statuit. Orantem in odèo reperit, nullibi quidem opportuniùs: demissusque

in

in genua, quid lanienæ gestaret pectore, exponit: adesset, prensaret pro se Numen. Ille interpellantis caput utraq; manu complexus, pectori affectu quodam adpressit: tùm familiari blandiloquentia solari iussumque bono animo esse, dimittit. Nec plura: visæ extemplò Marino affundi serenitas, faustitas, lux animo: nulla ampliùs menti caligo, nulli pectori morsus: agnouitque à Francisci attactu, complexuque beneficium, ac nullis æquandam opibus interioris hominis pacem.

Claudat hoc agmen vir, ad bonam mentem, frugemq; conuersus. Felicianæ Caracciolæ æquè religiosæ, ac nobilis Matronæ fide constat, quod nuncimus narratum: Viri verò nomen, ne eius laboret fama, non prodimus. Prauo quodam vsu, ac indole coelum is petere impurissimo ore solitus erat. Diuorum nulli parcebat, ac Deum ipsum maledictis interdum incessebat: planè ut horrore esset diserta sacrilegè lingua. Ipsa in primis Felicianæ Caracciolæ eiusmodi in Cælites contumelias nimium, quo aurum, atque animi vulnere exciperet. Inireproindè rationem, qua viri confidentiam, atque impietatem emendaret: idque pro religione in Olympium opportunum putauit. Eius mensæ reliquias nescio quas, penes se habebat; has vir ille sacrilegus si comederet, fore sibi persuasit, ut ab eo scelere temperaret. Ergo vescitur: statimque corruptæ adeò linguae, atque ad iniuriam Cælitum pronæ iniecta religio, ac frænum; ac cunctis, qui nouerant, mirantibus, gratulante in primis Caracciola, nunquam deindè incesitare blasphemijs aerem, ac cælum auditus. Sane, quæ hætenùs numerauimus Olympij beneficia, non exigua ea quidem fuisse: hoc maius, difficili.

Corrigi-
tur prauus
hominis
lingua.

Supremò agrotat Olympius, ac piè moritur.

Cap. XXI.



TRADVCTAM per summam inno-
centiam, atque inter eximie religio-
nis actus vitam, ad profundam iam
senectutem perduxerat Franciscus;
haustusque laboribus, ac œuo, con-
clamare iam vasa videbatur. Ad-
moueri se supremis, & nouerat ipse probè, & ma-
gnoperè gratulabatur. Vixisse, exulasse diutiùs di-
cebat: optare iam patriam, vt in summa ea beati-
tatis luce frueretur, quom in hac rerum caligine
adamauerat. Itaque præstolari anxius exitum: oc-
cupare peracri desiderio, atque insolito quodam
ardore mentis cœlum. Inuolutus licet hac morta-
litis lacinia, vsque aded affixus Deo erat, vt ad-
se iam Diuorū Concilio videri posset, Angelo, quam
homini propior. Humana omnia plùs solito fasti-
dire; cœlestium amor intendi: loqui de diuinis re-
bus perindè erat, atque abire illum in lachrymas, ac
internis, æternisque deliciis diffluere. Audiit tan-
dem Beati Senis vota Numen. Die Ianuarij men-
sis septima supra vigesimam anni vertentis seculi
noni, & trigésimi, quam Diuus Ioannes Christo-
mus festa sui memoria nobilitat, consecratque, su-
premò litauit in superiore domus sacello, vbi perue-
tus eiusdem Chrifostomi imago colitur, in quam
ille

Cupit dis-
solvit,

ille præcipuo studio ferebatur. Nocte insequente tentari profluuiò sâguinis cœpit; quod excepit mox febris: atque inde ominari vltima medici, impare nimirum ijs morbis natura, ac senio. Et ipse quidem Franciscus non modò ab ægritudine, sed superiore etiam nuntio festinare se ad exitum, ac breui excessurum, cognouit. Enimuerò loqui de obitu suo disertè cœpit, ac quendam ex Patribus, cellulam ingressum, propioris iam fati monuisse, aiebat: quem quidem sub ea Theatini hominis specie, ac habitu fuisse è cœlestium numero aliquem, constans tenuit inter nostros opinio. Nullus siquidem ex ea domus familia, qui rem nuntiasset, repertus: neque profectò aliquis sub id mali initium certò affirmauerit, atque adeò indubitanter id decumbenti renunciauerit: quòd quamuis suspicionem, ac metum faceret non planè mediocrem; nò dum tamen exploratum omninò erat, ac mussabant adhuc medici. Hoc autem cœli nuntio certus iam ille sui obitus: vt appetentem eam horam quodammodò vrgeret, atque alas sibi adderet velut igneas, suprema sacra statim efflagitare: tùm Præpositum (is erat Vincentius Caracciolus, compertæ vir prudentiæ, cuius se nutui, fideique commiserat) id impensè rogauit; vt in extrema ea vitæ linea propiore quodam studio adesset. Et quòd tùm quidem diuexari familiarì illum podagra contigit, fusis ipse ad Deum precibus, eius illicò incolumitatem ita impetrauit, vt valentem postea, præsentemque ad extremum, vsque spiritum semper habuerit.

Porro nostri homines clàm haberi morbum, optimum factu putarunt: vt qui mortalium concursationem, æstumque præuiderent: vti postea accidit,

Aegrotat

*Monetur
diuinitus
fati,*

*Impetrat
Præpositus
sanitatem.*

Christi
Corpore
reficitur,

ipsis frustra connitentibus, ne perumperet septa pietas, inundaretq; ardens nimium multitudo. Quod verò ad suprema sacrorum adiumenta attinet, non adeò incitatissimis ægri votis parendum existimarent, quin ipsos ægritudinis gradus, ac medicorum nutus explorarent. Igitur qui sub extremum Ianuarium decubuit, non ante diem Februarij mensis undecimam premi vehementiore vi morbi, ac destitui omninò viribus cœpit; ac tùm refici Christi Corporis viatico iussere medici. Nunzium incredibili gestientis animi sensu, ac frontis hilaritate excepit in ea verba: Hæc dies, quam fecit Dominus exultemus, & lætemur in ea. Diuinum deindè munus ut ieiunus libaret, afferri post matutinas preces voluit: ac tùm quidem Viri affectus, pietatis imitamenta, documenta charitatis, humilitatem, fidem, ipsasq; animi delicias nullus explicauerit. Veniam primùm, si quem verbo, gestu, vitæque suæ desidia læsisset, demissè petere; quod cùm non adeò cumulatè, ut vellet, obire sibi videretur, nec responderet omninò virium imbecillitas, subsidiariam Præpositi opem implorauit: qui quidem, intercepta à lacrymis facultate dicendi, nec supplere vices potuit. Affectum se deindè innumeris beneficijs profiteri, atque insigni grati animi significatione habere singulis gratias. Ad hæc, recitare fidei symbolum, consalutare Cœli Reginam, hymnos, psalmos, qui diuinæ charitatis flammam euentilarent, non tam ore, quàm vehementiore spiritu proferre: Iesu, & Mariæ nomina frequentissimè concipere. Ad extremum, quod illi familiarissimum, instaurare vota tanto quidem cum ardore animi, ceu tùm primùm eo se Sacramento authoraret, emicabatque vultu hilaritas; atque

atque intimi cordis deuotio : quæ sanè visa magno-
 perè inardescere, cùm facto grâdu, Præpositus mo-
 nuit, adesse Christi Domini Corpus, certissimum,
 nempè animæ præsidium ad iter, ad luctam, ad trā-
 situm. Hic ille studio quodam incredibili abijci, ve-
 nerari, incendi, præfari in ea iterum verba: Hæc dies,
 quam fecit Dominus, exultemus, & lætemur in ea.
 Postremò cùm omnigenæ virtutis exempla edide-
 rit, tùm excellentem quendam fidei actum deprōp-
 sit, intentisque in diuinam Eucharistiam oculis, ea
 pronuntiauit: Beati oculi, qui non viderunt, & cre-
 diderunt. Refectus Angelorum pane, ac plenus
 Deo, visus augeri mirificè viribus: cepitque vegeta
 quadam dictione, ac longè vigorosiùs dicere. Nunc
 diuina erga se beneficia inculcare: nunc se deterri-
 mum mortaliū, ac longè despiciatissimum appel-
 lare: modò religiosas Familias, suam præsertim Deo
 commendare: ad æternam mox felicitatem ardore
 quodam sermonis non tàm recurrere, quàm abri-
 pi: multiplex denique versare diuinarum rerum ar-
 gumentum: ibatque huc, illuc, vbi erat impetus
 spiritus. Mirari interim omnes adèd viuidam in-
 semimortuo sacundiam, eamque obortis lacrymis
 excipere. Abscedente verò Sacra Eucharistia, is
 illi animi sensus fuit, veluti diuelli medio è pectore
 cor ipsum sentiret: delinqui potissimū animo vi-
 debatur, quòd prosequi & ipse Christi Corpus ne-
 quiret, cui spiritu, ardoreque mentis intimè affixus.
 Iam, quòd afficerentur mirificè ea Viri pietate, di-
 ctione, aspectuq; oris Patres, trahi vi quadam post-
 liminiò ad eius cellulam visi: neque exigutum id
 pretium operæ putabant, plena igne, ac Deo ver-
 ba haurire, instrui ad virtutem monitis, ac mori di-

Quo spi-
ritu.

scere. Adfuit & Iuniorum classis, qui quoddam aperto, vti decebat capite, lecto adstarent: scio, inquit ille, haud mihi id honoris impendi: nam supra meritum hæc: attamen eiusmodi reuerentia, habituque modestiæ hic vos perstare, par est: vbi splēdidissimo stipatus cœlestium spirituum satellitio adfuit modò cœli Dominus. Et verò à diuini Numinis præsentia videre nunc mihi videor in hac cellula nescio quid insolitæ dignitatis, ac lucis, ceu vestigium quoddam diuinitatis luculenter ostendat, fuisse hic luminum Patrem. Hæc ille adolescentibus:

Iam verò, etsi, vti significauimus, euulgari morbum, ac viciniorem iam exitū, nolissent nostris: attamen sparsus mox rumor, exceptus apud omnes ordines non sine animorum sensu, motuque fuit. Nullus planè visus, quem non illicò pulsauerit desiderium illum inuendi, consalutandi, eiusque se precibus coram commendandi. Ipse in primis Cardinalis Boncompagnus, Archiepiscopus Neapolitanus, cui satis comperta Viri sanctimonia, ac virtus, extemplò misit, qui inuiseret, eique à suo nomine bene precaretur: & quòd non ipse adiret, pituita incommodum excusaret. Quam ille beneuolentiæ significationem nimium est, qua sui demissione, cultuque animi exceperit, contestatus, amplissimum Antistitis beneficium, honoremque non nisi de genu se, stratumque humi accipere. Qui tùm Neapolitani Regni vices administrabat, Medinæ Dux, Olympio addictissimus, contestim & ipse adiit, ac semotis arbitris, momenta quædam animi cum eo transigere, ac per otium alloqui diutius voluit, tùm enixè rogare, vt aliquid peteret: qui quidem, peractis prolixè gratijs, id sibi in votis, ait, vt salutatio-

nem

Card. Bc-
compagni
nomine
inuisitur.

Adit Pro-
rex Neap.

nem Angelicam ter pro se recitaret, celebrandæ, videlicet, magnæ Dei Mattis virginitati ante partum, in partu, & post partum. Adfuit & maximi Pontificis Nuntius Nicolaus Herrera, studio in Olympiū longè flagrantissimus, quem ille, ut sibi à Pontifice bene precaretur, impensè rogauit. Vota deindè apud ipsum, veluti ad Summi Patris pedes incredibili quadam religione instaurauit. Accidit tùm porrò digna memoratu res. Flosculos quosdam ab arte elegantes à nescio quo Virginum Collegio dono acceperat, quos sui Præpositi nutu, ac manu ita ad vnum omnes adeuntibus distribuerat, ut ignoraret, superesse iam nullum. Igitur ut aliquod beneuolentissimo Nuntio grati animi specimen daret, quod nihil præterea in promptu esset, Præpositum rogat, ut flosculum ex ijs aliquem illi afferret: qui nullum reliquum esse respondit: ac se quidem non ita multò ante inspexisse per diligentem, ac frustra locum. Tunc precari Franciscus, iret, ac denuò inspiceret. Mirabile dictu: aperta vix arcula, quam accuratè peruestigauerat, obiecit se se flosculus, planè elegans, caryophyllus nempe ad omnem venustatem factus, ac bellè purpurascens: quem ille certis precibus consecratum, irroratumq; lustrali aqua Nuntio dedit, florem sibi magnoperè gratulanti, quem ad eò mirè, atque ex inopinato vernantem, aut cælesti areola decerptum putabat, aut certè cæli floralibus dignum. Cum his primæ notæ viris eò conuenit Nicolaus Ridolphus Dominicanæ familiæ Generalis Magister, qui se illi, suumque Ordinem ex animo commendauit: tùm è religiosis alijs familijs viri præcipui, atque è nobilium censu penè innumeri.

Et Apost.
Nuntius;

Què flos-
culo do-
nat non
sine admi-
ratione.

Supremò
inungitur

Interim morbus inualefcere : eòque iungi oleo oportuit . Efflagitauerat iam fuprema hæc facra , atque ad illa eximia fele religione comparauerat , Expanfis brachijs , vt fuffixum in cruce Redemptorem eo faltem corporis habitu imitaretur , obire id Chriftiani ritus voluiffet : fed quòd prohiberet vicinus admodùm paries , fublatis in cœlum manibus , vt erectum eò animū oftenderet , perfiftare ad finem vſque ftrenuè viſus eſt . Concipere eadem cum Sacerdote verba : interdum etiam præire , quæ , & geſtu etiam , vultuque exprimebat . Vota hic etiam iterare , ne longior eſſet vitæ terminus , quàm hæc inſtaurandæ profeſſionis conſuetudo foret . Ad hæc , pleroſque Deo commendare : illos potiſſimùm , qui aures ſuis cōfeſſionibus ſucceſſiuè commodauerant : deindè addictos piacularibus flammis piorum manes : idque inter vberrimos fletus : poſtremò illos , qui difficillimis extremi mundi temporibus , ac parentalibus interfuturi olim eſſent , quos nouerat ab Antichriſto maximè diuexandos : finem verò ſupremæ huiusce functionis excepit ſolēnis Viri Dei gratulatio in ea verba : Alleluiah , alleluiah . Lætitiā : lætitiā : planè vt dici is poſſit , inunctus oleo lætitiæ præ confortibus ſuis .

His peractis , monuit illum Præpoſitus , meminifſet , vniuerſi ſe Ordinis antiquiorem : atq; adeò par eſſe , vt antequàm abiret ad meliores , omnibus bene precaretur , ac monita etiam aliqua exercendæ virtuti relinqueret . Hæterere hic aliquantiſper pro inſigni modeſtia : at enim ne refragari Moderatoris ſui nutibus videretur , ita parere mox ſtatuit , vt cauere priùs humilitati voluerit . Enimuerò Præpoſiti eiufdem ſoleam inſimis precibus popoſcit : impe-

tra-

tratam ad mouere pectori, cōplecti, exosculari. Hoc munitus, erectusque modestiæ documento, bene precari, ac dicere ad Patrum cōcionem, ea quidem spiritus, ac vocis contentione, vt, nisi hausto diuinitus vigore quodam, negarent, qui aderant, ea vi ardere exanimem linguam, potuisse. Nihil in eo, nisi viuudum, neruosum, ardens. Symbolum fidei explicare per partes cœpit eruditione, facundia, acumine supra hominem. Dixisses, singula verba ad incudem cœlestis sapientiæ, aut in officina charitatis procusa: aut Cœlitū aliquem adesse, qui copiam, neruosque sufficeret. Subleuare interdum in cœlū oculos, ceu focundaret noua quadam diuinorum affusione mentem: tūm prosequi, ac fluere vberius dictio. Satis in symbolo immoratum: disciplinam deindè, ac virtutum praesidia inculcare; de mutuae charitatis nexu, de animi demissione, de obedientia, de votorum instauratione ita dixit, vt dixisset planè fusiùs, nisi monitus, concionem vbertim illachrymantem, atq; ad ea verba mirè inflammata dimisisset. Non hic dissimulandum luculentum, sanè testimonium, quod in ipso dicendi æstu de viro ex nostris grauissimo tūm quidem edidit. Fuit is Ioānes Capycius Galeota, quem supra meminimus, ab insigni pietate, ac vi prudentiæ cum paucis cōmendatus. Hunc Olympius vbi abundè dilaudasset; scire se, inquit, diuinitus olim significatum, illum intra dies non ita multos à morte, ipso, videlicet, Diuæ Virginis cælo receptæ peruigilio æternam inijsse felicitatem. Id quod ipsimet fuisse cœlitus nuntiatum, persuasum habuere plerique omnes; ac voluisse, antequam è viuis excederet, hanc optimi viri sortem, qui ante ante annos omninò quinque,

Ad Patres,
verba facit.

Quam di
sertè.

Ad Capy
cium Galeotam
diuertit.

Card. Bon-
compagni
munus.

& triginta mortalitatem in ea ipsa domo exuerat, palam facere, ad Dei nempe gloriam, virtutisque incitamentum.

Manabant hæc in vulgus, atque inde accendi vehementer omnium desideria adeundi, hauriendi que nouissima ab eo verba. Boncompagnus Archiepiscopus angi intimè, quòd distineri valetudine contigisset; allegabat identidem, qui à suo nomine non sine pijs donariis inuiserent. Semel rosam illi ab ipsa diuinæ Eucharistiæ ara acceptam, dono misit. Munus moribundus senex plurimi fecit, cui à tanti Antistitis manu non nihil accederet pretii, & Eucharisticum in primis Numen sanctitatem, ac nescio quid etiam purpuræ, gratiæque afflauerat. Iterum D. Petri, Apostolorum Principis baculum, qui in primariæ Ecclesiæ thesauro asseruatur, religionis causa misit; quem ille exosculandi finem nullum fecit: vt à veneratione, affectuque colliquefieri, atque abire totus in lachrymas, videretur. Rediit maiore cum studio Prorex, ac viribus quidem imminutum, defectumque, non pietate, vigoreque animi reperit. Iterum Apostolicus Nuntius, vt denuò frueretur eo, quod in lectulo ederet sui spectaculum virtus. Adiit Poloniæ Internuntius, vir pius, Francisci nomini, ac sanctimonix iam pridem addictus; Antistites quoque, qui tùm Neapoli aderant, postulare ad illum aditum. Viri Principes, atque è primaria nobilitate innumeri id impensè poscere, vt inuiserent, ac vale vltimum dicerent. Religiosorum Ordinum præcipui, atque integra ipsa tyrocinia eò conuenire. Alloqui ipse omnes, compellare, hortari, ac sua cuique monita pro gradu, pro statu accommodare. Iuuenem quendam nobilem, cui

Iterum Pro-
rex inuisit.

Iterum
Nuntius.

Adfunt vi-
ri prima-
rii.

cui grande, eultrumque capillamentum, proli quæ
 verborum gravitate exceperat: caueret, ne vna cum
 cæsarie soluti errarent mores: cur non Magdalenam
 imitaretur, præcisa, abiecta que ad Christi Domini
 pedes coma? Quibus ille verbis intimè percussus,
 expiare tum quidem sacra confessione conscientiam
 voluit. Iuuenem item aliū iuxta nobilem ubi quàm
 humanissimè appellasset, id illi ad aures insusurra-
 uit: Daret castimoniam, puritatisque operam: scili-
 cet, is ille erat, qui carnis illecebris vitam dehone-
 staret, viditque eius arcanum pectus Olympius.
 Religiosorum habitus exosculari, atque ad reueren-
 tiæ, amorisque specimen ad cor adprimere: iis, qui è
 D. Augustini, ac D. Francisci familia erant, cum pa-
 rem exhiberet reuerentiam, id etiam consueuerat, ut
 horum funem, illorum cinctum prensaret manibus,
 veluti uti ad piam verberationem vellet. Inuisentes
 cuiusdam sacri Ordinis gregatim tyrones, oblecta-
 tus ea indole, ac flore, paucis monuit. Ea vobis,
 inquit, ad cor filioli, humilitas, obedientia, ac vo-
 torum iteratio. Illum sibi visus vel maximè deuin-
 xisse Oliuetanorum Patrum Generalis. Nam ubi
 suum Ordinem commendasset, missæ sacra ei exhi-
 buit à singulis suis Sacerdotibus singula. Certare
 hic in eo gratitudo, ac modestia. Verbis officij ple-
 nissimis gratias habere: tum prolixè rogare, ut per-
 mitteret ad osculum pedes: quod cum ille negasset,
 soleam impetrauit, quam pectori applicuit, libatis,
 iteratisque osculis, cum ad humilitatis documen-
 tum, tum maximè, quod sibi videretur Oliueti
 Montis saxa, ubi sua Saluator vestigia impresserat,
 osculari.

Comiatum
 Iuuenem,
 alloquitur

Erga reli-
 giosos vi-
 ros studiū

Oliuetano-
 rum Gene-
 ralis in il-
 lum benefi-
 centia.

At enim uerò nunquam in eo vitæ confinio visus

septem-
Viri Ciui-
tatis inui-
sunt.

feruentiore spiritu, zeloque exaruisse, quàm cùm il-
lum Neapolitanæ Ciuitatis Septem-Viri cōuenere.
Commendare hi communi nomine, ac studio pu-
blica commoda. Memores se beneficiorum, quæ
Deus Vrbi suæ ipsius vtique precibus contulisset; ac
proindè polliceri, fore vt pergerent Deiparæ sin-
originis labe conceptæ aram votiuis, annuisque
donarijs in eo Sanctorum Apostolorum templo ce-
lebrare, vt iam instituerant. Ad Marianæ Conce-
ptionis nomen, sacræ cuius imagini, ac cellæ piorū
ipse concursus, ac religionem non minimū sanè
conciliauerat; visus nimio quidem opere exhilarari,
atque intimè incendi. Illibatæ Virginis honorem,
cultumque anniuersarium vbi ijs ex animo cōmen-
dasset, recitare eiuldem Dei Matris Canticum cœ-
pit: idque ea dictionis efficacitate, ac vi, qua non
actuosissimus quisque declamator vnquam peroraf-
set. Quamuis morienti iam similis duceret vix ani-
mam; attemperare nihilominus rebus vocem, in-
culcare gestu, ac vultu ipso igneum quendam ora-
torem exprimere. Aspicitis, inquit, vt plena animæ,
ac ignis illa: Dispersit superbos mente cordis sui.
Vt illa deindè mitia, ac planè dulcia: Exaltauit hu-
miles? Ad ea verba: Et misericordia eius. Aperi-
re os visus, atque haurire strenuè aerem, veluti di-
uinam ad se misericordiam traheret, sorberetque.
Suscepit Israel puerum suum. Hic ad puerum Iesum
diuertere, qui & facile irasceretur, & facile deinde
mitesceret. Hicce notis, ac faculis solemnes illas
magnæ Matris voces singillatim percurrit: tūc San-
cti spiritus hymnum iisdem sententijs, ac spiritu nū-
quam intermortuo explicandum suscepit. Planè
ex igneis cœli linguis aliquam impluisse in os eius
di-

Ad eos
verba.

dixisses, quæ non tam verba, quàm flammæ cui-
braret: & in ijs quidem recitandis: Hostem repellas
longiùs, pacemquedones protinus: tam concinnè,
aptèque imitari, quod diceret, gestu, ac voce studuit,
vt ad exquisitæ cuiusdam artis normam, atque ad
oratorum præceptiones ea pronuntiasse, videri pos-
set. Mirari Neapolitani proceres expirantis penè
Senis vires, ac latera: vt faciliè sibi persuaferint, ines-
se diuinam opem, quæ naturæ deliquium vinceret,
animaretque igne quodam membra. Eiusmodi of-
ficijs Vrbs Capua non defuit: & quem Ciuem suum
reputabat, inuisere per Magistratus suos voluit, Sin-
dico, Electisque, vt vocant, eò allegatis: qui quidem
non moribundo, sed Angelo cuidam decumbenti
sisti, sibi visi sunt: vsque adeò illos species, ac suavi-
tas oris affecit. Detulere deinde Ciuium studia: tùm
Patriam, ac rem communem; priuatamque eius
precibus, fideique commendarunt. Et is quidem
complecti ex animo Viros; testarique erga præno-
bilem Urbem affectum. Sed paucis hæc: nam quòd
exhauriri contentione dicendi vires, viderentur,
cauerant Patres, ne sermonem extraheret.

Capuani &
Magistratus inuisc

Interim luctandum cum promiscua multitudine,
ac cum flagrantissimis hominum studijs fuit. Enim.
uerò cum propius iam esse Serui Dei fatum, percere-
buisse; accendi perditè vulgus, ac turmatim ad Sã-
ctorum Apostolorum adire, vt breui cõpleri supra,
infraque populis, angustarique domus, visa fuerit.
Persuaferant quidem sibi nostri homines, ingentes
fore mortalium concursus; sed qui ordine quodam
leges accipere, ac reprimi Patrum præsentia, atque
auctoritate possent. Verùm vbi semel populorum
çstus efferbuit, nulla profectò ratio, aut vis conti-

Multitu-
dinis con-
cursus, ac
studij.

Ad Olym-
pij cellam
impetus :

Multitudi-
nem quo
vultu , ac
sermone
exceperit,

nuerit . Clatrari portas , oportuit , sed frustra . Nam
hi quidem muros conscendere , hi per fenestras præ-
cipiti aditu ingredi : plerique , cùm adirent medici ,
facto impetu , irrumpere : cùm interim adstreperent
foris , ac tumultuarentur , qui admitti postularent .
Iam , ad morientis præsertim cubiculum turbæ : cū-
que vjs hominum ingrueret , ac fores propelleret , re-
uulsis cardinibus , disruptisque seris , patuit illicò
ostium , irruitque in cellam ingens prementium se-
se numerus , obnitentibus , ac reclamantibus frustra
nostris . Ad hæc serena fronte Olympius à tumultu ,
à strepitu minimè perturbari . Ad Dei gloriam ,
honoremque ea fieri , dicebat . Non se circumfu-
sam eam multitudinem , sed Deū quærere : atq; huc
ea Regij Vatis verba detorquebat : De torrente in-
via bibet , propterea exakabit caput , hoc est , exhi-
larari se quidem eo torrente mortalium ; sed vt ca-
put ad Deum rerum Dominum erigeret . Itaque
excipere gratanter vim hominum ; ita tamen , vt ius-
serit sacerdotj , qui aderat , non priùs quempiam
ad suæ manus osculum admoueret , quàm is oscula-
tus Christi è cruce pendentis pedes fuerit . Sic à Sal-
uatoris pedibus ad Olympij manus sensu quodam
voluptatis incredibili transibant . Ipse identidem
monere appositè . Morum decus , pietatis laudem ,
Dei timorem inculcare : ad poenitudinem præsertim ,
ac cordis lachrymas adhortari . Cum verò haud
multis agere exhaustus iā corporis vigor sineret ; ea
saltem verba pronuntiabat : serua mandata Dei , &
ecclesiæ . Atque hæc quidem quò ille remissius ab
imbecillitate proferebat , eò firmitus animo adhære-
bant ; ac suam quisque sententiam , ac monitum
memori in pectore seruabat : planè vt nemo non

melior ; ac vitæ sanctioris percupidus à moribundo Olympio redierit.

Festinare interim ad vitæ metam , commendabatque in peracuta morbi vi tolerantiam incredibilem, firma semper facie , erectusque animo, ceu nullus afficeret doloris sensus. Interdum verò ea inerat vultu hilaritas, perinde quasi cubaret in rosa, ac delicijs difflueret. Proferre quidem aliquando dolentis interiectionem , ac vocem : sed professus palam est, dolere tùm se de Dei offensis, non de corporis ærumna, aut ab ægritudinis molestia. Si quid humanæ opis, aut solatij instaurandis viribus afferrent, id illi. quàm morbus ipse, longè grauius. Quòd relinquere aliquando animus videretur, reuocandum odoratis vndis curabant; tunc ille lustralem aquam statim poscere ; vt quicquid deliciarum respeserat pretiosior ea vnda , ablueret, aboleretque sanctior statim humor. Præterea, quòd litare ad aram nequiret, labijs litabat assiduè. Semper aliquid piæ precationis admurmurare : psalmos recitare : Marianum Rosarium percurrere : iaculatorijs, vt vocant, precibus nihil illi frequentius : ijsque vt se se mirè inflammabat, ita & quotquot aderant, intimo quodam sensu dulcedinis emolliebat. Præcipuum illi solatium, Saluatoris in Cruce suffixi effigies : hanc admoueri sæpiùs pectori, ac labijs volebat : non amplexibus , non osculis satiari : alloqui disertè vulnèra, iisque os affigere . vt nectar combiberet , quod inde vberius manat. Qui cælestium deliciarum indulgentias à piacularibus præsertim numismatis indipisci auidè solitus erat ; non hunc in extrema, vita morem oblitus. In id potissimùm incumbere : earumdemque indulgentiarum partem mancipa-

Tolerantia
ac pietas
morienti.

tis purgatorio igni manibus allegat: ijs vel in suprema vitæ periodo, & vsque ad aras beneficis: plane ad Christianæ charitatis, atque amicitie leges. Inter hæc extremæ pietatis studia eò tandem deuenit, vt superellet vix ori halitus: iussum proinde illi fuit, ita à precibus, quæ voce concipiuntur, temperaret, vt ab omni prorsùs laborum motu abstineret: paruitque vir obediens vsque ad mortem; id solummodò precatus, vt liceret nouies pleno spiritu exhalare: quo quidem intendebat, imploratis nouem Angelorum choris, per eos mittere, atque offerre Deo animam. Propior verò suo fato, hoc est, pridie quàm expiraret, id etiam rogauit, vt quæ vetustior, ac despicabilior esset domi vestis, ea cadauer obuoluerent: quam deinde se coram consecrari voluit ad eundem prorsùs ritum, quo nostratium vestes, cùm solemnia nuncupantur vota, consecrantur: gratulatus magnoperè, quòd cerneret, emortuales eas lacinias pijs orationibus initiari. Interpretabatur nempe, obitus sui diem solemnem sibi fore, non secus ac religiosæ professionis dies fuerat.

Sactis igitur procuratus, ac tùm cœterarû virtutû, tùm diuinæ in primis charitatis, pietatis, humilitatis exemplis instructus, suæ occurrit morti Franciscus; ac die Februarij mensis vigesima prima appetente, laborare supremo spiritu cœpit, serenitate vt animi, ita & vultus incredibili. Non grauior illi anhelitus, nō iniquis labor, aut horror, mortis nempe insignia, ac comites: verùm spirare in morientis facie sanctitas, ac quædam etiam suauitas, quæ intuentes mirificè afficeret, videbatur. Quicquid ex pijs libellis recitaretur, attentione quadam, erectisque in cælû oculis auscultare, significabat. Vesper,

re, quòd cum die peruenerat iam ad occasum vitæ cecinit de more signum, eòque confluxere Patres ad vnum omnes, vt exeuntem animam precibus, ac supremis officiis prosequerentur. Sub primam, verò noctem visus ipsemet moribundus inuitare quodammodo mortem, vt adiret. Nam veluti aliquem ad se vocaret, manu annuit, ac nò post paulò immutato oris habitu, piè, ac tranquillissimè expirauit. ætatis anno octogesimo, non dum expleto; postquam stipèdia in Ordine meruisset annos omninò sex, & sexaginta, eo vitæ cultu, sanctimoniaq; qua diximus. Haud pulsatum, vri moris est, æscāpanum. Id siquidem primum nostris, celari, quoad fieri posset, funus, ne nimius populorum ardor, ac celebritas exequiarū iusta mane inturbaret: tùm quia verendum maximè erat, ne aliena licet hora procerum concursus fierent, quod quidem per eas tenebras intempestiuum.

Piè mori-
tur Olym-
pius.

At enim de eius sepultura mox dicemus: interim è re quidem fuerit, dare hic statim literas eximie cuiusdam sanctimonialis, quam parcimus appellare, quòd in præcipuo, atque adstrictiore Neapolitanæ Ciuitatis alceterio agit hodieque inter viuos, & quidem ab insigni virtute in omnium admiratione, ac fama. Quicquid sibi, ægrotante, elatoq; Olympio, acciderat, perscribere hæc ad confessarium, qui tùm Augustinus Rubeus, vir ex nostris à doctrinarum præsidij commendatissimus, eodem hoc anno die Iunii septima, & vigesima, euulgandæ, videlicet, Serui Dei virtuti, gloriæque voluit. Sic igitur Epistola, quam ex fide latinè reddimus.

Literas do Reuerentiæ tuæ non sine pia quadam inuidia de Francisci Olympii felicitate. Etenim antequam

Finis
Elimonia-
lis, de O-
lympio li-
teræ.

tequam desineret viuere, sub ipsum nempè ægritu-
dinis initiū obiecit se se mihi, rogauitque, vt quando
migraturus ex huiusce vitæ miseriis ad cælum pro-
pè diem esset, peculiari studio pro se orarem; polli-
citus, fore, vt me post obitum inuiseret, haberetque
pares beneficio gratias. Hæserè intimè Viri postu-
lata, ac nunquam subindè fundere pro eo preces de-
stitit. Iterum dum lecto item decumberet, videre
mihi videbar, vestem illi acu pingi, longè elegantis-
simam, candidis liliis interstinctam. Tertiò illum
veluti testamenti tabulas condidisset, aureas quas-
dam pecunias, gemmis illuminatas distribuentem
vidi: agnouique tùm quidem virtutes eas esse, qua
amicis diuideret. Die verò, si memini, ab obitu ter-
tia, vt pollicitus fuerat, adfuit, ac per summam læti-
tiam id mihi significauit: Sciueris, inquit, ipso mor-
bi initio Dominum me totum emundasse: succe-
dentibus verò diebus thesaurum quendam gratia-
rum donasse. Atque his dictis, eadem vultus hila-
ritate abiit. Coniectari hinc facilè, Pater, licet, quæ
me coeperit inuidia. At posthabenda Dei voluntat
sua commoda. Spero, fore, vt is mearum mihi no-
xarum veniam impetret: id quod vt tu etiam facias,
ac mihi bene preceris, etiam, atque etiam rogo. Hæc
illa, cum qua, vt facilè pares conueniunt, intercesse-
rat Francisco familiaritas, eamque certiore suæ
gloriæ, diuinæque in ipsum beneficentiæ statim
voluit.

Olympij Sepultura.

Cap. XXII.



NON adeò clam haberi mors potuit.
 quin euulgauerit Itatim fama : ac
 summa luce insequentis diei visum
 Sanctorum Apostolorum nō modò
 templum , sed attiguum etiam pe-
 ristylum ab innumera penè homi-
 num multitudine frequentissimum . Curatum de-
 more corpus , ac sacerdotalibus instructum indu-
 mentis, non ante ad Ecclesiam elatum, quàm ex-
 primi vultus, vt fieret virorum procerum pietati
 satis, contigisset. Illud hic admirationi deseruiit.
 Dum effingeret illum pictor, visa obriguisset omninò Exprimi-
tur etia-
gies.
 membra : putaruntque, ideò difficilem, durumque
 præbuisse se, quòd exprimi lineamentis, ac colori-
 bus suam faciem extinctus etiam abnueret, quod
 perquàm ægrè superstes permiserat. Caterùm post
 picturam nihil eo corpore facilius, ac mollius, fle-
 cit in quamcunq; libuisset partem, videbatur : fuitq;
 qui illum suomet brachio, ac manu Cruce signa-
 uerit. Iam in exequiis peragendis non minimum
 sanè opus, ac labor. Occupauerat, vti monuimus,
 circumfusa vndiq; multitudo Ecclesiam, vt aditum
 omninò intercluderet funeri. Quare id consilii ce-
 ptum, vt cunctando perficerent rem, ac corpus nō
 ante meridiem efferrent. Scilicet, defatigatos, fra-
 ctosque ea mora, plerosque abituros; atque adeò
 fore, vt non ita itinera, quæ erat transeundum, ac
 templum angustaretur. Sed frustra hæc : accitusq;

Effertur
tutus.

prætorianus miles; quo quidem egrè turbam submo-
uente, deductæ ad Ecclesiâ piæ exuuiæ nostratum
humeris, qui in iis ferendis certauerant. Feretrum
ritu nostro omninò simplex; sed quod præclarum
pignus nobilitabat, conuertebatque omnium in
se oculos, ac animos ipsa cadaueris species. Cagen-
dum id maximè fuit, ne propiùs accederet vulgus:
non enim à pia quadam direptione temperasset.
Quare collocatus in templi medio locus, ita op-
posito obice munitus, vallatusque est, ut aspici qui-
dem ab omnibus posset; adiri, ac tangi non posset:
admotique præterea plerique ex nostris, qui id ipsum
curarent: ne scilicet, ut est indocilis populorum ar-
dor, facto impetu, irrumperent, ac violentas in ve-
stes, atque in capillos inicerent manus. Quod qui-
dem haud cauere perindè potuit, quin, obnitente
etiam milite, viri incitatissimi ad manuum, pedum-
que osculum irruerent. Nullus penè è nobilium
virosum, ac matronarum censu funeri desideratus.
Adfuit ipsa in primis Anna Carafa, Hostiliani Prin-
ceps, Proregina, & Môdragonii Dux Aldobrādina,
eius Mater; quibus adire, ac sacras exosculari exu-
uias datum. Addictissimæ illæ quidem superstiti
Olympio, & ab acceptis etiam beneficiis obnoxie;
prosequico cultu, studioque defunctum voluerunt.
Illud profectò non mediocri dignum admiratione
plerisque tùm quidem visum: nempe religionem,
quam in Deiparam sine labe conceptam Dei Ser-
uus, dum viueret, exhibuerat, extinctum etiam præ-
ferulisse. Enimuerò quoad in Ecclesiâ prostare ca-
dauer contigit, verso sinistram in partem vultu, ubi
Marianæ Conceptionis sacellum, spectare Tutela-
rem, patronamque suam videbatur. Et Domini-

In Virgi-
nem pie-
tas vel è
feretro.

cus quidem Dicastiglius ratus, non id temerè, casuque euenire, capere eius rei experimentum voluit. Quocirca quod sinistrorsū, ad Deiparæ nempe ædiculam, vergebat caput, suismet ipsè manibus dextrorsum flexit: nec post multò animaduertit, conuerſa iterum occulta quadam vi facie, respectare eòdem, eandemque magnam Dei Matrem, vnde paulò ante amouerat. Scilicet, neque à suo sol Eliotropium, neque à suo sydere magnetem ita deflexeris, quin statim redeant, quo arcano quodam impetu trahuntur. Fertur etiam infans quidam ad exanime Viri Dei pignus è complexu nutricis exclamasse. Proh quot hic circumstant pupuli. Vnde persuasere sibi viri graues, Angelorum examen cohonestandis piis Manibus eò aduolasse, ac fectrum festiuè circumſterisse: quos Angelos infans ille à puellorum similitudine, ac specie pupulos appellabat.

Peraçta à nostris exequiarum iusta solemni sacro, atque ad tumulū thure, ac precibus, per summam nempe contentionem, ac laborem ab eo, quem diximus, populorum æstu. Tùm deductum ad Conceptionis Deiparæ Sacellum corpus, ibiq; ad Euangelij latus plumbeo in loculo compositum, sepulturæ promodo mandatum; citiùs profectò, quàm studia Neapolitanorum posce-ent: vt qui diutiùs eo frui aspectu, ac pietate sua voluissent. Celebratum subindè per reliquum diei tempus promiscuo hominum concursu, ex quibus qui mane non interfuerant, lamentari, quòd funus nimium festinaſſent: cùm interim hi quidem vt obseruantiam in Olympium testarentur, sepulchri locum, & quod Manes contegeret, saxum exoscularentur; cæteri verò no-

Consepe-
litur.

stratium modestiam dilaudarent, quod vulgi impetus præcidissent, curassentque, ne quid contra maiorum decreta ausa videretur intempestiua religio. Neque verò vnà cum Serui Dei exuijs consepulta virtutum opinio, communisque in ipsum deuotio fuit. Superstite siquidem sanctimonix fama, visus exinde citra publicam pietatem, ac cultum, summo in honore, ac veneratione haberi. Ad Sepulcrum religionis ergò aditur. Eius in aduersis præsidium non sine præsentis fructu imploratur. Plerique in suorum tutelarium censum adscribere, ac statas illi preces priuatim recitant. Fuit qui serica vitta emetiri sibi corpus voluerit, vt ad eundem prorsus modum, quo Diux Virginis Monserratenfis, ac D. Dominici Suriani mensuræ circumferuntur, ea deindè vitta ad sui tutelam vteretur. Coeptæ statim eius imagines veluti excellētissimæ virtutis viri typis consignari: Nec desideratæ mox beneficiorum testes votiux tabulæ, quæ ad Romanarum legum normam in sacrario asseruantur.

Ad tumu-
lum sana-
tur Florē-
tina:

Iam quo die contumulatus Franciscus, non desuere, implorata eius ope, beneficia: quæ hic ex actis Neapolitanis statim referam. Hieronima Florentina Neapolitana peracerbo quodam brachii dolore quatuor omninò menses laborauerat. Admota alia ex aliis remedia, ex quibus recruidisse potiùs malum videri potuit. Ergò cùm functum vita Franciscum, ac consepeliri tolemni funere inaudiuisset, adire Sanctorum Apostolorum templum statuit, ingētī quidem fiducia, fore, vt si extinctum Dei Seruum, aut eius feretrū tangeret, pretium inde operæ, nempe brachii incolumitatem referret pietas, ac fides. Templum vsque adeò mortalium multitudine circum-

cumfusum offendit foemina, vt accedere propiùs posse, ac tangere optatum pignus, omninò desperauerit. Præstolari nihilominùs, vt, digressa deinde turba, à Sepultura impetraret, quod negauerat fere-
trum. Iam, opportunitate confestim arrepta, pro-
uolui non sine lachrymis, ac spei plena ad Sepulcrũ:
implorare Francisci merita, patrocinium, preces: ea
præsertim intimè proferre: Putare se quidẽ superstiti
Olympio haud imparem extinctũ Olympium: atq;
adẽ qui dum viueret, commiserari humana infor-
tunia, atque ærumnas solitus erat, adesset tunc pro-
lixè inuocanti, sentiretque præsentem opem confli-
ctata doloribus mulier, Neque mora: vbi ter Sepul-
turam affecto brachio tetigisset, qui immedicabilis
erat dolor, euestigiò affirmant, euauuisse. Accessit-
que mox eius beneficii veluti appendix alterum be-
neficium. Cum enim tentari etiam dentibus con-
sueuisset, ac tũ quidem vexaret dolor, aliquid re-
centis tumuli caleis instinctu quodam ore sumpsit,
conualuitque: vt vnã, eandemq; medicinam ad
plura morborum genera opportunam, agnouerit
defuncta gemino eo dolore mulier. Quam quidem
medicinam à matre didicit mox filia, cui nomen
Lauinia. Nam cũ & ipsa non ita post multò eo-
dem dentium dolore laboraret, animata domestico
parentis exemplo venit, orat, calcem dentibus ad-
mouet, abiitque confestim dolor.

Sed de tumulto id etiam recensendum, quod sub
id etiam tempus fertur accidisse. Hieronyma Pen-
nucia septuagenaria, quæ apud Principem à Colle
annos circiter quadraginta honorariam matronam
egerat, affecto brachio diũ, ac frustra medicinam
quæsiuerat. Vellicabat assiduus dolor, ceu spinæ
quæ.

Et Hiero-
nyma Pén-
nucia

rageret, testatus iureiurando est, integrum annum quam sapientissime, praesertim in Dei Patris diebus festis recreari se ingenti quodam odore sensitse, planè in cœn parabili, eique non absimili quem è D. Antonij Patauini ossibus manare ipsemet ad eius sepulcrum experientia comprobauerat. Redolere Diuorum Martyrum, aliorumque Sanctorum hominum Cinerem, haud insolens. Sed hoc ab ingestis plerumque odoribus. Tenuit namque apud Christi fideles mos, ac religio, vt honestandis eorum ossibus, affunderent ad tumulum plena manu aromata. Testatur id D. Paulinus Nolanus, qui de D. Felicis sepulcro loquens hæc ait.

Martyrū
Cineres
redolēt.

A. Natali
fuit. D. Fe-
licis.

Martyris hi tumulum studeant persundere nardo,

Et medicata pio referant unguenta Sepulcro.

B. Epist. ad
Secund.

Cuiusmodi donaria à Gregorius Magnus Secundinae Virgini misit, vt haberet, vnde Martyrum Manes, ac puluerem inodoraret. Et in c. Caroli Magni vita imbutum, in factumq; eius Sepulcrum legimus pretiosissimis odoramentis. Quibus verò Assyria, hæc seges non suppetit, horū ossa odorem si essent, dicendum profectò est, ab vnguentaria virtutum, officina id, deliciarum existere. Ipsa nanque virtus, ac sanctimonia balsamum odoratissimum, quæ seruorum Dei membra vt consecrat, ita & pigmentis etiam coniunt: vt mirum non sit, si redolcant aliquando, sicut arcolæ aromatum, consistat à pigmentarijs. Id quod affirmandum de Olympio, cuius tumulo istiusmodi non defuere thymiamata, & cinnama, ac suaueolentium florum ver. Quod quidem neque vnius Dicastiglij fide constat. Nam Ludonicus Antinorus, appellatus à nobis aliàs, eodem ipso anno, quo ab humanis excessit Olympius,

C. Pithy-
m. Pithy-
Magn.

Odorem
sentit An-
tinorus.

can-

Et Gabri-
el Maria
Lotharin-
gus.

eandem ipse consuetudinem ad eundem, osculandiq;
eius tumulum suscepit, tenuitq; ac testatus persan-
ctè est, nunquam libasse illi oscula, quin halitum
quendam odoratissimum diffundi ab eo senserit: à
quo deinde moniti plerique ex nostris, inter quos
Franciscus Bolutus, & Franciscus Falchina, viri,
quibus ab ævo prudentia, quàm olfactus sagacior;
eandem & ipsi fragrantiam hausere. Illud aliquan-
do exploratissimum, & quod in Sanctorum Aposto-
lorum domo nemo nō re ipsa agnouit. Gabrielē Ma-
riam Lotharingium, Olympij ministerio diū man-
cipatum, non semel meminimus. Hic altero ab eius
morte vertente anno in ipso Pentecostes per uigilio
Ecclesiā sub meridiem vix adiit; cū perfūdi se pe-
ramœno, atque insolito quodam odore sensit, velu-
ti florentissimū quendam in hortum, in quem Fa-
uonius, aut Auster perflaret, ingressus. Miratus no-
uitatem, perquirere diligenter, vnde ea vis odorum
manaret. Nihil tū quidem in ara maxima florū,
aut factitij odoramenti: nihil in Conceptionis Dei-
paræ Sacello, quod floreis ornari, atque inodorari
fasciculis consueuerat. Ergo impetu quodam ad
Francisci Sepulcrum demissus, euaporare suauissi-
mum inde halitum, ac fragrantiam aduertit. Nec
mora: domus Præpositum, qui tū Franciscus Ni-
sius, atque obuios quosque è Patribus rei monet:
quos eadem primū ab odore templi cepit admira-
tio: tū explorata Viri Dei sepultura, eam esse hor-
tum conclusum, vnde fluere aromata, apertè co-
gnouerunt.

Et pleri-
que ex
nostris.

Qua quidem amœnissima odoris aura afflatus
aliàs Andreas Filingerius, Neapolitanæ Prouinciæ
Visitator, dum Sanctorum Apostolorum cœnobiū
inui.

inuiferet, atque ad Olympij Sepulcrum oraret: eandemque haurit non semel Ioannes Baptista Caracciolus, eiusdem domus Præpositus. Nec defuere exteri, hac etiam suauissima aspiratione, ac halitu ad eius urnam dignati. Ille præcipue, cuius dedita opera nomen siluit Dominicus Dicastiglius, cum in actis Neapolitanis pro testimonio dixit. Eximia is virtute, ac cælestibus etiam deliciis perfundi solitus, Neapolim aliquando petiit (externus quippe erat) cumque ad Viri Dei tumulum pietatis ergo se se frequenter conferret, affirmavit, quoties illum exoscularetur, toties incredibilem quandam erumpentem inde odorem sensisse: ut diceret, accommodari illi optimo iure posse præclarum illud Iosæ elogium apud Ecclesiastem: Memoria Iosæ in compositione odoris facta, opus pigmentarii. Huic addimus ex Augustiniana Familia religiosum virum, cui Gregorio Gragnano nomen, qui peracerbis doloribus diuexatus, per fugium in ea sibi ærumna delegit Olympium. Fudit is ad eius Sepulcrum preces: dumque ad osculum se se demittit, inhalari ab ea humo incredibilis quidam odor sibi visus est. Flores non longè abesse, secum ipse reputavit: Sed dum attentè circumspicit, ac nusquam flores, persuasum habuit, pro floribus ipsa esse Olympii pignora, id loci contumulata: quibus & incolumitatem acceptam retulit: neque enim scire amplius dolor poterat, ea fragrantia delinitus.

Et exteri.

At enim uerò illud hic non dissimulandum, quod nostratibus simul, & exteris ingenti cum admiratione, tum voluptati fuit. Voluentis seculi anno nono, & quadagesimo, quo tempore SS. Apostolorum cœnobium Ludouicus Antinorus tēperabat, trans-

Transfer-
tur.

Quid tū
acciderit,

ferri Francisci corpus debuit è Mariana ædícula in,
Sacellum, quod nunc quidem à Beato Andrea,
Auellino nuncupatur. Ergo vt ritè peragi rem, cō-
tingeret, adesse Generalem Neapolitanæ Ecclesiæ
Vicarium, oportuit, qui nuper Archiepiscopi sui au-
tu de Serui Dei virtutibus, ac miraculis anquisue-
rat. Accersiti & testes, à genere, ab œuo, à morum
grauitate, omni quidem exceptione maiores. Fue-
re hi Hieronymus Carafa, Roccellę Princeps, Lucius
Caracciolus, Altouiti Dux, & Flaminius Antino-
rus: adhibiti etiam in facti conscientiam è nostrati-
bus pauci, inter quos Prepositus fuit, cui id potissi-
mum curæ, vt citra pompam, ac scenam, hoc est,
intra summorum Pontificum, ac modestiæ leges ea
translatio fieret, ne quid viderentur asseruisse præ-
maturi cultus pijs Manibus. Igitur aliena quidem
diei hora ventum ad locum; foditur: mirum sanè
dictu: ad singulos ictus non puluis, sed tenuis qui-
dam vapor erumpere, qui vbi adstantes mira qua-
dam suauitate odoris in orbem afflauisset, euane-
scebat. Dixisses, virgulas fumi ex aromatibus myr-
rhæ, & thuris, & vniuersi pulueris pigmentarii ex iis
fossulis vaporare. Ac primò quidem frui quisquē
in sinu, ac tacitus ea amœnitate. Sed mox consen-
su quodam prodere singuli voluptatem, ac sensum;
constanterque affirmare, non nisi è Francisci ossibus
fragrantiam illam existere. Et quidem comperta,
mox luculentiùs res, atque oblata noua admiratio-
ni leges. Enimuerò, effossa humo, aperta que vrna,
reperita innatantia cuidam veluti balsamo ossa: tūm
perindè quasi fuissent mixta rosis conscripta inibi
lilia, eximius inde odor exspirabat: planè vt nemo
eliquatum pretiosè corpus, atque ab eo fragrantia
effusè

effusè non miraretur, Aderat, quem modò dixi, Gabriel Maria, qui pietate, ac manu præferuïdus, at trectare clam pignus voluit; manumque inde retraxit, vnguento, atque odoribus mirificè delibutam: cuius quidein balsami cùm odor, tùm color ita inuiri viri dexterę visus est, vt diutiùs perdurauerit, mirantibus, qui insectos cernerent digitos, eosque ad experimentum odorarentur.

Moratur adhuc stylum Olympij fragrantia: neq; enim tumulus dumtaxat eiusmodi odoramētis imbutus; sed vestes etiam mirè aliquando redoluisse, cōpertum habemus, quod hic attexendum. Penes Angelū Mariam Verricellum, virum ex nostris apprime eruditum, ac frugi, nescio quid Serui Dei lacinia fuit, habebatque ab insigni odore in pretio: ac testatus ex fide est, tantū inde fragrantia diffundi, vt conciperent eandem ipsa m confestim digiti, qui tangerent. Illud longè mirabilius Arimini contigit. Seraphinus Abbas ex laici ordinis fratribus, vir bonus, ac proniore in Olympium studio, quandam eius vestem in carissimis habebat, circumferebatq; vnà secum, quòcumque iret, veluti in vna illa Viri Dei lacerna, Biantem imitatus, omnia bona sua, secum ferret. Iam, quod avaritiæ quoddam genus esset, opes, quæ pluribus prodesse, repositas vni sibi, ac veluti conscriptas habere, discissum in partes indumentum, distribuere in aliquot è nostris domibus, cogitabat. Sed Arimini ita apud ipsum Patrum auctoritas, ac preces valere, præcipuè Thomæ Carpinei, Cardinalis Carpinei germani fratris, nunc Episcopi Ariminensis, & Syri Straserræ Genuensis, tunc eius cēnobij Præpositi, postea Episcopi Aiacensis, vt is passus exorari, integram eam vestem.

Arimini
Olympij
vestis.

Ariminenſi domui addixerit. Neque diù poſt indicatum Patribus, quid ipliſ accellerit pretioſi exuij. Enimuerò recurrente anniuerſaria Olympij die nobiliſ quædam matrona, venerabili Serui Dei memoriæ cū paucis addicta, id inſimis precibus à noſtris poſtulauit, vt indulgerent ea luce ſibi ad pietatiſ delicias, ſuique ſolatiū pretioſiorem quauis purpura, auroque veſtem. Igitur allata domum. Nec multis: perindè ac ſi vaſ quoddam adorationarium, ac præcipui nominis flores eò importaffent, expirari ab ea odor, non quidem ſurdus cœpit; ſed qui vi quadam conclaue iplum, ac quotquot aderant, incredibili quadam ſuauitate conſeſtim amœnauerit. Planè cum ſimplex, quâ ligno, quâ opere arcuſa illam contineret, nihil inde fuci, aut externæ, mutuataque fragrantia ſuſpicari quiſ poterat; datuſque eximiæ Viri virtuti, ac ſanctimonix bonus ille odor. Narrauimus hæc porrò ex Thomæ Carpinei, viri eximiè probi fide, qui datuſ ea ſuper re ad Ludouicum Antinorum literis, quæ penes nos extant, id etiam addit, quod puto ipſa veſtium fragrantia planè maiuſ. Eadem nempè die foeminam quandam malorum dæmonum obſidione diutiùſ, ac miſerandum in modum diuexatam, in plorata Olympij tutela, ac ope, fugatiſ inferniſ hoſtibuſ, in libertatem aſſertam.

Post mortem mirabilia.

Cap. XXIV.



ADPROBARE mortalibus insignia piorum hominum promerita, non vna sanè ratione assolet diuinū Numen. Ea præcipua, cū nimirum ad eorum preces depluit cœlitūs beneficia, ac res admirabiles patrat. Valuisse eiusmodi precationum, ac patrociniū efficacitate Olympium, dum viueret, ea abundè commostrant, quæ hætenū cū sparsim, tū suo in loco significauimus. Quæ verò, exuta deinde mortalitate, eius virtuti celebrandæ, contestandæque Deus ipse per interualla patrauerit, poscit locus vt perstringat, delibetque narratio. Omnia autem commemorare, res esset sanè prolixior. Ea dumtaxat in medium producam, quæ exploratiora, & fama, & testium fide. Ac primò quidem ea explicanda, quæ implorata dumtaxat eius ope, ac nomine impetrata. Innocentius Paulucius, vir, & genere, & virtute nobilis, correptus peracerbo laterum dolore, cō est discriminis adductus, vt metueret iam vltima, accersito etiam, qui conscientiam, animumque procuraret, confessorio: etsi persuasum habebat, fore, vt à morbi vehementia vix nutu aperire noxas suas posset. Interea temporis subiit animo Francisci Olympii virtus, monitusq; intimè est, vt eius sese fidei, tutelæque commendaret. Paruit: conceptisque vix precibus, dispulsa cœstigiò, quæ latera di-

Paulucius
mirè cū-
ratur.

uerberabat, doloris vis; gratulantibus, qui aderant, ac magnoperè festinatam adeò incolumitatem admirantibus: quam nonnisi diuinitùs, atque Olympii precibus cōtigisse, affirmabat ipsemet Innocentius, quando eodem aliàs incommodo cōsistatus, nunquam nisi post plusculos dies, atque à præsentiis mis artis remediis conualuisset.

Et Iacobus Colonna,

Idem Iacobo Columnæ Altabellæ Marchioni in difficillima ærumna per fugium, ac par etiam euentus. Pestilentissima ex feбри conualuerat is medicorum ope. At non ita post multò subito quodam malo interceptus, eo peti se impetu sensit, vt persuaderet iam sibi, prosligatam iam febrem, reparatis veluti viribus, valentiùs debellando corpori rediisse. In eo rerum æstu Olympium patronum deligit, inuocatque; & quidem tanta cum animi fiducia, ardoreque mentis, vt videretur sibi adfuisse tùm quidem, atque aspirasse votis Dei Seruus. Igitur tantisper quiescit: à quiete statim incolumitas, quā acceptam Olympio retulit: gratulque liberatori, ac vindici votiuam illi ex argento tabellam trilibrem dedicauit, quæ vnà cum ceteris opportuna in Sacra-rii parte seruetur.

Antinoro
præsens
Olympii
auxilium
semel;

Geminum Olympii tutelæ dōcumentum annētimus, vtrumque domesticum; alterum mari, terra alterum Ludouici Antinori fide, votisque promeritum. Semelis Neapolim Florentia, vbi in solemnis Ieiunii feriis declamauerat, reuertebatur. In itinere descendere equo contigit, quem dum mitem reputat; neque habenas ipse retinere, neque id officii commendare cuiquam, necessarium duxit. At ille ferociore quadam indole, libertatem nactus, eò se se cursu perniciosissimo momento abripuit. Ire huc,

huc, illuc per ima vallium, per aspera rûpium; nihil quippè circumiecta ea regione abruptius. atque adeò nihil omninò difficillius, quàm per ea viarum incommoda sequi, morarique lympharum animal. Voces, inuitamenta, nutus frustra erant. Præiuisse, atque abesse iam longiùs vnà cum reliquo comitatu socium, solitudinem, curasque Antinoro non minimùm adaugebat. Aderat quidem religiosorum hominum pars, qui dum putant, è sublimi quodam iugo, intentatis saxorum iactu minis, sistendam equi fugam, id effecere, vt is acrioribus stimulis irritatus, impotentiùs insaniret: suisque vltro, citroque actus furiis, tandem ab omnium se oculis proripuit. In ea rerum angustia non se destituit Antinorus: quando humanam opem omnem desperauerat, pulsare cælum statuit: allegare ad Diuos tutelares suos preces; qui dum morantur, moneri se intimè, ac disertè sensit, inuocaret ex animo Franciscum, conciperetque illi votum: fore nempe, vt ad eius nomen propitium adestet Numen. Haud falli se, is putauit. Demissus illicò in genua, prensat, vouet. Mirabilis & dictu, & visu res. Dum orat, ecce tibi, posita præferuida ea indole, ac impetu, redire equus, agno mitior: tùm superiore quodam imperio, ac nutu actus, dat se, suisque habenas vectori suo: planè vt excusserint Antinoro lachrymas pronæ adeò Olympij aures, atque ab eo præsidium. Damnatus voto, statim ac Neapoli peruenit, ea se religione exsoluit, picta insuper tabula, quæ posteros rei moneat.

Iterum propitius Antinoro Franciscus: id què
 cò luculentius, quòd fluctuasse in pelago plus habet
 horroris, ac alexæ, Genua Neapolim velificabat,
 cùm

Et iterum.

cùm ad Romanam oram maritimam subita quædam procella misceri cœlum, ac pelagus cœpit; eoque mox visa tempestas insaniisse, vt affirmauerint nautæ, nūquam se tam periculosè cum ventis, marique luctatos. Despondere iam quisque animum: quicquid cymbam grauaret, nulla mora proicere: de conscientia potissimùm exoneranda, expiandisq; animi noxis propiore iam fato cogitare. Vna Antinoro in summo eo rerum discrimine salus, ac sacra anchora, Olympij nempè tutela, ac nomen, quod & implorabat ipse enixius, & vt nautæ implorarent, curabat. Nec plura: visa portento quodam tempestas ipsa temperasse impetum, ac parcere. Enimuerò admissio semel mari, perierat lembus, si fluctus mox alij successissent. Igitur, dum oppleta iam vndis cymba, aliæ ad vltimum exitium impenderent, Olympii opem inclamabant; ac tùm, quidem subsistere iratum pelagus, ac tantisper expectare, quoad priores exhaurirent fluctus nautæ: iis exhaustis, iterum aquæ vis; sed iterum deindè ad Olympii nomen induciæ, ac mora: planè vt nisi fluctibus exsiccatis, nunquam irrumperent noui fluctus. Sapiùs id factum, quoad lusa mirè procella, portum gratulabundi tenere: gratias terrarum, ac maris Deo; tùm Francisco ipsi canentes, cuius patrocinio decumanas eas vndas, ac furens pelagus triumphauerat cymba.

Vassallo
crus fran-
gitur,

Panormi est, quod Olympii tutelam in nostros commendat. Matthæus Vassallus non dum sacerdos, nescio quid rei extra Urbem curaturus, dat se se viæ curru vestus. Et quod Marianam Serui Dei coronam deuotionis ergo cuidam ferret; ea & ipse religione excitatus, manè illius se se precibus cōmen-

mendauit. Vespere domum dum reuertitur, amoto ex inopinato ē currus aditu obice, curru decedit, planè luculenta cum corporis clade. Siquidem interceptum rotis crus alterum, effringi miserādum in modum contigit. Euocatus illicò medicus nihil eo casu grauius, pronuntiauit; ac rem esse immedicabilem; certè à mora diuturnam, ac longè molestissimam. Attamen mederi pro modo. Interim implorare ipsè Franciscū, implorare & qui aderant. Nec multis; intra triduum euauit prorsùs dolor: dies deinde intra septenos moliri crus, ac pedem cepit: intra quindenos omninò conualuit, duouigesima verò à casu die lecto surrexit. Festinata adeò curatio medicum in primis stupore affectit, qui eò tam bene, ac tam citò pertingere artis consilia, aut naturæ vim potuisse, omninò negabat: ac se quidem paratum aiebat, quoties vellent, signatis tabulis testari, id nisi diuinitùs, contingere minimè potuisse.

Pergimus, & quæ externo aliquo anruteo propulsata sunt corporis incommoda, consignanda, nunc literis veniunt. Ac primò quidem offert se se dirum morbi genus, mirè curatum. Ioseph Ferrignus aqua subter cutem fusa laborabat; eamque ad crassitudinem excreuerat, vt palmos omninò nouem æquaret ambitu suo cinctus. Defatigatis medicorū curis, merfusque non tam morbosus ijs aquis, quàm mœrore, sensuque animi, id sibi reliquum intelligebat, opperiri fatum, quod propè aberat. Inter hæc allatum illi nescio quid linteï Olympii sanguine respersi, spem salutis facit. Ergo inter preces, ac vota fiduciæ, ac spei plenus vmbilico admouet. Inde corporis quidam motus: tùm ab eodem ipso vmbi-

Hidrops.
sis facit.

Et mirè
redit

lico exundare ea quidem copia intercutis aqua, vt
capacissimas urnas omninò sex mox impleuerit.
Quo sanè exhausta hydropisis, ac restituta incolu-
mitas viro: qui statim ad serui Dei Sepulcrum grates
benefico perloluit gratulabundus. Sed hic iterum
precari Ferrignus, vt si è re animæ foret, ægrotare,
rediret postliminiò morbus. Itaq; intra paucos dies,
veluti in maritimo quodam æstu, quæ recesserat in-
temperies, visa iterum accessisse. Planè vt æquè illi
beneficus, atque o pportunus Franciscus fuerit, siue
profligauerit malum, siue reuocauerit.

Ab eodẽ
morbo cõ-
u lesit
Palma.

Eodem morbi genere cõsistata Lucretia Palma;
honesto loco puella, eodem præsidio cõualuit. Nea-
poli in Virginum Collegio, cui à Diuo Eligio nomen
morabatur, ac phthisi aliquando corrupta, ita inco-
luminati restituta est, vt mutata dumtaxat corporis
ærum na, abierit in hydropisim: eòque tandem de-
uenit, vt intra dies non ampliùs sex excessuram è
viuis pronuntiauerint medici. Nouerat illa Franci-
scum Olympium, & quem faciles dare aliorum in-
fortunij aures, ac opem, circumferèbat fama, fore
sibi persuasit, vt suis etiam precibus adesset. Hac spe
freta, illi se se ex animo commendat: tũ matrem,
cui Terentiæ Sparanæ nomen, rogat, vt quando
Serui Dei lipsana ad eò valerent, curaret & ipsa ali-
quid eiusmodi, quo morbum depelleret, aut leua-
ret. Matri nulla quidem cum nostris familiaritas;
sed sperare iussit in filiam amor. Itaq; recta ad San-
ctorum Apostolorum; ac fortè Cornelium à Lama,
Sacerdotem ex nostris obuiũ habuit, qui affectum,
sensumque matris æquè, ac filix valetudinem com-
misseratus, frustulum illi dedit eius interulæ, cum
qua Dei Seruus animam efflauerat, ac nescio quid
etiam

etiam capillorū, simulque animos, atque impetrau-
di spem fecit. His illa acceptis, filia attulit, admo-
uitque; ac nulla mora, quam non ebiberat, aquam
euomere extemplō cœpit: tūm qui in vmbilico te-
terrimus excreuerat tumor, euauit, & cum eo
morbus.

Ioannæ Florellæ perindè salutaris eiusmodi la-
cinia. Nocte, quam ipsa nascentis Deiparæ sole-
nnia excipiunt, visum sibi à capite per nares ad su-
perius labrum nescio quid descendere; perinde quasi
exiguum aliquod animal per eas se se partes moli-
retur. Experrecta ipsa horrore quodam, domesti-
cos etiam excitat: qui, explorata cominūs re, aduer-
tunt, capitis fluxionem reuerā esse, ex qua ita affi-
ci, atque excrefcere labrum cœpit, at ab eo mox
tumor ad quandam oui magnitudinem, saxo du-
rior penderet. Sed neque hic sistere visa intempe-
ries. Corrupto siquidem mirum in modum labro, eo
deinde impetu ad collum, ac gurtur deflexit, vt in-
tercluso penè spiritu ducere animam vix posset. In
re subita, ac nocte intempesta nullus consilio, ac
remedio locus. Subiit Olympius, ac seposita re-
ligionis ergo quædam linteæ vestis lacinia, eius san-
guine respersa; ac rata, satis inde præsidij, ac opis si-
bi esse, iubet illam adhiberi morbo. Nihil profectō
illa salubrius. Momento prohibitus capitis fluxus:
deforme perindè, ac enorme labrum detumuit: de-
mum incolumi gutture, restituta interspiratio. Et
mane quidem adfuit ipsamet Sanctorum Apostolo-
rum templo, libatisque diuinis mysterijs, gratias
Francisco, aduoluta ad eius tumulum, habuit.

Florellæ addimus Florillum. Francisco huic no-
men, qui præcipiti eo morbi genere, quem chole-

Linthei fru-
stulum sa-
lutare
Florellæ.

Et Floril-
lo.

ram medici vocant, laborare periculosissimè, atque ad extremum vsque spiritum solitus erat. Eo semel peracerbè afflicatum, adiit noster Gabriel Maria, Lotharingius, ac bono esse animo iussit: attulisse nempe se, ait, linteum, quo in eiusmodi doloribus uti, fouerique Franciscus Olympius consueuerat. Arrigeret ipse animum, ac spem; prona semper ad Serui sui promerita Numinis beneficentia. Igitur admotum lateri linteum eo euentu, ac fructu; vt & tùm quidem facessuerit omninò dolor: nec ausus postea fuerit, repetita clade, Florillum ampliùs decutere.

Illud ex fide Isabellæ Moles, Matronæ Neapolitanæ, quod etiam in eius domo nulli non abundè compertum. Seruus huic erat, cui nomen Ioannes Leonius, à fide, ac vetere stipendio heræ carus. Cruentâ is olim excreauerat; quod morbi genus ita vice-
rat, vt die Martii mensis septima, & vigesima eius anni, quo ad meliores abiit Franciscus, vberiore fluxu, ac vi redierit; perdurauitque ad alterum vsque Aprilis diem largior expuitio, exhausto penitus corpore, ereptaque ipsa oris specie, ac vocis vsu. Famuli salus curæ Isabellæ erat; & quando medicæ artis adiumenta minimè procederent, experiri diuina statuit. Ergo, erecto in spem ægro, quod in pretio habebat Francisci Sudariolum, eus pectori admo-
uet, eodemque in vestigio temporis cohibitus cruor, profligatumque malum est, restituta oris specie, ac bona corporis habitudine.

Sanguis
mire si-
kitur.

At enim quod Neapoli item accidit ad eam oram maritimam, quam à D. Lucia nuncupant, nescio, an quid patrari mirabilius potuerit. Biennis puer è muro, qui littori imminet, capite inuerso decedit.
Planè

Planè quod ex alto casus, & allidi ad saxum eius
œui puerum contigit, conclamatum illi fuit; ac ne-
mo non exanimem credidit, quem cruentatum, ac
sensus omnis expertem cernerent. Matris lamenta
audivit, quæ propè habitabat, Maria Cacacciola.
Rocchè Dux, ac lachrymas, clademque commise-
rata, linteï frustulum, quod Olympio ægrotante,
ad cordis fomenta adhibitum olim fuerat, illi misit.
Præsidium nempè id fore præsentissimum, modò
fidem excitaret, commendaretque Serui Dei patro-
cinio sobolem. Se quoque eius vim mirè expertam;
ac cervicem, contentis rigore quodam nervis, ali-
quando immobilem, eius ope laciniq̃ repentè emol-
liri, ac flecti visam. Mater, concepta ingenti fidu-
cia, linteum pueri capiti illicò applicuit: nec spem
fefellit euentus. Nam quem extinctum putabant,
rediit mox vitæ officijs, moveri, loqui, ac postea lu-
ce cum pueris ludere.

Puero ex-
animi præ
sidium,

Iam, & ceteram Francisci suppellectilem peruti-
lem, ac salutarem mortalibus, scimus. Et quidem
Capuæ eius extat pileus, à triumphatis plerisque
morbis percelebris. Vincentius Casellius, vti alibi
commemoratum est, dum faceret ille ad aram, pio
quodam furto surripuit: vsus deinde rapina ad alio-
rum commoda. Enimverò præter multiplicem
ærumnam, quam Dei Seruo adhuc superstitè, pro-
pulsavit; illud eodem ipso anno, quo ille desit vi-
vere, memoratu dignum. Aprili mense Domini-
cus Peruta, à Diuo Nicolao, qui est prope Capuam
Vicus. vsque adeò periculose ægrotavit, vt despera-
uerint saluti medici. Allatum id Casellio, & quòd
eo familiariter vteretur, officii duxit, inuisere: secum-
que Francisci pileum attulit, fore sperans, vt pro-
des.

Pileus Ca-
puæ salu-
taris.

desset amico amuletum, ac pietas. Nec sua illum
luserit opinio, ac spes. Pileum capiti, tum pectori ap-
posuit, ac mox cuiusiam membra obriguerant, in-
calescere: qui iam obmutuerat, loqui: quieti ali-
quantisper indulgere: post quietem vigor, ac sensus
omnino vegeti; nec post multo incolumitas, ac tri-
butaproinde Olympij patrocinio.

Surdæ au-
ri capillo
lo consue-
litur.

Capillum, quod in homine leuissimum, honesta-
refua etiam laude diuinum Numen voluit, id quod
in Euangelio promiserat in ea verba: Capillus de
capite vestro non peribit. Et verò Michaelem Mu-
scum, virum ex nostratibus à pietate, ac rerum asce-
ticarum scriptione apprimè commendatum, non
mediocri affectum beneficio istiusmodi adiumento,
luculento eiusdem testimonio, pro comperto habemus.
Obsurduerat is, quo tamen nihil molestius cum
ipsimet, tum alijs, qui verba iterare surdo, atque ea-
dem sapiens ingerere nolissent. Quosdam penes se
esse Viri Dei capillos, meminisse putauitque, eun-
dem ipsum, qui facturum magna, ac præclara pro-
misit ad eorum preces, quibus tantum inesset fidei,
quantum granum sinapis; fore etiam, ut eadem
ijs indulgeret, quorum fides capillo niteretur. Igi-
tur ad pronas Francisci aures, pro surdis auribus vo-
ta primum allegat: capillos deinde vitiatos, affecto-
que sensui appellit: agnouitque exemplò, excepisse
illum preces, quando & ipse, amoto iam obice,
admitteret quàm expeditissimè loquentium voces.
Planè, nullum ex se quidem vel aureis capillis pre-
tium: at illiverè pretiosi, & aurei, qui aures resti-
tuunt.

Faustina Anastasia Neapolitana eadè ope mor-
bum depulsi, longè molestissimum. Nouem omni-
no

uò menses ægrotauerat; ac visa, curationē desperasse, quòd æquē occultum, ac contumax morbi genus lateret medicos: quos tandem vbi cōmutauit, conualuit. Enimuerò cūm ablegatis medicinæ artis studijs, adhibere diurnæ ægritudini Francisci capillos, secum ipsa decreuisset, veluti suum malo remedium excogitasset, restituta saluti est.

Æquē salutare exarata Serui Dei manu literæ, quandam sibi inesse vim, adpressam videlicet, ab ea dextera, non semel monstrarunt. Et quidem anno huius seculi sextodecimo Octobri mense tentari intimo, ac peracerbo quodam dolore dexteram Violantis Viualdæ aurem contigit: & quòd malum cumulauerat febris, nulla neque die, neque noctu fœminæ quies, quæsitis etiam frustra remedijs. Morabatur hæc in Neapolitano mulierum Collegio, cui à Paparis nomen, vbi & Zenobia Seripanda agebat, quæ acceptas aliquando ab Olympio literas, opportunitissimas ægrotanti fore, dum putat, affert, admouet. Nec multis: defuncta simul dolore, ac febrī Viualda est, testata deindè autographo rem. Ab huiusmodi etiam literis Catharinæ Belzantiæ Passerinæ irrigatum largè pectus. Nam cūm exsiccata penitùs vbera infantem alere nequirent, admota ijs autographa Francisci cartula, visa illicò vtraque ea vrna lacte exuberare. Ab his item alia, quibus superledimus.

Iam, quādam ab Olympij attactu vim concepisse admirandam aduersùs calamitates, ac infortunia, in tempore monstrarunt. Bartholomæus Alexander Neapolitanus, ardentioris cuiusdam indolis, ac pietatis iuuenis, ex ijs fuit, qui Francisco supremò ægrotante, ad illum per summam contem-

Literis
inest sua
vir.

Guttur
mirè cu-
ratur.

tionem, obnitentibus licet Patribus, penetrarunt, ut viferent. Osculari morientis manus non sat illi fuit; verum id etiam raptim, ac dissimulanter curauit, ut precarii globuli illas tangerent, ratus haud quidem ex vano, aliquid iis addi religionis ab eo tactu. Accidit porro, ut eodem ipso Februarii mense, quo Dei Seruus excessit, correptus is fuerit lethali febris, quæ & popularem illam gutturis luem, quæ tam dirè, diùque grassata Neapoli est, secum attulit. Morbis hisce difficillimis stratus Iuuenis, breui supremis admotus: ut Eucharistico Viatico refectus, sacro etiam inunctus oleo ritè fuerit. Interea Virgineum illud sertum, quod Olympii manus tetigerat; in mentem venit. Neque mora: faucibus extrinsecùs admoet: statimque visa pestis, ac virus erumpere: quo quidem leuatus non minimùm Alexander, somno se dedit. Dum quiescit, videre sibi visus est Franciscum Theatino habitu, apertoque capite, qui diceret: Fide Deo: neque irritæ fuerint meæ preces: his te si commendaueris, conualesces. Ergo experrectus, supernè se monitum credidit; atque adeò congeminare ex animo vota, ac Serui Dei nomen implorare. Exinde afflatus corpori vigor, salutis index, ac nuntius: atque intra triduum profligata penitus febris, fauces etiam restitutæ. Adiit mox Sanctorum Apostolorum templum, libatisque diuinis mysteriis, ad Francisci sepulcrum habuit auctori gratias.

Infecta quidem hominum corporibus tot naturæ incommoda, in quibus versati hæcenus sumus. Sed nescio, an aliquod iis tormentum maius, quàm malis geniis diuexari. Hi supra omnem luem, ac morbum: hi malorum plaustra, ac Ilias: stationem, omni-

omnigenis infortunijs miscet, quam tenent. Planè, qui insensu adeò infernis hostibus fuit Franciscus, dum viueret; vilis etiam è tumultu illos exagitasse. Vnum hic referam, quod non ita post multò, quàm ille sanctus vita est, accidit, testatum vulgi sermonibus, relatumque postea Neapolitana in aëta. Hieronymam Formatam, in Ioannis Baptistæ Crispini domo famulam, infederant dirissimi demones omninò quatuor, aderatque suum cuique satellitium, perindè nequam. Fœmina nihil infelicius ab efferata ea licitorum manu: & facere, & pati dira: se, atque alios morsu impetere: intendi à legitimis euocationibus, sacrisque diris furor: planè vt ostenderet, quæ lateret intus pestis, fluxus ad omnem improbitatem, ac sæuitiam oris habitus. Semel post pleraq; Diuorū ipsa inpositus capiti Olympij pileolus: hic illa impotentius indignari, atque inclamare, vt luem illam amouerent. Interrogata: ecquænam esset lues illa? Hic est, inquit, Francisci Olympij pileolus, qui me vehementer discruciat: cumq; pergerent sacrorum vi carminum illos exagitare; deturbatus sua ab statione ex iis vnus; & cum eo sua legio: qui quidem erumpens, ea inuitus pronuntiavit: è quatuor alterum in D. Nicolai ecclesia, quæ propè aberat, excessurum: ita nempe Olympium velle, qui Diuo illi olim addictissimus. Ergo expulsus: ac tùm quidem tertius, euasurum se etiam dixit, sed in Sacello, vbi Marianus Conceptus colitur, quod superstes Franciscus adeò celebrauit: idque postquam ter eiusdem Deiparæ Virginis coronam pecurrerint. Ventum ad locum, cœpræque recitari condictæ preces; quas dum tertio repetunt,

Hierony.
ma For
mata ad
monibus
occupata

In liber-
tatem as-
seritur.

ceu venientem Olympium ipsum cerneret atreptitia : Me miseram, inquit, en Senex , qui abire iubet : cessitque tandem loco, qui eius ore loquebatur suis cum satellitibus malus demon . Postrema restabat palæstra, ac labor . Sed is etiam hostis facili negotio dedit manus : coactusque est vulgare ipsemet, id iussisse Olympium : nempe, ut ad diem Marianæ Visitationi sacram eodem in Sacello, eodemque in Diuæ Virginis conspectu obsidionem solueret . Ea luce affulgente, sistitur in Sanctorum Apostolorum templo occupata dæmone mulier : statimque visa, illi vocem audire , quæ disertè diceret : Nunc expellam : ac tùm quidem rebellis ipse genius altè vociferari . Ille me Senex suo hinc baculo deturbat . Id quod ter repetens, erupit indignabundus , incolumi, ac restituta libertati fœmina : Olympio nimirum, hoc est, sanctiori Herculi obnoxia , qui tot ab ea monstra depulerat .

Arimini à
literis in-
columitas

Quæ hastenus commemorauimus, Neapoli fermè, aut non ita longiùs edita . Peregrinari nunc tantisper stylo liceat, atque Olympii patrocinio collata alibi locorum beneficia recensere . Gliscere siquidem per reliquam Italiam Viri Dei fama, ac religio statim à morte visa est : & quòd eius se se tutelæ plerique commendarent . non sine præsentis fructu eorum studium, ac fides fuit . Arimini per literas, de quibus modò loquuti sumus, collata non vnifal-
lus . Sacrarum Deo Virginum Asceterium in ea Urbe est, cui à D Matthæo nomen . Præerat hic Bernardina Bandà, cui à multiplici morbo attritæ corporis vires, ac deplorata iam salus . Experta diù medicorū curas, cùm frustra esse omnia, agnouisset,

ap.

appellare Olympium, constituit, quem Neapoli non ita pridem depositum, inaudiuerat ab insigni vitæ sanctimonia, atque à patratis miris celebrari. Itaque nacta eius epistolam, inter preces, ac vota capiti applicuit: ac visa profectò illa, non tam epistola, quàm medica quædam præscriptio, ex qua mox valetudinem instaurauit. Et ut mouent, eriguntque exempla; eodem in Gynæcèo nouitia quædam virgo, quæ dirè à stomacho laborabat, ab iisdem literis præsidium dum quærit, haud diù cunctari contigit. Ex templo siquidem vis illa peracerbi doloris remisit, euauitque mox languor prorsus omnis. Sicuti & Iulianæ eiusdem Collegii Virgini accidit. Cum enim vehementissimus illam capitis dolor excruciet, manante affatim è naribus sanguine, qui sisti nulla vi poterat, eadem literæ præsidio fuere: dolore momento dispulso, ac sanguinis vena stare iussa.

Hæ porrò literæ penes Gineuram, nobilem fœminam Arimini erant, quas illa opportunè, ut aliorum pietati, ac postulatis faceret satis, huc, illuc mittebat. Atque id semel accidit, quod non dissimulauerim. Vir quidam nobilis morbo implicitus, eas à Gineura deuotionis ergo postulauit, quæ famulæ, cui nomen Lucia, ferendas dedit, monuitque literas eas esse celebrioris virtutis, ac notæ viri, quæ non vno beneficio inclaruerant. Illa, quod nescio quid morbi corruperat caput; uti sorte sua, præsentique eo remedio constituit, ac dum iret, affecto vertici Epistolam imposuit; eius opem implorans, cuius sanctimoniam Domina commendauerat. Igitur malum, quod esse ex se diuturnum assolet, breui cura-

tum : nec dubium , quin salutare Olympii chara-
cteres oblitterauerint .

Ferrariæ
Baranzoniæ
salus.

Ferrariæ nobilem foeminam experiri Francisci
præsidium cōtigit . Fuit hæc Lucretia Sifola , Baran-
zonio , Ioannis Baranzonii , ornatissimi viri coniux .
Huius caput is dolor inceserat , ceu multiplex cu-
spis intimè conuulneraret . Non oculis , non reliquo
corpori quies : accessitque mox grauius , ac pericu-
losius à febris incommodum . Aderant medicorum
curæ : at Lucretiæ spes , ac tutela certior . Nam Dei-
paræ quandam effigiem , ex iis nempe , quas distri-
buere Franciscus solitus erat , afferri iubet , magna-
que in Dei Seruum fiducia capiti imponit : neque
post multò febris , dolor , atque intemperies ea om-
nis euauit . Quod testatum ad rei documentum ,
signatis tabulis voluit : extatque penes nos earum
exemplar . Quando autem Mutinensem foeminam
meminimus , libet huic Mutinensem aliam , æquè
nobilem matronam adnectere , quæ dum Neapo-
li moraretur , insigni affecta beneficio est . Eleo-
noræ Grillinzonie illi nomen , Ioannis Baptistæ Au-
gustoni , Mutinensis Ducis Neapoli , vt vocant , Resi-
dentis coniugi . Huius saluti à contingenti , lethali-
que febris penè desperauerant medici : præsertim
quòd ab incredibili virium dispendio nullus esset
pharimaco locus . Iam , quòd celebrari cōmuni plausu
Frāncisci nomē audiret Eleonora , eius implorare opē
constituit : tūc aquam , cui mersū nescio quid Serui
Dei vestis fuerat , erecta ingenti quadam spe , bibit :
statimque quicquid morbum faceret , quadam vi
egerere : & quòd largior in tanta corporis imbecil-
litate videri egestio ea posset , implorato iterum eius

Grillinzo-
nia sanita
ti restitui-
tur.

pa.

patrocínio, epotaque eadem aqua, attemperata viribus curatio est: nec post multò restituta sanitati Eleonora. Id quod ex fide nostri Hieronymi Copulæ, eius à confessionibus, qui decumbenti aderat, habuimus.

Placētix, quò pridem Francisci fama peruenerat, accensa ad eius studium ipsa Parmensi Principe Al-dobrandina, vti supra monuimus, non defuere eiusdem patrociniij argumenta. Aloysius Gazzius, Sacerdos ex nostris Placentinus baculum Neapoli attulerat, qui vsui Olympio fuerat, inscriptis eiusdem manu pijs notis, insignis: habebatque is ipse in pretio, vtpote quid opportunissimum omnigenis corporis iniurijs depellendis. Illud præsertim ab eo extitit notatu dignum. Comitissa Paula Lomellina, Toccula lethali morbo intercepta, eò tandem deuenerat, vt haud procul abesse fatum, medici denunciarent. Periculosè ad eò ægrotanti aderat Gazzius, eius à confessionibus, qui nihil spei reliquum esse, quamuis probè intelligeret; experiri nihilominùs Francisci opem, ac baculum voluit. Ergo, erecta in spem salutis Comitissa; adesse, inquit, longè præsentissimum, ac petatum cœlo remedium: tantùm Deo fideret, ac Serui Dei precibus: hisque dictis, ægrotam baculo tetigit: confestimque ita restitui vires cœpere, vt mox, abacta lue, moribunda omnino conualuerit, perculsis stupore medicis, quorum ea fuit sententia, id morbi nonnisi allata cælitis ope propulsari potuisse. Perscripsit hæc postea ad Franciscum Boluitum summa fide Gazzius: qui & alteram eiusmodi curationem sic narrat. Ab assidua feбри Comitissa Claudia Anguissola, Ranucii Co-

Placentiæ
à baculo
incolumi-
tas.

Et ab effi-
gie;

Mediola-
ni Criuel-
læ restitu-
itur vox;

Comitis coniux ægrotavit: & quod septimum iam
mensem vterum gestaret, febrem deliquia cumula-
bant. Plenus alæ is erat morbus. At enim cùm
non ita pridem decessisset Olympius, ac ferri mul-
torum sermonibus pretiosam eam mortem, contin-
geret, concepta in ipsum pietate Comitissa, eius
imaginem enixè efflagitavit; intimè commonefa-
cta, vt bene speraret. Ergo allatam effigiem deue-
nerata eximio quodam studio, ac fiducia est: exce-
pitque illico religionem incolumitas. Nam quæ
valescere impetu videbatur febris, in ipso suo æstu
deferbuit; mox penitùs restinèta. Quod cùm
ægra ipsa, tùm familiares Olympii tutelæ adscripsere.

Mediolani quicquid impertitum beneficiorum
eius ope sanguinis fuit, in loco retulimus. Alia
nunc perstringimus: visa namque Mediolanensium
fides pleraque hoc patrociniò impetrasse. Illud vul-
gò compertum, ac celebratissimum, quod anno hu-
ius seculi quadragesimo primo, exeunte Maio men-
se accidit. Clara Criuella, corruptis faucibus, vo-
cis vsum penitùs amiserat; tenueratque octo iam
annos ærumna, lulsis medicorum ingeniis, qui re-
stitui naturæ, aut artis præsidiiis vocem posse, pror-
sùs negabant. Implorare cælestem opem, interpre-
te Francisco Olympio, constituit Criuella: nec fru-
strata sua spe est. Fusa namque ad eius imaginem
prece, conceptoque voto, rediit vox gutturi, re-
stitutis mirè faucibus: qua quidem voce beneficium
deprædicandi finem nullum fecit: tabulamque,
voti, ac religionis indicem appendi priuatim
voluit.

Indiscrimine summo rerum, hoc est, in ipso
vitæ

vitæ confinio eandem hanc opem, eodemque anno sensit Catharina Fagnana, tredecennis Virgo, quam ineluctabilis quidam morbus ita prostrauerat, ut defectam viribus, ac sensibus, extremo penè spiritu laborantem medici destituerint. Expertæ Francisci virtutem, quam modò diximus, Criuella, eius effigiem moribundæ affert, pectori ad-mouet, signat cruce. Nec multis: intra horam excussit morbum, atque imminens fatum Virgo, de-dicato ad rei documentum voto.

Et Fagna-
ne salutis

Et Domi-
nico Bas-
solo,

Sub id etiam tempus nihil Dominico Bassolo à corporis incommodis ærumnosius. Septuagena-rio iam maior, annos omninò viginti à febris labo- rauerat, Caput præterea peracris dolor vrgebat. A capite verò nulla non manabat in membra lues, ut lacertos mouere, aut moliri se nulla ex parte posset. Allatum à nostris Olympii indussum incredi- bili pietate, animique fiducia excepit, adpressit- que corpori. Neque mora: visus tùm quidem, multiplex malum, ac penè senium ipsum ablegas- se. Nec sine memoris animi argumento salus hæc fuit, dedicata ad rei monumentum tabella. Co- niux huic erat, cui nomen Lucia Sala, quam non elementius habebant morbi. Nam à fluxu sangui- nis sex omninò annos laborauerat. Laterum de- inde dolor eo interdum impetu discruciabatur, ut ad- moueri iam supremis crederet. Ergo dum certas ad Olympii imaginem preces vouet, quicquid ærū- narum perpeffa diu erat, abiisse, gratulata mox est. Innumera penè alia recensenda hic essent, quæ Pla- cidus noster Pallauicinus, datis ad Boluitum Neapo- lim literis, summa fide narrat: qui neq; in Mediola- nensi

Et Lucie
salutis.

nensiduntaxat Ciuitate, sed per eam etiam Ditio-
nem collata ad piorū preces, atque implorato Fran-
cisci Olympii nomine, beneficia, affirmat: Soncini
præsertim in Dei Seruum pietatem, præsentis nem-
pe præsidii experientia, vique adeò excreuisse, vt
plerique deuotionis ergo Frācisci Olympii nomen
filiis imposuerint. Sed libasse hæc suffecerint.



Externa Olympii species.

Cap. XXV.



VLTVS, ac cœteri corporis figuram lineamentis exprimere, nihil fermè ad virtutem, earumque opinionem refert. Nam quid cum animi forma, atque idea mentis, quam indoles, ac mores formant, oris ha-

bitus, aut color? Ad hæc, quæ sub aspectum cadit hominum effigies, vt mortalis, ac fluxa, ita mendax interdum est. Vsu namque didicimus, magnæ animæ non semper respondere frontis dignitatem, ac decus: cùm interim sub liberali specie lateat non rarò mens dispar. Attamen, quòd non mediocri voluptati est, egregios viros de vultu agnoscere; eorum effigiem, aut coloribus, aut stylo expressam, qui repræsentauerit, non exiguum planè operæ pretium fecerit: vix enim fieri potest, vt sine præclaro animi sensu eius imago vsurpetur, cuius insignem virtutem iam noueris. Igitur, Olympium, ne desit hic excellentis Viri simulacrum, velut in tabula, spectandum damus. Statura illi infrà mediocrem: corporis verò forma ita non gracilis, vt quadratæ propior videri posset, robusta, ac habilis, non obesa. Vultus ad rotunditatem vergens: color in eo, qui melancholicis familiaris; ex albo, videlicet, æneus. Capillus vel in profunda senectute non totus incanuit: in reliqua verò ætate niger. Frons, lineis perindè conspicuis, ac rectis, ad quandam ingenui-

tatem aperta, quam latiùs explicabat ad extrema-
duntaxat caluitum. Nigris oculis, neque magnis
incredibilis inerat suauitas, ac pietas: hos ductu
elegantè supercilia, densis, ac raris medja, coh-
nestabant. Nasus non incuruus, non breuis, sed pul-
chrè descriptus, ac vultui ex æquo, aptèque respon-
dens. Auris mediocris, barba breuior, manus ali-
quantò crassior. Ipsa deinde oris gratia tanta in
eo erat, quantam nullus equauerit stylus: certare
in eo hilaritas, comitas, sanctitas videbatur. Quis
esset, species ipsa indicabat: planè vt illum ab aspe-
ctu duntaxat plerique agnouerint: & aut Olym-
pium, aut illi persimilem existimauerint. Ridere
nunquam, aut rarò visus, vt alibi significauimus.
Si uerò frontem ad lætitiàm exporrigeret, mirum
est, quæ tùm exhilarandis, erigendisq; animis inces-
set illi vis. Denique acclinauerat illum non
nihil senium, quod baculo sustentabat.

Atque hic exterior Olympius breui
ductu delineatus. Nam inte-
riorem, partim iam de-
scripsimus, partim
sequenti libro
virtutes
ipsæ
ad virum ex-
priment.

Finis Libri Primi.




FRANCISCI OLYMPII

V I T A .

Liber Secundus.

De Charitate in Deum .

Cap. I.



ROSEQVVTI Francisci Olym-
pij vitam , eiusque quoad fieri
potuit , ordinem , ac rerum ge-
starum seriem ; alterum hunc
librum virtutibus seposuimus ,
easq; aggredimur explicandas.
Denarrauimus quidem hacte-
nùs pleraque eius facta , dicta.

que , quæ nonnisi documenta virtutum : verùm in
continenti rerum scriptione multa ita nullum sibi
locum vendicant , vt peculiarem deindè historiam
adornare necesse sit , in qua sua cuique virtuti exem-
pla tribuantur ; atque interim non ea omitti contin-
gat , quæ apparere , censerique , nonnisi suis sub si-
gnis queunt . Iam , quem potissimùm ordinem in

Gg 2

mul-

Virtutum
animas
charitas.

multiplici hac veluti sylua deligeret stylus, haud magnoperè laborandum illi fuit. Nam quæ dignitate, vi, fructu maior est in prænobili virtutum familia, principem sibi locum iure postulat: obicitque se se statim Charitas, momentum, pretium, ac veluti vita cæterarum. Ita siquidem suo eas spiritu implet, ac animat, ut tùm demum sua constet virtuti ratio, cùm affusa intimè charitas illam imbuat, ac format. Coëterùm, vbi vigor hic igneus destituit, imago quædam, aut exuium exhaustæ virtutis fuerit, non virtus. Igitur, cùm geminis instructa alis igneis charitas hinc ad Deum, euolet, ac suo illum sinu cõplectatur, hinc in mortalium se se cõmoda effundat, vtramque hanc eius indolem egregiè miscuit Olympius: ac simul ferri incitatissimo quodam volatu ad Deum, simul descendere incredibili quodam studio ad proximorum salutem videbatur. Quæ cùm expedienda in præsentiarum finibus sint, dicendum priùs de amore in Deum.

Olympij
inoptimis
deligen-
dis studiis

Planè, amico non vtrumque placere, sed ea maximè velle, ac nauare, quæ illi gratissima, hoc deum præcipui cuiusdam amoris argumentum. Et Francisco quidem id in primis propositum, ita bonis insistere, ut optima semper deligeret: hoc est, quæ gratiora diuino Numini nouisset. Semel de præclaro quodam opere aggrediendo deliberadum illi fuit: & quòd animi dubius, non satis, intelligeret, quid melius, quid gratius Deo foret; rem ut suis momentis expenderet, ac studiosè versaret, geminam noctem traduxit insomnem: nempe ut per eas tenebras affulgeret menti diuina lux, quæ optimum ostenderet: nauaretque interim nō vtrumque bonum, sed quod esset ad Dei gloriam, honorem.

temque præstantissimum. Illud etiam non leue quidem diuini amoris indicium, quod quicquid rerum humanarum in pretiosissimis, ac iucundissimis habetur, opes illæ fuerint, deliciæ, dignitatis splendor, fasius incredibili quadam animi nausea auersaretur: ut diceret aliquando: proh quantum sordent mihi omnia, in quibus non est Deus. Scilicet, ut eorum isthæc animos vehementer capiunt, quibus nullus æternorum sensus, ac amor: ita quibus diuina semel species, forma, bonitas mentem occupauit, incenditque in eorum cordibus arefcere mundum, & quicquid in eo florentissimum, ac splendidum videtur, necesse est. Quocirca cum summè fastidiret præsentia Dei Seruus, summè Deum diligere oportebat. Id quod ut pro modo ipsemet explicaret, ea semel ingenuè pronuntiauit: Se quidem vique adeò amare Deum, ut iam videretur sibi, illum non ampliùs timere: planè congruenter hæc Apostoli sententiæ, cuius ea verba: Perfecta charitas solas nikt timorem. Vnus illi timor, ne quem adeò diligeret, mortalium noxæ offenderent. Nihil accidere eius auribus molestius, atque infestius poterat, quàm perpetrari crimina: adeò ut ad ipsum peccati nomen expallesceret: idque curandum Patribus erat, ut qui ipsum ad animorum documenta, ac monita conuenirent, cauere maximè à peccati nomenclatione, ac vocabulo: ne plus nimio animū exulceraret infauista illi vox: quæ si casu deinde excidisset, veluti horribile visu monstrum offendisset, inclamare illicò Iesu nomen, atque horrore quodam ea statim addere: nunquam, nunquā. Id illi accidit cum principe matrona Neapolitana, cuius domum semel adiit, ut decumbentem lecto

Mundie
temptus
à Dei amore,

Ad peccati nomen conuertatur,

Marchionem filium inuiferet. Florentissimus is quidem Iuuenis; sed qui profanis amoribus implicatus, iuventam, genus, indolem inquinauerat. Commendare proinde illum Mater Viri Dei precibus: vitæ dehonestamenta, morum labem, Dei offensam inculcare; utpote quæ corrigi ad frugem Marchionem vellet. Hausit vix auribus culparum hæc portenta, ac luem Olympius, cum repente mutato vultu, linguæ animo, consternari, percellit intimè visus est, ac digredi statim oportuit: ad eum ut interrogatus mox, quid sibi insoliti accidisset? verba minimè suppeterent, atque attonito similis horrorem silentio testaretur. Scilicet, delicatior est indoles charitatis: illi si culpam, si culpæ nomen obiceris, exanimasti. Ab hoc in Dei offensam odio ea Francisci vox, digna cedro, aut adamante: Se quidem si dato sanguine, ac vita impedire vel minimū aliquod crimen, venialemque noxam potuisset, factum vltro, atque indubitanter subiturum. Illud aliàs ab insigni charitate dictum: Si pro expiando aliquo crimine mori semel contigisset; ac rediuius postea spiritum resumeret, ut iterum, ac tertio, ac sepius diem obiret, quoad repetita millies morte, singulas cum suas, tum aliorum noxas persolueret; nihil sibi iucundius, ac gratius fore. Sanè nonnisi insigniter amantis dicta hæc, cui proprium ad piacula perhorrescere, ac nihil metuere magis, quàm ne lædi amantissimum Numen contingat.

Neque verò timorem hic illum loquimur, cui seruile ingenium, & qui vindicem Dei manum, atque intentantē flagella Nemeseū timet, si peccet. Aberrat hic à Francisco degenerum animarum timor, ac sanctius formidabat: metu, scilicet, qui diuini ipsius amo-

Eius dictam.

amoris collaſtaneus, atque adeò ſimilis, vt diſtingui inter ſe ſe vultus, indoles, actus minùs poſſint. Enimuerò eo quidem affectu, ſenſuque diuinam offenſam metuebat, vt diceret amare: ſic amabat, vt diceret, timere. Hinc illi, quos aliàs ineminimus animi morſus, ac ſcrupuli, quibus intimè angebatur. Acerrimi hi quidem, habebantquillum anxium ſemper, ac pauidum. Adire alienis interdum horis conſeſſarios: ad eorum pedes accidere: medicinam peſtori eſſagitare: abire in ſuſpiria, ac lacrymas: eòque tandem deuenit, vt oportuerit, viros doctiſſimos, æquè ac prudentiſſimos, vt eiufmodi ſtimulos lenirent, laxarentque aliquantisper eius animum, quædam illi rerum capita præſcribere, quæ commentariolo excepta, vnà ſecum circumferebat: ac dicere conſeſſariis ſolitus erat, extremo iudicij die ea ſe produſturum in medium tuendæ ſuæ cauſæ. Timor iſquidem erat, ne vel minimùm à Deo deſiſteret; ac nemo profeſſò dubitauerit, à diuini amoris pharetra ea tela exiſtere, quæ Dei Seruum, quò acrius vulnerabant, eò vehementiùs incendebant.

Dei Timor,

Ab amore Dei.

Huius verò incendiij & alia in eo argumenta. Loqui de Deo, ardere ſubito quodam igne erat. inflammari ſiquidem ora videbantur, ac teſtari vultu, quæ intùs lateret flamma. Lachrymæ itidem nunquam ſine igne exſtillant; gaudetque viciffim irrorari ſietu charitas, vt maiorem in flammam excrescat. Hæc autem in Olympio lachrymarum perennitas memorata nobis aliàs: atque ab ea copia conieſtari ardor facilè poteſt. Ad hæc, abripi exceſſu mentis, ac cœlo affigi, charitatis vis eſt, ac impetus. Sublime ſiquidem ferri, igni proprium: ac tri-

tum

Mētis ex-
cessus

tum illud, animam ibi esse, vbi amat. Sed neque infrequens in Viro flagrantissimo eiusmodi mentis abalienatio, ac volatus; vt commodasse illi alas igneas charitas, videri posset. Id quod cum de eius contemplatione sermo erit, liberaliùs explicabimus. Supremam nunc diuini amoris lineam tangimus: cum eò, videlicet, inardescit, vt collato cominùs pede, componi, ac congreri cum morte ipsa audeat. Hic profectò Lydius charitatis lapis. Nam maiorem charitatem nemo habet, quàm vt animam suam ponat quis pro amicis suis. Inerat magna hæc Francisco indoles; vt disertè non semel significauerit, id sibi maximè in optatis esse, subire pro Christo mortem. Quoties martyrum cruciatus, ac laureas securam memorarent, statim exerere ipse collum, atque ictui accommodare; ceu tùm quidem excipere securim vellet: planè vt legeres in alacri ea fronte, ac vultu vim quãdam animi imperterritam, ac patiendi pro Deo desiderium supra ferrum, ac ignem. Ac semel quidem cum ea cogitatione, ac impetu incalcesceret, deuoueretque se morti, ea præclaro quodam animi sensu pronuntiauit: Se quidem profunderè vitam paratum, non modò si Deus ipse imperasset; verùm si aliquis etiam mortalium, Dei nomine iussisset. Idque aliquando addidit, planè ad delicatioris charitatis gustum: nempè percipere se tùm maximè subire aspera, atque à ferro mortem, cum minùs ab intima deuotionis flamma animus deflagraret: nempè, vt quod decrat ardori spiritus, suppleret sulus pro Christo cruor.

Moriendi
pro Christi
voti.

Olympij aduersus proximos charitas.

Cap. II.



QUEMADMODVM modò innuimus ,
 ea est charitas, vt non ita ad Deum
 euolet, atque in beatissimo eo sinu
 quiescat, quin ad proximorum simul
 commoda officijs, curisque suis de-
 scendat. Aquilæ, hoc est, alitum generosissimæ
 persimilem dixeris, quæ dum volatu perniciosissimo
 in cœlum fertur, simul peracri oculorum acie tel-
 lurem despectat, vt ad prædam, si quam viderit,
 deuolet. Atque hæ quidem Olympij partes: acce-
 dere Deo propiùs ab eximio amoris studio; tùm cæ-
 teros mortales charitatis sinu complecti, eorumq;
 opportunitatibus omni ope consulere. Perfamilia-
 ris illiea Pauli sententia: Omnia vestra in charitate
 fiant. Quæ nimirum virtus illi maximè ad cor, eam
 potissimùm alijs commendabat. Pectus illi quan-
 tæcumque charitatis capax: non loco, non tempo-
 re definitus Viri ardor: orate solitus erat pro omni
 hominum gradu: aderatq; precibus vbique terra-
 rum, ac gentium. Quin etiam nostra hæc tempora
 præteruectus, cogitare rerum humanarum vltima
 videbatur. Enimuero interrogauit aliquando con-
 fessorium, an fundi pro ijs preces possent, qui non-
 dum nati, & qui supremo ruentis mûdi actui essent
 interfuturi, ne, scilicet, & tot portentis, atque ipso
 naturæ interitu perculsos, consternari plus nimio,
 contigisset: & ne Antichristi potissimùm terroribus

Opportu-
 nus omni-
 bus ex
 charitate

conscientias, ac cordis sinus introspiceret: cumque occulta interdum crimina, ac latentes in fundo fordes euulgaret, mirum, qui animorum motus fierent. Quod quidem lumen à charitatis flamma existere rectè dixeris: & quòd cerneret Deus, alienæ illum salutis intimè flagrare, id potissimùm indulgebat, ut arcanum pectus penetraret, ac pestilentissimam inde luem extraheret. Hic porro æternæ salutis zelus ut sibi supra cæteras curas omnes cordi esset, Antonio Toletano, Albæ Duci, Proregi Neapolitano apprimè declarauit. Alloquutus is prolixiùs Olympiù fuerat, remotis arbitris, ad sui spiritus solatium. In digressu, ut aliquod Viro sancto piæ munificentie specimen daret, petere aliquid, iussit: quod dum iterum, ac tertio vrget: Hoc oro, ac peto à te, Princeps, inquit ille, ut quando periculosum adeò tempus mortis, ac tùm maximè fluctuat animæ salus, celebranda nunc aliquot missarum sacra pro suprema ea lucta cures. Quod quidem excipi sine admiratione à Prorege non potuit; qui persuaaserat sibi; fore, ut is præsens aliquod commodum, aut consanguineis, aut aliorum inopiæ peteret: ac rem postea ad eximie cuiusdam virtutis documentum aliis narrauit.

Quamquam, ita animorum negotio eius vacabat charitas, ut quod ad humana adiumenta attinet, non modò non negligeret, sed impensius accuraret. Commiserari proinde pauperes, solari verbis, fouere pro modo munifica manu. Quòd scirent matronæ, ac viri nobiles, nihil accidere Olympio iucundius posse, quàm aliqua sibi impertiri, quæ ipse in sinum inopiæ deriuaret; submittere identidem eius charitati solebant, quod erogaret. Gestire tùm ipse, ac

Pauperibus
con-
sult,

non tam pauperibus stipem, quàm sibi effundendæ pietatis opportunitatem gratulari. Æquenssem Vicum cùm de more peteret; vix eò aduenisse, euulgabat rumor, cùm accurrere certatim, ac stipare illum veluti parentem publicum pauperes, viderentur. Complecti ipse omnes incredibili studio, ac ceu suam familiam agnoscere: tùm quicquid ijs subleuandis attulerat annonæ, aut vestium, prona manu, prouiore animo distribuere: planè vt adesse Olympium, resecta, cooperta, ac veluti exornata inopia demonstraret.

In infan-
bilis No-
socomio-
charitas.

Maior profectò aduersùs ægrotantes charitas, quorum morbis ita affici, afflarique videbatur, vt penè cum infirmis infirmaretur. Innuimus hæc generatim alibi. Incundum nunc percelebre Infanabilem Nosocomium, quod Neapoli cùm decumbentium numerus, tùm præcipui Viri, ac matronæ, quæ eò conuenire, ac dare ægrotis operam solent, cum primis nobilitant. Huc se frequentius conferre Olympius studio quodam incredibili, nec sanè vacuus. Afferre siquidem morborum quædam leuamenta, bellaria, scitamenta, poma solitus erat: quibus assatim instructus ad ea ærumnarum conclauia mirum, qua alacritate pergeret. Et vitus aliquando, quod coctis lateribus fouendo ægrotantium stomacho opus esset, illos ipsemet sinu ferre gestabatque tùm quidem pectus lateritium, cætera aureus. Iam verò ad decumbentes vbi peruenisset, preces tantisper fundere: tùm insigni ardore animi admouere operi manum: pauimenta verrere, lectos reficere, emundare sordes. Ire huc illuc fulguris in morem, ac discrucuari intimè, quod aut diuidi semetipsum, aut adesse simul omnibus religiosus Cætima.

timanus nequiret. Enimuero dum vni vacaret, vocari se flebilibus modis certatim ab aliis sentiebat: dum que accureret, alia aliorum preces inter eundem detinebant. Cum interim ita partiri officia videretur, ut nulli eius ardor, ac sedulitas deesset. Quas eduliorum blanditias iis recreandis attulerat, non sine solido quodam animorum compendio distribuebat. Nam simul pia quædam illis donaria, Diuorum nempe effigies, ac precarios globulos, quos allatis etiam domo clauis pendere decenter è pariete volebat, largiebatur: addebatq; salutis monita excitandæ, videlicet, in Deum pietati; & ut tristitiam præsertim, doloremq; elicerent de antea-
 & vitæ noxis. Et cernebantur passim, quos dum à Francisci manu munuscula exhilararent, iis ab offensa Dei memoria perpluerent vbertim oculi: quibus, ut conscientiam cuestigior eluerent, confessarium illicò admouebat. Illud sanè pulchrum. Ægrotos nunquam alloqui, monere, consolari, nisi de genu: nempe ut externa corporis species, ac habitus ab interiore animi cultu, quo illos prosequeretur, minimè dissentiret. Morborum deinde insolentiam, sceditatem, saniem non modò non exhorrescere, sed vltro petere. Vaporaria, ac balnea, terribilia, scilicet, excoquendis inquinatissimis corporibus, eorumq; morbis loca, adire ipse alacri fronte: adeò ut extrahendus inde vi esset, ne afflaret hominem noxius vapor. Iam contrectare veluti ad delicias despiciatissimorum hominum vlcera, procurare, mederi, exosculari etiam, ac lambere, planè ultra naturæ vim in eo videri potuit. Extant in historiarum monumentis eorum exempla non pauca, qui tabida complecti corpora, ac scatentem
 inde

Fœda vi-
 su non
 horret.

inde pestemingere, non dubitarunt. Et de Ioanne quidem Columbino, viro Sanctissimo refert Moriggia, leprosum quendam, suas inter sordes perditè marcidam sustulisse strenuè suis humeris, atque è templo domum curandum asportasse. Diuam item Radegundam ferunt eiusmodi elephantiacos, ac purulentam eorum faciem exosculari solitam. Illud planè generosius, quod de beata Angela Fulginare Fortunatus Episcopus narrat. Lauisse nempe aliquando suis manibus hominem leprosum: aquà deindè, in qua crustæ pestilentiissimæ innatarent, sorbuisse. Quæ quidem ita Franciscus est imitatus, vt illa quodammodò superasse, facile sibi quisque persuaferit, qui illum in Neapolitano Xenodochio, suo veluti in theatro, viderit.

Et verò quædam de eo narrantur, quorum foeditatem nisi magnam partem depasceret stylus, aures haud facilè admitterent: & ne copia naturæ teneritudinem vincat, vix vnum, aut alterum summo ipse calamo perstringam. Semel inferre cibum cōrigit cuiusdam ex ægrotantibus, cuius deformis adeò lues vultus corruerat, vt abijisse in monstrum aliquod videri posset. Nullum suo in loco membrum. Nares alterius oculi stationem horridè occupauerāt, oculus tempora. Os illi diffractum, distortumque: facie deindè, pustulis vndique efflorescentibus, nihil vlcerosius. Huic postquam accuratè ministravit Olympius: Age, inquit, quando meam ego operam pro virili impendi, mercedem, & me reposcere, & te soluere, æquum est. Cui ægrotus: an soluendo me esse putas, cui præter corporis cladem, atque oris lluiem nihil præterea reliquum? Tum ille: Perimitte igitur, vt te pretij nomine exosculer. Nec mora:

Vlcerosum
hominem
osculatur,

mora : dum accedit, sensit quidem, natura vehē-
menter abluētante, se nimium planè ausum. Sed
ne veluti ignauus miles dedisse manus videretur,
prolapsus in genua, ac recitata semel Dominica
oratione, ac Salutatione angelica, vultus, indolem,
animos mirificè incendit, inuolauitq; mox in cor-
ruptissima decumbentis ora, quibus oscula omninò
quinque decussatim impressit; abiitque summis læ-
titijs perfusus, ceu rosam, aut lilium delibasset ar-
gumentosa apis.

Illud portenti omninò simile in eodem Nosoco-
mio accedit, quod in tractandis pestilentissimis vlce-
ribus generosiores Serui Dei impetus probauit; nec
sine operæ pretio fuit, restituta infirmo ab attactu,
atque osculo incolumitate. Iacebat in eo morbo-
rum contubernio vir quidam, cui patria Nuceria,
quam à Paganis appellant, dederatque olim aro-
mataræ rei operam. Corpus illi à lepra profligatū,
ac perditum; vt nulla nō eius pars sanie perplueret.
In hunc vbi Franciscus collimasset, suæ potissimum
curæ, pietatiq; procurādū delegit. Semel, quòd caput
vitiatum vel maximè eo morbo, ac lue cerneret, tō-
dere illud aggressus; dum id officij pergeret, flueret-
que vberiore quodam imbre tabes; confessorium,
qui præsens aderat, interrogat: An de Christo Do-
mino ea Isaia verba dicerentur: Vidimus eum qua-
si leprosum; eoq; affirmante, amplexari ipse aman-
tissimè elephantiacum in ea verba: ò Deum meum,
ò Iesu meum leprosum. Vbi verò totondisset, cum
mercedem posceret: Ecquid, ait ille, pro merito
repræsenta uerim homo egentissimus, ac summè mi-
ser? Hoc, inquit Olympius, confestimque osculatus
emarcidum caput, atque ora est. Tūm adducta,
lecti

Elephan-
tiaci cu-
rat osculo

lecti cortina, ne factum lux, atque oculi prodere nti
admotā reliquo corpori lingua, lambere, ac pecur-
rere osculis vlcerosum hominem coepit, ea sapius
repetens: Vidimus eum quasi leprosum. Retulit
inde vultum, putri sanguine, ac sanie vsque ad eò in-
quinatum, vt ab eo aspectu linguā animo ex ijs quē-
dam, qui aderant, contigerit. At enim nunquam
sine præmio hi magnanimę charitatis impetus; sen-
sitque deplorata infirmi salus medicam statim ma-
num. Nam veluti quid valentioris pharmaci ad-
mouisset corpori Franciscus, intra biduum curata
omniñō cutis, atque elephantiasis est; admirantibus
qui insanabilem, fœdumque morbum nouerant.
Nec beneficium tacuit, qui accepit, euulgauitque
ipse met insigni grati animi testificatione: tūm ad
Sanctorum Apostolorum cœnobium adiit, vt gra-
tes benefico suo, hoc est, Francisco haberet, cui ac-
ceptam incolumitatem referebat. Illud hic porrò
ad luculentius beneficij argumentum nō omitten-
dum. Erenim ab ea morbi contumacia restitutum
licet se cerneret sanitati vir ille; quædam nihilomi-
nus confirmando magis corpori experiri remedia
voluit. Nec multa: ægrotare iterum coepit, destitu-
tus stomacho, ac viribus, vt nihil metueret vehe-
mentiùs, quàm ne relabi in pristinam luem contin-
geret. Ergo ad Olympium collachrymans: qui il-
lum, impertito ori osculo, intimè complexus, bono
esset animo, iussit; speraretque, quàm primū fore,
vt reualesceret, quod accidit. Iam salutaria eius-
modi oscula, ac medicos lingue attactus de Formo-
so Sanctissimo Pontifice legimus, qui leprosum,
itidem deosculando mirè sanauit, commendaturq;
omnium literis ab hoc facto Viri sanctimonial.

Nec

Nec absimilis inelyta, ac per sancta Lusitanæ Regi-
nâ Elizabetha, quæ horrendum foeminæ vlcus exo-
sculata, cum quid peregrini, ac præsentissimi balsa-
mi ore afflauisset, repenti abasit.

Quod ipsum curationis genus, si extra Xenodo-
chium efferre gradum placuerit, & aliàs à Franci-
sco extitisse, reperiemus. Procurabat in Sanctorum
Apostolorum domo tyronum classem. Cuidam
ex ijs enatae capitis squamulae, quæ porriginis ru-
dimenta videri poterant: foedum nempe morbi ge-
nus, & quo laborare infimæ sortis pueri solent. Ni-
hil ingenuo adolescenti molestius: angere intemè, ac
pro viribus latere, ne malum sodalium oculis, ac se-
ludibrio exponeret. Igitur quo tempore tyrones
alii vnâ simul morarentur, cum is in cellula sese à
verecundia, animique ægritudine contineret, ægre
tulit Magister, conuenitque, ac per acerbè increpa-
pauit. Tum ostendi morbum iussit: complexusque
affectu quodam caput, osculo etiam impertiit: quo
sanè visus medicum quendam succum, ac remediū
supra naturæ vim adhibuisse: nam faceffiuere intra
biduum squamulae, ac morbi vestigia. Quod su-
biciamus, vitale Francisci osculum maiore quidem,
cum admiratione commendat. Ioannem Simonem
Puluerinum Neapolitanum aliàs appellauimus.
Morbus illi multiplex, à quo lusa medicorum con-
silia, ac deplorata omnino salus. Phthisi potissimum
laborabat; corruptumque introrsum pectus, ac pe-
racri tussi quassatum, cruorem, ac saniem excrea-
bat. Accersitus Olympius dum precibus coelum
pulsat, ad mouetque collo manus, quod moliri diu-
tius nequieverat; visus mirum in modum subleuari
æger. Nam & moueri immota diu ceruix, & pera-

Osculo
item por-
riginem
euat.

Et vlcus
pectoris

cuta minui febris, & ferari à doloribus pectus coepit. Verùm quòd diuexare adhuc tussis, atque ab interiore vlcere manare purulentus cruor pergeret, iussus redire postera luce Olympius, qui fufis de more precibus: Age, inquit, cruentum vulnus exosculerur, vt mitescat; impresloque pectori osculo, visa mox exsiccari sanguinis vena: abactoque penitùs morbo, æger conualuit.

Et vulne
ra Caiua-
ni Duci,

Sed ab osculo illud sanè memoratu dignum. Ioā. nem Angelum Barilium, Caiuani Ducem, ac Neapolitani Regni à secretis anno huius seculi tertio, & vigesimo confodi non vno vulnere contigit. Pectus, latus, venter, foemur ferrum profundè admiserant: accessitque medicorum laniena: nam incidi ipsa vulnera nouis vulneribus oportuit, vt medentium curis paterent latiùs. Affinis Caiuano Olympius: adiitque quo tempore tractarent, ac mederentur medici vulnera. Inspicere ea voluit: tùm quod periculosius ex ijs, ac lethalius, inter preces cruce signauit, admotoque ore, exosculatus illud est. Neque mora: qui vsque dum motus omninò expers, moueri, ac fessum mutare latus nequiuerat, visus euestigiò se moliri: adèd vt cum discessit Olympius, surgens, lectoque insidens, abeuntis manū ad osculum prensauerit. Nulla deinde insequuta de more febris; nullus dolor: nec post multò conualuit. Quod in re penè deplorata Serui Dei precibus tributum. Et ipsemet Caiuanus, ob signatis tabulis, testatum ex fide voluit ad Dei gloriam.

Eodem hoc anno eiusdem vir nominis, itidem sauciatus, atque impertito itidem osculo, conualuit. Fuit is Ioannes Angelus Carrara, Neapolitanus, Apostolicus, vt aiunt, Commissarius, qui vul-
nus

nus à summa ad intam usque linguam, interciso etiam superiore labro, accepit planè luculentum, quod illicò insanabile primi nominis medici pronunciarunt. Ablato penitus linguæ usu, nihil proficere verborum poterat, ac nisi de scripto, significare quæ vellet, nequibat. Aliquot post diebus dum ingressus illum Olympius, in ipso cubiculi aditu intonat: Domine labia mea aperies: ad quæ conceptissimis planè verbis illicò ægrotus respondit: Et os meum annuntiabit laudem tuam: prosequutus ad finem usque reliquum psalmum, addiditque ter Alleluia, ipsemet Olympio præeunte: qui deinde, facto gradu, cum ori, tum gutturi osculum libavit, recitavitque mox Dei Matris litanias, respondente ad singula Carrara quàm expeditissimè, ceu nihil inesset linguæ impedimenti, ac morbi. Aderant admirabundi non pauci: nec post multò adiere medici, qui, quòd is pergeret psalmum recitare, id imprimis interdixere, ne loqueretur; veriti, ne irritato eo motu vulnere, ac manante largiùs sanguine, festinari fatum contigisset. At Olympius submissa voce: Sinite, inquit, nam voluntas Dei est. Igitur, eò adducta res est, ut intra dies nō amplius tres obducta cicatrix fuerit, reclamante medicinæ arte, quæ eiusmodi plagas, si persanari contingat, polcere ad curationem dies omninò triginta, docet: ac præterea fieri minimè posse, quin læsa deinceps lingua balbutiret; quod Carraræ non accidit, qui rem ingenuè, ac scripto testatus, beneficium Olympij precibus, ac osculo acceptum retulit.

Redeo ad insanabilium conclavia, ubi est, cur aliquantisper immoremur. Denarrandum quippe factum, quo ostendit Olympius, non tam corpora,

Turcā in
Nofoco-
mio ad
frugē con-
vertit,

quā rem animorum curæ ſibi eſſe. Enimuerò vt æterna eſt forma mentis, ac fluxa, quæ illam circumſtunt membra; agnoſcebat in animis, quā in corporibus procurandis longè quæſitiorem ponendam operam eſſe. Itaq; ad hoſpitales eas ædes Turcam quendam, auitæ ſuperſtitioni addiſtiſſimū morbus adduxerat. quem ille conſpicatus, commiſerari nimio quidem opere cœpit, eò vel maximè quòd ſenio, ac valetudine conſectus, vaſa penè colligeret, ac propè abeſſet ab æternis ignibus, niſi maturè illuxiſſet vera menti lux. Eapropter nihil intentatum relinquere, vt illum ad frugem reuocaret. Vbi hortamenta, ac monita minùs procederent, officiis agere, ac munuſculis etiam, vt vehementiùs alligeret: idque ab eo tandem euicit, fore, vt proxima die Veneris reſponſum daret. Interea temporis vacare plus ſolito orationi Frāciſcus: alios etiam rogare, vt rem precibus iuarent; vrgerè itidem vario afflictationum genere corpus; ac dicere conſeſſario ſolitus erat, non aliud ſe laborum ſuorum pretium, quā eius animæ ſalutem cupere. Condiſta verò die nihilo melior, aut mollior Turca, comperendinare; ac reuerà quiduis aliud, quā ſanam mentem, adpromittere. At non ſe deſtituit Frāciſcus: perorare apud Deum prolixius cauſam; ac multū ſibi cū ab aliorum precibus polliceri, tūm quòd in magis Dei Matris ædibus ille ageret. Dicatum nanq; Deiparæ à Populo Xenodochium: eòque ſperabat, fore, vt tutelare loci Numen ſuo patrocinio adeſſet. Et adfuit quidem. Nam breui cū inualeſceret morbus, luſtralem fontem petiit, initiatusque Chriſtianis ſacris, paulò poſt functus vita, eſt, poſitus cœlo. Quod Sanctiſſimo Viro, qui in-

aſſe.

afferendō in Dei libertatem Turca tantū curarū;
ac laboris impenderat, supra quā dici potest, ac-
cidit iucundissimū.

Iam verò satis in hoc theatro Franciscum deti-
nuimus. Herculānum, non longè ab Neapoli op-
pidum excurrimus, vbi hoc ipsum, quo de loquuti
sumus, Insanabiliū Nosocomiū, quod saluber-
rimū eius oræ cœlum inuitaret, explicato latiūs
sinu, alteras suo sumptu ægrorum ædes excitauit:
estque locus Neapolitanæ eius pietatis nobile addi-
tamentū, ac quædam veluti præclari operis appen-
dix. Hic etiam operosa impigri Viri charitas suas
semel partes præclare egit, ac planè rosciē: concita-
uitque sui venerationem insigni quadam rei admi-
rabilitate, quā imus narratum. Dei Seruus ma-
gno quidem in honore Arenę Marchionibus erat,
nempe Francisco Concubletæ Viro, quem supra
memorauimus, ab illustri cum primis domo, & or-
natissimæ coniugi Isabellæ Caracciolæ: qui quod
Leucopetræ, qui Vicus ad tria circiter passuum mil-
lia Neapoli recedit, morarentur, eò statim tempori-
bus expiandis conscientiis euocare nostros homi-
nes soliti erant. Accidit semel, vt iis prolixè postu-
lantibus, vnà cum confessario, qui tū Ioseph Al-
bertinus, vir piissimus, accesserit Olympius, excep-
tus omnium veneratione, ceu quod sanctimonix af-
flaret domui Viri præsentia. Quod verò probè sci-
rent Marchiones, nullum esse loci prospectū, amœ-
nitatemque, quæ ad eò Olympii animum caperet,
vt ægotantium cōclauia, illum ad Herculani, quod
diximus Nosocomiū, propè enim aberat, ducere
statim à prandio decreuere: rati etiam, satis solatii
conflictatis vario morborum genere mortalibus al-

Hercula-
ni xeno-
dochium
petit.

latu-

laturos, si Franciscum eò deducerent. At ne vacuo; sterili quoque adiret sinu pietas, quædam illi dulciaria tribuit Marchionissa, quæ ferret: non pauca ea quidem, sed quæ minùs profectò sufficerent de cùben- tibus omninò septuaginta, quot ibi numerabantur. Ergo ad ægrotos ventum. Nec mora: quæ attulerat Olympius, in partes diuidere nō ampliùs quinquæ, & quadraginta. Tùm sua ipse manu nullo quidem administro distribuere. Nam cùm loci Infirmaryj vltro se se muneri offerrent, abnuitt ille; Vos quippe, inquit, pauperes semper habetis vobiscum. Inter distribuendum ea verba pronuntiabat; Habete Deo, & Dei Parenti, & Diuo Iosepho gratias, & pro ijs orate, qui hisce vos blanditijs impertiunt. Itaque continuata à primo ad vltimum erogatione, adauctis diuinitùs bellarijs, ita partes quinque, & quadraginta, vti nempè diuiserat, distribuit, vt non modò totidem ægrotis, sed omnibus etiam, quot inibi decumberent, nempè septuaginta, suum cuiq; frustulum dederit, superfueruntq; adhuc partes circiter octo: mirantibus effusè, qui aderant: aderant verò Marchiones ipsi, ac pleraque cùm eorum, tùm loci familia, & Albertinus noster, qui probè aduerterant, longè infra ægrotantium numerum diuisa: à Francisco dulciaria. Et Marchio ipse testatus in super summa fide est, vidisse se, ex ijs quibusdam, quòd egentiores viderentur, geminatam ab eo tributam portionem. Nec sanè tot oculos latere admirabilitas potuit: vt nec linguarum ardor, ac pietas contineri, quin manasset latiùs multiplicatæ eius annonæ fama. Celebratum inde magis, ac magis Olympii nomen, ac charitas: sparsiq; in vulgus; quæ in nosocomijs patraret mira, quoties deinde

Nea-

Dulcia-
rios pa-
nes mul-
tiplicat.

Neapoli eò iret, confluebat certatim vis mortalium, vt ea pijsſimi Viri exempla, exceſſumque charitatis cernerent: adeò, vt cùm vererentur maximè noſtri, ne quid turbarum excitaret multitudo, aut eiſmo-deſſiam, animique demiffionem læderet celebritas, cauerint aliquando, ne Xodochium peteret, quoad deferueſceret ille populorum rumor, ac impetus. Atque hæc de aſtuoſa Olympij in proximorū com-moda indole, ac charitate.

*De Olympii in brutas animantes blanditiis,
& commiſeratione.*

Cap. III



VA M modò explicauimus Franciſci charitatem, neſcio, an amplificari opportuniùs, poſſit, quàm ſi eiſdem aduerſùs brutas animantes propenſiorem quãdam indolem in medium producamus. Quod ſi conſilii, ac rationis expert animal, & cui refractarium plerumq; ingenium, officijs, ac quodam ſenſu humanitatis proſequebatur, quo ſtudio hominem, non tam vultu, quàm animo, ac ratione erectum, genere præ-nobilem, cæteris naturæ opibus ornatiffimum, & qui tanti Deo conſtat, adamafſe, dicendus eſt: Igitur, ſiue naturæ facilitas ea fuerit, ſiue quòd quãdam Procreatoris ſui vmbra brutæ circumferant, ac repræſentent, humaniſſimus erga iſtiusmodi animantes Olympius erat. Ad blandiri, fouere, infortunia miſerari: imitatus Franciſcum Aſſinatem,

In brutas
animantes
ſtudioſum,

qui

Præcipuè
in aues

qui eas à peculiari quodam affectu fratres, sororesque compellare solitus erat. Et quidem auiculas, quòd Dei laudes celebrare matutinis, vespertinisque concentibus videntur, nulla non amoris significatione dignas putabat. Earum profectò parens videri poterat: curare alimenta; mensæ analecta ijs seponere: cùm frangi pro communi mensa nuces contigisset, euoluere ipse perdiligenter puta minas, ac reliquias inde colligere, quas auibus apponeret. Quo sanè nihil ad eius fenestram frequentius, quàm eiusmodi volucres, quas munifica Olympij manus alliceret; compensabantque deinde suo cantu, atque alarum plausu annonam. Commutare aliquando cellulam Maiorum iussu oportuit: ac tùm quidem, in altero eo conclaui visæ confestim auiculæ; quas vir modestissimus, ne quis superiore quodam ductu, instinctuque eò conuolasse, existimaret, id impensius curabat, vt persuaderet sibi quisque, quod ipse persuasum habebat: nempe non ea sèdem ipsas esse, prioris cellulæ, sed alias. Eiusmodi in volucres charitatem, ac beneficentiam Felix Cantalicus è Capuccinorum Ordine vir sanctissimus exercuit. Mira siquidem familiaritate, affectuque eas alere consueuerat: ceu suæ fidei, ac prouidentix commendata ea volucrum familia fuisset. Planè si Deus ipse, vt Evangelium testatur, cæli volatilia patet, ac vestitus non est, cur non in sanctis etiam viris id officij, ac munificentix probemus.

Porro qui Deum, aut quædam saltem eius vestigia, ac lineamenta in brutis agnosceret Olympius, nihil illi molestius, quàm ea lædi. Cùm tyrocinium procuraret, monere tyrones suos, vt si quid fortè araneorum telæ, cùm domum, aut templum verrerent, offen-

offendissent; textile quidem amouerent, textori parcerent. Quòd si iterum, ac tertio idem redordiri opus auderet bestiola: tùm quidem munditiæ, nitorique templi cauere, ac dare ipsam contumaciæ poenam, equum esse. Ad hæc, cœmeterium certis horis adire vnà cum nouitijs solitus erat, vt conspectos ibi nostratium manes iuuarent precibus, atque interim erudiret mores supremæ necessitatis memoria. Accidit hic porrò, vt quidam ex ijs adolescentibus apricantem fortè lacertulam, pressam pede exanimauerit. Angi hic magnoperè Dei Seruus: tùm asperè tyronem appellare, grauique reprehensione, ceu palmare piaculū admisisset, mulctare. An nesciret, inquit, præter hanc vitæ vsurā nihil istiusmodi bestiolis reliquum? Hæc summa ijs felicitas, hoc omne bonum. Cur igitur tantum Dei munus, suamque beatitatem inuidisset lacertulæ. Iterum, par illi animi sensus, ac commiseratio ad exteri cuiusdam canis lamenta, qui quòd clauis vespere foribus, in templo remanserat, vapulabat strenuè. Adfuit Olympius, ac perorata eius causa, id impetrauit, vt parcerent. Tùm discrucari intimè, quòd canem malè iam verberibus acceptum, ad templi gradus iacentem sub dio reliquisset. Ergo ad confessarium: tristitiæ sensum aperire, atq; opem cani ex animo poscere. Miratus ille Viri indolem; attamen vt tantam de cane sollicitudinem temperaret, peracri quadam responsione: quid? inquit, an tuo illum lectulo exciperes? Ita, inquit seriò Olympius, hoc ipsum nempè apud animum induxeram meum; ac par fuerit, afflictum adeò, perculsumq; animal pro modo fouere. Planè nihil commendandæ mitissimi Viri charitati opportunius,

Canem
intimè cō
miseratur

Muliones
increpat,
si verbe-
ribus plus
æquo age-
rent.

Calcaribus
in initio
nere ab-
finet.

In agnū
comuisse,
ratio;

quàm eo sensu vilissimum canem milerari, ac suo il-
lum cubili, ac culcitra procuratum velle. Ab eodem
hoc affectu interpellare muliones, & qui vellaturam
facerent, eosque interdum arguere non dubitabat,
cùm cerneret, nimis acriter intentare iumentis suis
baculum, ac verberibus afficere. Meminerint nem-
pè, & ipsa è Dei familia esse, neque doloris sensu ex-
pertia: quid igitur tantùm iracundiæ in ea effunde-
rent? Eius nempè humanitatis alios monebat, quâ
ipse mirè quidem in eiusmodi iumenta impendere
solitus erat. Enimuerò facturus aliquando iter, ne
vel minimùm equum vellicaret, ac læderet, calca-
ria non pedibus, sed cinctu gestabat. Et semel qui-
dem, quòd dicerent, equos meritorios plerumque
malos; ac proinde acri monitore, hoc est, stimulis
egere, si festinare, excitarique eos vellet; paruit tùm
quidem ipse, aptauitque ea pedibus tela: sed in viam
vix ingressus; cùm rediere cinctui calcaria, ostendit-
que, non eius esse indolis charitatem, quæ stimulos
tractet. Hinc illi semel regij cuiusdam Consiliarii
filius magnoperè commendatus, quòd nescio quid
præsents subsidii in egrum quendâ equum impen-
derit: agnoscere illum, atque amplexari ex animo
voluit, ceu quid egregii operis patraasset.

Quem quidem animi sensum prodidit aliàs haud
remissior sanè commiseratio. Fuit illi sub ipsis Pa-
schatis solemnibus agnus dono missus, cuius balatu
intimè discrucari se, aiebat; quòd sibi viderentur,
lamenta ea esse ominantis sibi, ac metuentis impè-
dens fatum. Ergo illi patrocinari, tuerique eius
causam: indignum ratus, damnari capitis mansuo-
tissimum longè animal, & quod ipsam innocentiam
graphicè repræsenteret: idque impetrauit, vt non
sta.

statim neci darent, sed quandiù inter homines Saluator egisset rediuius, hoc est, dies omninò quadraginta agnus ille viueret. Interim deferri ad amicissimi capitis hortum curauit, vt ali inter vberima pascua liberaliter contingeret: nec facile dictu est, quàm ægrè postea tulerit, dari ab eo iugulum: planè vt non sine eius charitatis vulnere contigerit. Illud profectò non dissimulandum, quod delicatioris cuiusdam virtutis videri potuit. Morabatur vir quidam nobilis in suburbana villa; & qui id maximè optabat, vt epulo exciperet Franciscum, summis ab eo precibus petiit, vt adiret. At reuult Dei Seruus, tùm ne quid detrimenti caperet à lautitijs abstinentia; tùm maximè, quòd diceret, fore, vt aliquid domesticarum volucrum per eam occasionem mactassent: quod sibi nisi molestissimum accidere minimè potuisset: neque videri sibi charitati consentaneum, coedi, litarique ventri, ac gulæ innocentes hostias. Et quidem, quòd paulò hic seuerior charitas, quæ comis, atque urbana ex se est; moneri illum oportuit, haud insolens Sanctis Viris conuiujs aliquando excipi, aut excipere. Diuum Martinum Cælaris mensam minimè detrectasse. Diuum Ambrosium Magistratibus cohonestandis procurasse splendide interdum epulas. Præterea hominum vsui cæteras animantes destinatas: iis viuerent, aut morerentur, imperata Dei facere, atque id exequi, quod iis præscriptum. Quo sanè potuit aliquando, licet perrarò virorum procerum mensis accumbere. Ad extremum cum cerneret, fieri minimè posse, quin aliquod aliquando animal, aut casu, aut de dita opera ipse interimeret, illud ad sui solatium excogitauit, vt quando nihil deinde adiuuanti, ac opis

Cur adire
procerum
mensis re-
cuset?

Animaliū
neces com-
pensat.

afferre iis post mortem posset; id officii impenderet Purgatorii Manibus: atque adeò quoties minimum licet, ac vilissimum necari à se animal contigisset, toties aut precibus, aut cœlestium delictorū indulgentiis pias animas iuuabat, compensabatq; brutarum animantium necem miserabilium animarum ope.

Olympij Religio.

Cap. I V.



OST charitatem, quæ princeps virtus, occurrit statim religio, quæ & ipsa principatum quendam obtinet in choro virtutum. Nam licet non attingat proximè, atque intimè Deū; debitum nihilominus diuino Numi.

ni cultum, honoremque docet, ac temperat: quo nihil excellentius: cū id præscribat, quo maximè æternæ mentis sapientiam, diuinique Imperii fasces agnoscimus, ac veneramur. Iam, in Olympio præsigni hac virtute nulla antiquior, quæ rudimenta ipsa vitæ consecrauit. Puerο siquidem illæ potissimum curæ, ac lusus, vt aliàs inuimus, sacras ædículas pro modo excitare, concinnare aras, ecclesiarum ritus, cantusque imitari. Planè nullum certius reliquæ vitæ indicium, ac omen, quàm prima infantiæ indoles: atque adeò à primœua ea Francisci religione, ac sacrorum gustu coniectari facillè potuit maturior deindè, ac quæ sitissimus in eo diuinæ rei cultus. Et verò, Deo mancipatus, ac crescente

A puero
religioni
addictus

scēte mox oeuo addictus supra quā dici potest ,
huic sacrorum studio videri potuit. Vbi de tem-
plorum nitore, de sacri instrumenti munditie, de
altarium magnificentia, de solemniorum pompa,
de ceremoniarum ritu agebatur, nihil eo studiosius,
ac elegantius. Non labori, non vigilijs parcere,
vegeta quadam vi corporis, animique alacritate
incredibili: planè vt cum de celebrando, ornan-
doque Numine ageretur, solidiore quadam mate-
ria, quā coeteri mortales, ac fusili ære compactus
videretur, ab indefessa nimirum curarum conten-
tione, ac supra vires constantia. Ac semel quidem
recurrente natalitia Christi Domini luce, quā psal-
lendo, quā templo concinnando, exornandisque
arijs visus stare, aut huc, illuc excurrere horas om-
niò sexaginta, abacto penitùs ab oculis somno,
ac libato recreandjs tantisper viribus raptim cibo.
Quod quidem euenisse, idè credimus, quia
scimus factum; cum alioqui extrahi sine aliquo
quietis spiramento tandiù laborem posse, ho-
minum imbecillitas neget. Vegetabat nempè
vires singulare in res sacras studium, à quo di-
cere solitus erat, vt aliàs innuimus; Dilexi deco-
rem domus tuæ, & Matris tuæ. Huiusmodi autem
in templorū cultum propensio perspecta illicò Pa-
tribus: & vt quæ præcipua est nostri Instituti laus,
transmissa veluti per manus, atq; hæreditario quo-
dam iure à maioribus, sartam, ac tectam seruaret
Olympii religio; Sacrarij, sacrorumque illi præfetu-
ram demandarunt. Quin vt hoc ipsum subindè stu-
dium instillaret, imprimeretque altiùs tubefcēti
Ordinis sobolis; quo tempore tyrones regeret, simul
Æditui munere fungi voluere: ac tū quidem mi-
rum,

rum, qua illos diligentia in diuinorum tractatione institueret, quàm concinnè, quàm eleganter curari sacram suppellectilem, expoliri templi parietes, ornari aras, vellet. Semel, quòd vidisset quendam ex laicis fratribus accedere propiùs ad altare, ac nescio quid sacri ministerij obire, imperare sibi minimè potuit, quin illum subiratus acriter moneret, quòd diceret, non nisi sacris ordinibus initiatos attrectare aras, ac sacra debere.

Templa
mirificè
veneratur

Templa deinde, quòd diuini Numinis præsentia, ac sanctitas consecraret, insigni reuerentia prosequeretur. Cum ea iniret, componi mirificè ad omnem modestiam, animique demissionem, atque horrore quodam testari mentis habitum, ac venerationem videbatur. Mane cum cellulae fenestras aperiret, id illi primum, suam Ecclesiam, ac si quam inde aliam prospectaret, consalutare; iisque pietatis veluti primitias dedicare. Hyemabat aliquando coelū, ningeatq; cum illum abluere sacro Fonte viri cuiusdā principis infantem oportuit: ac præter aeris intemperiem, ac senium, incommoda, etiam tūm quidem utebatur valetudine: attamen exorari minimè passus est, vt Ecclesiam sella gestatoria ingrederetur; maluitque lædi niue, ac cæli inclementia, quàm non eam exhibere reuerentiam, quæ Dei domum, eiusque maiestatem deceret. Ad hæc, communicare semel cum quodam è nostratibus, quo tūm afficiebatur, corporis incommodum debuit; & quod foedum esset morbi genus, egredi ab Ecclesia priùs voluit; veritus, ne sanctimoniam, honoremq; templi ea ægritudinis cōmemoratio contaminasset. Quem quidem animi cultum & iis etiam locis impendebat, vbi sacra aliqua ædes, aut quid

quid sancti olim fuisset. Celebre Neapoli est Diui Potiti Gynæcæum à Sacrarum Virginum cùm disciplina, tùm luce generis. Transferri hoc in amoeniorem situm contigit, ædumque in planitiem priuscum templum. Per hanc igitur aream nunquam Olympius transibat, quin aperto capite veneraretur. Exstitisse, videlicet, ibi Ecclesiam, abundè erat Viro religiosissimo, vt locum, situm, ac vacuum ipsum aerem intimè coleret. Id quod in Sanctorum Apostolorum domo accidit; vbi visus ille sapius exosculari parietem, in quo nihil sacri, ac sancti, ac nulla religionis species tùm appareret. Dum inquirunt, compertum, annis superioribus altare id loci fuisse, atque in eo Christi Domini è Cruce pendentis effigiem: putabatque vir Dei, aliquid inde sanctimonix relictum parieti, quæ ipse vestigia osculo, affectuque recognosceret. Cuiusmodi cultum, cuidam è Neapolitanis nobiliù Sedilibus aliquando tribuit. Dum enim illac pertransit, aperto item capite honorem loco habuit: ac deberi, inquit, id religionis, quòd hesternæ die populorum inibi pietati prostrasset viuudus inclyti Martyris Ianuarij sanguis, ac caput; veluti perduraret adhuc aliquid pridianæ lucis, atque ab insignium reliquiarum præsentia sanctitas.

Et vacuâ
templorū
arce.

E sacris autem imaginibus, domi essent, an foris, piaculum profectò illi fuisset, insalutatam aliquam præterire. Diximus aliàs, quodam in itinere obuias quasque Cœlitum effigies non vt cumque venerari, sed descendere equo solitum, vt de genu adoraret: quoad monitus, impedimento, ac moræ id esse non mediocri reliquo cætui, abstinuit. Per urbem verò

Diuorum
imagines
veneratio
ne profequitur,

aff.

affecta valetudo vti curru coegissent, admirationi
 profectò erat, vt insignem quandam modestiam,
 cum insigni religione coniungeret. Defixis nanque
 humi oculis, ac meditabundus licet incederet, con-
 salutare nihilominùs, quicquid sacrarum imaginum
 eundo offenderet: vt ne minimæ quidem icuncu-
 læ, pro parietibus, in angulis, in porticibus depictæ,
 pijsimi Viri obtutum, venerationemque effugerent.
 Exterorum domos cùm adiret, fuerint illi primæ
 notæ viri, non antea quempiam salutabat, quàm
 singulas Diuorum effigies, quas in conclaui cerne-
 ret, pietatis cultu percurrisset. Iis deueneratis, ni-
 hil eo deindè officiosius. Illud semel accidit memo-
 ratu dignum. Mulieres quasdam conuenerat, ea-
 rumq; domicilium dum circumspēctat, nusquam
 sacra aliqua occurrit imago, quam veneraretur.
 Monere acriter Olympius, quòd Cælitum tutela va-
 caret domus: scirent tueri Diuos, ceu sua, suæq; fidei,
 ac clientelæ cōmendata ea loca, in quibus ipsorum
 extraret icon: neque explicari facillè posse, quantùm
 ad domorum præsidium, ac munimentum eorum
 vel ipsa lineamenta, ac vmbra valeant. Igitur ne-
 tantum hic præsidii desit, arcam illam (signauit ipse
 arcam) inspicite, & quæ se se vobis offeret Diui An-
 tonini imago, pendeat hic ad loci tutelam, vestra-
 que pietatis incitamentum. Inspiciunt, reperiunt:
 stupore planè defixæ, quod vidisse vnquam, aut re-
 posuisse in ea arca eiusmodi effigiem, omninò nega-
 rent. Domi verò, vbi is agebat, quas offenderet
 eundo, redeundo sacras imagines, venerari certis
 precibus ad vnā omnes, ac figere iis oscula. Quo
 manus non pertingeret, ludariolum in altum iacere
 solitus erat, vt tangeret: tùm illud exosculabatur,
 inter-

Occultā
 D. Anto-
 nini ima-
 gine in pa-
 tescit,

interdum non sine lachrymis. Expolire item illas, ac puluerem excutere, ac quasdam etiam solennioribus anni feriis flosculis exornare: planè ut nulli erga illas obsequio deesse videretur.

Reliqua deinde sacra, Diuorum nempe lipsana, Cruces, diuina biblicorum volumina, sacrarum precum codices; quicquid demum sancti aliquid representaret, qua religione tangeret, ac prosequeretur, haud facilè quis explicauerit. Lustrali aquæ addictissimus: propinare infirmis in spem instaurandæ incolumitatis, solitus erat. Si quid pij munusculi donaret, ea priùs respergere. Canoniarum horarum librum nō nisi digniore cellulæ loco, ac plerumque supra lecti puluinar reponere. Si quid tangendum sacri esset, manus abluere: vbi tetigisset, iterum abluere; ne sacra perindè, ac profana attrectaret. In natalitijs Christi feriis excitandæ mortalium pietati strui in Sanctorum Apostolorum templo, imitarique Domini præsepe, mos erat. Diffingi verò cūm contingeret, cunarum paleas, quòd nescio quid inde religionis contraxissent, ne alicui iniuriæ exponerentur, comburiturabat. Par studium adhibere, ut quæ purgamenta, cūm post Dominicum palmarum diem Ecclesiam conuerterent, colligerentur, in cœmeterium deferrent: quòd diceret, fieri vix posse, quin aliquæ è sacratis oleæ frondibus immixtæ ijs essent, quarum religioni cauere, oporteret. Ad hæc, non modò ad Sanctissimum Iesu; ac Mariæ nomen, verùm etiam cūm nominari missam Eucharistiam, sacrificium, Ecclesiam, sacrariū, ac sacram ipsam turrim cōtigisset, caput aperiebat. Eadem religione informabat tyrones suos. Ex ijs quendam legentem non ea, qua deceret, reueren-

Sacra, ac
sancta,
mirè co-
lit.

tia pium libellum semel reperit. Excandescere vir, cœtero qui mitissimus, atque acerbè in illum inuehi, ceu grauioris noxæ reum. Nempe vt olim Carolus Borromæus, aut de genu, aut aperto capite, legi à suis sacros libros peruellet. Dies festos insigni animi cultu celebrabat; vacabatque rebus duntaxat sacris, ac Deo, vt ne præcidere quidem vngues in ijs auderet, ne vel leuissimo eo opere aliquid de solenni luce, eiusque Sanctitate decerperet.

Ecclesiæ
di-
gnitatis
gradus ve-
neratur.

Quos verò Ecclesiastici muneris dignitas, aut votorum professio consecraret, eos peculiari quadam reuerentia, ac cultu dignos, habitu ipso corporis, gestuque testabatur. Romanum in primis Pontificem, Dei nempe in terris Vicarium, ac Summum Sacrorum Principem si appellari se coram contigisset, demisso adeò vultu, ac fronte nomen venerabatur, vt intelligeres, quem supremæ ipsi potestati, ac summo Patri honorem haberet. Per Archiepiscopi Neapolitani, atque Apostolici Nuntii ædes quoties transiret, aperire venerabundus caput consueuerat. Præcipuos Maximi Pontificis administratos eos esse affirmabat: ac videri proinde sibi, à dignitate, à munere vel ipsis domorum parietibus quandam afflari maiestatem, quæ venerationem conciliaret. Ipsos verò Ecclesiarum Antistites vbi offendisset, niti statim genibus solitus erat; tùm rogare etiam, atque etiam, vt bene sibi precarentur, ac sinerent pronubum anulum exosculari: quòd si minimè in promptu esset, anularem saltem digitum, iis insignibus destinatum, libare osculo curabat. Confessarium nunquam non nudo capite alloqui. Cæteri religiosi homines, quòd peculiari quodam nomine è Dei familia, ac censu, summo apud ipsum in-

ho.

honore erant. Militares autem Equitēs nescio, quo maiore honestate cultu videbatur ob conspicuam, quam gestant pectore crucis tesseram, quam nunquam non osculo cōsalutabat. Neque hic dissimulandum, quod Ioannes Baptista Caracciolus, Sancti Boni Principis germanus frater, Hierosolymitani Ordinis, ut vocant, Prior, vir sanè præter natalium lucem, à multis animi partibus spectatus, Ludouico nostro Antinoro narrauit. Aegrotabat Princeps eius mater, quæ utpote Olympii perstudiosa, accorsum illi ad sui solatium iussit. Adiit Dei Seruus, ac domum ineunti obiecit se se obuiam Caracciolus, adolescens tūm quidem, Melitenſi habitu, ac tessera insignitus: quem ille ut vidit, prouolutus in genua, venerari niueam eius crucem primū voluit: mox illam osculari: ex quo Crucis osculo, facto excessu mentis, à sensibus recessit, hæsitque immotus: attonito vehementer prænobili adolescente, qui hæc intueri absque ingenti admiratione non potuit. Qua de re iterum, ac tertio ab Antinoro interrogatus ipse Caracciolus Prior, & an reuerà extasim eam fuisse existimaret, iterum, ac sæpius, ac planè seriò ita esse, affirmavit: addiditque per familiam, rem suæ domui Franciscum Olympium fuisse, eique pleraque impetrasse suis precibus beneficia: ac fore, ut Mater, si viueret, retulisset non sanè pauca, memoratu digna. Cæterum qua religione oraret, psalleret, sacra faceret, diuinis rebus interesset, suum quæque habuere locum.

Militarium
Ordinum
crucis o-
sculo salu-
tabat.

Olympii in diuinam Eucharistiam religio :

Cap. V,



Pæcipua quidem in Francisco fuit erga augustissimum Eucharistiæ Sacramentum religio. Nihil æquè pro-uocare mortalium amores, studia, cultum, existimabat, ac diuina eam mysteria, quæ cœli medullam, æternæ charitatis delicias, alimenta vitæ, ac Deum ipsum tenui sub velo continent. Incredibili proinde pietate, affectuque in tantum amoris pignus ferri videbatur; idque in primis monstrabat mentis ille ardor, atque intima animi deuotio, qua facere ad aram solitus erat. Inardescere, colliquefieri, diffluere deliciis, ceu supernis iam mensis accumberet, atq; æterno se se nectare prolueret. Sed memorata hæc nobis in loco, cùm de Olympio primū sacrificante loquuti sumus. Alia hic modò suppetunt eiusdem argumenti, quæ literis consignentur. Planè quando Eucharistici Christi Corporis id proprium est, vt in ipsum pectus descendat, atque interna ipsa mortalium viscera imbuat, ac beet; haud deindè mirum si eius desiderium, amor, pietas intimis etiam medullis hæreat: vt in Olympio accidit, cuius animo nihil impressum, aut inustum alitius videri potuit, quàm diuinum hoc epulum, eiusque dignitas, pretium, suauitas. Summo mane eam illi princeps cura, exerere è fenestra caput, ac Sacram Eucharistiam in Ecclesia, quæ non adeò remotior, quàm

In sacram
Eucharistiā
studium.

quàm religiosissimè venerari. Interdum nocte ipsa intempesta lecto surgere, fenestras aperire, diuinissimam item Hostiam salutare: tùm Ecclesiæ specularia attentè contemplari, num repercuteret ibi lumen. Nam si extinctum ad Eucharistiam lychnum vel minimùm suspicaretur, accurrere nulla mora, vt concinnaret, aut accenderet. Matutinum deindè tempus affixus choro, hoc est, coram diuinissimo altaris Sacramento transigebat. Hic eius spiritus deliciæ, hic liquidissima animi voluptas, hic diuina suauitè commentari, hic recitare attentius preces. Abibat deindè latitiis omnibus perfusus: ac tùm quidem lentè admodum, atque iteratis per id chori spatium salutationibus, flexitque non semel genibus discedebat; veluti immorari diutius vellet: ostendebatque ægrè à suis amoribus auelli.

Si quos erga id præcipui Sacramenti magnoperè affectos inaudiuisset, gestire, latari, dilaudare. Semel efferre summis laudibus Paulum Philamarinū ex nostris, Episcopum postea Caiacensem coepit. Commendatio in eo tota fuit, quòd is, quo tempore Sanctorum Apostolorum domum administrauerat, lychnos, qui ad aram principem arderent, adauerit. Planè cum pleraque, ac præclara inessent Philamarino præsidia virtutum, dissimulauit ea Olympius, atque vnam religionem, qua sacram Eucharistiam coluisset, elogio cohonestauit: putauitque abundè virum commendasse. Iterum incredibili affici lætitia visus est, cùm narrari de sanctissimo Antistite egregiam in tantum mysterium religionem inaudiuisset. Fuit is Ioannes Ribera, Archiepiscopus Valentinus, & Patriarcha Antiochenus, Vir ab illustri quidem domo, sed ab om-

Pauli Phil
lamarinū in
Eucharistiā
pietas.

Et Ribera
Patriarche

nige,

nigena virtute illustrior, atque eiusmodi in primis pietate nobilissimus. Nunquam illum ad venerabilis Sacramenti nomenclationem caput non aperuisse: de eo quàm frequentissimè, exhausta nunquam facundia, ad concionem dicere solitum fuisse: destinatam illi ædiculam, ac aram magnificè instruxisse: nouam illam excogitasse salutationem: Laudetur Sanctissimum Sacramentum: magna hæc quidem videri poterunt: illud profecto maius. Enim uerò abraso Gentilitio stemmate, iis uti insignibus voluit: nempe Calice cum Hostia, apposis geminis hinc inde aris cum igne: addita epigraphæ: Tibi post hæc quid faciam, fili mi? Hæc de præstantissimo Patriarcha cum narrarentur, gratulabundus, oculisq; præ gaudio natantibus excipere Olympius; pietatem dilaudare, atque id maximè cupere, ut in celebrando Eucharistico Numine certarent cum eo reliqui Antistites.

Iam quòd ab externo apparatu, ac pompa excitari mirificè interiorem animi religionem intelligeret, nihil illi iucundius, quàm aram maximam, aut ubi Christi Domini Corpus asseruaretur, à syrmate, à suppellectili, à floribus magnificè nitere. In Diuorum solenniis multam accendi ad eorum effigies facem; conuestiri splendidè parietes, vernare floribus altaria, atque auro, argentoque explendescere, nimium; quantum probaret; gaudebatque sanctis Viris, eorumque virtutibus suam contingere venerationem, ac plausum. At enim nescio quid illum religiosæ inuidiæ in tanto rerum splendore, ac cultu admordebat. Scilicet, aram Domini principem luminum numero, suppellectilis pretio, ac cetero cultu ornari sumptuosius voluisset; ut quod est digni-

Ornari sacra-
mentum Eu-
charistiam
cupit.

gnitate, ac diuinitate cœteris maximè, nempe diuinissimum Christi Corpus; etiam honore, atque externa maiestate anteiret. Huic autem diuinæ rei cultui illud ipse de suo addebat, quod exiguum quidem videri poterat: at nihil humile, quod ab insigni quadam religione existeret, ac Deo dicaretur. Acetariolum interdum ita adhibebat ad cœnam, vt oleo parceret, dedita nempe opera, vt in sacræ Eucharistiæ honorem cederet liquor, atque alimenta, sufficeret eius lampadi, cui ipse tacitè dedicabat. Quicquid præterea ad incomparabile hoc Sacramentum pertineret, quàm maximi faciebat. Nullas, aiebat, pretiosiores esse, sanctioresque reliquias, quàm laciniam illam, quam Corporale appellamus: vtpote quod ipsamet Eucharistia attactu consecrat, ac sui diuinitate afflat. Flores, qui eius aram amoenassent, ornassentque, colligebat ipse incredibili studio, quos deindè, veluti ab altaris areola decerptos; eòque veneratione dignos, ac maximè salutare, viris, matronisque distribuere. Id admodum ægrè ferre videbatur: hostiarum nempe fragmenta in terram aliquando decidere, ac pedibus proculcari. Si quæ ipse inspexisset, confestim colligere; & aut ipsemet mandere, aut decenti loco deponere solitus erat: indignum nempe ratus, eò similem sacræ Hostiæ materiam, istiusmodi exponi iniuriæ. Qua etiam de causa obsignari albis hostijs epistolas magnopere improbabat: neque enim profano vsui adhibendum, existimabat, quod externa ipsa specie Sacramentorum maximum repræsentaret. Sicuti profanos viros conficere, præcidere, concinnare easdem pro altaris Sacrificio Hostias, tantæ rei sanctitati dissentaneum omnino putabat: ac semel quidem vni

Hostias tractari religiosè curat

ex nostris Visitatoribus, Romam propè diem discessuro, id etiam, atque etiam commendauit, curaret nempè, vt qui sacræ Rituum Congregationi Romę præfunt, prauæ huic consuetudini cauerent; ac seuerè statuerēt, vt id laboris, ac operæ non nisi Clericorum manus obirent: ne quod futurum mox erat Diuinitatis conceptaculum, piarumq; animarum, delictum, profana tractaret manus.

ChristiCor
p ris Iesu
quam reli-
giosè exci-
peret,

Anniuersariam verò Eucharistici huiusce mysteriorum lucem quo sensu pietatis, atque ardore mentis exciperet, ac celebraret, incredibile dictum est. Nihil esse in corona anni pretiosius festis hac die, ac cōsequētibus mox feriis, aiebat, quas ipse Dñs sui præsētia, ac maiestate implebat. Vacare proinde plus solito interiori homini: isque tū illi erat oris habitus, ea vultu hilaritas, vt facillè quis coniec̃taret, vberiores cœli delicias, atque afflatum propiore Numine, animum. Quod est in more positum, vt in Dominicæ Resurrectionis die, atque Infantis Dei natalibus fausta inuicem ad quādam urbanitatem omitemur; id ipse hac etiam luce fieri, consentaneum putabat. Nunquā, videlicet, faustitatem, sospitatem ominarique piam opportuniùs posse; quando nulla dies lætior, eo potissimū nomine, quod quicquid Christi Domini in Cælum ascensus abstulerat, augustissimum hoc Sacramentum restituat: vt eripuerit quidem Saluatorem nubes lucida, restituat nubes candida, hoc est, species Eucharistiæ. In hac etiam sanctioris diei celebritate, cū solenem obiri supplicationem, mos est; nihil illi tristius, quàm tractas interdum vires ita sibi oblectari, vt conuenire, atque obire cum cætero Patrum agmine Ecclesiæ nequiret. Attamen ne tota ea careret voluptate,

tatē, linteō indutus amiculo, ac faciem manu tē-
nens, innixusque baculo ad chori latus, qua patet
ad aram maximam aditus, perstare solitus erat. Sic
eo, quo poterat modo, sacram & ipse Eucharistiam
deducebat, ac flexo ad quendam moerorem, ac
pieratem vultu intimē se dolere, significabat, quōd
detineret inuitum imbecillitas. Id quod & in ma-
ioris hebdomadæ supplicationibus, die nempē Lo-
uis, ac Veneris non rarō accidit.

Ardens hoc porrō in Eucharistiam studium nun-
quam flagrantiore animi affectu commonstrabat,
quā cū lecto decumberet. Diferuciari, angī
supra modum, quōd litare, ac suis contrectare ma-
nibus diuinum Corpus nequiret; idque ingens illi
tūm solatium, prensare, atque osculari Sacerdotum
manus, quæ Agnum Eucharisticum immolassent.
Libasse osculo operatam sacris dexteram, libamen-
tum quoddam sacræ hostiæ reputabat; eoque re-
creari intimē sentiebat. At non hæc satis Viro fla-
grantissimo. Dignari singulis diebus diuino eo epu-
lo postulabat; dabantque eximiæ eius pietati quo-
tidianum hunc cælestium deliciarum vsum. Lin-
teatus, stolatus, imposita etiam pectori cruce, sacra-
mentum Communionis obibat. Surgere, ac pone-
re humi gēua testandæ humilitati voluisset; sed
quando non id languor, ac virium imbecillitas per-
mitteret, detegi pedes iubebat; vt reuerentiam, ani-
mique demissionem nuda ipla vestigia demonstra-
rent. Affectus deindē, gaudia, alloquutiones, &
quæ vultu arderet, charitatis flammā, dum vitæ ci-
bum sumeret, nullus profectō explicauerit. Accu-
sare præsertim peculiari quadam cōfessionis formu-
la antea factam vitam, excitare, atque euentilare su-

Aegrotus
quoridie
Christi Cor-
pori cōmu-
nicat.

Quo sensu
pietatis.

(pirijs amoris ignem, instaurare religionis vota. Re-
fectus deindè supersubstantiali eo pane, imam py-
xidis partem exosculari, antequam abiret Sacerdos;
quem, apprehenso etiam pendente ex humeris velo,
detinere conabatur: nempè vt ostenderet, quam
acerbè ferret, abire amantissimum Numen.
Cùm verò rediret è Sacrario is idem Sacerdos, nihil
vehementiùs optare, quàm ad gratiarum actionem,
eius exosculari pedes. Quod cùm ille abnueret, id
infimis precibus petebat, vt soleam permitteret, quã
libatis identidem osculis, pectori, ceu rem sibi iucũ.
dissimam, atque optatissimam adprimebat.

Vel in su-
premo spi-
ritu in Eu-
charistiam,
pietas.

Hic Viro sancto in diuinorum mysteriorum vsu
mentis ardor, ac studium, cùm ægrotaret: qui vel
in vltima ipsa vitæ linea qua veneratione dignum
esset Eucharisticũ hoc gloriæ pignus, præclaro etiã
documento monuit. Agebat iam supremam ani-
mam: exigua, ac nulla penè lux oculis, nullusque
iam linguę vsus. Aderant, qui laborantem iuua-
rent, effusi in preces Patres; cùm visus, ijs, qui ad
cellulæ fenestræ erant, nescio quid innuere: & quòd
conanti non suppeterent verba, nullus mentem as-
sequebatur: putabant, id postulare, ne fenestræ lu-
men eriperent: sed ijs tantisper a motis, cùm adhuc
aliquid peteret, coniectari facillè fuit, vti mox com-
pertum, monere, ne auersi parieti illi essent, qui
videbatur Ecclesiæ, atque aræ eius maximæ respon-
dere: Planè destituere moribundum potuere sen-
sus, vires, vox, non pietas, atque in sacra, sacramq;
Eucharistiam religio, cui vel supremo etiam spiri-
tu cauit.

*Olympii in Christi Domini cruciatus Religio,
& pietas.*

Cap. VI:



VI vberimas haurire è fontibus Saluatoris delicias consueuerat Franciscus, miro quodam studio in diuina ea cruciamenta, ac suscepta pro mortalium salute supplicia ferebatur. Nichil frequentius sermonibus vsurpare, commentari, legere, ob oculos ponere. De incomparabili Christi charitate, qua tot penarum genera exhaustit, siue haberet ipse sermones, siue loquentes alios audiret, emicabat statim vultu index animi pietas: vt excitatam intimè commiserationem, quibusdam veluti lineamentis expressam ore cerne- res. Sequebantur mox lachrymæ. Facile namq: à tanti amoris igne colliquefieri cereum eius pectus videbatur. Id quod in publicis etiam locis, vtque aliàs memoratum est, in ipsa præsertim cœnatione accidit, si quid aliquando de cruenta Dei nece eiusque cruciatibus legi super mensam inaudiuisset. Sextas per annum ferias, tàm luctuosæ recordationi sacras, peculiari quadam religione excipiebatur: certis consalutare precibus vulnera: peracerba penarum instrumenta singillatim deuonerari: immorari contemplatione in ferali ea scena prolixius cõsueuerat. Quæ nostris ea die præcipitur abstinentia, ar- dèssimum illi ieiunium erat: idque insuper in more positum habebat, vt quicquid tùm sumeret cibi,

Faciles ad
Christi cru-
ciatus la-
chrymæ

Sacros Pas-
sioni dies
quo cultu
exciperet.

Christi Domini lateri, aut eius felli intingeret; concipiebatque ab ea pietate nescio quid succi melioris ferculum. Sanctiore verò hebdomada, quòd eam tum potissimum cruenta mysteria celebrentur, morientis Dei ærumnas à vehementi quadam mentis attentione præsentibus habere, ac cernere; turgentibus semper à fletu oculis, videbatur: tum corporis afflictationes congeminare, seueriore manu flagellis agere, noua quædam compatiendo Numini excogitare. Id illi duntaxat ea luce permolestum, quòd ab altaris Sacrificio, ac Christi Corpore abstinere: eaque aliquando animi defectione, sensuque tristitiæ corripì visus est, vt Andreas Piscara Castaldus, Præpositus, vir consultissimus, necessarium duxerit, illum præter communem morem diuino tum epulo reficere: nempè quæ ijs maximè diebus inardescibat Viri charitas, complecti sponsum sanguinum vique ad animi deliquium cupiebat. Noctem verò, quæ sextam eam feriam præter, ad Christi Domini sepulchrum genibus nixus inter preces, ac gemitus ea cõtentione excubare, vt nihil prorsus somni oculis, nihil quietis membris indulgeret.

An autem hæc diuinarum pænarum monumeta ob oculos semper haberet, coniectari inde facile poterat, quòd earum memoriam singulis quibusq; actibus inferere quodammodò conaretur: adeò vt vel comedendo, imbueret, condiretq; Christi felle panem, quod modò inuimus. Et Placidus quidem Pallauicino, quem memorauimus aliàs, id aliquando documentum impertijt, vt quoties, dum Ecclesiæ iniret, ad lustralem aquam accederet, persuaderet sibi ad Christi latus accessisse; eoque à vulnere pro aqua sanguinem sumere, quo frontem in-

spere.

spergeret. Ad hæc, quædam illi interdum molesta,
 atque iniucunda accidere videbantur: ac tùm qui-
 dem si acerbissima Redemptoris tormēta, crucem,
 necem obieciſſes; emolliri ſtatim omnia, ac miteſce-
 re: planè vt ab ea duntaxat cruciatuum cōmemo-
 ratione nihil non aſperum per quàm auidè vorafſet.
 Diximus aliàs, quàm graue illi à ſecreto mentis, ac
 cellulæ conclauī ad externas curas ſpargi, ac viro-
 rum procerum domos adire: quod cō vel maximè
 moleſtum, quòd à ſenio curru vehi oporteret. Igi-
 tur ſocius, vt triftitiam mulceret, cūm adueniret
 currus, ijs illum verbis monere ſolitus erat: Adeſt
 Crux, Pater. Ad quam ille vocem, abſterſo confe-
 ſſim moerore, liberali fronte, ac gratanter ibat; velu-
 ti perſuდიſſet lætitijs omnibus animum ipſa dunta-
 xat crucis appellatio. Quam quidem animi alacritate
 aliàs etiam ad quandam diuinorum crucia-
 tuum imaginem egregiè commendauit. A medicis
 potionibus perindè abhorrebat Franciſcus, vt ipſe
 earum aſpectus moueret ſtomacho faſtidium. Co-
 nabatur quidem ſtrenuè, ſed natura obluctante, co-
 natus frangebat delicatior ipſa ſtomachi indoles, ac
 languor. Ergo vrgente aliquando vi morbi, propi-
 nari pharmacum oportuit; allatumque argenteo
 quodam vaſe, cui calicis quædam forma inerat. Ex-
 citari illicò vehementior luſta, atque auerſari me-
 dicinam viſus: Sed recurrente ab ea mox calicis
 figura ad Chriſti Domini calicem, ac cruciatus me-
 moria, erectusque vigore quodam animi, mirum,
 quo cœperit pro Chriſto patiendi deſiderio inarde-
 ſcere. Alloqui primū poculum verborum copia,
 aſſectuque incredibili: deprædicare eximiam Salua-
 toris charitatem, ac patientiam, qui tantum inde

Ardua Chriſti
 ſi paſſione
 téperabat,

tōrmentorū hauſerat : monere ſe, vt ad egregium
 Dōmini exemplum auderet : increpare, quod ſub
 generoſo, ſpinoloque capite delicatulus videri poſ-
 ſet : ad extremum, vt cum Chriſto combiberet, ca-
 licem illum complexus, vitus profeſſō naturam,
 cuiusque imbecillitatem, atque horrorem mirè vicif-
 ſe. Non vno ſiquidem hauſtu, vti mos eſt ægrotis ;
 vt citiùs ab ea ſe moleſtia expediāt : verūm vt affice-
 ret, oblectaretq; prolixiùs ſuauietas ; ſēſim, traſtimq;
 ſorbere : tūm exſiccate diligenter, ne quid probio-
 riſguſtus remaneret in fundo : planè vt non auidiùs
 bibaciſſimus quiſque phaleri crateres exhauriat.
 Valuit nempè apud Olympium effigies illa Calicis,
 ac Dominicæ paſſionis memoria, cuius æmulandæ
 ardor animos illi, viresque addidit.

Olimpij
 Patientia,

Sed familiare hoc illi in rebus aduerſis ſolacium,
 neque aliundè cæteram vitæ tolerantiam imitari,
 atque exprimere videbatur. Vir fuit Franciſcus lon-
 gè patientiſſimus. Conſiſtari identidem morbis,
 quod in loco memini, iſſque acerbiffimis, ſolitus
 erat : criſipelate, videlicet, podagra, chiragra, dolo-
 re laterum. Quæ quidem non ea erant, quæ vultum
 illi mutarent. In medijs iſſis cruciatibus nihil eo
 tranquillius : planè vt abrogare doloribus fidem ſe-
 rena frons, ac quadam etiam amoenitate vernans
 videretur. Interdum quidem doloris interiectiones
 leni voce proferre : ſed monebat, qui aderant, haud
 conqueri tūm ſe, ſed diuinam opem ea voce implo-
 rare. Diuexabatur ſemel vel cūm maximè ſenſu do-
 loris peracuto : qui aderat eius miniſterio ſacerdos,
 quod ſciret pleraque iplum impetrare ſolitū ſolenni
 ea ad Diuam Virginem precatione, cui initium :
 Salue Regina ; monere illum, vt recitaret, leniret-
 que

que vim cruciatuum eâ imploratione. Sed reuult:
atque aliàs, inquit, opportunum Marianum patro-
cinium fore: interim ferendum sibi id doloris esse
ad Saluatoris Christi imitamentum. Cum interro-
garent, vt valeret? Familiaris hæc illi responsio,
Dei mater, ac D. Ioseph, alijque Cœlites beneficium
hoc mihi impetrarunt, vt aliquid pro Christo pati
merear. Incommoda à valetudinarijs, eorumque
obliuione, aut incuria festiuè, ceu blanditiæ quæ-
dam forent, accipere. Semel sub ipsum febris ini-
tium operiti largè vestibus oportuit: sed æstu mox
inualescente, cum alleuari ipsemet operimentis fa-
cilè posset, absente tum quidem infirmario, retine-
re impositam eam sarcinam maluit, illam sibi pa-
tiendi occasionem gratulatus. Præter ægritudinum
molestias nō defuere & aliæ exercendo viro ærum-
næ. Fratrum funera, illata nepoti mors, suprema
suz domus calamitas visa non mediocriter eius cō-
stantiam pulsare. Ad hæc, cum scrupuli animum
discruciant, confessarij asperè interdum appella-
bant, increpabantque, veluti suum ipse foueret ma-
lum, ac vulnera retractaret. Domus etiam mode-
ratores, quamuis vera, solidaque niti virtute Olym-
pium scirent; attritu nihilominus, hoc est, asperita-
te quadam verborum probare illum ad Lydium ve-
luti lapidem voluere. In his, alijsque patientiam
exhibebat, planè incomparabilem, quam non alibi,
quàm in Crucifixi Redemptoris Schola ediscebat.
Eius namque ærumnas, supplicia, crucem animo as-
siduus, ac continenti contemplatione agitabat; ac
facile proinde erat, ad eius sese tolerantia ideam
conformare: planè vt cum ceteram virtutem, tūm
excellentem in primis patientiam à tanto exemplari
sibi descripserit.

Olym

Olympii in Diuam Virginem religio.

Cap. VII.



CÆVA Francisco fuit hæc in magna Dei Parentem pietas. Nam, ut in loco memoratum est, die Marianis niuibz sacra natus, hausit eam primùm lucem, quàm Deiparæ celebritas consecrabat, Quo quidem

ipse interpretebatur, præcipuo quodam studio colendam sibi Cæli Reginam; maturauitque vel ab ipso vitæ crepusculo in illam obsequium; ut videri planè posset, non antea coepisse viuere, quàm Tutelarem suam colere. Meminimus eius penè ab infantia preces, abstinentiam, ac sacræ ædiculæ, quam à Carmelo nuncupant, cultum: cuius deindè Carmelitæ Virginis, atque Ecclesiæ studium, postea, quàm Religioni nomen dedit, retinuit: ut adiret interdum illam, atque ad aram faceret; curabatque sacro instrumento, suppellectili, sacrificiorum numero, ac donarijs adaugeri. Qua eius obseruantia excitata mirificè in Carmelitam eam Virginem deuotio, atque eo potissimùm nomine celebrari cepta, quòd Francisco Olympio cordi esset. Cuius etiam gratia erogatæ liberaliùs eleemosynæ: adeò ut paucos intra annos antequam è viuis excederet bonus Senex, elargita identidem fuerint circiter octo aureorum nummum millia, quibus instauratum, laxatumque templum est, ut religioni, pietatique fidelium par esset.

Marianæ
dis cultus
reductus
ab Olympio,

Crescit hæc porrò in eo pietas supra quàm dici potest: atq; inter cætera virtutum studia hæc illi princeps cura, Deiparam colere, communem nempe aram, ac beneficiorum scatebram. Præcipua eius solia incredibili animi cultu excipiebat: ac quoad per ætatem, ac valetudinem licuit, eorum peruiigia singulari abstinencia celebrabat, pane, ac frigida contentus. Marianum Rosarium ita assidua terebat manu, ut semper aliquid piarum rosarum inde decerperet, ac quàm piissimè recitaret. Horarias deinde Virginis preces quotidie pecurrere. Accidit aliquando, ut eas à morbi molestia recitare dies quinque nequiuert; quod illi morbo ipso, ac peracutis doloribus longè acerbius. At enim ubi conualuit, sarcire confestim damnum visus; atq; vno, eodemq; die illas quinq; eximia quadam pietate recitauit; nempe qui diù esuriit, facta deinde cibi copia, ac fame acriùs vellicante, nescis, largiùs comedit, an auidiùs. Cùm sancitum à nostris est, ut post vespertinam rerum diuinarum meditationem, implorando Dei Matris patrocinio, Litanie vnà simul ad eius aram canerentur; eo quidem sensu gratulari Olympius visus est, ut exundaret vultu lætitia: ac iucundissimum planè erat, dum deinde recitarentur, illū, eiusque corporis habitum, atque externam religionem intueri. Nam prout affici ad eas Diuæ Virgii appellationes, atque elogio sentiebat, nunc caput profundè demittere, nunc humi prosterni, nunc cælum flagrantissimo quodam affectu suspicere videbatur: & quòd frequens admodum erat ea præsertim corporis abiectio, atque inde inflammari plus nimio vultum contingeret, iussus abstinere. Nusquam autem vehementiùs afficiebatur, quàm cùm

Horarias
Marianas
preces quin-
quies reci-
tat eodem
die,

Litanias
quo studio
recitaret.

ea verba pronuntiaret: Virgo fidelis: quæ; dum Litaniæ priuatim diceret, iterare solitus erat: ceu indicare vellet, magna quidem de Deiparæ fide sibi polliceri, atque excitari tum ad petendum: quando eam esse Virginem sciret, quæ simul & promitteret largè, & præstaret largiùs fidem. Præterea, quicquid diceret, faceret, scriberet, præire Mariæ appellationem, & cultum volebat. Literas eavt plurimùm subscriptione consignabat; Franciscus indignus Iesu, & Mariæ Seruus. Si quispiam aliquando interrogaret, vt se haberet? rectè quidem, aiebat, ad Dei obsequium, & Beatissimæ Virginis. Ad cuius obseruantiam, pietatem, cultum quicquid pertineret, mirùm, qua alacritate obiret. Semel quodd nescio quos è sua cellula flosculos poscenti, ornandæ, videlicet, Marianæ aræ, non statim responderit: ea sepulsi religione, morsuque sensit, ceu grande aliquod facinus admisisset. Accurrere proindè ad confessarij pedes, ac culpam incredibili quadam vultus, animique tristitia fateri: illud addens, se quidem pro Dominæ suæ amore nullum non incommodum subiturum, ac fore etiam, vt discerpi, atque intercidi minutatim sineret.

E sacris eius imaginibus quascunque domi, forisq; offenderet, nullam præterire, quam non mira quadam animi demissione consalutaret. Quo aliorum intuitus non pertingeret, eò ipse perspicacissimus, ac planè lyncæus, oculorum aciem intendebat, atq; iunculas inibi Marianas venerabatur. Eiusmodi autem effigies si scædari quoquo pacto contigisset; hoc illi permolestum: tristari, atque etiam indignari. Pulverem ipsemet ab ijs quàm diligentissimè excutiebat, expoliebatque. Visus aliquando in-

mulcās irasci, ac imperio agere. Sanctam Mariam, quod Oppidum est proximè Capuam, inuisurus Mariam Argentiam, nobilem sceminam, quæ tùm ægrotabat, adiit. Decumbentem dum pijs de more sermonibus solatur, aduertit, ad quandam Dei Matris Imaginem contuolasse confertim muscas, atque in ejus potissimùm vultu non sine dehonestamento insedisse. Non tulit vir piissimus illibatæ ora Virginis indignè adeò sc̃dari. Sudario contestim bestiolas abegit; tùm zelo quodam actus, illis iussit, cauèrēt, ne deinceps ad lectissimos ejus vultus propius accederent. Sensere vim imperii muscæ. Enim uerò, vti postea Argentia, ejusque familiares retulere, etsi ad imaginis coronidem aduolabant, nunquam visæ, vt antea, nitidissimum illud speculum oris Virginei attigisse: planè contra muscarum pertinaciam, quibus insitum, eò toties redire, quoties abegeris. Tempia itidem augustæ eidem Virgini sacra, quæcumque sub ejus aspectum caderent, vel ad multa passuum millia longè posita, adorabat venerabundus. In Sanctorum Apostolorum cœnobio gradus sunt in cochleam retorti, ex quibus cùm Diuæ Virginis ab Arcu, celebrioris religionis, ac famæ in agro Nolano templum, sex passuum millibus ab Vrbe Neapoli, tùm suburbanum Diuæ Mariæ à Sanitate delubrum libero quodam prospectu patet. Sistere hic Olympius, quoties ascenderet, aut descendere, ac suas ad vtrumque Sanctuarium preces fundere, eo quidem studio, ac si præsens adeslet, Diximus ejus spiritus delicias Æquensem Viginem à Tauro fuisse: huc ille è Neapolitana frequentia se se recipere, ac non tam in amœno loci situ, quàm ad pedes magnæ Matris vegetare in diuinorū com-

Mariæ
imaginis ni
tori cauet,

Templa,
Virginis
quo hono
re profe
queretur,

mentatione spiritum solitus erat. Assurgit Aëdes hæc Deipata celsiore in collis iugo, vt prospectari è longinquo facilè possit: & in Sanctorum quidem Apostolorum, quam modò nominauimus, domo peramplæ quædam fenestræ sunt, vnde Mariana, ea ædes intuentibus statim occurrit. Adire huc scæpius Franciscus, ac venerari delicias suas consueuerat: planè vt non longinquitas viæ, non interfusum mare prohiberet, quominus eò spiritu accederet, ac coleret, pensaretque Tutelarem suam. Id illi semel accidit, quod quædam Deiparæ in illum beneuolentiæ illecebra videri potuit. Aegrotauerat Neapoli, ac morbi reliquiis debellandis, opportunum medicis visum, vt cælum mutaret, atque ad Cocceianam oram maritimam, suburbanam eam quidem, ac saluberrimam secederet. Igitur exceptus Salazarii, Neapolitani olim regni à secretis domo, à subiectis hortis, atque ab aeris benignitate, aspectuque maris peramocna, quæ in coenobium modò abiit, incoluntque Discalceati Patres. Hinc illi Pictinæ regionis, ac pelagi tractus se se obiciebat, vt incurreret statim in oculos & Lubrensis Massa, & Surrentum, & Vicus ipse Aequensis. Verùm quod optasset maximè inoffenso oculorum lumine intueri, nempè Deiparæ à Tauro templum hoc illi negatum: quòd proceræ quædam pinus, quæ in proximis Alexandri Sangrij, Alexandria Patriarchæ, atq; Archiepiscopi Beneuētani hortis erant, oppāsis latè ramis, cælum, prospectumque eriperent. Molestissimum id Olympio, cui nihil accidisset iucūdius, quàm eam cernere magnæ Matris Sedem: atque inde augeri mœror videbatur, quòd non montibus altis, sed frondibus, ac vmbra prohiberetur. Eius-

modi

modi autem desiderio dum cruciatur, ecce tibi Sangrius Patriarcha impetu quodam præcidi pinus iubet: quo quidem amoto veluti Sipario, contemplari liberè, ac deuenerari Patronam suam Dei Seruus potuit: easque deindè principes loci delicias reputauit, quòd pateret inde, vsurparique oculis posset Aequensis Virginis Sacrum.

Iam, ut effigies, ac templa, ita quicquid Deiparam, eiusque aut nomen, aut cultum vel leuiter adumbraret, peculiari quodam studio prosequebatur. Si quid cærulei in floribus cerneret, statim Marianæ tunicæ similes eos affirmabat: atque adeò ad eorum aspectum exhilarari, eosque intimo completi affectu videbatur. Nihil æquè in pretio habebat, quàm Rosmarinum, à quadam, videlicet, nominum allusione. Nam quam Neapolitani Rosam marinam vulgò nuncupant, ipse Rosam Mariam appellabat: sicuti Iesuminum florem, Iesu meum, dempta ab utroque nomine litera N, quæ cum sit negationis nota, ac typus, hinc ille pulchrè, festiuèque dicere solitus erat, cum Matrem, tum Filium, hac litera, quæ pernegat, carere: quòd neuter negare sciat, quæ postulentur. Porro Rosmarinum ea etiam de causa commendabat, quòd singulis quibusque Deiparæ diebus festis floreret: veluti eo florum obsequio celebraret, ornaretq; pro modo augustæ Virginis solennia. Planè non id Rosmarino ingenium, ut Marianis diebus floreat: at quod in Olympij testula, ad eius nempè fenestram erat, quod ipse irrigabat, excolebatque non tam manu, quàm affectu in Diuam Virginem, obseruatum dedita opera à plerisque è nostratibus fuit, qualibet luce, magnæ Matris sacra, florere solitum. Id quod ingenti

Quicquid
Dei Matre
representaret, in honore habet.

Rosmarinū
Marianis solennijs florēt.

qui-

quidem admirationi seruiebat . Et videbatur planè
intima Francisci religio nescio quid tepentis fauonij
plantæ afflari, illamque erudire in flores : Cumq;
is in festa Virginis die magnoperè gauderet, diceres,
eius quodāmodò exemplo prouocatā, ridere Rosma-
rini testulam, eò pulchrius, quò intempestiuus.
Hoc deinde Rosmarinum, elato Olympio, Franci-
sco Concubletæ, Arenæ Marchioni, quem aliàs ap-
pellauimus, dono datum : qui quidem, utpote Dei
Serui studiosissimus, mirum, quàm gratanter mu-
nus acceperit; coluitque incredibili studio, ac surcu-
lis aliis, atque aliis propagauit; tùm morbis etiam
persanandis distribuere non sine præsentis fructu cœ-
pit, Quod verò ad flores attinet, aduertit ipse, at-
que è familia satis multi non quidem omnibus, sed
plerisque Diuæ Virginis solennioribus feriis, alieno,
scilicet, tempore, floruisse: quod iuratus ipsemet
Marchio apud Iudices affirmavit, relatumque in-
acta est.

Olympij
per fugium
Dei Mater,

Porro qui vnicè sanctissimam Dei Parentem vè-
nerabatur, ad ipsam, voluti ad certissimam sui tute-
lam, sacramque anchoram confugere solitus erat.
Si quid internæ ærumnæ discruciet, hanc implo-
rare: à cælestium deliciarum inopia aridæ, sitienti-
que interdum animæ hinc medullam quandam spi-
ritus, ac gaudiorum annonam affundi sentiebat:
hinc mentis tranquillitatem, cùm à scrupulis flu-
ctuaret. Par in illam fiducia, ac præsentis auxilii
experientia, cùm corporis incommodis, morbisque
laboraret. Preces, hymnosque Virginis, tùm eius-
dem effigies, corollas, grana piacularia, ea esse le-
ctissima pharmaca reputabat. Diuexari peracerbis
laterum doloribus consueuerat: bis præsertim visa
eius

eius salus ab eiusmodi vi cruciatuum conclamata,
 Semel Neapoli : ac tùm quidem à pernobilī matro-
 na Zenobia Pignatella , Cerchiarę Marchionissā
 missum illi oleum fuit è Diuę Marię ab Arcu lampā-
 de . Eius tùm in Cęli Reginam affectus, alloquutio-
 nes, lachrymas nullus profectò explicauerit : inun-
 ctusque ea fiducia est, vt pręnuntiauerit sequuturam
 mox incolumitatem , recitato statim ad gratiarum
 actionem hymno Eucharistico, veluti iam beneficiū
 acceperit, quod post paulò cōtiguit, mitigata, ac mox
 penitūs euanescente doloris contumacia . Iterum...
 Vici eadem crumna vehementissimè correptus: pul-
 satusq; vsque adeò mali vis , vt attineri lecto minūs
 posset : cellulam inambulabat , vt doloris sensum
 motu falleret . Scilicet, leuamentum non nisi à Dei-
 para petendum illi erat . Quocirca consopiri nonni-
 hil dolorem tùm quidem sentiebat, cū caput cui-
 dam Lauretanę Virginis imagini admoueret. Quod
 ipsemet liquidò significauit . Siquidem cū Patres
 exhaustum viribus bonū Senem extra lecti quietem
 non sine corporis dispendio , ac fraude morari, exi-
 stimarent , monerentque , vt decumberet; parebat
 quidem ille, sed conqueri peramanter videbatur,
 quòd suum sibi refrigerium inuiderent . Quod sanè
 refrigerium Lauretana ea Virgo erat , cui inniteba-
 tur , & quę est infirmorum salus . Et si profiteri pa-
 lam solitus erat , affectum identidem se non exigui
 quidem momenti beneficiis à magna Matre: illique
 acceptum referebat, quòd semel præcipiti curru non
 interceperit, atque obtriuertit pedem rota : quòd in
 foueam aliquando non deciderit : quòd percitus
 æstro quodam equus, ad terram nō affligerit, atque
 eiusmodi alia

Familiaris
Olympio
oratio, Sal-
ue Regina,

Qua multa
impetrat.

Id illi in promptu, recitare communem illam ad Deiparam precationem, nempe, Salve Regina. Mira quidem aliquando eius usu impetrasse; ac stetitisse ingruentes imbres; patuisse portas, quæ plurimorum industriam, ac vim fatigauerant; explicatos nodos penè inextricabiles; amissa momento reperta; reuocata in mentem, quæ memoria exciderant, atq; id genus alia euenisse, pro comperto habemus. Semel exteros quosdam adstrepere domi plùs æquo, audiuit; & quòd religiosorum hominum contubernium forenses eiusmodi cōfabulationes dedecерent, nec auderet ipse monere officij, ac loci viros, ad Deiparam confugit; ac recitata, quam diximus, oratione, visæ mox siluisse turbæ, ceu non tam preces concepisset, quàm silentium colloquentibus imperasset. Illud sanè non dissimulandum. In veteris Sanctorum Apostolorum templo noctu fures, emissò è clatrata quadam fenestra vnco, argenteam non exigui quidem ponderis lampadem, quæ ad Conceptæ sine labe Virginis aram ardebat, surripiunt. Patres nihil communis industriæ, atque operæ prætermittere, vt paterent furti auctores, ac suam sibi rem vindicarent. At Franciscus, quem maximè illibatæ Virginis iniuria tangebatur, ad eandem ipsam confugere; recitauitque non semel Salve Regina. Neque mora: insequenti mox die proditum furtum. Casu namque accidit, vt puer quidam, satellitis filius publicas Neapolitanas scholas adiret, auersa nimirum parte, quò nullus vnquam mortalium adire consueuerat, & vbi, secretiore nempe in loco, superiore nocte lampadem fures consepeliuerant. Igitur nescio quid lucidi diuerberare ibi pueri oculos; ac dum vestigat, aduertit, summam argenteæ cate-

catenulæ partem extare è terra : siue festinatio ; ac impetus is fuit , qui malè ministrat omnia : siue terra ipsa id piaculi tegere , ac patrocinari sacrilegio noluit . Ad patrem , qui non longè aberat , rem detulit puer : & is quidem , vbi virum quendam , stantem è regione , atque è superiore loco , veluti excubantem vidit : vt peracris est in eiusmodi coniecturis satellitum natio , suspicari haud ex vano coepit , illum furti reum . Nec multis : ex inopinato adortur : statimque pallor , tùm aperta confessio crimen prodidit ; ac restituta Marianæ aræ lampas . Cuius rei monumentum , quòd Diuæ Virgini acceptum , referret beneficium , extare tabellam Olympius voluit ; de cuius in hanc potissimùm Conceptæ Virginis imaginem obseruantia , cultuque diximus abundè aliàs .

At enim qui tanto animatus studio erat in sanctissimam Dei Matrem , alios etiam ad hanc pietatis partem inflammari , nimium quantum cuperet . Visus , industriam huc omnem , studia , vigilias contulisse . Monitis præsertim , atque adhortamentis id potissimùm intendebat , vt Marianum amorem accenderet , amplificaretque . Id quod satis , opinor , ex ijs , quæ sparsim retulimus , compertum . Locum quendam non hic planè omiserim , vnde ipse efficacissimum petere argumentum solitus erat , pietati in magnam Dei Parentem ingenerandæ , aut fouendæ . Dicere namque consueuerat , Cœli Reginam vsq ; adeò suo in nos patrocinio propensam , ac pronam , vt vel ipsa , quæ somniamus infortunia , hoc est , vmbra , atque inanem ipsam infortuniorum imaginem depellat . Nam quid putandum , cum veris incommotis agere , quando non quidem

D Virgo vel
dum som-
niamus, cle-
ment.

ludentes, sed ludentes in somno ærumnas propul-
saret? Hoc autem eo opportunè confirmabat, quod
Clementi Alonso accidit, viro ex nostratibus abso-
lutissimæ virtutis, qui in Sanctorum Apostolorum
coenobio, dum rem ibi communem procuraret, an-
no vertentis seculi quarto decimo insigni cum in-
nocentiæ fama defuit viuere. Narrabat igitur Olym-
pius, Alonsum nocte quadam somniasse, nescio
quid eruditæ descriptionis, quam magno quidem æsti-
maret, se amisisse. Anxium proinde, atque oppi-
dò sollicitum tristari vehementer per somnium coc-
pisse. Inter ea phantasmatum mendacia adstitisse
Diuam Virginem, excussoque brachio, excitasse ijs
verbis: Quid angeris, Alonso? scito, non amissa in-
genij monumenta, sed somnium id esse. Exper-
gefactum hinc illum, agnouisse, clementissimam
Clementi fuisse Tutelarem Virginem, vt neq; som-
niando permiserit cruciari. Quod quidem incita-
tione quadam animi incredibili deprædicabat Frã-
ciscus, atque eiusmodi argumentis mortalium ani-
mos occupabat, incendebatque in Angelorum Re-
ginam illorum studia. Illud etiam, cùm de Virgi-
ne sermo erat, suadere pijs hominibus solitus erat,
vt Dei filij, Matrilque Dei preces inuicem ali-
quando commurarent: ita vt Salutationem Ange-
licam filio: orationem Dominicam Matri recita-
rent. Gratam nempè vtrique mutuam eiusmodi
precum communicationem, nec sine interiore
quadam spiritus illecebra, voluptateque contin-
gere.

Porrò in coeteros Cœli Ciues eximium item illi
studium, ac obseruantia: vt recurrente anniuersaria
eorum memoria, nullum præterire sine peculiari
ani-

animi cultu sineret. Ornare floribus, ac lemniscis eorum effigies, excitandæ aliorum pietati, in more habebat; seponebatque iis celebrandis, colendisque stata quædam diei tempora. Quos verò præcipua quadam religione prosequeretur, ij erant Apostolorum Principes Petrus, & Paulus, quorum ærumnis, ac sanguine fundata in Principe terrarum Orbis parte Christi fides: Diuus Ioseph, purissimus purissimæ Virginis Sponsus: Diuus Franciscus Assisinas, Christi vulneribus dignatus, ac viuus Martyr: Diuus Carolus Borromæus, aliisque, quorum syllabum penes se habebat, recitabatque quotidie, atque eorum festos dies abstinencia, ac precibus extra ordinem excipiebat. Sed neque dissimulanda in nostrates etiam pietas, quam sibi exaugendam persuadebat, quod domestica ea esset sanctimonia, atque ad se porissimum veluti hæreditario quodam iure ea pertineret religio. Colebat siquidem intimè Sanctissimum Ordinis Parentem Caietanum Thienæum, Apostolici spiritus Virum, ac prisce paupertatis, cui ipse addictissimus, assertorem: & B. Andreæ Auelinum, quem ipse abundè nouerat, miratus non semel incitatissimam eius in Deum, in proximos charitatem. Cùm aliquid à Deo peteret, eorum in primis patrocinio utebatur, vt faciliùs impetraret: id quod liquidò commostrauit, cùm laboranti à graui morbo Mariæ Paladinæ, Campi Marchionissæ vnà cum B. Andrea se se obiecit, ac suæ incolumitati restituit: vt in loco exposuimus. In eorum Apotheci visus mirum in modum gestire, efferri; quòd cerneret, publica inaugurari religione, quos ipse incredibili studio venerabatur. Neapoli præsertim aderat, cùm adscriptus Beatorum numero Auel-

In Coelites
alios reli-
gio

dem appellare vocabulo non dubitabis. Stratus humi ad animi demissionem, & ut efficacius impetraret, orare plerumque solitus erat. Et Arenæ quidem Marchio vidisse se illum eo corporis habitu ad horæ dimidium non semel, præsertim in difficillimis Marchionissæ coniugis puerperiis orâtem, testatur: cuius precibus partus etiam incolumitatem acceptam ferebat. Familiare item illi, brachia crucis in modum extendere, ac divina meditari cruciforme. Ac semel visus in sanctiore hebdomada, pendentibus mirè brachiis, geminæ adstare missæ, in quibus Christi Domini Passio perlecta: planè nisi ardens quædam vis animæ robur, alacritatemque suffecisset, non ea erat Francisci facultas, quæ tandiù eo statu perduraret. Repertus persepse, dum contemplationi vacaret, cellulæ innixus muro. Fortè sic stare, atque inniti, laxamentum quoddam erat, ubi prolixiùs, aut de genu, aut stratus humi orasset. Attentio verò, ac vis mentis in orando, cōtemplandoque admirabilis in eo fuit. Siue mente, siue voce Deo vacaret, nihil prorsus erat, quod illū à præclara animi attentione, ac quiete auocaret. Supra morbos, doloresque peracutos, quibus impeti solitus erat, eius videbatur mentis ardor, atque in orando religio. In grauissima quadam ægritudine sumpturus iam iam pharmacum, visus profundè cœlestia commentarij: tūm de cœli gloria plena mellis verba effundere: planè ut amarissima, quæ procul aberat porio, liquidissimæ à precibus dulcedini nihil absynthii molesta cogitatione insperferit. Si quempiam, eo preces horarias recitante, cellam ingredi contigisset, non aduertebat, perinde ac si ut mente, ita & corpore alibi esset. Neque domestica

Quo habitu corporis oraret.

Attentio,
& ardor
contempla
tionis.

stica interdum signa, orationi affixus audiebat. Idque sanè admirationi erat. Eius cellula propè à cāpanula aberat, quæ signum communis refectōis daret; canora ea quidem, ut facillè peruaderet longè, latèque sonus. Nihilo tamen minùs cœnæ signum, nocturno videlicet tempore, quo vox clarior, nunquam is auribus accipiebat: ut moneri, pulsa. to ostio, oporteret: tenuitque constans omnium persuasio, à commentatione diuinorum, ac vehementiore quadam sensuum abalienatione id euenire. Conati interdum & mali ipsi dæmones strepitu, aut insolito quodam euentu orantem Olympium interturbare: cū interim ipse eodem in vestigio immotus, eodemque vultu pergeret. In odè dum psalleret, interiore quodam impetu actus, abreptusque ardore contemplationis, ita affici videbatur, ceu vellet in sublimè euolare, aut ire alicui obuiam. Eodemque oris habitu, fixoque in cœlum obtutu repertus aliquando ante Eucharisticam aram, orans, ac deliciis affluens, veluti puriore quadam diuinitatis illecebra frueretur. Et extero cuidam Sacerdoti id accidit. Colloqui cum eo Olympius de diuinis rebus cœperat: cū ecce tibi meditabundus, atque excessu mentis facto, abire à sensibus visus. Obstupuit sacerdos tam facilem in eo diuinorum gustum, attentamque contemplationem; & ne ea ipse careret voluptate, quam, illo loquente, hauriret, violento quodam ictu excitare tranquillissimo eo somno merum, oportuit. Id quod non modò inter commentandum, aut sanctiore in templi parte, aut dum pios sereret sermones, illi accidit: sed domi etiam inter eundem ita animum contemplationi interdum adiiciebat, ut

A sensibus
abalienatur

aut

aut lachrymis fluere, aut hæere immotus videtur. Fuere siquidem, qui illum in graduum medio; atq; in ipso domus ambulacro interceptum vi mentis, pendentemque ab aliqua Djuorum imagine non semel inspexerint. Rem verò longè admirabiliorem retulit plerisque ex nostratibus Gabriel Maria Lotharingius, sæpè à nobis appellatus, Olympii olim ministerio addictus, eiusque vitæ rationum gnarus; & cui nullum ex mendacio in re tanti momenti pretium. Summa, inquam, fide retulit is; deprehendisse se aliquando Franciscum, cœlestium rerum contemplationi operantem, eo quidem excessu, ac volatu mentis, ut corpus etiam abeuntem animum sequeretur; ac non minimùm quidem, sed quatuor omninò palmos è terra sublatum, pēderet. Ingenti quodam impetu abreptam eam mentem, putamus, quam lacinia, ac moles corporis non, modò non implicarent, detinerentque, sed eas ipsa sublimes arcana quadam vi raperet. Cœlestibus id corporibus accidit, quorum quod est primum, incitatissimo quodam rotatu ita fertur, ut reliqua sua vertigine circumagat. Quomodo autem mortali hac concretione immixtum, subleuari corpus possit, ij explicauerint, qui in schola diuinæ charitatis eruditi, didicerunt, à vi contemplationis levitare interdum grauia, ac niueis quibusdam pennis in cœlum euehi.

A terra,
mirè sub-
blatus,

Iam verò cùm plerisque cœli blanditijs dignatus identidem Olympius fuerit in ipsa rerum diuinarum meditatione, nunquam sanè iucundiore illecebra, visus oblectari, quàm cùm spectandum se se illi dedit Puer Iesus. Res ea est grauissimorum hominum ex nostris testimonio comperta, ac testata commu-

Puer Iesus
salutationē
Angelicam
cum eo re-
citāt.

ni etiam Neapoli fama; aiuntque contigisse annis
ferè quatuor, & triginta antequàm mortalitatem
exueret. Orabat is de more in choro ad augustissi-
mum Eucharistiæ Sacramentum: id nempe loci,
quem, ut aliàs monuimus, à precandi assiduitate
genibus excauauerat; cùm in eius sese conspectum
dedit Puer, vulgari quidem cultu, sed quem scitissi-
mi oris gratia, externæq; indolis elegantia nimium
quantum commendaret. Qui mirè ad hæc veluti
puritatis lilia affici sentiebat Olympius, ut vidit,
adblandiri illi intimo quodam affectu cœpit: ac mō-
nito, ut signaret se cruce, salutationem Angelicam
recitare cum eo voluit. Igitur ventum ad ea verba:
Et benedictus fructus ventris tui Iesus: quæ ubi Puer
pronuntiauit: Ego sum, inquit, euauitque. Ne-
scias profectò, quid tùm fuerit in Francisco maius,
gaudium ab aspectabili Iesu præsentia, an mæror,
quòd citiùs amiserit? At enim nunquam adeò bre-
ues deliciæ, amoresque diuini Numinis, quin huma-
na oblectamenta simul omnia lōgè superent. Sunt,
qui referant, interrogatū priùs ab Olympio Puerū,
an Mater sibi esset, & quod ei nomen? Respondisse:
& esse, & vocari Mariam: cuius quidem nomi-
nis appellatio abundè ex se erat conciliandæ Serui
Dei in illum beneuolentiæ.

A Ex lib. 1.º
intem. Barry.

Eiusmodi
exempla
in alijs.

Potterò id ipsum ad vnguè penè Benuenutæ « San-
ctissimæ è Dominicano Ordine Virgini euenisse, hi-
storiarum monumentis compertum habemus. Age-
bat hæc aliquando in templo, cùm puerum procul
intuetur supra quàm dici potest, elegantissimum:
adeò ut imperare sibi minimè potuerit, quominùs
nutu accerferet. Accurrit confestim Ille, ac Ben-
uenuta mirata vehementiùs venustatem, ac formâ,

ut

ut aspectum diutius, ac per otium satiare, morari illum verbis instituit. Interrogat, an matrem haberet? Ita, inquit puer, Tùm scilicet, subdit illa., Salutationem Angelicam? Scio, inquit, rogauitque vicissim, an ipsa sciret? Dum affirmat Benuenuta, rogat ille, ut recitet. Paruit Virgo, atque ad ea verba: Benedictus fructus ventris tui, Iesus, dicentem, interpellat puer: & Ego sum, ait, statimque euauit. Alteram insigni sanctimonia Virginem Cæsarius memorat, cui Iesus, pulcherrima item pueri specio spectandum se se obiecit: quem dum illa ad se vocat, iubetque, ut vnà secum Salutationem Angelicam recitet; recitare, nulla mora, puer cœpit. Sed dum ea ipsa verba pronunciat: Benedictus fructus ventris tui, Iesus, abrupta oratione, Ego sum ille, ait: ac Puellam admirationi, venerationiq; immixtam reliquit.

Ex Euseb.
Nephibe de
ant. sanctis
cap. 20.

An verò efficacia eius orationi inesset, impetrâdis à Deo beneficiis, mortalium ex omni gradu frequentia, qui se eius certatim precibus cōmendabāt, testimonio fuerit. Interpellabant quidem domi, ac suas quisque ærumnas, ac necessitates Olympio asferebant; ut susciperet patrocinium, eorumque apud Deum causam peroraret: tùm excurrere huc, illuc oportebat; euocatum nempè depellendis vi precum morbis, atque infortunijs. Quæ obtinuit beneficia, patrauitque mirā, suo in loco diximus, ac singula quandam veluti in classem centuriauimus; illustriora quidem, & quæ memoratu magis digna: nam omnia fatigassent planè calamum. Neque ea hic repetam; ac sat fuerit inuuisse, vehementissimos februm æstus precationum eius præsidio restinctos; vlcera insanabilia,

perfanata; peracutos, atque inueteratos dolorum
 cruciatus depulso; curatos mirè elephantiacos;
 latera, guttura, capita peracerbè affecta, præfenti
 ope restituta; instauratum oculorum lumen; puer-
 peras è mortis penè faucibus ereptas; propulsata
 grauissima, quæ imminerent, pericula; annonam,
 aurum, aliæque multiplicata; compositos intanien-
 tis pelagi fluctus; motus animi, prauarumque cogi-
 tationum impetus compressos; amentes, furentes-
 que suæ menti redditos; mutatas perditorum ho-
 minum vitæ rationes; abductos ab hominum cor-
 poribus rebelles genios, aliosque omnis generis,
 quæ corporum, quæ animorum morbos, cla-
 desque strenuè profligatas. Adde ab
 eadem oratione mentis lumen,
 quo & futura præuideret, ac
 arcana ipsa imi pectoris
 introspiceret: de
 quibus singil-
 latim mon-
 dō
 dicen-
 dū.



Videt longè posita , ac futura.

Cap. IX.



REQVENS ab studio orationis cum Diuinitate commercii, affusa superiore quadam luce mentē perinde Frācisco illustrabat, vt eò sæpius pertingeret, quò non oculorū acies, non peracri iudicio, aut coniecturis suis perspicacissimus quisq; mortaliū vnquam perueniret. Peculiare hoc illi fuit: ac visum profectò, ea potissimū arcanorū scientia, atque admirabilitate dignari illum voluisse diuinum Numen, vt crederet hinc illi sanctimonix, ac nominis fama, eaq; deindè quàm plurimos ad morum frugem pertraheret. Initium à remotis sumendum: ac multiplex se se quidem offert exemplorum sylua, in quibus enarrandis seligenda ex multis aliqua, & is ordo seruandus, quem promiscua, ac confusa rerum varietas permiserit. Thomas Caracciolus, militari ingenio, ac celebri vir nomine, quo tempore à Carolo Emanuele, Sabaudix Duce illatum Genuensi Reip. bellum est, præerat supremo iure Genuensium copijs: & quæ est armorum alea, collatis aliquando cum hoste signis, ita res improsperè cecidit, vt captus ipse, plagam fecerit luculentiorē. Allatus Neapolim confertæ infelicitè pugnx nuntius: sed de exercitus Duce, re non dum comperta, varius vbique rumor: adeò vt affirmarent plerique, illum

Caraccioli
custodiam
longèvidet

media in acie confossum, concidisse: Communior
verò ea erat persuasio, ac vox; subdūctum quidem
periculo; at latere adhuc, quò se loci recepisset. An-
xiam hæc habebant Aureliam Branciam, ornatissi-
mam coniugem: & quæ summo in honore, ac opi-
nionem habebat Olympium, conuenire illum statuit,
certa, fore, ut aliquid solatij instillaret mœstissimo
animo Dei Seruus. Ergo adiit, ac lachrymis, quàm
verbis vocalior, dubiam de Viro famam, & quod
ipsa gestaret vulnus pectore, aperuit: quam ille bo-
no esse animo, iussit; ac sciret, captiuum quidem
coniugem, sed incolumem. Quod ea ipsa die cer-
tus nuntius attulit, agnouitque Brancia, vera pro-
nuntiasse Olympium, quæ nonnisi diuinitus acce-
perat.

Et Serui
cuspam,

Gratulata sibi Coniugis salutem hæc ipsa Aurelia,
ad quandam grati animi significationem mittere
Francisco, nescio quam auri summam, statuit, ut
ornando Diuæ Virginis sine labe conceptæ Sacello
impenderet: quam quidem summam seruo cuidam,
cui nomen Vespasiano Iaditto, ferendam dedit, vnà
cum D. Francisci Affinatis effigie, quam nouerat,
eidem Olympio percarum fore. Is verò, quæ est fa-
mulorum plerumque indoles, nactus intrare eundem
quandam ludi officinam: abreptusque ea occasione,
ac spe lucri, ludere & ipse occœpit, expertus infe-
stam aleam: mandata deinde, ac dona ad Franci-
scum detulit: qui quidem, ut illum vidit: promptio-
rem, inquit, diligentiorēque te in dominorum ob-
sequio præstare, æquum esset; neque diuertere ad
ludum debueras. Iam quo tempore exequenda
imperata sunt, si perges ludere, perges perdere.

Sed

Sed age, gratijs de eximia in me beneuolentia Dominae peractis, mone illam à meo nomine, Caracciolum coniugem breui libertati restituendum, ac fore, vt ipsa die, piorum defunctorum memoriae sacra commutentur captiua inuicem capita: nempe vt meminerit, cruciatos peracri igne Manes pijs officijs, ac ope iuuare. Obstupuit vehementer seruus, quòd is & ludum suum, & à ludo iacturam sciuisset. Quod verò ad Thomam Caracciolum attinet, assertus in libertatem est, ac iussus abire, qua die Olympius supernè edoctus, prænunciauerat: vt tetigerit, vt aiunt, acu rem.

Est adhuc, quod in Aureliæ Branciæ, ac Caracciolidomo adnotemus. Filia ijs erat, Maria nomine, quam collocare in matrimonium Cæsari Ferrao, Sanctæ Agathæ Principi, viro à fortunæ bonis instructissimo, cogitabant: ac dum res vtrò, citròque transigitur; moræ primùm, atque impedimenta oborta; tùm abruptum omninò negotium. Quod Aureliæ molestissimum accidit; atque ad Olympiū, suum nempe in ærumnis perfugium, vt conceptam inde tristitiam Viri Dei verbis leuaret, confugit. Ille corollam Diuæ Virginis è sinu profert: Et hanc, inquit, Mariæ dabis: recitet quotidie, quoad hæ nuptiæ contrahantur: Cumque repeteret Brancia, matrimonium ita diductum, vt iam nulla spes esset eiusdem conficiendi; Hoc agat, ait Olympius, recitet, quoad perfici contingat. Igitur, paucos intra dies confecta res est. Viderat nempe ille, haud longè abesse, quod alij futurum pernegabant.

Eadem mentis acie præcipuæ cuiusdam foeminae domum peruasit: inspexitque è longinquo, quæ dominam ipsam laterent. Fuit hæc Beatrix Seripan,

Et Mariæ
Caraccio-
læ nuptiæ

panda. Leporani Princeps, quæ nacta aliquando vacuas Francisci aures, explicare illi per otium vitæ suæ rationes, & quæ exerceret studia pietatis, coepit; nempè, ut pergeret, si Vir adeò pius ea probaret; ac monita etiam hauriret ad spiritus progressiones. At ille, etsi satis piorum operum enarrasse nobilis matrona videri posset, visus non adeò ijs capi: ac neque probavit, neque improbavit: sed vultu, qui ad quandam severitatem flecteret: Cura, inquit, Princeps, familiam: hæ tuæ partes, ne quid exorbitet, peccetque domi licentia; præsertim qui tuis est à confessionibus, consule. Ad hæc illa: se quidem pro modo aduigilare, ac scire, familiares suos ad Christianæ disciplinæ normam vivere. At Franciscus eadem etiam, atque etiam inculcare, de domestica quidem disciplina oppidò sollicitus: adeò ut suspicari vehementer illa coeperit, aliquid esse domi clandestini operis, quod peracutus Olympij oculus cerneret, atque emendari vellet. Igitur inter hæc animi turbamenta dum versatur Seripanda, nuntiatum illi, quandam è suis famulis è secretiore domus parte miscere cum Viro solitam vltro, citroque colloquia, non sine pudicitiae labe: agnovitque tùm Princeps, meritò familiæ custodiam adeò commendasse Dei Seruum; atque id potissimum iussisse, ut confessorium consuleret. Nam ea erat improba puella, quæ externa pietatis specio, ac modestiæ larva confessorium ipsum deceperat.

Admirationi item fuit, quod Ioanni Baptista Paulumbæ ex nostris accidit. Miserat Francisco Nicolaus Herrera Apostolicus Neapoli Nuntius nescio quid pecuniæ, ac cereas quasdam faces, ut Maria, ne à Carmelo ædi, quær diximus aliàs, ad lignario-

Clandestina-
nam puel-
læ familia-
ritatem vi-
det.

riorum viciniam sitam, vsui essent. Is verò accersitum Palumbam, rogat, vt ad Carmelitam Deiparâ dona ferat; qui quidem dum iret, ne socium eo cereorum pondere grauaret, vsus pueri cuiusdam opera, mercedem deindè illi ex eadem pecunia, quam Diuæ Virgini ferebat, soluit. Inconsulto quidem Olympio licere id sibi permiserat, putabatque clam illo fore rem. Itaque vbi domum reuertit, egit quidem Franciscus gratias quàm maximas: sed simul monere illum verbis, ad omnem comitatem, ac beneuolentiam compositis coëpit. Esset nempè magnæ Dei Matri fidelis: nihil de eius donariis, & quod illi iam sacrum, decerneret: si quid polceret occasio, suppleri aliundè posse. Perculit enim uerò inopinata obuiatio Palumbam. Nam nisi diuinitus, ac superiore quodam lumine id illum scire potuisse, nec fingere sibi animo poterat.

Et decerp-
tam Di-
paræ elec-
mosynam

Par eundem Palumbam stupor iterum defixit. Exeunte Aprili mense anni voluentis seculi trigessimî, monet illum Franciscus, iret ad neptem suam, eique puerperium gratularetur, editamq; in lucem virilis sexus sobolem. Negare ille, contingere id potuisse, quando de consanguineis non ita pridem audiuiſſet, fore, vt illa non ante mensem se se partu exoneraret. At tu, inquit, Olympius; facultate Præpositi impetrata, abi, ac scias peperisse. Dum iret, ecce tibi puerperæ coniux, qui nuntiaret, hesternò vespere enixam illam quàm felicissimè foetum. Sciuerat maturiùs Franciscus à diligentiore quidem nuntio: indicauitque, nulla adeò remota, quæ non attingeret illustrata celsitudo mens. Cuiusmodi & illud fuit. Filiam ediderat Portia Rubra, pernobilis foemina, Francisci Bononiæ coniux,

Et neptis
partum,

Quæ

Inopina-
tam quā-
dam mu-
tationem
prævidet.

Quæ è baptismi fonte sobolem fusciperet, Anna Carafa, Hostiliani Princeps, Medinæ Ducis, Neapolitani Proregis coniux delecta: qui sacro latice intingeret, Franciscus Olympius: ac condita baptismi die, monendus Franciscus fuit, qui Vicum tū quidem secesserat. Et is quidem ita annuit, ut cum nonnisi postera luce, pridie nimirum eius diei, quo ablui solenni ritu puellula debuerat, adire luberetur: maturata nihilominus profectio, eadem ipsa die, qua monitus fuerat, eademque cymba, quam miserant, regredi Neapolim voluerit: plane præter Viri indolem, cui à quadam mora suæ inerat maturitas; & qui in eiusmodi præsertim celebritatibus, ut obsequii promptus, ita erat à sui despicientia, atque humilitate lentus. Et quidem Vitalis Concubleta, Sacerdos ex nostris, qui ad illum venerat, ut deduceret, id omni ope contendit, ut persuaderet is sibi, haud festinato opus esse, atque abundè fore, si altera die discederet. At surdo hæc: eaque repetebat: eundem nulla mora, sic rem poscere: eodemque penè in temporis vestigio, quo aduenerat cymba, remetiri iter oportuit. Nihil profectò eius aduentu opportunius, ac iucundius tū fuit. Enimuerò Anna Carafa, quæ diem condixerat, quæ fuerit rei causa, anteuertere deinde illam, statuerat: & quòd adesse in tempore Olympius nequiret, nimium, quantum molestum id, tū Portiæ, tū Claudie Caratæ, eius socru, ac Viro acciderit. Tristari, angī supra modum: Cum ecce tibi aduenisse ex inopinato Olympium, eo quidem animi sensu audiunt, ut nescias, maior illis admiratio, an voluptas fuerit? Planè, expensa re seridè in eam omnes iuere sententiam, agnouisse Franciscum, vel absen.

absentem, eam temporis anticipationem; tristitiam præsertim, ac perære illustrium sœminarum desiderium: utque illarum affectui responderet, moeroremque abstergeret, quem à sui absentia cõceperant, iter festinasse: ac cupidè quidem exoptatum, non expectatum Neapolim peruenisse. Id crebris postea sermonibus in ea domo, repetita admiratione, vsurpatum. Atque illud etiam narrare consueuerunt, Franciscum, ubi puellulam ritè abluisset, puerperam adhortatum, ut illam Diuæ Virgini cõsecraret, eamque respondisse, se quidem ita magnæ Dei Matri so-
bolem offerre, ut religiosam etiam perueller: ac tùm quidem constanti quadam voce Olympium pronuntiasse, Erit, erit: hodieque inter sanctimoniales percelebris Asceterij, cui à Trinitate nomen, cum laude agit nobilis Virgo.

Atque eiusmodi quidem vaticinijs nihil in eo frequentius fuit, ut diuino profetiæ munere, quam gratiam gratis datam Theologi nuncupant, nō caruisse, innumeris penè prædictionibus luculenter ostenderit: iuuatque ex ijs aliquot ad specimen hic enarrare. Hieronymus Albertinus, sancti Seuerini Princeps, florentissimus iuuenis, idoneus iam, ac parthalamo, differri diutius tædas, ægrè nimium ferebat, eò vel maximè, quòd quæ agigaret connubia, abrupto fato quodam viderentur. Igitur implorandam Olympij opem, ac precum vim duxit: rogauitque Dominicum nostrum Dicastigium, suis à confessionibus, ut illum ea super re interpellaret: cui quidem Franciscus: bono esse animo, iube Albertinum. Nam sponsam sua in domo reperiet. Nec multis: breui fato cõcessit sancti Marzati Marchio, cuius coniux è gente item Albertina, ac Sancti Seuerini Principis

Prævidee
Alberti-
no Spon-
sam.

consanguinea, data illi in matrimonium: atq; adeò non extra domum quærenda vxor fuit.

Ioannam Austriacam piissimam Principem meminimus, instituta in Siciliam velificatione, sæua quadam tempestate perculsam. Hanc autem præ-nuntiasse Olympium, non hic dissimulandum. Igitur quæ nouerat Austriaca, nihil æquè futere, ac pelagus, atque enauiganti semper in promptu esse vitæ, aut tædia, aut pericula: antequàm Neapoli discederet, consalutare Franciscum voluit, atque eius sese orationi commendare. Ille pollicitus quidem preces: at nescio quid improperi itineris prædiuinare animo, ait. Sisteret proinde Princeps, accderet monitis aures, datura melioribus deindè auris vela, cùm commodius affulsisset sydus. At enim, quæ discesum iam adornauerat, eratque in anchoris triremis, monenti parere non integrum fuit: ac soluit, bona spe freta, fore, vt Olympius ipse procellam, si quam fortè oboriri contigisset, suis precibus diffilaret. Falli quidem Dei Seruus oprasset. At Salernitano in sinu, non vno planè naufragio nobili, ea ventorum vis ingruit, vt euerso à fundo mari, nil propiùs fuerit, quàm sorberi fluctibus triremem, vbi Ioanna erat; diffractis nempè armamentis, ac disluta, disiectaque penè carina: puppi duntaxat salua, vbi quandam Olympij effigiem ad præsidium appenderant. Didicit re ipsa, ac malo suo Austriaca, monitum interiore Numine Olympium: attamen quòd incolumis euassisset, eius cùm imaginis, tum precibus acceptum retulit. Sedatis mox fluctibus, compositis ad Margaritam Austriam Bracisortem, Buteræ Principem, filiam Neapolim literis, illam, & naufragij, & salutis monuit, iussitque,

Et pelagi
tempesta-
tem.

vt certum hominem Olympio allegaret, qui illi à suo nomine gratias haberet, quòd præuisum superiore intuitu infortunium, præfenti deinde orationis patrociniò euertisset. Et Franciscus quidem, antequàm nuntius procellam meminisset, ita illam anteuertit, vt scire se quicquid à mari incommodi accidisset, disertè significauerit, ceu præfens interfuisset: eadem nempe mentis luce remota intuitus, quæ futura præuiderat.

Cautior, quàm Austriaca Franciscus Cōcubleta, Arenæ Marchio fuit, ac faciliorem Olympii dictis aurem præbuisse, non eum sanè pēnituit. Quo tempore Petrus Gironius, Dux Ossunensium Neapolitani Regni vices administrabat, decreuerat Marchio, adornata à Prorege in barbaros maritima quadam expeditione, vnà cum plerisque è præcipua Neapolitana nobilitate, quos abripuit impetus gloriæ, classem conscendere: & qui valere intimo quodam lumine Olympium nouerat, explorare eius mentem statuit. Qui quidem ita mussare, atque addubitare visus est, vt non obscurè innueret, præclarè cum eo actum iri, si consilium mutaret. Sed is, quamquā pulsabat non mediocriter animum ea vaticinatio: tamen quòd prouecta altiùs res esset, ac vereretur maximè, ne id inconstantia, aut ignauia verterent, retinere susceptam semel mentem constituit. Sub ipsum verò discessum ita de eius incolumitate sollicitus Olympius fuit, vt monitum apertè voluerit, vt omninò subsisteret. Hanc nimirum Dei voluntatem esse: fore, si pergeret, vt in maxima se se pericula, ærumnasque indueret: caueret proindè in tempore, ne serò deindè saperet. Quæ Viri Dei denuntiatio, quòd manare ab afflata diuinitùs mente,

Arenæ Marchioni in
commoda
prædicitur.

cognosceret, aliùs in Marchionis animum descendit; atque ita paruit, vt transmarinæ expeditionis consilium statim abiecerit. Et verò is fuit postea rerum euentus, vt quàm verissima cecinisse Vatem, Concubleta intellexerit; habuitq; vnde grates Deo redderet, quòd ea voce tot se se periculis subduxerit.

At enim consultam in Olympio futurorum mentem nullus Angelo Maria Verricello ex nostris lulentius cognouit. Anno vertentis seculi sexto, & trigésimo destinari in Georgiam nostratium manus debuit: erectusque in eam spem Verricellus, enixius petiit, excolendis remotissimis eius Regionis noualibus allegari. Verùm, quæ locum iam occupauerant aliorum postulata, lufere eius spem, ac vota. Igitur qui acriore quodã desiderio adeundi barbaras terras deflagrabat, implorare Olympii opem, ac preces constituit, vt cooptari inter illos saltem cõtingeret, qui subsidiaria deindè manu expeditionem non post multò adauxissent. Et is quidem, complexus intimè Viri impetus, ita illos prolixè probauit, vt non obscurè innueret, non diutiùs ipsi expectandum; sed quàm primùm cum eadem ipsa Patrũ classe, qui trajicere tùm quidè ad Orientalem Iberiam parabant, fore, vt & ipse velificaret. Visã res Verricello planè vltra fidem: quando præscriptum ab Augustis Patribus capitum numerum impleuerant iam viri impigri, propè diem discessuri. Sed Franciscus nonnisi cœlo dictante, ea pronuntiauerat; eòque adamussim euenere. Enimuerò Hieronymus Carafa, ex eo numero sacerdos, à præclaro quodam ardore animi par munerì, cùm iam Neapoli Messaniam peruenisset, vt in Orientem; suamque in Spartham transmitteret: excitata ab in-

Et Verricello expeditionem Ibericam,

tem-

tempestiuo conlanguineorum affectu procella, ac vento veluti reslante, quam induerat mentem, mutare, ac remeriri Neapolitanum iter coactus est: fufectusq; illi Verricellus, gratulatus magnoperè successum ex insperato habuisse Olympij hausta cælitus verba.

Cuiusmodi prædictionem, equè profectò ab euentu admirandam, is ipse ab eodem Dei Seruo mox audiuit. Etenim lectus ad id disseminandi Evangelij munus, ac iam iam discessurus, adire Franciscum voluit, vt eunti bene precaretur, iuuaretque difficillimum iter precibus. Excepit ille quidem, gratanter virum, monitisque per humaniter instruxit: tùm dimisit in ea verba: Constantes estote: videbitis auxilium Dei in vos. Quæ ille dum animo versat, pulsari intimè sensit; veritus, vt in eo consilio duraret: quando constantiam commendasset Olympius. Eapropter redire ad illum statuit, exploraturus, an eandem constantiam meminisset. Et ille, ceu nihil asferre accommodatius in rem posset: Constantes, inquit, estote: videbitis auxilium Dei in vos. Mirà profectò res dictu: Vix Neapoli soluit Verricellus, cùm fluctuare animo cœpit, sensitque nescio quid ingeri tacitæ poenitentiae: sed qui iam præmonitus; iugulare strenuè eiusmodi in cunis angues, ac pergere. Messanæ visa inualuisse impressio: sed prompta item manus, quæ propulsaret. Apud Zacynthum verò insulam nonnihil præsentis incommodi ita eius animum diuerberauit, vt socijs etiam probare reuersionis consilium contenderit: Sed concepto ex iis vnus præclaro quodam impetu voto, exempli vi cæteros inflammauit. Prouecta deinde nauigatione, obuias habuere triremes

Et eius ani
mi fluctus,

Veneras. Nutare hic magnoperè Verricellus; sed egregiè luctatus, vicit: uti & in Candia Insula, pulsante itidem peracri redeundi desiderio, accidit. At in ea Insula, cui à S. Vrinò nomen, quæ octoginta, circiter passuum millibus à Candia recedit, longè vehementior impetus fuit: adeò ut sarcinas iam ad reditum composuerit. Sed adhortante Andrea Sophiano, loci Episcopo, rediit suus menti ardor, ac robur pectori. Constantinopoli verò incredibilis in eo fuit pelagi in morem mentis reciprocatio: planè ut assidua quædam ancipitis animi pugna ea fuerit: Cum interim Olympii vaticinatio, eaq; potissimum verba insulurrari ad aures sibi viderentur: constanter estote. Illud autem experiri illi contigit; quòd cum in eo cogitationum æstu, animum deindè obfirmaret, ac continuare iter secum ipse constitueret; tunc enimverò affulgere menti serenitas quædam, atque affundi intimè insolita quædam voluptas videbatur; quo sanè & altera prædictionis pars successum habuit: nempe, & videbitis auxilium Dei in vos. Atque hæc ipsemet Verricellus pro testimonio dixit in actis Neapolitanis, unde ipsi exscripsimus.

Maggio
mira etiā
prædictio,

Verricelli in hac ipsa ad Iberiam expeditione socius unà cum aliis fuit Franciscus Maria Maggus, Panormitanus, qui luculentam item Olympii prædictionem, compositis ad Franciscum Boluitum, literis, testatur. Enimvero, antequam is Neapoli Messanam solueret, inuisere Dei Seruum voluit, à quo & precum præsidium, & monita exercendo Apostolico muneri petiit. Et illo, cum pleraque in rem monuisset; tùm id iussit, ut Messanæ, antequam ad Orientem socii unà simul vela facerent, suum

suum quisque Apostolum patronum adoptarent, eo nimirum ordine, quo in Duorum Litanis censentur, ac seruato inter se se, vt moris nostri est, professionis loco. Instare tùm Maggius: Ecquem putaret iple, fore sibi Apostolum obuenturum? Tùm is: ò te felicem, inquit, cui dilectus Dei Discipulus continget. Planè non id scire tùm potuit Olympius. Nam cùm mutari subindè socios oportuerit, incertum omninò erat, quinam, maiores, an minores professione sufficerentur. Attamen tributo mox Apostolo cuiq; suo, Maggio Ioannes Apostolus contigit; gratulatusque is sibi est eximium patrocinium, eò vel maximè, quòd diuinitùs Vir Dei prænuntiauerat.

Nescio quid mirabilius nunc annectimus: prædictionem nempe de ornatissimo iuvene, qui Theatrum Institutum eo quidem tempore suscepit; cùm successu caruisse Olympij ea de re vaticinatio, videri posset. Fuit is Carolus Pignatellus, Ducis Montisleonis filius, qui nunc in Ordine studiorum, ac morum laude cum primis floret. Non dum hic è pueritia enatauerat, cùm regularis disciplinæ mentem concepit; & quamuis propendere in aliam quandâ religiosorum hominum familiam videretur; tamen agente Hieronymo nostro Pignatello, eius Patris, qui tùm Mōtemleonem Urbem ad Ducem fratrem adiuerat, ea quidem spiritus alacritate, atque ardore annuit ad Clericos Regulares aggregari, vt reuersurus propediem Neapolim Hieronymus cùm offerre optasset tùm quidem ipse Sanctorum Apostolorum domum cum eo peteret, vt remisso maturius rebus humanis nuntio, patrocinium in eo poneret. At reuocauit Pater; tùm quòd idonea nondum ætas: namque

Carolo Pignatello religiosam disciplinam prædicit.

quartum decimum annum nōdum exceſſerat: tūc
verò, quòd explorandum mora id conſilii duceret:
cū aliò illum trahere ſua indoles, atque equeſtri-
bus maximè ſtudiis capi videretur; hiſque potiſſi-
mū intentus, religioſæ nondum diſciplinæ ſpeci-
men dederat. Neapoli rem omnem cum Olympio
communicat Hieronymus; & qui vehementer ad-
dubitabat, ne æui ſloſ, genius, viuida naturæ viſ il-
lum à propoſito dimouerent, rogare etiam, atque
etiam Dei Seruum, vt precibus id negotii prolixius
iuaſſet. Et is quidem ea illum ſpe crexit, vt pia-
etiam munuſcula dederit, quæ Carolo mitteret à
ſuo nomine, idque tanquam fratri. Nam licet, in-
quit, modò è fratrum cenſu non ſit, olim erit. Quo
ſanè non obſcurè prædixit, fore, vt daret aliquando
noſtro Inſtituto nomen Carolus: qui tamen paucos
intra menſes ad equeſtres artes, quò ſuoſpte inge-
nio, ac naturæ impetu ferebatur, vehementius ani-
matus, viſus conſilium Religionis capeſſendæ abie-
ciſſe. Id quod & Patruo mox diſcretè ſignificauit;
non ſine graui eius animi ſenſu: eſſi qui nunquam
ſefelliſſe Olympii dicta, nouerat; ita mutaſſe men-
tem adoleſcentem, exiſtimabat, vt poſt quendam
lætæ indolis impetum certò ſibi perſuaderet, fo-
re, vt priſtinum tandem conſilium reſumeret. Et
verò quatuor poſt annis, affuſa noua quadam diui-
nitùs luce, dum ſeculi illecebras, ludentemque re-
rum humanarum ſcenam propiùs intuetur floren-
tiſſimus iuuenis, adornare generoſè fugam, ac ſe
religioſæ vitæ rationibus addicere, ſecum ipſe ſtatuit:
idque obfirmato adeò animo, vt cū tūc maximè
preclara, bellici cuiuſdam muneris occaſio prouo-
caret, ſplendidam eam prouinciā, ac ſpes inde
omnes

omnes Dei inuitamento, religiosæque militiæ post-
 haberet. Vicisse tùm quidem Serui Dei prædictio,
 videri potuit. Verùm dum is Patri ineundi religio-
 si Ordinis consilium aperit: Se quidem, inquit, me-
 minisse, non Theatinæ, sed aliæ cuidam Religioni
 adiecisse priùs animum: eòque primæ se vocationi
 insistere debere, intelligebat; atque ita secum con-
 stanti quodam proposito decreuisse. Patri gratum
 quidem accidit, reduisse filio bonam mentem; sed
 mutasse Institutum, haud æquis perindè auribus ac-
 cepit: vt qui maximè vellet, illum Hieronymi, ger-
 mani fratris curis, ac benevolentia commendari.
 Monere proindè, adhortari: nihil esse, cur à Thea-
 tinis descisceret, quos ipsemet probauerat aliquan-
 do: esse inter eos Patruum; qui omni charitatis ge-
 nere excepiisset, ac cuperet, tam proximū caput vñ
 secum esse: meminere, fidem illi etiam obstrinxisse:
 promissis non stare, nescire, an fieri sine iniuria pos-
 sit: denique persuaderet sibi, id fore, & Patruo op-
 ratissimum, & Patri. Sed hæc veluti cum muni-
 tissima arce, frustra erant: agnouitque Dux Pater,
 ludere se operam, ac vix impetrauit, vt consilium
 differret, quoad Hieronymus, qui tū Panormi mo-
 rabatur, adesset. Et Hieronymus quidem nihilose-
 licior Patre fuit: præsentia, auctoritas, momenta ra-
 tionum id effecere, vt obfirmauerit is magis animū,
 ac constantiā quadā etiā verborū pōpa, ac magnifi-
 cè iactaret: planè vt nullus non intelligeret, actū iam
 agi, ac fortiozem adamante Carolum esse, quem
 vis sanguinis non frangeret. Attamen non se desti-
 tuit Hieronymus: habere se, aiebat, certiozem pro-
 pheticum sermonem: Olympij vaticinio nihil lu-
 culentius: ad illum nempè pertinere, vt suis con-

Et mutata
 licet mēto.

Rr

staret

staret dictis fides. In eo verò totus fuit, ut quando instaret Conceptæ sine originis labe Deiparæ festus dies, ad id vsquo Marianæ celebritatis, atque octo consequentes dies subsisteret domi Carolus: tum comperta abundè diuini Numinis volutate, pareret nulla mora suæ vocationi. Scilicet, solennes hi olim dies fuerant superstiti Olympio (nam interrim è viuis excesserat) in iis fore non disperabat, ut aliquam dexteræ Excelsi mutationem cerneret. Annuit fastu quodâ Iuuenis, cui immota prorsus mēs. At Parentes Duces, cum rem vehementer optarent, eam nihilominus omninò conclamatam ab incredibili filii constantia reputabant: ac disertè affirmare, se quidē, qui magno in honore habebant Olympium, si dedisse tandem manus filium, vidissent, longè quidem maiore in veneratione habituros. Mira sanè res dictu: Vbi sacer Conceptæ Virgini dies illuxit, emolliri tacitè pectus, se quidem mirante, Carolus sensit: ac dum putat, tentari strictim, ac leuiter constantiam; aduertit, subire in dies animum quid violentius; ac simul acre illud, atque ardentissimum, quo tenebatur, alieni Instituti desiderium deferuescere; simul non mediocre excitari in Theatinum nomen, ac Ordinem studium. Tegere ipse pro viribus hosce animi motus, eandemq; ostētare intrepido vultu mentē: cum interim pugnaret secū ipse, ac succrescentes eas curas elidere conaretur, ne consilium maturè susceptum, strenuè propugnatum, ad extremam iam manum perductum, ac linguis omnium euulgatum, subitarius quidam impetus triumpharet. At enim quod Deus suo iam nutu obsignauerat, & Franciscus prædixerat, nullus vnquam luserit. Producta quidem vsque ad diem septi-

septimum lucta ancipiti semper exitu: cum & val-
leſcerent ſubinde impuſſus; & depelleret ipſe veluti è
muris hoſtes. Noſte verò inſequentē ea ſe pulſari vi-
ſenſit, vt agnouerit, ibi eſſe Dei digitum, cui diutiùs
obniti, piaculum putauit. Dedit proindè manus,
decreuitque, abiecto, quod hæſerat animo tenaciſ-
ſimè, propoſito, Theatinum Inſtitutum complecti.
Mane nihil illi prius, quàm Parentes conuenire; ac
pugnam, palma m, ſe victum, victorem Olympium
fateri. Id quod iis, qui in filio adhortando cona-
tus omnes conſuſperant, monſtri ſimile viſum: atq;
Olympi plaudere, cuius prædictio ex inſperato, at-
que adeò mirè euentum habuiſſet. Eius victoriæ
exuias, nempe Carolum ipſum Hieronymus Nea-
polim mox retulit, vbi is inſigni cum modèſtiæ, ac
pietatis laude tyrocinium poſuit.

De incunda Religione inſignis etiam vaticinatio
ea fuit. Antii Marchioniſſam inuiſit aliquando
Franciſcus, quæ ſeptem omninò filios, quos ſuſce-
perat, dare ſe in Serui Dei conſpectum iuſſit, vt is be-
ne precaretur: Tùm decreuiſſe ſe, inquit, ex iis duos,
nempe Tiberium, & Antonium Theatinis addice-
re: quos ille intuitus, apprehenſo comà Antonio,
Hic, ait, inter noſtros cooprandus: alterum aliò vo-
cat indoles. Quod accidit. Nam ex duobus alter,
nempe Antonius, mentem, habitumque noſtri Or-
dinis induit. Fuit is Petrus Aloyſius Carafa, Epiſco-
pus nunc Tricaricenſis, qui à Patruo Cardinali Ca-
rafa, vt antea nomen, ita poſtea Inſulas accepit: re-
tulitque ipſemet; quod Matri prænunciauerat O-
lympius.

In morbis verò, dubioque eorum exitu nullum
certius paſſim oraculum, quàm eius, aut dictum,

Petrum A-
loyſiū Cara-
fam aggre-
gandum,
ad Theati-
nos prænu-
tiant,

Et disparē
matronis
duabus exi-
tum,

aut nutum putabant. Prædicente Olympio, elati
sapiūs, quos medicorum iudicia incolumitati resti-
tuerant: contrā, conualuere, quos medici concla-
mauerant: ad eò, vt veluti ab eius ore penderet de-
cumbentium salus, diligenter aduerterent, quicquid
is, dum ægrotos inuiseret, aut de ijs interrogarent,
pronuntiasset. Ægrotabant nobiles fœminæ duæ,
altera Isabella Dentice, Vincētij Caraccioli coniux;
Beatrix Caracciola altera, Vincentij eiusdem ger-
mana soror: vtraque sanè periculosè, affecto nem-
pè gutture, quæ tùm lues Neapoli grassabatur. Cō-
mendantur Olympii precibus, quod maximè opta-
bant. Et de Isabella quidem hæc ille subtristi vultu
Dominico Dicastiglio, eius a confessionibus: Heu
deplorandam flore æui fœminam, De Beatrice ve-
rò quadam oris tranquillitate Antonio nostro Ca-
racciolo, eius fratri: Bono sit animo, inquit. Nec mul-
tis: illa desit viuere, hæc conualuit.

Et Pigna-
tellæ filijs
mortem,

Ab eadem gutturis lue decumbebant filij duo
Thomæ de Franchis, regiis à Consilijs: mas alter,
sequioris sexus altera, longè intra pueritiam vterq;
Mater ijs Delia Pignatella, ad deliquium anxia, quæ
accersiri Olympium iussit; eique quicquid esset do-
mi gemmarum, vt in cultum, honoremque cede-
rent Diuæ Virginis à Carmelo, obtulit; enixè preca-
ta, vt pro filiorum incolumitate preces ad eam fun-
deret. Renuit ille munera; sed vtramque sobolem
complexus, conceptaque oratione, hæc statim Ma-
tri: Quid si transferri in cæli areolas, ibique pulchrè
florere duo hæc lilia, Deus iusserit? Certè nihil Dei
Matri facilius, quam horum salutem impetrare, si
vellet: at scias, nolle. Igitur sequenti mox die vnâ
simul, vt germanitate, ita & funere coniunctæ abie-

re ad pauciores animulæ. Sed antequàm obirent; superiore, videlicet, nocte id accidit, quod est in actis Neapolitanis consignatum. Ex his puella, cui nomen Antonia, matrem vocavit: Et viden, inquit, Franciscum Olympium? Cui cum non illum adesse, respondisset Mater. Ita, ait, ea nunc abit; ac iussit, bono essem animo; fore siquidem, vt insequenti mox die vnà cum germano fratre admitti ad Diuæ Virginis pedes dignarer: ac dicta probauit mox euentus.

Annæ Carasæ, Hostiliani Principi, Neapolitanæ Proreginæ haud gratiora cecinit, concepto diuinitus spiritu, Dei Seruus. Filium primo loco genitum adhuc in cunis corripit morbo contigit. Accersitus illicò Olympius, qui, vt illum vidit: O te felicem, inquit, fruendis cœli gaudiis natum: addiditque mox illa: Delectatur quidem primitijs Deus: quo sanè cum Princeps mater, tum cœteri, qui aderant, haud vitalem fore puerum, interpretati sūt. Nec post multò, morbo ingrauescente, demersit florem illū immatura mors. Ad eundem prorsus modum Iuliæ Caracciolæ, ornatissimæ foeminæ prædixit, fore, vt qui tūm ægotaret filius, in eo ipso vitæ rudimento desineret viuere. Vocatus namque, vt illum vidit, læta quadam fronte, ac subridens. ò te beatum, inquit: Visus nempè ominari puero cœli gloriam, haud fefellit; eo mox extincto. Iuliæ huic filia fuit Violantes Pignatella, Vegiani Princeps, quæ ærotante itidem in cunis filio, cui Hyacintho nomen, id enixè petiit, vt inuaseret Olympius: Adiit ille, complexusque infantem. non alia semel, ac iterum concepit verba, quàm: O te beatum. Quod argumentum omnibus, qui aderant, fuit, breui puerum moriturum; quod accidit. Francisco verò Pignatella,

Et Annæ
Carasæ pri-
mo loco
genito.

Et Iuliæ
Caraccio-
læ soboli.

tello, Violantis Patri, & Iuliæ Caracciolæ coniugii lætiora prænuntiauit. Nam cum is grauissimè decumberet, ac pleraque pro sua incolumitate suscepisset vota; etsi addubitabant vehementer de eius vita medici, constanter pronuntiauit, fore, vt conualesceret, ac solueret ipsemet sua vota. Responditque euentus dictis.

Et Antistiti
te Mona-
sterij C6-
stantino-
politani,

Illam etiam non obscurè prænuntiata, quæ non dissimulanda. Gynæceum Diuæ Mariæ Constantinopolitanæ Neapoli semel adiit. Loci Antistitam vt vidit, futuræ statim vitæ monuit; hortatus, vt ad illam se se compararet. Planè laborare asthma te solita erat: verum, vti eæ Virgines testabantur, rectè tùm quidem valebat, ac nihil illi interminari instantis periculi morbus, videbatur: attamen intra mensem excessit è viuus: ac constans in eo Ascetario persuasio fuit, ab eo præuisum fatum.

Et Franci-
sco Vita-
liano.

Citiùs obiit, prænuntiante Olympio, Franciscus Vitalianus, honesto vir loco. Ægrotabat is, idque in primis optabat, vt inuiseret Dei Seruus. Igitur ad eius cellulam Marcus de Angelis ex nostris, rogaturus, vt adiret: pulsatoque ostio, ac cidere quid insolens ad aures sensit. Nam qui respondere solitus erat, Deo gratias; conceptissimis tùm verbis respondit. Requiem æternam dona ei Domine. Actum de Vitaliano putauit statim Marcus. Nec mora; eadem ipsa die, perurgente vi morbi, ac festinato nimis exitu extinctus. Idem Marcus de Angelis, ægrotante Scipione de Angelis, germano fratre, ab Olympio petiit, vt pro eo ad aram faceret. Cui ille, sat fuerit nunc orasse: nam missæ sacrificium incunte mox anno, cum exuere mortalitatem contigerit, pro eius animæ incolumitate offeram.

Et Scipio-
ni de An-
gelis

Exc-

Exeunte Decembri mense hoc accidit: sub ipsum
 verò Ianuarii initium elatum Scipionis funus; lita-
 tumque à Francisco, vti pollicitus fuerat. Supremum
 item fati diem prænuntiatum Fabritio Hodiernæ,
 vtroque iure Consulto, euentuque prædictionem
 comprobata, testatus ex fide est Ioannes Bapti-
 sta Hodierna eius filius, Iuris item prudentia Con-
 sultus: à quo quidem & id habemus. Anno verten-
 tis seculi altero, & trigesimo peracuta ipsemet Ioan-
 nes Baptista stratus febris, eò adductus discriminis
 fuerat, vt colligeret iam vasa: ac denuntiauerant
 medici, fore, vt die Februarii mensis quinta, Diuæ
 Virgini, & Martyri Agathæ sacra, è viuis excederet.
 Igitur die eiusdem mensis secunda, Purificatæ Vir-
 ginis solenniis celebri, anxia de Viri vita coniux,
 prætextam auro vestem, ac cereas quasdam faces
 Olympio misit, ad eius nempè Carmelitæ Virginis
 cultum, quam aliàs diximus. Et is quidem mu-
 nera ornandæ magnæ Matri gratanter accepit: tum
 Antonio de Spatio, qui dona tulerat, hæc disertè ait.
 Hodiernæ à meo nomine salutem nuntia: ac speret
 Vespertinis horis aliquid à Deo solatij. Schedulam
 deinde è precum Codice protulit, Diuæ Agathæ no-
 mine inscriptam: Et hanc, inquit, à me habeat Ho-
 dierna. Huius Diuæ festum in proximum Sabba-
 tum incidet: illi si se commendauerit, ea ipsa die
 penitus conualescet. Ergo vti prædixerat, vespere
 quidem meliùs habuit: Sabbato verò, hoc est, die
 D. Agathæ sacra, & quæ medicorū iudicio perēpto-
 ria, iugulata omninò febris, morbum excussit: recla-
 mante medicinæ arte, ac medicis apertè affirman-
 tibus, supernum aliquod præsidium, ac opem ad-
 fuisse, quæ febrim, & quicquid est humani adiu-
 men.

Hodiernæ
 incolumita-
 tem præ-
 dicit

menti, atque industriæ vicerat.

Partuum
sexum præ
dicit.

Suppetūt adhuc eiusmodi vitæ, ac mortis vaticinia; sed hæc hæctenus. Aliud nūc prædictionis genus delibamus, quod frequentissimū in eo fuit. Id quippe deuotionis plerisque è nobilibus matronis, cū vterum gestarent, inerat, vt ab Olympio nomen peterent, quod soboli imponerent; ac tūm quidem, si maris nomen edicebat, non dubitabant, marem fore, quem peperissent; si foemine, foeminam. Qua quidem experientia edoctæ, ad hoc illum non nullæ compellabant, nomenque efflagitabant, vt partus sexum, eo prædicente, præmaturè cognoscerent. Accidit hoc Dianæ Victoriæ Roccellæ Principi,

Roccellæ
Principi.

quæ grauis vtero, ac propè diem paritura, quo partum nomine afficeret, Olympium interrogauit. Et ille: Voca illum Fortunatum, vt fortunet illum Deus. Nec multis: enixa marem est Princeps, appellauitque Fortunatum, qui florente nunc æuo, ac multis animi partibus videtur fortunæ suæ faber. Hac arte Ioannes Antonius Carafa ex nostris, Ferdinandi Carafæ, Lauriæ Ducis germanus frater hoc ipsum explorauit. Gerente siquidem vterum Anna Maria Palma, fratris coniuge, nomen à Francisco petiit; qui statim: hoc, inquit, partui nomen, Ioannes Baptista. Persuasit illicò sibi Ioannes Antonius, marem fore: nec sua illum lusit opinio; edito mox in lucem puero, quem eo nomine parentes affecere.

Lauriæ
Duci.

Vegiani
Principi.

Nec absimile, quod Violanti Pignatellæ, quam supra meminimus, Iuliæ Caracciolæ filæ, ac Ioannis Baptistæ Sangrii, Vegiani Principis coniugi accidit, nisi quod non vnā sanè prædictionem visa est gratulari sibi nobilis foemina. Ac primò quidem
quæ

quæ fecunditatem penè desperauerat, Olympii precibus, ac vaticinatione visa non post multò fecunda. Sub ipsum deindè partum illum de nomine interpellauit; qui, quòd in summo baculo D. Hyacinthi effigiem exprimendam curauerat: en, inquit, nomen. Quo quidem interpretata Pignatella est, maris sexus fore sobolen; quod accidit. Hic deinde Hyacinthus, ceu flos succisus aratro, intra bimestre immaturo satis funere elanguit, uti paulò ante significatum est. Sed repetita vteri foecunditate, iterum ab Olympio nomen poposcit Princeps: & ille, appellato itidem Hyacinthum. Placuit quidem ea matri nomenclatio, quòd sibi inde persuaderet, marem etiam fore fctũ: verũ quod à recenti prioris filii vulnere nescio quid infauti portederet nomen, anxia nonnihil videbatur; verita, ne alterum hunc Hyacinthum decuteret mors. Tunc Olympius: speranda, inquit, meliora. Nam quando alter cœli deliciis floret, ac perennat Hyacinthus; alter hic parentum solatium erit: quo sanè vitalem fore, significauit; ac superstes hodieque est florentissimus Iuuenis. Porro quem diximus, baculum, D Hyacinthi effigie, ac nomine inscriptum, id omni ope contendit Iulia, Violantis Mater, ut sibi Olympius dono daret; impetrauitque: à quo deinde pleraque numerantur beneficia, præcipuè in puerperiis.

De quibus & aliæ à Dei Seruo prædictiones narrantur. Nam Maria Paladina, Campi Marchionissa, quæ morbis aliis ex aliis, ut in loco significauimus, diu implicata, inutilis etiam foetibus habebatur; Olympii precibus ita conualuit, ut incolumitatem cumulaueit foecunditas. Partum verò antequam funderet, eo prædicente, marem sibi gra-

Câpi Marchionissa
foecunda;

Difficilis
partus in-
uatur,

Et præui-
detur.

tulata est Marchionissa : quod & euentus compro-
bavit. Iosephi Battinelli coniux à difficillimo par-
tu laborabat , ac nil propius erat , quàm extincta
ante lucis vsuram sobole , matris etiam exequias ce-
lebrari . Adest Olympius , qui tēminam consolatus ,
& salutem illi , & maris sexus filium constanti qua-
dam prædictione adpromisit : nec post multò con-
sequuta vtrumque illa est . Illud mirè sanè præui-
sum , ac lepidè prænunciatum . Inuisit aliquando
Olympius Cæsaris Riccij , Aloysij Riccij , Æquensis
Vici Episcopi germani fratris coniugem ; qua cum
& aliam reperit matronam : & quòd vtraque vterū
gestarent , nec procul à partu aberant , ab eo ma-
gnoperè petiere , vt suis vtrique precibus adesset . Ille
vni quidem , nempè Riccij , vt geminum missæ sa-
crum celebrandum sibi ante partum curaret , præ-
cepit : alteri verò vt vnum . Igitur enixa vtraque
fœmina est ; & Riccia quidem gemellos effu-
dit filios ; altera vnum . Planè præuidis-
se id , Dei Seruus apertè commōstra-
uit ; putauitque , quæ geminos
ferebat partus , gemino
indigere sacrificio ,
quæ vnum ,
vno .

Occulta, atque ima pectoris peruadis.

Cap. X.



ERSAMVR in eodem ferè argu-
mento. Nam futura, & quæ longe sunt
posita, de quibus modò loquuti sumus,
ad idem lumen spectant, ac intima cor-
dis, & quæ veluti in fundo latent, de
quibus modò dicendum. Planè ubi de mortalium
pectore agitur, cæcus omninò, atque inobseruabilis
ad illud aditus. Quid agitent introrsum, atque in
reducto eo Senatu curæ, ac cogitationes, nulla
beatarum mentium, nisi diuinum ipsum Numen
sciuerit, cui nuda omnia, ac veluti è vitro trans-
lucida. Dignantur hoc interdum lumine Viri San-
cti: & qui fixit singillatim corda hominum, ea il-
lis aperit, vt cum res animarum postulauerit, ad in-
timos ipsos humanorum pectorum recessus pertin-
gant. Hoc autem an Francisco contigerit, quæ su-
biicimus, faciliè ostendunt. Peruulgatum illud, quod
in Sanctorum Apostolorum domo accidit. Acces-
serat eò quædam militum manus leuandæ siti: qui
vt Franciscum Olympium, egressurum tùm fortè
domo, vident, ruere certatim in eius manus oscu-
lum; qui honor ab insigni quadam veneratione
passim illi habebatur. Et is quidem excepit perhu-
maniter omnes præter vnum, quo ad osculum ac-
cedente, retracta manu, renuit: tùm ad eius taci-
tè aures insusurrauit: Scio te Sacerdotio initiatum;
eòque par esset, me tuas potiùs exosculari manus.

Occultum
apostatam
dignoscit.

Da operam, vt Numen tibi pœnitentia propities, ac menti redeas. Et verò nō modò Sacerdos, sed è præcipuo quodam Ordine apostata is erat, qui ea voce percussus, desertam Christi militiam, ac pristinas vitæ rationes repetiit, ac deprædicare Viri sanctimoniam cœpit, quæ rem adeò occultam diuinitus nouerat.

Et adole-
scens is
culpam.

Latebat item imo in pectore adolescentis cuiusdam culpam, quam introspexit Olympius, ac vultu correxit. Filius is erat cuiusdam regis à Consilijs, cuius domum cùm adiret interdum Dei Seruus, hūc præferim optimæ indolis ephebum complecti intinē, ac quadam oris festiuitate solitus erat. Accidit, vt is nescio quid culpæ semel admiserit: quo tempore, redeunte domum Olympio, aduertit, non modò ea se vultus hilaritate ab eo nō aspici, sed quadam etiam seueritate, adductaque fronte, ac supercilio terreri. Mirari adolescens: tūm monente, siue mordente conscia sui mente, cogitare secum ipse, cœpit, non aliam ob causam vultuosum sibi Olympium, quàm quòd exerrasset, nec suus constaret animo candor. Igitur digressus, admissum piaculum intimè doluit, pollicitus Deo, fore, vt quàm primum sacramentalem obiret confessionem: tūm rediit: mutatumque omninò illum reperit: lætum, nempe, ac summè erga se beneuolum: exceptusque ab eo est his verbis: Cor contritum, & humiliatum Deus non despiciet: vt ostenderit planè tristi, hilarique deinde fronte, et noxam agnouisse, & pœnitentiam.

Ingenti præterea plerisque admirationi fuit, quod hic ex fide Iosephi Boccafochi, spectati ex nostris viri de altero quodam nobili luene recensendum:

Ro-

Roma Panormum redibat Franciscus à Sylua, Panormitanus, vir genere perinde, ac moribus ornatissimus: cum eorū alii viri nobiles, tūm Andreas à Sylua filius, annos natus circiter vndeviginti, quē, uti persapē in eo atatis Euripo accidit, æuum, genius, & quidem naturæ ardor transuersum egerant; ut nihil ferret molestius Pater, quàm discinctos filij mores. Neapolim vbi peruenere Viri proceres, id in primis curę illis fuit, ut antequam in Siciliam transmitterent, Franciscum Olympium, cuius celebrari passim nomen, ac sanctitatem nouerant, inuiferent. Ergo admissi. Verū quod tūm quidem implicitus morbo erat bonus Senex, atque à quadam virium imbecillitate prolixē, ac sine graui incommodo loqui minū poterat, moniti, ut paucis agerent. Et Olympius quidem quā humanissimē illos excepit; ac postquam breui alloquutus simul omnes est, ad Andream, quem diximus, permisisse genio sui habenas, sermonem conuertit.

Monere prolixius, atq; acri quodam genere dicendi supra vires, ac morbum. Quā indecorum filiis, parentum neq; vestigia sequi, neque monita: quā periculosum mundi illecebris mergi: voluptatibus, quæ sensibus percipiuntur, nihil breuius: deflorescere momento rosas, cū interim confodiendo intimē pectori, spinæ restent: decipere æui florem, eoque nihil citius exarescere: instare proinde fata, cū magis distare credas: quid si culpa, ipsa, accerseret, atque vrgeret mortem? Nam stimulus mortis, peccatum. Illud vigorosiore quodam spiritu pronuntiare, ac verbis aliis atq; aliis inculcare: liberum quidem nobis esse, in peccatum ruere: inde autem resiliere, haud nostri esse iuris; neque tantū suppetere ho-

Et Andree
à Sylua solutos mo-
res.

homini virium, vt ex se possit. Fugiendam proinde noxam, & quicquid ad illam propelleret. Hæc ferè Olympius, sui oblitus, ac morbi, ad Andream, quem non antea viderat; non indolem, non mores, non vitæ rationes nouerat. Mirari, qui aderam, ac se se inuicem, rei nouitate perculos, intueri; neque enim, nisi qui intimè luuenem, solutamque eius vitam nouerat, eloqui tam appositè, aptèque ad rem poterat. Quocirca persuasum habuere, Dei Seruum, affusa quadam diuinitùs luce, peruasissè, Andrea pectus; edoctumque, quid in præsentī opus esset, ea copia, ac vidicendi, veluti concionabundum fecisse ad illum verba: cùm alioqui defecto corpore, is esset virium languor, vt pauca conari verba vix posset.

Et Serui
præcipit
casum.

Illud profectò memoratu dignum, quod simul, & præuisa mirè futura, & agnitum arcanum statum animæ, & allatam præsentem, atque admirandum quendam in modum ab Olympio opem continet. Seruus cuidam patricij Ordinis viro Neapoli erat, quem quoties cerneret Franciscus, toties, vt cōscientiam elueret, monebat; pulsabatque surdas aures. Igitur aliquando sub primam noctem cū nescio quid domestici officii obiret; tenebris periculum concinnantibus, fenestram, cui nihil oppositi muri erat; portam, atque ad aliud conclaue transitum putat; factoque per imprudentiam gradu, præcepsit. Dum cadit, ecce tibi Olympius, qui apprehensum coma hominem medio ipso in ære detinuit; retraxitque mox domum. Et quoties te, inquit, monui, vt peccata elueres poenitentia? Vides non tam corporis, quàm animæ præcipitum? hisque dictis, euauit. Quo ille horrore defixus,

fixus, nihil prius habuit, quàm animum expurgare, quem, præuiso præcipiti eo casu, introspecterat Vir lincèus.

Addimus huic nautam, cui nomen Dominicus Antonius Ropulus; qui Dominico nostro Dicastiglio Puteolis, quo illum cymba vexerat, narrauit: Franciscum Olympium hæc sibi aliquando dixisse: Non leue te erimen grauat, Ropule, nempè ingens in conjugem tuam odium, quam velles extinctam. Quod omninò verum: miratusque nauta, penetrasse tam intimè Viri Dei obtutum, eiusdem monitis labem sacra confessione absterfit.

Et Ropuli
crimen:

Arcana cordis hæc, quæ cæteris imperuia, vni Deo, vti monuimus, patent. Sed Olympio ea diuinitus vis inerat, vt ad illa sæpiùs pertingeret. Id Francisco Antonio Hodiernæ, Ioannis Baptistæ, quæ supra meminimus, germano fratri accidit. Admissus is aliquando est in domesticum Sanctorum Apostolorum Sacellum, vt Olympio sacrificanti adesset. Statim à sacro conuenit illum Dei Seruus, ac recitare vnà secum Apostolorum Symbolum iussit: tùm firmissimo quodam oris habitu, ac præferuidè interrogauit, an paratus esset, dare pro Christo, ac Christi fide sanguinem? Obstupuit ille vehementer. Nam tùm quidem, malorum certè demonū instinctu, pulsari se molestissimis de Christianæ religionis dubijs sentiebat: excitatusque opportunè Francisci voce est, ac discussa omninò ea mentis caligo: quod ipsemet loci Vicario admirabundus mox aperuit testatus luculenter, lustrasse intimum pectus Dei Seruum, ac veluti peritissimum medicum, & agnouisse secretum morbum, & fecisse medicinam.

Et Hodiernæ animi
fluctus.

Aliàs Aureliam Branciam, quam supra appella-

ui.

Et Branci-
noxium,
consilium,

uimus, ex inopinato monuit, caueret, ne consiliū,
quod mente agitabat, & quod non adeò tūm op-
portunum, exequutioni mandaret. Quod illa cūm
nulli vnquam mortaliū aperuisset, putauit superio-
re quodam lumine patuisse Olympio. Quod ipsum
& alia quædam mulier persuasum habuit. Nam
cūm prolixè eius se se precibus commendasset, id
vnum ab eo audiit: charitatem, videlicet, beneuo-
lentiamque aduersus proximos meminisset. Et qui-
dem subirato, offensoq; in quosdam animo tunc erat
mulier; obstupuitq; rem nulli compertam, & quæ pe-
nitissimo lateret corde, incurrisse in Olympii oculos.

Quid Can-
næ Marchi-
oni nuntia-
uerit,

Iam quod Octauiano Loffredo, Cannæ Marchio-
ni significatum semel voluit, nescias illi voluptati
magis, an admirationi fuerit. Sacram is aliquando
Eucharistiam sumpserat, atque ea quidem vi spiri-
tus, quam afflare cibus ille fortium solitus est, pre-
catus Dominum fuerat, vt admissas ad eam vsque
horam noxas condonaret. Interim Olympium vi-
det ad aram pergere, vt missæ sacrum faceret; ac-
cessitque ipse, vt interesset: cūm ille, concinnato de
more calice; apertoque missarum codice, admini-
strum ad se vocatum, adire Loffredum iubet, eum-
que à suo nomine monere, quod modò à Deo pe-
tierat, impetrasse. Simul stupore percelli, simul gra-
tulari sibi nuntium, visus Marchio, cui nihil accide-
re gratius poterat, quàm, & promeruisse se peccato-
rum veniam, & ab O'lympio rei monitum. Nec mi-
nore quidem cum admiratione cuidam foeminæ a-
peruit, quod illa scire per quàm vellet. Nomen illi
Anna Caserta, quæ erepto Patre, quem vnicè ama-
bat, peracri quodam desiderio tenebatur sciēdi, quo
loco is esset: cumque apud animum suum statuisset,

Annæ Ca-
sertæ oc-
cultæ pec-
toris intue-
tur.

ab Olympio id petere, non audebat. Igitur cùm aliquando ægrotum quendam inuiferet Dei Seruus, aderat Anna, quæ ad præsentiam inardescere vehementius desiderium sentiebat: ac dum non audet, ad illam Olympius: Age, inquit, da precibus operam, ut parentis tui anima è purgatorio igne euolet citò in cælum: quo visus, simul agnouisse, & Patris supplicia, & filiæ desiderium.

Neq; omittendus hic Antistes, cuius nomini parimus: et si quod modò literis consignamus, narravit ipsemet candide Iosepho Arcamono ex nostris; frugi, compertæque fidei Viro. Perfamiliare Diuo Antonino erat in Surrentina nostra Ecclesia, ubi eius Manes quiescunt, signare pios libros, locis quidem ad illorum documentum, ac profectum, qui signandos apponerent, opportunitissimis. Igitur Antistes quid potissimùm pij operis ad suæ pietatis incrementum, ac diuini Numinis gloriam nauaret, exploraturus, adire & ipse Diuum Antoninum statuit; ac composito supplici libello, ab eo petere, ut signatis de more paginis, Dei sibi voluntatem significaret. Porro quòd tùm Surrenti moraretur Olympius, addere momentum precibus ab ea manu statuit; illumque impensius rogauit, ut id supplicis libelli afferret ipse ad aram, atque id ipsum sua oratione postularet. Renuit primò ab insigni modestia Dei Seruus; tùm quòd persuasum habuit, fore, ut aliquid inde compendii, ac fructus existeret, passus est, exorari: ac summo mane Diui Abbatis aram petiit, explicatoque eo libello, hæsit inibi inter preces ad horas non sanè paucas. Tum redeunte Antistite, transsegisse se, ait, cum D. Antonino rem; librum non signasse, at voce sibi significasse, gratum

Et cuiusdā
etiam An-
tilicis cō-
silia,

Deo fore, si meminisset. illa, & illa exequi, quæ olim ægrotus facturus, decreuerat, ac mente fortè exciderant. Quo loco cùm morbos, à quibus laborauerat, tùm annum, ac mensem, tùm deniq; quicquid bonæ mentis concepisset, ac statuisset, secum ipse exequutioni mandare, ad vnguem, ac particulatim expoluit; perculso admiratione Antistite, qui ea sibi in memoriam reuocari audiuit, quæ nullus vnquam sciuerat, ac reuera ita ea sibi facienda proposuerat, vt postea, quæ est humanæ mentis, memoriæque in re præsertim animorum imbecillitas, distulerit.

Dicastigli
internum
pectus in
spicitur,

Petenda item ex nostris exempla acerrimi eiusmodi obtutus, quo arcana cordis introspeceret Frânciscus. Dominicus Dicastiglius adibat frequenter vnâ cum ipsomet Dei Seruo ægotantes: idque operis ad Dei potissimum gloriam, ac proximorum leuamentum, salutemq; exercere diligenter curabat. Interdum quòd viros principes, matronasque magni nominis conueniret, irrepere nescio quid studii, affectusque, qui à Deo deflecteret, sentiebat, ac tùm quidem Franciscus enatas intimo in sinu cogitationes, veluti perspicuè, ac fenestrato è pectore dispiceret, iis illum verbis singulari quadam modestia monebat: omnia vestra in charitate fiant. Nempe qui aliquantisper à recto tramite aberrabat, in regiam charitatis viam reducere conabatur, corde nimirum penitus inspecto. Qua item arcanorū notitia quendam ex laicis fratribus à suscepto perperam consilio reuocauit. Nescio quid molestiæ accepisse, istibi persuaferat à quodam ex Patribus, ac ratus, id opportunum tranquillitati suæ fore; absti-

nere

mum induxit suum, instinctu certè mali dæmonis ,
 cui nihil prius, quam concentum animorum in re-
 ligiosis familijs abrumperè. Cùm maximè obfirmas-
 se in ea cogitatione animum videretur , Franciscus
 rem illi demandauit, in qua perficienda, cum eo ip-
 so, in quem suboffensum gestabat animum, diutius
 agere oportebat. Quo quidem persuasum habuit
 frater ille, quicquid indignatione quadam, atq; ani-
 mi imperu secum ipse decreuerat, agnouisse liquidò
 Franciscum: ac monitus erroris , charitatem , amo-
 remque in illum exercere impensius solito statuit:
 reperitque in sinu fraternæ dilectionis requietem ,
 quam extra illum frustra quærebat . Addimus Hie-
 ronymum Massam , Sacerdotem probi moris, qui
 cùm tacitè secum ipse decreuisset, ad vitæ, mortisq;
 præsidium mutuam quandam precum opem cum
 Olympio pacisci, ac iam cellula egrederetur, vt rem
 transigeret; ecce tibi obiecit se se illi bonus Senex ,
 dicentemque occupauit; ac nihil vtrique opportu-
 nius fore, inquit , quam si mutuis se se precibus iu-
 uarent. Obstupuit ille: tùm inire se, inquit, gratan-
 ter pactum, quando id ipsum tùm quidem cogita-
 ret. Ad hoc Olympius, flexo ad quandam tristi-
 tiam vultu, abiit, veritus, ne intimos eius animi sen-
 sus se diuinitus penetrasse, Massa existimaret .

Et laici
 fratris,

Et Massæ
 Consilium



Olympij Obedientia .

Cap. XI.



VI, vt in loco explicauimus, solennia Religionis vota repetere quàm frequentissimè solitus erat, eorum deinde seruantissimum fuisse, facile sibi quisque persuaferit. Ea quidem singulis penè momentis instaurare, stimulos quosdam, faciesque addere erat, vt quicquid concepta semel ea votorum Sacramenta poscerent, alacrius exhauriret. Ordinur ab obedientia, cui pręluxisse ab ipsa penè infantia Olympius visus est. Dicere quippe Matrem solitam, accepimus, ex filiis cùm alij, quę est refractaria puerorum indoles, aliquid sibi identidem molestiæ afferrent, in Francisco nihil vnquam habuisse, quod reprehenderet, prono semper ad obsequium ingenio, veluti rudimentum tùm quidem poneret religiosę obedientiæ. Cui quidem vsque adeò addictus, vt vel nudum ipsum obedientiæ nomen externo quodam corporis, orisque habitu, cùm nominari contigisset, veneraretur. Ad maioris verò reuerentiæ documentũ nūquam illam nisi sanctam appellabat. Dicere solitus erat, obedientiam, misericordiam, sanctam Dei Matrem: hanc sibi maximè triadem cordi esse; nec satis compertum sibi, quem cuique locum tribueret. Tùm obedientiam ad dexteram collocandam, aiebat: nā factus obediens vsque ad mortem. Misericordiam in medio, hoc est, in pectore: quippè misericordia

Reueren-
tiam obe-
dientiæ ex-
hibet.

Do.

Dòmini plena est terra. Denique ad sinistram Dei-
param Virginem, vt cordi incubaret, foueretque.
Hæc ille ad obedientiæ commendationem; cuius
gratia Moderatores summo loco habebat: planè vt
non modò alacriter ijs pareret, si quid imperassent,
verùm etiam eximium quendam ijs exhibere ani-
mi cultum videretur. Illos quippè nunquam nisi
aperto capite alloqui: per eorum cellulam cùm
transiret, honorem illi, vel clausæ habere: affixum
de more portis nomen, nudo vertice venerari: illato
interdum sudariolo, puluerem ab eo excutere, ip-
sumque deinde sudariolum ad reuerentiam exoscu-
lari. Loquens aliquando cum suo Præposito de
præclara obedientiæ virtute, eam longè esse præ-
stantissimam, ac primæ notæ, affirmabat, quòd per
illam diuina se se nobis voluntas aperit. Cui Præ-
positus: hinc diuinæ literæ: Qui vos audit, me au-
dit, & qui vos spernit, me spernit. Ad postrema
hæc verba visus Vir sanctus penè excandescere.
Spernit? inquit, da mihi soleam tuam, Pater, eoque
ardore petere institit, vt impetraverit: tùm ea sæ-
piùs repetens, me spernit? Capiti imposuit: ori de-
indè applicuit, incredibili quadam humilitate exo-
sculans: deniq; restituit, idque nonnisi vultu, ocu-
lisque ad quandam reuerentiam demissis: atque
eadem identidem pronuntians: me spernit? Scili-
cet, nihil tam religiosum, ac sanctum putabat, quàm
Moderatoris, ac sanctæ obedientiæ nomen.

Et Mode-
ratoribus,

Regendis tyronibus admotus, cùm omni pieta-
tis genere, ac morum disciplina formare eorum in-
dolem conaretur, tùm huic potissimùm virtuti, vt
assuescerent, ac discerent, ceu nobili ab stirpe equi,
ad rectorum nutum flecti, perdiligenter curabat,
Nihil

Tyrones
obediētia
præcipuè
format.

Nihil eorum arbitrio permittere: cauereque, ut nullus, magistro inconsulto, neque effigiem aliquā de loco ad locum transferret: secūs quifecerit, multabatur atriter. Semelex ijs quidam tonderi sponte sua postulauit: quod ille graui quodam supercilio excepit; tūm ut erroris moneret, vindicaretque ad aliorum documentum id spontaneæ voluntatis, tonderi diutius noluit; ut excreuerit penē eremicolarum in morem capillamentum; didicitque nouitius, promissa nimium cæsario, præcidere arbitrii sui vota. Quod autem circa hæc minima, ac minutissima tyronibus præscribebat, seruabat ipse ad vnguem, vel grandæuus, emerita iam virtute, ac multorum stipendiorum miles: idque tam religiosè, ac minutim, ut nesciam, an aliquis ad tam minima obediendo vnquam descenderit. Sine Maiorum nutu non lustralem aquam è sacrario ad cellulæ vsum asportare: non lanceum operimentum sub dio ponere, vti moris est, ne corrumpat blatta: non lectum sternere: non oleo lucernam imbuere. Semel demandatum illi, ut nescio quid pomorum calathocomponeret; statimque præscribi postulauit, quot ijs folia substerneret? E cella aliquando egressurus, vnde geminus patebat aditus; è portis vtram deligeret, scire ex obedientiæ nutu voluit: calceum item, qui illi semel molestissimus, exuere nisi ex Præpositi mandato noluit. Ad extremum moliri vtcumque se, verbum vel minimum proferre, spiritum ducere, nisi ex obedientia, nolisset.

Sui exemplum.

Contra genium, obediens.

In ijs verò, quæ naturæ, genio, instituto opponi maximè videbantur, si iuberentur, mirum; quæ a la-critate exequeretur. Nam quid magis incommodum; atque iniucundum religioso, grauique viro, & cui

cui modestia, pietas, corporis afflictatio, ac cæterarum virtutum vsus in primis cordi est quàm ludere, saltare, canere? Visus hæc aliquando Olympius, vir nempe verecundissimus, religiosissimus, ac modestiæ laude cùm paucis comparandus, velut in theatro peragere. Scilicet, cùm obedientia præciperet, eiusmodi seruire scenæ, non modò non indecorum, sed præclarum etiam, ac laudabile putabat. Tyrones procurabat, cum Arenæ Marchio, qui Porticibus (Vicus is est propè Neapolim amœnissimus) morabatur, ab illo petiit, vt eò aliquando adolescentes suos animi gratia duceret. Per hanc nempe occasionem frui eius consuetudine, ac moribus ipse intendebat. Annuit ille: & quòd licet interdum nostris ad laborum laxamētum fallere honesto aliquo ludo tempus, trucidulis ludere tyrones occurrere: cùm interim penderet ab Olympiiorum, ac præclara eius monita, circumfuso etiam domesticorum agmine, hauriret Marchio: qui postea ratus, remissionem quandam ipsi etiam Dei Seruo fore opportunissimam: Age, inquit Pater, lude & ipse. Audire iubentis Dei vocem, sibi visus est Franciscus. Surgit, ludit, velut vnus ex ea pube. Rubori quidem, ac verecundiæ non mediocri hoc illi fuit: attamen vt pareret, vicit facili pugna motus animi; ac tantundem exhilaratus eo obedientiæ exercitio est, quantum affligi tùm quidem intimè eo ludo contingebat. Iterum Porticensem eandem domum adiit, petente Marchionissâ, quæ cùm à morbo decumberet, id vnum ægritudini solatium putauerat, si Olympius inuissset. Ergo dum ibi moraretur, socius, cui, vti mox dicemus, suo veluti Præpositi parebat; viden, inquit, Marchionissam summè tristem?

Ex obedientia ludii,

Cymbalū
pulsat. Subleuanda aliquantisper estis tūc igitur bellè cym-
balum, ac cane. Insolens id omnino illi, ac præter-
quàm quod ineptè psallere, suppunderet; tūc adau-
gere potius, quàm leuare principis fœminæ mœro-
rem inconcinna, ac dissona penitus vox, sibi vide-
batur. Nihil tamen minùs hilari quodam vultu
cymbalum extemplò adiit, pulsauitq; ac hynnum,
cui à Maris stella initium, cecinit: symphoniacus
quidem ineptus, sed qui Moderatoris sui voluntati,
ac nutui concentu quodam respondere, pulchrius
putauit.

Et currit. Hæc foris, ea domi. Facturus ad aram, monitus.
que tempestiuè ab ædituo, morari nonnihil præter
morem visus est, expiandis nempe animæ labeculis
distentus. Euntem deinde offendit domus Vica-
rius, qui veritus, ne quid incommodi, ac detri-
menti caperet ab ea mora rerum in sacrario ordo,
monuit, maturato opus esse: festinaret proinde, &
curreret. Admiranda planè visu res. Non accele-
rare utcumq; gradum Vir ille obedientissimus, sed
ceu fugeret aliquem insequentem, aut in stadio pal-
ma, ac plausus stimulos adderent, visus cursum ini-
re incitatissimum: grauitati nempe obedientiq; im-
perium anteferebat, quæ iusserat, ut curreret. Illud
etiam pulcherrimum eiusdem virtutis experimen-
tum eiusdem Vicarii nutu. Moris nostri est, Sab-
bato certo domus loco tonsorem perstare, qui sum-
mum adeuntibus verticem tondeat, seruatque
plerumque ordo, quo veniunt. Igitur Olympius,
quæ eius erat in maiores obseruantia, cedere locū
Vcario cū vellet, renuit ille: & qui priùs, inquit,
aduenisti, da priùs tonsori verticem, atque Insuper
Et saltat. saltum adde. Nec mora: saltauit Senex, ea profe-
rens

rens verba: Ad Dei gloriam. Nihil profectò eo saltu sublimius: Cumque adstaret corona Patrum, ea fuit omniù sententia, id promptioris obedientiæ exemplum, in re à gravissimis moribus, atque ab sanctioris vitæ instituto tam dissona, nisi perfectissimum quemq; & qui sui arbitrium omninò triumphauerat, edere minimè potuisse.

At enim Viro, pietatis studijs innutrito, nescio: an aliquid accidere iniucundius possit, quàm eiusmodi sibi rerum diuinarum exercitia, ac meditantia, virtutum interdicti. Subiit id etiam ærumnæ gratāter Franciscus, vt obedientiæ litaret. Appetente siquidem sacra Diuæ Virgini salutata ab Angelo die, excipere eius peruigilium peculiari quadam corporis afflictatione, piisque operibus extra ordinem, in animum induxerat suum. Conscientiæ arbitrum adit, nempe confessorium, à cuius nutu vel latum vogue diuertere, piaculum putabat. Quicquid statuerat secum ipse, aperit, ac facultatem petit. Ille, virtuti exercendæ, ita renuit, vt iusserit, à consuetis etiam precibus, ac reliquis pietatis operibus abstinere: horum vice id ageret: mane sisteret se ad odèi ostium; trāscuntibus inde laicis fratribus, cùm à missæ sacro redirent, singulos ijs verbis cōpellaret: Frater, ora pro me misero peccatore. Id quod eo animi sensu, ac sui deiectione exequi mox visus, vt nullus pene è fratribus imperare sibi potuerit, quominùs lacrymas ad id spectaculi funderet. Is verò Marianum peruigilium, quod excipere soleant quidam religione, suique afflictatione voluisset, sanctius ex obedientia se celebrasse, affirmavit.

Abhorrere deinde vel maximè à secularium consuetudine videbatur: eorum domos adire, inuisere,

Diuinis ee.
nus abstinet
ex obedi-
tia

alloqui, hoc illi longè molestissimum. Affuetus quippè, affixusque diuinis rebus, ab iis nisi cum quadam animi luctu auelli, minùs poterat. Decerpi de familiari cum Deo consuetudine reputabat, quicquid humanis iis officijs tribueret. Verùm iuberet Moderator, vidisses ad eam vocem, absterfas vultu tristitia, alacrem, promptum: ac sæpe ceruicem tùm quidem exerebat, signabatque manu, veluti concidendam offerret: vt ostenderet, quæ semel obedientiæ iugo subdiderat colla, paratum se, ferro etiam pro eodem exponere. Eiusmodi verò virorum procerum domos cùm adiret, locij se imperio, quisquis ille fuerit, Sacerdos, Laicus, statim subdere: nihil eo inconsulto aggredi, aut loqui. Admouenda tunc essent ægrotantibus Diuorum lipsana, recitandæ ad eorū præsidium preces, signanda crux, socii imperium expectare: nutus, renutus pro lege erant. Semel accidit, vt pueri cuiusdam, Viri primarij à regijs Consilijs filij vlcera lambere: verū quòd charitatis impetu abreptus, facultatem à socio nō antea impetrauerit, vbi domum reuersus est; id illi primum, veniam de genu ab eo petere, sensu quidem, veluti quid grauis noxæ admisisset.

In eo itidem nō semel incredibilem quandam interioris hominis pugnam expertus, quam ad obedientiæ vocem faciliè prosligauit. Nempè à sanctimonix opinione, ac peculiari in ipsum studio id matronæ, ac viri principes interdum postularunt, vt eius sibi effigiem expingendā permitteret. Oblutari summa ope vir modestissimus, vti alibi mouimus; sed accedente Præpositi nutu, dabat confestim manus. Ac semel quidem, allato ea super re Moderatoris imperio, humi statim procubuit, ea

con.

Socij sese
imperiocō
mittit,

Sui effigie
exobedien
tia permit
tit,

congemmans: Sit nomen Domini benedictum. Tùm, perfecta sui imagine, id enixè postulauit, vt ad eius oram Apostoli verba inscriberentur: Factus obediens vsque ad mortem: indicauitque, nullum luculentius obedientiæ trophæum, quàm eam effigiem esse.

Non exigua hæc quidem: illa verò petita à veteris disciplinæ schola videri possunt. In Diuæ Virginis sine labe conceptæ perugilio integram penè notam ornandæ eius aræ insumpserat. Mane, vt ornatum vidit Præpositus, explorandæ obedientiæ, non modò non commendare; verùm quòd non ad præclaram quandam ideam factum diceret, iussit continuo amoueri. Vidisses tùm quidem Olympium impetu quodam, ac dicto citius vigilias suas diffingere: vt nescias, fuerit obsequium in demoliendo celerius, an diligentior in concinnando religio. Iterum iuandæ Matris inopiæ, nescio quæ pecuniarum summa, consulto, atque annuente Præposito, data illi fuerat: sed iussus mox, vt id auri in foueam proiiceret, extemplò proiecit. Neque magnum illi fuit, nummos abiicere, qui sui arbitrium, ac seipsum semel abdicauerat. Ad hæc, dum in cœnatione aliquando esset, euocatus ad ianuam domus fuit: ac iubente Præposito, vt adiret, monitus tùm quidem est, cùm in panem cultrum immiserat, vt incideret. Incitata nimij, ac volucris Olympii obedientia nec punctū temporis expectauit, quoad cultrum è pane extraheret, abiitq; illi persimilis, qui literam, quam efformabat, vt ad obedientiæ nutum citius accederet, non perfecit. Quid si celeberrimum illud Mauri exemplum, pede libero lacum inambulantis, magno animo quodam spiritu instaurasset? Enimuerò,

Factum diffingit,

Micrum obedientiæ exemplum,

Vel per a-
quas iname-
bulasset ex
obedientia

interrogatus aliquando, quid consilii caperet, si Moderator, ut per aquas iret, iussisset? insigni quadam fiducia respondit: nullus profecto dubito, quin obedientia easdem mihi vires, animosque suffecerit, quos Mauro ad D. Benedicti vocem suffecerat. Quo sanè ostendit, promptum se, vndas ingredi, in quibus Herculeas poneret obedientiæ metas.

Obediens
vsque ad
mortem.

Virtutem hanc porro vel in ipso mortis confinio caram habuit, voluitque in eo transitu comitem. Cum in extremo eo vitæ actu, cui se potissimum obstrictum putaret, fateri vellet; debere se plurimum, ait, Augustissimæ Virgini Deiparæ, & sanctæ obedientiæ: huic nempe, quod vitam nutu rexit; illi quod patrocinio texerit. Adeuntes tunc primarios viros, ut abeuntem consalutarent, ad benevolentiam specimen flosculis, aliisque piis munusculis donatos cum vellet; nihil unquam sibi, nisi ex Præpositi, aut confessorii nutu licere permisit. Cum supremò est inunctus, piam quandam Christi Redemptoris effigiem imponi pectori deuotionis ergo petiit: sed accedere prius Moderatoris voluntatem; oportuit. In summo virium defectu iussus, ne quod reliquum erat morientis vitæ precibus defatigaret, statim paruit: sed rogare institit, ut liceret sibi novies exhalare: id, scilicet, noueno eo habitu intendens, ut nouem Angelorum chori suum Deo cor offerrent. Commendare deinde Moderatores iis, qui aderant, coepit. Eorum labores, curas, vigilias non sanè paucas: Curarent, tantum onus subleuare, prouiore nimirum obedientia, in cuius laudes diffundi vegeto quodam spiritu visus est. Hæc, aliaque obedientiæ documenta moribundus edidit Olympius; ut fuerit reuera ad sui capitis exemplum obediens vsque ad mortem.

Olym.

Olympj Castimonia.

Cap. XII.



QVOD nihil Castitatis laude pulchrius, ac religioso viro cōgruentius, mirum, quo studio illam adamauerit Olympius, auspicatus ab ipso vitæ rudimento præcipuam hanc virtutē colere, ac veluri voto proludere, quod

nuncupaturus deinde in solenni Ordinis professione esset. Et quod ad pueritiam attinet, fuit à Francisci germanis fratribus, qui testatus ex fide est, nihil unquam in eo se, ne verbulum quidem aduertisse, quod foedasse vel minimum ætatis, ac pudicitie florem videri posset. Hinc euitari ab eo soluti moribus adolescentes, & euitari ipse ab iis videbatur, qui egregium hoc pudoris exemplū obiectari sibi, ægrè ferebant, veluti aspectu ipso castissimus Puerillos argueret, ac vindicaret. Semel accidit, ut adolescentulorum par loqui, eo præsentē, nescio quid impudici cœperint: & ne adesset censura, prætextu adornato, facessere illum iussere: qui quidem, quæ iam hauserat primi sermonis propudia, quantum sibi displicuissent, ingenuo quodam rubore, atque abortis lachrymis testatum voluit. Quod quidem maturiore iam æuo cū à maioribus enarrare iuberetur, adduci nunquam potuit, ut suis rem vocabulis explicaret: studuitque à communi loquendi usu vel maximè discedere: planè ut prætextata verba loquutos adolescentes, vix intelligerent. Argu-

Puritas in
pueritia.

men.

mētum hoc quidem virginēi pectoris, incorruptaq;
omninò mentis, quæ candori suo ab vītatē etiam
nominibus metueret. Cuiusmodi verba in reliqua
deinde vita si forte ad eius aures accidissent, signa-
re se illicò, ac Iesu nomen inclamare, perinde ac si
horrendum in modum tonuisset, aut fulgurasset
cœlum: tūc si liberum ei fuisset eo loco excedere,
nihil eius fuga incitatus.

Oculorum
in eo fræ-
num,

Illum de vultu cernere, quandam inspicere ca-
stimonix ideam erat. Fronte, genis, oculis præser-
tim insedissee pudor videbatur. Quod sciret, infau-
stum semper sydus honestati oculum fuisse, ac tūc
maximè patere illam insidiis, cū eiusmodi excu-
biæ aduigilarent, in eo totus erat, vt aspectum frēno
temperaret. Fœminas, quæ promiscui gradus, ac
æui ad illum adibant, nunquam nisi defixis ad ter-
ram oculis alloqui. In quodam nosocomio cū
cibos aliquando decumbentibus distribueret, im-
mixtam iis fœminam aduertit; eique, corruptæ li-
cet illuic, ac morbo, terga primū vertit, ne quid
fœmineum in oculos incurteret; tūc suum tribuit
demen sum. Habet nempè castimonia Parthos suos,
qui à tergo, non telis, sed beneficiis certent. Allatus
item illi aliquando nobilis matronæ infans fuit, vt
bene ei precaretur: sed auerso præter morem vultu,
adductaque fronte, ostendit, esse, quod sibi displice-
ret. Aderat nempè nutrix, quæ nudo pectore, non
eo accesserat cultu modestiæ, qui Viri honestissimi
præsentiam deceret. Monenda hæc fuit, vt vbera,
ac pectus operiret: tūc Olympius adblanditus pue-
ro est, illi bene precatus. Atque istiusmodi quidem
puellulos mirum, quo affectu prosequeretur ab amo-
re, videlicet, in formosissimum hunc virtutum flo-

In pueros
studium ab
amore pu-
ritatis,

rem,

rem, ac decus, nemp̃ e puritatem. Illos, si quos offendisset, intimè complecti; ijsq; aliquātisper immorari, in iucundissimis ponebat, tùm eorum se se precibus commendare consueuerat. Si quos intempestiuus vita functos efferri, contigisset, ipsemet interdum, suis vlnis acceptos, cohonestare ad sepulturam videbatur; gaudebatque pallidula ea virginitatis lilia, veluti ad delicias, contrectare. Quos item pueros cessisse maturiùs vita, non ideò commiseratione, sed pulchra quadam dignos inuidia, deprædicabat, quod ipsimet sibi lacteam ad cælum viam muniant; atque illibata eorum integritas præcipuum locum habeat inter Angelos Dei, qui non nubent, neque nubentur. Ac dicere solitus erat, se quidem, cùm iisdem periculosè ægrotarent, nisi ex obedientia, nūquam vt pro eorum vita preces funderet, adduci posse: quòd sibi videretur, ipsos quidem certa gloriæ possessione, cælum verò nescio quam amoenitate, ac pulcherrimo vere fraudari. Persimilis Et in agnos quædam illi propensio in agnos inerat; tùm quod Christi Domini typum, diceret: tùm maximè, quòd innocentiam, ac puritatem repræsentarent. Eaque propter quoties eos cerneret, imperare sibi minimè poterat, quin affectu quodam complecteretur, figeretque eorum frontibus oscula.

Iam verò id eximiæ cuiusdam castimoniz argumentum, illam attactu, aut afflatu quodam alijs impertire. Abundet siquidem niuib; necesse est, qui alios refrigeret. Contigisse hoc illibatæ Virgini Deiparæ, compertum habemus. Tantus quippè eius vultu pudor, ac sanctitas inerat, vt intuentes illicò ad honestatis amorem erudiret. De Diuo item Antonio Patauino consignatum literis, scimus, ex-
æstu.

Castimoniam alijs impertit.

estuantæ fœdis ardoribus Iuvene, immisso suo habitu, veluti affusa frigida, eius restinxisse mirè flammam. Neque dissimulandus Philippus Nerius, in hac pudicitiae laude summus, cui illud solenne erat, ut si quos eiusmodi illecebrarum tentamentis conflictatos intelligeret, eorum tantisper capita suo pectori adioueret, foueretque peramanter: quo quidem profligata sensuum pugna, æstuque pectoris tranquillato, longe alios, castimoniae, videlicet, restitutos, à se dimittebat. Nempè ut accendit ignem ignis, ita Virginitatis attactus quicquid animo fœdè efferbuit, temperat. Sed neque istiusmodi castitatis prærogatiua Olympio defuit. Enimuerò, uti quidam ex nostris compertæ fidei refert, Exterus vir religiosus in perdifficili hac palæstra diù versatus, cum de se, suisque impurissimis cogitationibus palmam iam penè desperaret, id consilij cepit, ut Olympium conueniret, eiusque patrocinium, ac opem imploraret. Commiseratus Dei Seruus in lubrico adeò statu hominem, ac preces tum quidem pollicitus, interim amplexatus illum est quàm arctissimè, ac plusculum in eo complexu detinuit. Mira sanè dictu res: Exinde ita ille refrigeratus, ut acris ea lucta, ac tota illa vehemens perinde, ac fœda cogitationum pestis omninò facefferit. Id quod ipsemet, qui defunctus eo periculo est, viro ex nostris grauissimo aperire non erubuit, ut tanti beneficij sua constaret auctori laus.

Quod subiicimus nescio, an maiori admirationi deferuiat: certè insolens magis, & quod in sacrarum historiarum monumentis nullus vnquam, uti putamus, repererit. Nomen hic porrò viri, eiusque cognomentum appellari citra inuidiam, ac famæ de-

cus posset, quando is ipse, cui res non sine sui lab-
 accidit, non modò testatus id voce est, sed scripto
 etiam summa fide consignauit; extatque autogra-
 phum eius testimonium in Neapolitano Sanctorum
 Apostolorum tabulario. Cognomini nihilominus
 parcimus, contenti nomine, quod illi Nicolao An-
 tonio. Is igitur hospitio aliquando ab amico exce-
 ptus, illud etiam in hospitis domo operæ pretium
 fecit, quòd exaratam Francisci manu epistolam ab
 eo impetrauerit; quam deindè, ceu præsens aliquod
 amuletum, ac religionis ergò secum ferre consuue-
 rat. Accidit, ut is iter faciens, præcipiti quadam
 occasione, sensuque voluptatis vehementer incita-
 tus, dimoueri de continentia gradu permiserit. Post
 lapsum vellicari maximè interiore quodam animi
 morsu sensit, quòd Olympij literis non eam, quæ
 deceret, reuerentiam exhibuisset: ausus nempe cum
 ijs id piaculi admittere. Subijt interim animo illas
 inspicere, ac dum explicat, aduertit integra quidem
 pagina, quicquid inerat Olympij characteris ita o-
 bliteratum, ut præter leuissima quædam vestigia,
 quæ ostenderent, fuisse non nihil inibi scriptum; cœ-
 terùm non verba, non literæ, non apices ipsi litera-
 rum extarent. Intimè perculsus Nicolaus Anto-
 nius, ac pudore suffusus non mediocri, peruersum
 habuit, ob eam corporis, atque animi labem ita
 consuetudinem cum ipso omnem intercidere vo-
 luisse Olympium, ut neque characteres suos penes
 ipsum esse amplius permiserit.

Porro voluntariæ corporis afflictationes, vigiliæ,
 ieiunia, de quibus mox dicemus: tum eximia in pu-
 rissimam Dei Matrem religio, de qua diximus, huc
 in eo spectabant, ut candori suo his maximè præ-

Virgine-
us in eo
flos vsq;
mortem.

fidiis caueret. Et vitæ quidem incommodis, ac rigoribus id intendebat, vt sepiret veluti spinis lilia, ne laderentur: Mariana verò tutela, vt adesset, quæ suam areolam custodiret. Et quidem ita corporis, mentisq; integritati consuluit Vir innocentissimus, vt quod à natalibus tulit Virginei floris decus, ad senium vsque, supremamque vitæ lineam perduxisset, constans sit omnium persuasio: ac testati id etiam sunt, quibus eius conscientia, atque animi intima patuere.

Olympii Paupertas.

Cap. XIII.



DDICTISSIMVM suo se Instituto hoc potissimum nomine affirmabat Franciscus, quod altissima vigeret in eo paupertas: ab Apostolis nempe ipsis recepta, ac sancita vsu; eaque indolis magnitudine, vt quicquid est humanæ opis, ac præsidii nihil pensi habeat, sola in Deum spe contenta. Quam ipse paupertatem; & vouisse, magnoperè gratulabatur, & seruare præcipuo quodam studio contendebat. Vt ceteram disciplinam, ita hanc præsertim virtutem ingenerare tyronum animis connitebatur, quos in spem eximii spiritus educabat. Nihil iis frequentius, nihil magnificentius dæ predicare solitus erat. Exigi ad eius amussim cellulam, vestes, cultum omnem, volebat: eoque adducta res est, vt nihil esset ea Olympii pube in paupertatis cultu adstrictius; certabantque

que de inopie principatu Iuuenes; atque is se elegantius gestare, ac lautius indumentum reputabat, cui vulgarior, ac trita magis lacerna. Pretere alum-
nos Magister, ac non tam verbis, quam exemplis erudire. Enimvero annos omnino tres, & sexaginta, quibus in Ordine egit, non alius in eius cella, cultus, ac suppellex visa, quam scamnum, mensulav-
nus, aut alter libellus, tum carthacea ad orandum Diuorum effigies. Vestibus, nisi quæ detritæ, ac vetustæ, non utebatur: exorari nunquam passus, ut nouam aliquam admitteret tunicam, præter illam, quàm in solenni votorum emissionem induit: scilicet, excipi celebritatem illam, ac lætitiæ diem eo cultu, æquum putauit: & qui sibi incruento quodam sacrificio offerri tum quidem, immolarique se Deo, videbatur, ornari de more victimam, haud renuit. Illud aliquando, & eius egregiè paupertatem commendauit, & valere interna quadam luce, ostendit. Matrona quædam in Olympii vestem collimauerat, idque fore sibi optatissimum Socio significauit, si permitterent Patres, ut nouum Dei Seruo indumentum ipsa conficeret, accederent sibi vetus. Pollicitus operam Socius: cumque luctandum sibi cum ipso Olympio, non dubitaret, dexteritate quadam opus esse, intelligebat. Itaque arrepta semel occasione, insinuare serio, quam gestaret vestem, satis diu vsui fuisse: adeo nunc laceram, ut illam sarcire, ludere omnino operam esset: sineret proinde nouam confici tunicam. Tunc ille paucis: Apage, inquit, hanc mercaturam, ac nundinas: quo sane innuit, rescivisse diuinitus matronæ votum, ac pactiorem: atque interim eò sibi indumentum carius, quò despicatius, ac vetustius, significauit. Id

Olympii
suppellex.

Vestes illi,
quæ vetustissimæ.

noui gestare interdum cogeatur, nempe pileum? Commutari siquidem non rarò clâdestina piorum hominum industria, ac deuotionis etgo, contingebat, planè non sine eius sensu; ac tùm quidem, quòd non aptè infedere capiti eos pileos, diceret; ad vetustos, atq; obsoletos iterũ redibat. Lanæ quædam tibialia annos omninò viginti gestauit: ne cogeretur nouis vti, sarciri ad extremam vsque senectam voluit: aiebatque interdum lepidè, quando tot annos summa fide inseruissent, cur postea ingrâtè desereret? Hanc etiam paupertatis laudem vt tegeret, vitio illam vertebat, ac dicere solitus erat, putare se, quoddam hoc esse auaritiæ genus.

Pleraque
paupertatis
exempla.

Respondabant huic vestium cultui reliqua: vt videretur profectò huic potissimùm virtuti Olympius operari. Semel lucernam concionandi facultatem à confessario petiit; miratusque is, quòd non id aliàs efflagitasset; dum inquirir, comperit, septenos, & eò ampliùs, menses lumen cellæ non intulisse: nempe vt olei compendio paupertati, ac parsimoniæ seruirent tenebræ. Aliquando cellula illi fuit propè domesticam quandam D. Virginis aram: ac tùm quidem lychnum, quo vti solitus erat, non longè ab eo altari collocabat, vt videretur honori Dei Matris famulari lumen; cū interim subaperto cellæ ostio, modicam ipse admitteret suum in cōclaue lumen, eoque frueretur incommodo ad paupertatis gustum. Visus quàm sapissimè vel minima rerum, frustula, quæ vsui esse possent, colligere, ac seponere, ne quid in paupere domo pessum iret. Diebus bacchanalibus, quo tempore tanta cum diuini Numinis iniuria crescit mortalium licentia, vt propitiaret ipse pro viribus Deum, cū pleraque susciperet

cor-

corporis afflictationes, tùm maximè cubare sine linteis, solitus erat: dicebatque, se quidem non sanè grauem in eiusmodi cubatione experiri pœnam, sed oblectari ea potissimùm paupertate. nempe quòd aliis tristitiæ, voluptati illi erat, deesse com-
moda.

Specimen verò huiusce in paupertatem studii nõ exiguum quidem erat, amare pauperes. Scilicet, haud poterat non peculiari quadam beneuolentia in eos ferri, qui adamatam sibi inopiam, aut eius saltem speciem circumferrent. Hinc illos complecti, fouere, patrocinari; ac nihil illi prius, si quid sibi pii viri erogarent, quàm deriuare in pauperes. Illud sanè à robusto quodam spiritu, quo frangi naturam; atque insitam mortaliũ animis vim sanguinis, oportuit. Floruit aliquando opibus, atque affinitatibus paterna domus: ac tùm quidem parentes, fratres, consanguineos nunquam, aut perrarò inuisere: nulla de iis mentio, perinde ac si nulla intercederet affinitas, aut germanitas. At enim, quæ est, rerum inconstantia, dilabi fortunas contigit: & qui modò diuitiis floruerât, eos pressit angusta domi res. Tunc ille suos agnoscere, alloqui, adblandiri, ac cognatam inopiam veluti magnificè ostentare. Iuuar eos quidem non minimùm potuisset gratia, quæ Neapoli apud viros principes valeret: et Neapolitani ipsi Proreges nihil oprare prolixius videbatur, quàm Olympio gratificari, vrgebantque, vt peteret. At is ne paupertat suæ minùs responderet, adduci nunquam potuit, vt pro iis interpellaret: ac dicere confessorio solitus erat, nihil à viro summè paupere magis alienum, quàm curare officiis. suorum commoda: idque duntaxat habentem, volen-

In pauperes
res proprie
suo.

tem.


temque facturum, si modò annueret Præpositus, partiri nempe cum iis suum panem.

In extrema
vita pau-
pertas

Iam quòd nunquam non vitæ respondit concen-
tu quodam mors; eximium hunc peupertatis cul-
tum in ipso vitæ exitu mirificè comprobauit. Ac
primò quidem morbum exquisitè, ac remediis pere-
grinis curari, hoc illi longè molestissimum. Pauperi
viro sat esse, aiebat, obuia remedia; inopiamque
gaudere fortuitis, non quæsitis. Planè id illi in cæ-
teris vitæ morbis curæ in primis fuit, vt vulgaribus
vterentur artis præfidiis, ne dum incolumitati con-
sulerent, paupertatem læderent. In suprema ve-
rò valetudine Vincentium Caracciolum, domus
Præpositum id in primis rogauit, vt sineret pau-
perissimum, & nudum cum nudo Domino obire.
Iuberet proinde sacras quasdam icunculas, piacu-
laria numismata, aliaque istiusmodi pia donario-
la, quæ deuotioni excitandæ impertire exteris Vir
Dei consueuerat, è cella auferri: tùm qualibet etiam
amota suppellectili, nihil in ea præter lectum, atque
unicam magnæ Dei Matris effigiem relinqui. Ad
hæc, nudum consepeliri, etiam, atque etiam postu-
lauit. Hic Caracciolus rem eam esse præter no-
strū morem, nec decere, nisi coopertum religiosum
virum contumulari. Vrgere nihilominus, vt saltem
nudis pedibus id liceret; calcaretque vestigiis pau-
pertatis viam vniuersæ carnis. Sed neque hoc im-
petrauit. Tùm infimis precibus agere, vt quicquid
esset domi vilioris amictus, extincto cadaueri in-
duerent, nullo supra vetus indusium thorace. Has
deinde vestes asserri sibi iussit, vt probaret ipsemet
oculorum fide, an despicacissimæ, & quæ suis
votis responderent, illæ essent; tùm se coram con-
se.

fecerari eas ritè voluit, ac lecto imponi, vt elegantissimas, atque ab ipso paupertatis vestiario petitas exuias ab oculos semper haberet. Quamquam Viro, in summa egestate moriendi cupidissimo non satis hoc fuit. Nam incredibili quodam animi sensu, contemptuque rerum humanarum professus palam est, obsoletas eas vestes, ac scruta, non nisi precariò, atque eleemosynæ nomine accipere. Cumque hoc ipsum, atque eodem eleemosynæ titulo ea se indumenta largiri, Præpositus affirmaret, visus ille insolita quadam lætitia frontem exhilarasse, testatus ea vultus serenitate, haud pulchrius mori se posse; ac tam paupere exitu consequutum votorum summam. Imitari Beatissimum Parentem Caietanum voluit, qui

paupertatis amantissimus, quoad
vixit, vsque ad eò egenus de,
inde mori exoptauit, vt
ne tātulum quidem
terræ spatium
sepelien-
do cor-
pori suppe-
teret,



Olympij Corporis afflictatio.

Cap. XIV.



IN hac virtutis seuerioris palestra
 tori fuere viri Sancti, vt antequam
 quicquam auderet sensuum contu-
 macia, eorum impetus frangerent;
 ac nulla deinde ab iis mora, inoffen-
 so, vt aiunt pede, spatium decurre-
 rent vite perfectioris. Quisquis per exercitamenta
 virtutum eniti ad ardua, atque ad ipsum diuinita-
 tis complexum, propositum habet; seipsum atterat,
 necesse est, subigat, premat. Eò namque alacrius
 currit ad diuina animus, quò duriore fræno præstra-
 ctum corporis ingenium coerceas. Et Francisco
 quidem Olympio hoc primum, implacabiles secum
 exercere inimicitias; sensus, eorumque motus seue-
 rè infringere; insigni cultus duritia corpus accipere;
 nullum non sui commodum suspectum habere;
 honesta etiam, si forte oblectassent, ne falleret spe-
 cies, auersari; se denique hostem sibi, atque in di-
 plina palestra antagonistam putare. Hinc omni af-
 flictationum genere in seipsum agere: & somnum
 quidem, quo nihil seueræ virtuti insensius, atque
 ad corporis desidiâ aptius, mirum, in quam ar-
 ctum temporis spatium coniecerit. Excubare, ora-
 re ad multam noctem: tùm ante matutinas laudes
 surgere, eoque ad duas omninò horas occupare,
 vt subdusta ratione, ternas vix horas quieti daret:
 cùm interim solidas quasdam per annum noctes
 in.

Somnus
 Olympio
 perparcus;

insomnis, atque inter assiduas preces transigeret: interdum vero absque linteis, ut inuimus, cubaret: ut serò adiret somnus, citò abiret ab eo incommodo. Conati quidem suadere identidem aliqui, ut post antelucanas preces vegetaret modica quiete corpus, sed abnuìt semper. Et confessario hoc ipsum monenti, destinasse se, ait, id temporis spatium piarum animarum suffragiis; nec par esse, opportuno eo precum subsidio miserabiles eos manes fraudari. Insomnem aliquando duxerat noctem à graui morbo, ac tū fortè leuissimus quidam adrepsit sopor, cum nocturnis precibus darent operam in odèo Patres. Expergesfactus, angi vehementer visus, quòd intempestiuè admodum dormisset; nempe cum alii nocturni canerent; subiratus morbo, quòd molliùs habere se, ac quiescere, excubantibus alijs, cogeret.

Vigilijs alia itidem atterendo corpori supplicia addebat. Pijs nanque diuerberationibus secum ipse, veluti cum mancipio, agebat: idque intempesta potissimum nocte, ne facilè pulsarent dormientium aures flagra: sed auditi persèpe ictus inter suspiria, ac preces; eratque cuidam horrore per ea præsertim silentia piæ manus scuitia. Repertum interdum respersum sanguine indusium: ut qui nō perfunctoriè, sed strenuè ad sanguinem vapulabat. Cilicijs etiam diuexare membra solitus erat, quæ aliquando supra modum aspera; ut ab ipso incessu, ac corporis habitu agnoscerent Patres, quid tū durioris textus gestaret. Nec deerant alia pœnarum argumenta: visus quippè semel, cum tutum se à mortalium aspectu crederet, ad mouere nudo pectori ferream quandam crucem, in qua sui extarent, qui confoderent,

Corpus se-
nerè acci-
pit.

clauis: vt dicere iure posset, Christo confixus sum Crucis. Permissa hæc illi, quoad ætas, atque incoluitas tulit: occurritque deinde Maiorum prudentia seueriori huic Viri instituto, qui sanè vel profudum ipsum senium, ac morbos istiusmodi afflictationibus multare voluisset.

Abstinētia
illustriōr

Abstinētia verò, quòd perduelles sensus, ac carnem mirè edomet, præcipua illi virtus. Parcissimo vti cibo, ac nonnisi qui tolerandæ vitæ necessarius. Carne perrarò vesci. Simulabat quidem, ne proderet abstinētiā, cultro incidere: sed appposito deinde ad latus sale, integram dimouebat: quod non ea fieri dexteritate poterat, vt assidentis oculos falleret: ac rogatus, cur sal apponeret, quando cōstituerat secum ipse non vesci? respondit, olim nullum sine sale sacrificium: eòque non incongruum, sal ferculo apponere, quod tūm Deo offerebat. Piscibus, quòd gulæ irritamenta diceret, æquè abstinēbat. Sacris Quadragesimæ, ac Christi Domini Aduentui diebus perquàm rarò, ac summis penè labiis degustare; herbis, ac pane plerumque contentus. Trahebat nihilominùs in longum cœnam, ac prandium, vt videretur, haud frugaliter, ac parcè vesci. Ieiunia per annum eximia religione, ac frēno seruabat: eademque arctiore annona excipere, quæ leges nostræ præcipiunt, amoto nimirum ientaculo, quod apponi cæteris solet. Id namque Theatini moris est, vt, cū in cæteris ex præcepto ieiuniis præter panis trientem, nihil ad refectiunculam tribuatur: diebus Veneris, ac Dominico Aduentu, tūm in plerisque diebus aliis, quibus nostra abstinētia continetur, aliquid leuioris ientaculi indulgeant, quo sibi Olympius interdicebat. Et in peruigiliis qui.

quidem Divæ Virginis panedumtaxat, ac frigida ieiunium tolerabat: ac tùm quidem ad serotinam refectiunculam panis frustulum eleemosynæ nomine efflagitabat: quo deinde demissus in genua, ac pium aliquem libellum legendo, reficiebatur. Et accidit semel, ut augeri nonnihil panem, postulauerit, quòd destitui viribus, atque indigere præsentia annonæ, sibi videretur. Sed ecce tibi monitor liber: in quo id fortè legendum se se dedit, præscos nempe Patres, hostias, videlicet, viuentes, ac sanctas, neque tantùm sibi panis indulgisse, quo famem pellerent. Erubuit ille ad hæc, ciboque statim abstinuit, ac factus mox apud confessarium culpam, ceu quid ultra necessitatem fatiscenti naturæ tribuisset, poenam efflagitavit. Illud abstinentiæ genus constans etiam in eo fuit. Nam quicquid nouorum fructuum, aut opsoniorum pro temporum ratione mensæ apponebatur, id ipse libare, piaculum putabat: dicebat eas rerum primitias Auctori suo, nempe Cœli Numini. Et affirmabat deindè ipsemet, cum iterùm hæc eadem communi mensæ apponerentur, duplò sibi maiorem, quàm aliis portionem contingere solitam: ut luculenter agnosceret, gratum Deo hoc libamentum. Ad hæc, nulla interdum epulis condimenta adhibere, ne saperent. Aliàs ut gustum exerceret, diucxaretque, cruda piscium capita liguriuit. Nihil autem est, quod admirationem magis peperit, quàm quod in Porticensi Marchionis Aræ domo accidit. Accesserat eò Olympius, uti identidem solitus erat, ut Marchionissæ votis faceret factis. Ad mensam cœtera inter fercula allati echini, in quibus quantum foris spinarum horret, tantum intus deliciarum proritat: ut qui nescio quid festis-

Eduſiorum
primitias
Deo offert.

Echini spinas mandit

simi saporis suis in corallijs offerant ad illecebram gustus. Ergo Franciscus pulcherrimam nactus cōfodiendæ gulæ occasionem, dum simulat interiorē piscem edere, spinas mandere occœpit. Propè aderat mensæ instructor, cui nomen Mauritius Federicus, qui fidem oculis primū abrogat: sed dum accuratè inspicit, aduertit peracutis reuera spinis Olympium vesci, ac veritus incommodum, dissimulanter echinos submouit. Fortè sepire spinis gulam bonus Senex voluit, ne in lautiorē mensa aliquid deliciarum cōpertingeret.

In morbis afflictatio.

Hæc sanus, ac integer: in morbis nihilo sibi indulgentior. Nulla acrior illi, quàm cum stomacho lucta, cūm ægrotaet. Auerfati nauseabundus, quicquid apponerent. Quocirca in id maximè vires contendere valetudinarij, vt excitando gustui, accederet cibo à condimentis gratia. At cui potior ipsa sensuum afflictatio, quàm incolumitas erat, has ipsas fastidire vehementiùs blanditias videbatur. In communis mensæ ferculis minùs se experiri fastidij, affirmabat; iubebatque afferri, ac facessere quæ sita, ac delicatiora eduliorum genera. A dulciarijs, ac bellarijs, quæ ad remediū potiùs infirmis, quàm ad delicias apponi solent, ita semper abhorruit, vt ne delibare quidem vellet. Quæ diximus, non leuis quidem momenti videri poterunt in hoc genere robustioris, seueriorisque virtutis. At passim in Sanctorum virorum vitæ cultu leges, occurruntq; in eorum historiis præclara profectò eiusmodi diuexandæ carnis documenta. Illud in Olympio magnum sui experimentum, ac supra vim, ac robur naturæ: nempe coopertos lepra viros, ac purulentos ita interdum in nosocomijs, completi, vt eorum etiam

etiam vlcera, ac florentes horridè pustulas lambere non abhorreret. tùm infecta sanie lintea, ac fascia, veluti ad delicias delibare. Qui hæc ausit, confirmari, atque animari intimè peculiari quadam ope Numinis, necesse est: vt sint quidem admiratione digni: cæterùm qui eos imitari velit, commoueri à fundo reluctantern naturam sentiet. At quando cõmmemorari, aut audiri hæc sine ingenti quodam horrore, ac fastidio nequeunt, ea paucis innuissè, sat fuerit.

Olympj Humilitas.

Cap. XV.



LAVDIT hoc virtutum agmen modestia, siue humilitas, quæ princeps quidem virtus, ac cæterarum custos, ac parens est: attamen censerì in postremis cupit, cultu sanctior, quàm splendidior, Adamatum hoc

Francisco Olympio humilitatis nomen: coluitque eo studio, vt fuerint, qui illum cum Diuo Francisco Affiniate conferre non dubitauerint; eoque adhuc superstite, dicere, soliti erant, Franciscos duos præstantissima hac virtute æquè nobiles; alterum cœlo agere, terris alterum. Iam, quæ latere suo pte ingenio amat modestia; non ita occultare se se animo, atque imò pectore vnquam potuit, quin externa ipsa specie, verbis, gestu, incessu se proderet. Et Olympium quidem cernere, ab ipso statim aspectu, orisq; habitu eximiam in eo sui deiectionem facile quis intelli-

D. Franci.
sco compa-
ratur Olym-
pius.

Humilitatis
in eo docu-
menta.

telligebat. Perpetua quædam inerat vultu tranquillitas, & comitas, quam tùm quidem perturbari aliquantisper contingebat, cum peti se honoribus, aduerteret. Honorem ipse omnibus, vel infimæ sortis hominibus habere, ac perquàm honorificè etiam appellare. Cultus illi, ac locus is magis ad gustum, qui abiectionior. Si fortè vel in re quapiam leuissima exerrasset, monerique contigisset, statim demitti in genua, seipsum vehementer incusare, veniam intimo quodam sensu petere, pœnam efflagitare; tùm pedes etiam monitori suo exosculari: idque etiam si exterus quis fuisset, aut ioco monuissent, eoque alacriùs dabat eiusmodi humilitati operam, quò plures præsentès aderant: nempè vt splendidiùs sui existimationem triumpharet. Sæpiùs aliorum monita anteuertere, ac prodere ipsemet vltro labes suas videbatur, vrgebatque, vt pœnæ nomine aliquid irrogarent. Quoties conscientiam expiaret, absolui non nisi prono in terram vultu volebat: tùm chirogra licet aliquando implicitus, exosculari confessarii pedes consueuerat. A pauperum consuetudine ita non abhorrebat, vt illos libentiùs, quàm nobiles viros alloqui, iisque adblandiri videbatur. Literas cùm ad nostros, aut externos daret, ijs verbis subscribere solitus erat: Ego pauperculus Franciscus peccator. Nihil verò æquè ipsi molestum, quàm viros nobiles, ac matronas epistolas mittere; quòd nescio quid inde existimationis, honorisque existere, sibi videretur. Latere eas voluisset: idque in primis curabat, ne circumferrentur, aut plures legerent. Ac semel quidem honorificentissimas magnatum quorundam literas seruari Præpositus cum vellet, iussit, vt afferret: at ille gestu primùm, tùm voc-

igni

igni tradidisse cum omni gloria sua, significauit: fecitque ignis egregiæ virtuti lucem, quam vir modestissimus fugiebat.

Ius ferendi suffragium, quod quid honorificum; mirum, qua animi demissione, compositis ad Capitulum Generale literis, abdicauerit: professus ingenuè, fore, vt eadem se alacritate conspicuo quouis munere abdicaret, si parilli fuisset. Nec post multò id etiam vehementer petijt, impetrauitque, vt nulla sibi prorsus auctoritas domi esset; ita vt professione, ac natiua minor potestatem, ac vim, etiam se præsentem, exerceret. Quam Viri modestiam visus semel Deus ipse admirabili quodam rei euentu probauisse. Enimuerò cum ex vna odèi parte validæ quædam aliquando voces essent, ac multæ, ex altera verò exiles, ac paucæ, æquanda psalmodia erat, iussis, vti moris est, ad alterum chorum transire, qui cantum iuuarent. At enim qui præerat, quòd Francisco iunior, eo præsentem, non id sibi licere voluit: eòque à vocum disparitate audiri nescio quid inconcinnum, ac dissonum debuit. Tamen ita, vtrinque cani cœptum, vt nulla ibi obseruari inæqualitas potuerit: eadem vtrobique contentio, veluti idem esset vtrobique psallentium numerus, eademque vocum vis: quod omnium excepit admiratio, tribueruntque Francisci humilitati, qua ille suo se iure exuerat. Abdicasse verò, ac cessisse loco, parum illi fuit. Id namque ex ingenio modestiæ adfectare vehementer videbatur, vt & esset, & videretur domi vltimus; promptus ad omnium obsequium, ceu singulis obnoxius, ac communis omnium administer, ac famulus. Interrogatus, nunquam, nisi petita priùs facultate, familiar i ea voce:

Honores
auctusque

benè.

benedicito, respondebat. Atque hæc externâ in eô humilitatis argumenta.

Interior Olympij humilitas Quod verò ad interiorem animi modestiam attinet, haud facile profectò erit aliquid hic adnotare, de insigni virtute, cui proprium latere. Planè id Olympio primum, præclara animi ornamenta, tùm quicquid pulchri, ac sancti patrare contigisset, mortalium oculis, adducto veluti velo, subducere. Si quid eius virtutis, ac cælestium beneficiorum, manasset in vulgus, hoc illi supra quàm dici potest, grauissimum. Semel adactus ex obedientię legibus, vt arcana quædam sui pectoris aperiret, hic lacrymæ, hic gemitus: ac nonnisi abiectus humi, atque inter singultus expromere, quæ premere arctissimo silentio voluisset. Lucem proinde, ac frequentiam oderat, amabatque vehementer, quæ virtutum exēpla, ac diuini Numinis dona tegeret, solitudinem; quam illi identidem indulgeri, oportuit, ac visus nunc in Surrentino, nunc in Æquensī secessu, cœlo, & Angelis testibus, agere. Præterea cùm sæpiùs efflagitasset, vt in cellula recluderent, ac veluti conspeliarent, longè à consuetudine, aspectuque mortalium; id aliquando impetrauit, vt domi se contineret, nec linerent in publicum prodire, atque ad alienas ædes excurrere, quod illi iucundissimum.

Quo se loco haberet Sic autem delitescere ea potissimum ex causa cupiebat, quòd indignum se communi luce, ac aëre reputaret, ceu culpis omnibus coopertum. Certè suæ conscientię arbitris, alijsq; affirmare interdum, non dubitauit, se quidem non modò desidem, ac nullius æris hominem, sed peccantium principem esse: Cumque frequenter cùm nostratium, tùm

exte-


exteriorum precibus magnis criminibus obnoxios commendaret, de se ipso præcipuè intelligebat, ut ipsemet non semel docuit. Recitare cum Socio diuinas laudes aliquando contingebat: ac tùm quidem quoties aut misericordiam, aut peccatum nominari, oporteret, intimo quodam sensu pectus tũdere; oculos nunc ad terram deiicere, nunc in coelũ extollere videbatur, ceu pigeret criminum, ac veniam à Deo posceret. Hinc vehementer discrucari, ac penè indignari, cùm interpellari se, suumque peti apud Deum patrociniũ passim cerneret. Senamque, aiebat, aliorum ope indigere, cui nihil inesse solidæ virtutis, parum esset; nisi multiplex etiam labes animum dehonestaret. Qua etiam sui opinionem mirum, quo sensu honores, qui sibi habebantur, exciperet. Falli homines, dicebat, qui si virum intimè agnoscerent, despectui protectò haberent. Quicquid proinde obsequij impenderent, Deo statim tribuebat; ac in promptu illi ea verba: Soli Deo honor, & gloria: aut illa: Gloria Patri, & filio, & Spiritui Sancto. Quocirca pro comperto habemus eorum testimonio, quibus eius pectus patuit, inanis gloriæ, quæ neque bonis interdum viris parcat, nunquam ne leui quidem aura pulsatum Olympium affirmabatque ipsemet, honorem quemlibet, ac laudem mortalium ad ipsum, velut ad scopulũ vndas impingere, ac frangi.

Illud etiam adfectare vehementer videbatur, rudem nempè se diuinorum haberi: infantiam potissimũ in dicendo inculcabat. Ieiunam sibi orationem, exanguem, ac nihil ineptius, cum loqui de rebus cælestibus oporteret: non sententias, non verba suppetere, utpote quem non aliqua diuinitus

Inscitæ opinionem
adfectat,

vena irrigaret; sicuti iplerisque contingeret, quos ipse vel ad multam noctē sine fastidio auscultasset. Quæ quidem cūm diceret, vultu, gestu, atque ardo. re quodam facundiæ fidem facere vidēbatur. Eodemque studio, vt illeliteratus, ac doctrinarum expertus haberetur, curabat. Semel daturus ad Ducem Alcalensem literas; eas suo confestario detulit: quibus ille perlectis, monuit, esse, quæ in ipsa scribendi ratione peccarent: eòque emendanda, ne imperitiam scriptoris proderent. Atqui, inquit ille, hoc ipsum est, quod opto, ac voueo, scire omnes, me nihil scire.

Suppetunt & alia, quæ eximiam Olympij humilitatem probent. Sed quæ diximus, abundè fuerint: idque duntaxat non dissimulandum, quod planè notatu dignum. Sæpius nempe, nec perfunctoriè Deum rogasse, vt quæ peteret pro alijs beneficia, dignaretur quidem vltro conferre, sed lentè, ac mora; ne ñ statim annueret, accepta suis precibus referrent. Pulchrum id quidem, atque omninò ad modestiæ palatum, cui id proprium, simul alijs gratificari, simul obtui quadam caligine beneficium, velle: vt dum ignoratur munifica, ac prolixior manus, facta habeatur, ac tecta humilitas.



LAVS DEO, ET DEI PARENTI.

INDEX

Rerum Notabilium.

A

A Bſtinentia Olympij.
lib. 2. pag. 554.

Adrianus Guarinus inter
imbres non maduiſſe O-
lympium, teſtatur. l. 1. 178.

Alcalenſium Duces illum
plurimi faciunt. l. 1. 137.

Alexander Marinus C. R.
ſcrupulis vehementer di-
uexatus, eius attactu mo-
leſtiſſima ab ea pectoris
laniena liberatur. l. 1. 180.

Aloyſius Gazzius Olympij
baculo morbos depellit.
l. 1. 229.

Aloyſius à Luſitania Fran-
ciſci liſſana alendæ pie-
tati petit. l. 1. 142.

Aloyſium Stafardum ad fru-
gem conuertit Olympius.
l. 1. 61.

B. Andreas Auellinus vnà
cum Franciſco Olympio
Mariæ Paladinæ, à morbo
laboranti, a deſt, curatque.
l. 1. 161. Eundemque An-

dream inſigni religione
Olympius colit. l. 2. 261.

Andreas Filingerius C. Reg.
manantem ex eius tumu-
lo odorem aduertit lib. 2.
203.

Andreas Prouenzalis Fran-
ciſcipræcibus conualeſcit
l. 1. 170.

Andræa Sylua ſolutas vitæ
rationes agnoſcit Olym-
pius, & arguit. l. 2. 3 25.

Angelo Mariæ Verricello ex-
peditionem Ibericam præ-
cidit. l. 1. 3. 208. Et animi
motus, ac fluctus. ibid. 309
Is ipſe veſtis Olympij fru-
ſtulum mirè fragrans in-
pretio habet. l. 1. 2 11.

Angelorū in Frâciſcum ſtu-
ſſia. l. 1. 101. Difficili via
illum deducunt. ibid. A
ſomno excitant. ſacrificā-
canti miniſtrant. ibid. 103.

Animantes commiſeratur
Franciſcus. l. 2. 254. Earū
neces pietate compenſat.
ibid. 259.

Z z 2

Ani-

INDEX

Animi morbi à Frācisco cu-
rati. l. 1. 179.

Annæ Carasæ Hostiliani Prin-
cipis filio mortem prænū-
ciat Olympius. l. 2. 317.

Annæ Casertæ occulta pec-
toris intuetur. ibid. 378.

D. Antonius Patauinus ca-
stimoniam aliis impertit.
l. 2. 241.

Antonij Ropuli occultum
crimen cognoscit Olym-
pius. l. 2. 327.

Antonio Toletano Albæ Du-
ci quid suaserit Frāciscus.
l. 2. 243.

Antonius Zappa articuli
morbo consulit eius pileo.
l. 1. 165.

D. Antonini occultam ima-
ginem manifestat. l. 2. 264.

Apostatam occultum mirè
dignoscit. l. 2. 323.

Aquæ ab eo consecratæ vis.
l. 1. 127. Apud Ludouicum

Cāpanilem saluberrima.
ibid. 129. Nunquam defi-
cit. ibid. Vniones gignit.

ibid. 130. Apud Tomeum
admiranda. ibid. 131.

Arimini Francisci literæ sanā-
dis morbis peruitiles. l. 1.
227.

Auersæ quid Olympio acci-
derit à mortaliū concursu.
su. l. 1. 1143.

Aues curat, alitque Olym-
pius. l. 2. 256.

Augustinus Rubeus C. Reg.
litteras à Sanctimoniali ac-
cipit de Francisci morte.
l. 1. 197.

Aulæ Principum quomodò
à Religiosis viris terendæ.
l. 1. 22.

B

B Aculus Olympii saluta-
ris Placentiæ. l. 1. 129.

Baculi illi surripiuntur reli-
gionis ergò. l. 1. 141.

Bartholomæus Alexāder im-
plorata eius ope conuale-
scit. l. 1. 224.

Bartholomæus Auricola eius
ope à malorum dæmonū
obsidione liberatur. l. 1. 98.

Beatrici Caracciolæ egrotan-
ti incolumitatem prædi-
cit. l. 2. 316.

Beatrix Scripanda clandesti-
nam Seruæ familiaritatem,
monente Olympio, de-
prehendit. l. 2. 302.

Benuenuta Virgo Salutatio-
nem

I N D E X

- nem Angelicam cū puero Iesu recitat. [l. 2. 296.](#)
- Bernardina Banda non vno morbo diuexata, admota Olympij epistola, curatur. [l. 1. 227.](#)
- Bituntum proficiscitur Olympius. [l. 1. 72.](#) In eo itinere, ac domo pietas. [ibid. 73.](#) Reuertitur non sine admirabilitate. [ibid. 75.](#)
- Boncompagnus Card. & Archiepiscop. Neapolitanus Olympium egrotantem mittit, qui à suo nomine inuiferet. [l. 1. 186.](#)
- Burelli Comes Olympij precibus conualescit. [l. 1. 152.](#)
- B. Caietanum Thienæum in honore habet Olympius. [l. 2. 289.](#)
- Camilla Vrsina Sulmonis Princeps in pretio Olympium habet. [l. 1. 132.](#)
- Capilli Francisci in morbis adiumento. [l. 1. 22.](#) Expetuntur. [ibid. 140.](#)
- Capuanam Urbem imperatoris missarum sacrificiis, mīrè iuuat. [l. 1. 34.](#)
- Capuanus Magistratus egrotantem illum inuifit. [l. 1. 193.](#)
- Caroli Magni sepulchrum, odoramentis imbutum. [l. 1. 309.](#)
- Carolo Pignatello religiosam disciplinam prædicit Franciscus. [l. 2. 312.](#)

C

- C**æcilia Palmeria, à gutturis lucē propè deposita, sanatur. [l. 1. 169.](#)
- Cæsar Card. Montius Franciscum Olympium in honore habet. [l. 1. 136.](#)
- Cæsar Ferraus Sactæ Agathæ Princeps Olympij bellariis conualescit. [l. 1. 158.](#)
- Cæsar Ricci Coniugi, & alteri matronæ quid prædixerit Franciscus. [l. 2. 322.](#)
- Castitatem impertit attacku. [l. 2. 343.](#)
- Catharina Fagnana, morbis diuexata, eius imagine curatur. [l. 1. 231.](#)
- Catharinę Toraltæ filius eius ope conualescit. [l. 1. 160.](#)
- Christinæ Falangolæ, à malis geniis obsessæ molestissima eius præsentia. [l. 1. 96.](#)
- Cingula in Olympii manibus multiplicatur. [l. 1. 176.](#)

INDEX.

Clara Criuella ad eius Imaginem orans, sanitati restituitur. [l. 1. 230.](#)

Claudia Anguissola eius effigie curatur mirè. *ibid.*

Clemens Aloofus vel in somnijs D. Virginis opem experitur. [l. 2. 289.](#)

Comitissa Mōris Regii Olympio addicta. [l. 1. 138.](#) Flagrante Vesuuio securitatem ab eius precibus quærit. *ibid.*

Conceptionis Deiparæ Virginis Sacellum eius opera in SS. Apostolorum templo celebratur. [l. 1. 84.](#) Ad eam aram cōcursus, & solennia. *ibid.* [83.](#) Propulsatur annonæ caritas Olympii ad eam aram precibus. [ibid.](#) [87.](#)

Conceptionem Immaculatæ Virginis mirè explicat: [l. 1. 26.](#) Eius in illam pietas vel è feretro. *ibid.* 200.

Concursus ad Franciscum. [lib. 1.](#) 142. præcipuè in vsurpandis mysterijs. *ibid.* 144.

Consanguineos, dum florent opibus, vix agnoscit: presis inopia adblanditur. [l. 2. 349.](#)

Constantia Barberina illum literis appellat. [l. 1. 137.](#)

Contemptu profligatur malidæmones. [l. 1. 93.](#)

Corpus quibus rigoribus atteteret Franciscus. [l. 2. 353.](#)

Crucis nomine molesta temperat. [l. 3. 277.](#)

D

D Eliæ Pignatellæ filijs mortē Franciscus prænunciat. [l. 2. 316.](#)

Dæmones mali Francisci opē ab humanis corporibus deturbantur. [l. 1. 425.](#) Illos exagitat. [ibid.](#) [93.](#) Domo abigit, quam infederant, *ibid.* [95.](#)

Dæmones Olympio infesti: [l. 1. 87.](#) Ranarum specie, insultant. [ibid.](#) [88.](#) Et terroribus, & colaphis, & verberibus, & armorum conflictu. *ibid.* [91.](#) & sequent.

Dianæ Victoriæ maris sexus partū Franciscus prædicit. [l. 2. 320.](#)

Diuorum Imagines qua veneratione prosequeretur. [l. 3. 263.](#)

Domi.

I N D E X

Dominicus Bassolus eius in
multiplici morbo opem
experitur. l. 1. 231.

Dominicus Dicastiglius ab
immedicabili fistula cura-
tur. l. 1. 167. Olympio à de-
monum insultibus labo-
ranti accurrit. ibid. 90. Eius
cogitationes agnoscit O-
lympius. l. 2. 330.

Donatus Gasparus Francisci
sanguinem seponit. l. 1. 120
Qui liquefcit mirè. ibid. 121

E

Ecclésiasticæ dignitatis
gradus qua reuerentia
prosequeretur Olympius.
l. 2. 266.

Echinorum spinas mandit.
l. 2. 35ñ.

Effigies Olympij mirè expri-
mitur. l. 1. 199. Saluber-
rima. ibid. 231. In pina-
cotheca Hispaniarum Re-
gis Francisci effigies. ibid.
153. Et penes alios primæ
notæ viros. ibid.

Elephantiacus mirè curatur.
l. 1. 248.

Eleonora Grillinzonia à gra-
ui morbo conualefcit r. l. 1.

229.

Elisabetha Maurâ Francisci
pileolaterum dolorem si-
stet. l. 1. 165.

Eucharistia impensè colitur
à Francisco. l. 2. 268.

Extasis eius in diuinorum
contemplatione. l. 2. 294.

F

Fabritio Hodiernæ supræ-
mum fati diem prædicit
Franciscus. l. 2. 319.

Faustina Anastasia diuturno
à morbo eius capillis cu-
ratur. l. 1. 223.

Faustina Caracciola eius nō
semel præces experitur. l. 1.
192. & 163.

B. Felicis Cantalicij in aued
studium. l. 2. 236.

Flaminius Antinorus fragrā-
tiam ex Olympii tumulo
haurit. l. 1. 210. Sacellum il-
li destinat statim ab eius
obitu. ibid. 147.

Francisco Altabellæ corrup-
ta restituitur facies. l. 1.
168.

Francisci Antonij Hodiernæ
animi fluctus agnoscit Frā-
ciscus. l. 2. 327.

D.

I N D E X

- D. Francisco Afflignati comparatur [Frācisus. l. 2. 357.](#)
- Franciscus Gaetanus Sermo-
netæ Dux Olympii sangui-
nis vñulam in carissimis
habet. [l. 1. 122.](#)
- Franciscus Caputus quid de
Olympio referat. [l. 1. 82.](#)
- Francisco Concubletæ Are-
næ Marchioni incommo-
da prædicuntur. [l. 2. 397.](#)
- Franciscus Florillus præsen-
tem Olympii opem [ten.](#)
tit. [l. 1. 220.](#)
- Frācisus Maria Maggus Ia-
cobi de Stephano ossa Mel-
sanam ex Orientali Iberia
transfert, l. 1. [48.](#) Quid illi
Olympius prædixerit. [l. 2.](#)
310.
- Franciscus Maria del Mona-
co Olympii sanguinis am-
pullam penes se habet [l. 1.](#)
[122.](#) [Quæ sua](#) admirabili-
tate non caruit. [ibid.](#)
- Franciscus Nisius armorum
strepitus in Olympii cella
[audit. l. 1. 91.](#)
- Franciscus Olympius qua-
nominis fama floruerit. [l. 2.](#)
[1.](#) Eius cunabula, paren-
tes, nomen, fratres, neptes
[ibid. 3.](#) In parentes obse-
- quium, & Dei timor, &
mentis candor, & reliqua
in pueritia virtus. [ibid. 5.](#)
& sequent. Religionis mē-
tem concipit. [ibid. 8.](#) Adop-
tatur inter Clericos Re-
gulares: tyrocinium po-
niti in Tyrocinio pugna-
ac victoria. [ibid. 11. & 12.](#)
Vota nuncupat, & quā-
sepius repetit. [ibid. 13.](#)
14. & deinceps. Votorum
instaurandorum formula.
[ibid. 19.](#) Eius in virtute pro-
gressionibus. [ibid. 20.](#) Dat
literis operam, sed mox ab
iis feriatur, diuinitus sa-
piens. [ibid. 25.](#)
- Franciscus Olympius Sacer-
dotio initiatur, & eius in
sacrificādo religio, ac pu-
ritas. [l. 1. 30.](#) Scrupulis an-
gitur in missæ sacro: cuius-
modi æstibus adest mirè
Deus. [ibid. 32.](#) Ad eius mis-
sam concursus. [ibid. 32.](#)
Capuanæ Vrbi sacrificiis
occurrit. [ibid. 34.](#) Regen-
dis tyronibus adiuuatur.
[ibid. 39.](#) Eius in eo munere
[partes. ibidem. 42.](#) & deinceps.
Ex eius schola Iaco-
bus de Stephano. [ibid. 47.](#)

Actuo.

INDEX

Actuosa eius vita. ibid. 49,
In excitanda pietate indu-
stria, & sermonis vis. ibid.
50. In ægrotos propensio.
ibid. 52. Contemplatiua
eius vita, & quæ illi orandi
spatia. ibid. 56. & sequen.
Eius ad contemplationem
recessus. ibid. 59. lachrymæ
& gaudium. ibid. 63. Ra-
rò risit. ibid. Saltat à læti-
tia sæpius. ibid. 97. & seq.
In contemplatione lachry-
mæ. ibid. 70.

Francisci Olympii iter Bitun-
tum. l. 1. 72. Romam. 76.
Exceptus à Ludouisijs per
humaniter. ibid. Salernum
ibid. 78. Quid illi accide-
rit, dum Vico reuertitur,
semel, ac iterum. ibid. 80.
Conceptionis Deiparæ sa-
cellum frequentat. ibid. 84.
Ad eam aram orans fere-
nitatem impetrat. ibidem
88. Dæmones illi infestis
ibidem 89. & deinceps:
Illos vicissim exagitat O-
lympius. ibid. 93. Baculo
abigit. ibid. 100. Angelo-
rum in Olympium studia.
ibid. 101.

Francisci Olympij in morbis

virtus. ibid. 106. Ex eius
vena sanguis, & eius vir-
tus, & mira. ibid. 113. &
deinceps. Aquam ritè cõ-
secrat, & distribuit ad mor-
borum genus omne. ibid.
127. Eius dum viueret a-
pud omnes existimatio.
ibid. 135. & sequen. Ad
illum concursus. ibid. 141.
Sacellum illi statim à mor-
te destinatur. ibid. 147.
Notus extra Italiam. 149.
Reginæ Vngarorum com-
mendatissimus. 150. Eius
ad illam monita, 152. Eius
beneficia dū viueret. ibid.
155. & deinceps.

Franciscus Olympius supre-
mò ægrotat. l. 1. 182. Mo-
netur diuinitùs fati. ibid.
Inuisitur à primæ notæ vi-
ris. ibid. 189. Eius ad Patres
verba. 189. Tolerantia, &
pietas. 165. Piè moritur.
197. Sepultura. 196. In
Virginem pietas vel è se-
retro. 200. Et mira ad tu-
mulum. 203. E sepulchro
odor. 205. & sequ. Mira
post mortem. 213. & seq.
Externa Olympij effigies.
233:

INDEX

Francisci Olympii in Deum amor. l. 2. 235. Et in proximos. ibid. 241. In pauperes, & ægrotantes. 343. & sequen. Et brutas animantes. 255. Eius religio. ibid. 260. in Sacram Eucharistiam. 278. Et in Christi Domini cruciatus. 275 Et in D. Virginem. 280. & sequen.

Francisci Olympii orãdi studiũ. l. 2. 292. Extasis. 294. Salutationem Angelicam cũ Puero Iesu recitat. 296. Videt futura, & longè posita. 299. Et occulta, atque ima pectoris. 323. Eius obedientia. 332. Ex obedientia ludit, currit, saltat. 335. Eius castimonia. 341. & sequen. Paupertas. 346. Et corporis afflictatio. 352. Et humilitas. 357. & seq.

Franciscus Pepolus Olympio ad aram faciendi ministrat. l. 1. 36. Describitur eius indoles, & mutatio dexterę excelsi. ibid.

Franciscus Pera podagrę cruciamenta mitigat, Olympii pilco. l. 1. 164.

Franciscus Valcarcer animi

fluctibus agitatũ, suę trãquillitati restituitur. l. 1. 180

Francisco Vitaliano mortem prædicit Olympius. l. 2. 318

Fulgentius Gemma Olympii cruoris partem impetrat, & Margaritę Gõzagæ donat. l. 1. 114.

Futura, & longè posita videt Franciscus. l. 2. 299.

G

Gabriel Maria Horat Olympii sanguinis ampullam seruat. l. 1. 171. Qui effervesceit ibid. 115. Et ab eo mira. ibid. & seq. Olympium videt è terra mirè sublatum. l. 2. 295. Fragrantes eius cineres aduertit. l. 1. 208.

Gaudia diuina, & humana in quo differant. l. 1. 66.

Gregorius Gragnanus fragrantiam ad Olympii tumultum percipit. l. 1. 209.

Gregorius XV. P. M. Olympium excipit perhumaniter. l. 1. 70.

Grana piacularia Olympio multiplicantur. l. 1. 174.

Ha.

I N D E X

H

H Abitus suscipiendi ritus nostris. [l. 1. 10.](#)

Hectori Cocio restituitur mi-
rè salus Olympii pileo. [l. 1. 164.](#)

Herculani dulciarios panes
multiplicat [Olympius. l. 2. 253.](#)

Hieronymo Albertino S. Se-
uerini Principi sponsam
prænunciat. [l. 2. 305.](#)

Hieronimus Carafa Roccel-
læ Princeps erumpentem
ex Olympii ossibus odo-
rem haurit. [l. 1. 250.](#)

Hieronimi Massæ C. R. sen-
sus peruat Olympius. [l. 2. 331.](#)

Hieronyma Florentina Fran-
cisci tumuli attactu sana-
tur. [l. 1. 203.](#) Et eiusdem
tumuli calce dentium do-
lorem sistit. *ibid.* Eadem
mox filix eodem amuleto
incolumitas. *ibid.*

Hieronyma Formata à nefa-
riis spiritibus liberatur. [l. 1. 225.](#)

Hieronyma Pennucia curatur
[l. 1. 203.](#)

Horatius Muscettula pluuiò
Cælo non madescit vnà
[cum Olympio. l. 1. 177.](#)

Hostias quàm religiosè tra-
ctari cuperet Franciscus.
[270.](#)

Humilitas Olympii exterior,
[l. 2. 352.](#) Et interior. [390.](#)

I

Iacobus Columna Olym-
pii tutela conualescit. [l. 1. 204.](#)

Iacobus de Stephano ex O-
lympii Schola. [l. 1. 47.](#) O-
rientis noualibus destina-
tur. & in ijs labor. *ibidem*
Ossa Messanam asportan-
tur. [l. 1. 48.](#) SS. Trinitatis
effigies illi in pretio, & sa-
lutaris. *ibid.*

Ianuarius Lanarius pustulis
coopertus, ac penè depo-
situs, conualescit. [l. 1. 163.](#)

Ignis diuinus exilire facit. [l. 1. 69.](#)

Imaginem D. Antonini oc-
cultam patefacit Franci-
scus. [l. 2. 263.](#)

Imagines Diuorum, minio
ab Olympio excultæ, ha-
bentur in pretio. [l. 1. 139.](#)

INDEX

Imagines D. Virginis insigni
animi cultu Frācisus pro
sequitur. l. 2. 282. Et Diuo.
rum. 263.

Indicus Mendoza Prorex
Neapolit. Olympii mode.
stiam commendat. l. 1. 22.

Innocentius Paulucius cura.
tur. l. 1. 203.

Inscitæ opinionem adfectat
Olympius. l. 2. 361.

Ioanna Austriaca Oylmpii
effigiem postulat. l. 1. 17.

Qui illi tempestatem præ.
dicit. lib. 3. 306.

Ioānes Angelus Barilius Cai.
uani Dux non vno vul.
nere confossus, osculo sa.
natur. l. 2. 250.

Ioannes Angelus Carrata,
accepto lethali vulnere,
mirè curatur. l. 2. 251.

Ioannes Baptista Apicella
ab Olympio donatur a.
gno, cuius lana capitis do.
lore defungitur. l. 1. 170.

Ioannes Baptista Caraccio.
lus, Hierosolymitani Ord.
nis Prior, quid de Olym.
pio affirmauerit. lib. 2.
267.

Ioannis Baptistæ Hodiernæ
incolumitatem prædicit

Franciscus. l. 2. 319.

Ioannes Capycius Galeota
Neapolitani Proregis à cō.
fessionibus. l. 1. 22. Eius
modestia. ibid. Olympii te.
stimonio Coeli gloria po.
titur. ibid. 289.

Ioannis Dominici Brancacii
coniugis corrupta ab apo.
stemate manus curatur.
l. 1. 168.

Ioannis Riberæ Episcopi, &
Patriarchæ in S. Euchari.
stiam pictas. l. 2. 279.

Ioannes Simon Puluerinus
pleraque impetrat, assusa,
vel inspersa Olympii aqua
l. 1. 133.

Iosephi Battinelli coniugi in.
columitas, & maris sexus
soboles prædicitur. lib. 2.
322.

Ioseph Ferrignus ab aqua in.
tercuti mirè curatur. lib. 1.
217.

Ioseph Muscettula affecto sc.
dè cruri Olympii pilco me.
detur. l. 1. 166.

Ioseph Tomèus à graui mor.
bo ægrotus, curatur. l. 1. 130.
Admirabilitas in aquæ
phiala. ibid. 131.

Isabellæ Dentice mortem
præ.

I N D E X

prædicat Olympius. lib.2.
316.

Isabella Gesualda Venusiæ
Princeps Romano in itine-
re Olympium comitem
voluit. l.1.76.

Isabella Gualteria à prauis
geniis diuexata, in liber-
tatem afferitur. l.1.89.

Isbellæ Moles Seruo Olym-
pii sudariolo sistitur san-
guis. l.1.220.

Julia Caracciola filio mor-
tem præuidet Franciscus.
l.2:317.

L

L Aura Gatta, à sanguinis
profluuiolaborans, cu-
ratur. l.1.172. Quæ & fer-
uæ sanitatē impetrat. *ibid.*
Lingua prauī hominis emen-
datur. l.1.181.

Litanias D. Virginis quo stu-
dio recitaret Olympius;
l.2.281.

Literæ Francisci in honore
habitæ. l.1.141. Salutares.
ibid. 226. Mirè obliteran-
tur à fœdo viri lapsu lib.2.
345. Vt eas subscriberet,
ibid. 358.

Lucia Salâ morbis conflictâ-
ta, salutē restituitur. l.2.231.

Lucius Caracciolus Altrouiti
Dux, odore ex Olympii of-
sibus afflatur. l.1.210.

Lucretia Palma ab hydropis
morbo laborans, sanatur;
118.

Lucretia Pera, à partu labo-
rans, Olympii pileo eniti-
tur. l.1.164.

Lucretia Sisola sanatur. lib.1.
288.

Ludouicus Antinorus odo-
rem, ex Olympii sepulchro
euaporantem, sentit. l.1.
208. Præsens illi eius præ-
sidium, semel, ac iterum.
ibid. 214.

Ludouicus Cāpanilis Olym-
pii aquæ mirè compos.
l.1.128. Ab ea mira *ibid.*

M

M Agistri nouitiorū parâ-
tes. l.1.39.

Marcelli Philamarini Sexen-
nis filius grauiter egrotâs;
sanatur. l.1.171.

Marcus de Angelis C. Regi
à graui vlcere curatur. l.1.
167.

I N D E X

167. Malis genijs infestus Olympii causa. [ibid. 96.](#)
 Marcus Blasius strepitus in Olympii cellula audit, ac [curritque. l. 1. 91.](#)
 Margarita Aldobrandina, Parmæ Dux Olympio ad dicta. [l. 1. 13.](#)
 D. Maria Virgo vel in somnis benefica. [l. 2. 289.](#) insigni religione ab Olympio colitur. [l. 2. 280.](#) & sequ. Eius in morbis perfugium, [ibid.](#)
 Maria Austriaca Vngarorum Regina Olympium in honore habet, alloquitur, consulit. [l. 1. 150.](#) Eo defuncto, reliquias postulat. [ibid. 153.](#) D. Pauli templum inuisit semel, ac iterum; [ibid. 151.](#)
 Maria Caracciola Rocchæ Dux Olympii Linteo salutem puero [impertit. l. 1. 221.](#)
 Maria Caracciola S. Agathæ Princeps Virum Francisci munusculis curat. [ibid. 158.](#) Eius nuptias præuidet Franciscus. [l. 2. 300.](#)
 Maria Paladina morbo confectata, sanatur semel, &
 iterum, & tertio. [l. 1. 160.](#) & sequen. Cui & fecunditatem, & virilis [lexus](#) fo-
 bolem prædicit Olympius. [ibid. 161.](#)
 Mariæ Palmæ Laurini Duci marem foetum prædicit Franciscus. [l. 2. 320.](#)
 Maria Pompilia Casellia fe-
 bri defungitur. [l. 1. 164.](#)
 Marius Loffredus Cardeti Princeps Olympii opem in graui vulnere cum fructu [poscit. l. 1. 165.](#)
 Martyrum Cineres inodorari vnguentis soliti. [l. 1. 707.](#)
 Matthæus Vassallus fracto crure, conualescit. [l. 1. 216.](#)
 Mensas lautiores aliquando [procurare haud incōgruū. l. 2. 259.](#)
 Mensas procerum adire recusat Franciscus, & curat. [l. 2. 250.](#)
 Messanenſes Iacobi de Stephanano Cinerem excipiunt solennibus exequiarum iustis. [l. 1. 83.](#)
 Michael Muscus surdis medetur auribus Olympii capillis. [l. 1. 222.](#)
 Missæ sacrificii præstantia. [l. 1. 28.](#) Qua puritate obendum.

I N D E X

dum. *ibid.* Nihil missa est.
cacijs. *ibid.* [34.](#) Assistunt

Angeli. *ibid.* [105.](#)

Moderatores qua reuerentia
prosequeretur Olympius.
[l. 2. 333.](#)

Morbi animū etiam afficiunt
lib. [1. 109.](#) In iis Olympii
virtus. *ibid.* [107.](#) & seq.

N

Neapolitani serenitatem
impetrant Francisci
[precibus. l. 1. 87.](#) Beneficiū
grati animi documēto re-
stantur *ibid.* Eorum pre-
ces, ne abcederet Neapo-
li Olympius. *ibid.* [146.](#)

Neapolitanæ Ciuitatis septē.
Viri Olympium in supre-
ma valetudine inuisunt. [l. 1. 193.](#) Olympii ad illos ver-
ba. *ibid.*

Nicolaus Herrera Apostoli-
cus Neapoli Nūtijs ægro-
rantem [Olympium inui-](#)
[sit. l. 187.](#) Donatur mirē
Flosculo. *ibid.*

Nicolaus Ridolphus Prædi-
catorum Generalis Magi-
ster Olympium supremō
[decumbentem inuisit. l. 1. 187.](#)

Nouitiorum Māgistri partes.
[l. 1. 39.](#)

Nosocomia inuisit Olympius
non sine miris. [l. 2. 245.](#)

O

Octauiani Loffredi, Can-
næ Marchionis arca.
nū pectus peruadit Olym-
[pius. l. 2. 328.](#) Eius sangui-
nis particula potitur. [l. b. 118.](#)

Oculorum lumen puellæ re-
stituitur. [l. 1. 56.](#)

Oculorum in Olimpio frānū
[l. 2. 342.](#)

Odoramenta ad Martyrum
[Sepulchra. l. 1. 207.](#)

Odor ex Olympii tumulo. [l. 1. 206;](#) & ex vestibust *ibid.*
[211.](#)

Organum Surrenti mirē pul-
sat Franciscus. [l. 1. 92.](#)

[Ofculo](#) multiplex malum.
Olympius curat. [l. 2. 248.](#)
& deinceps.

P

Panis Olympii precibus
crescit. [l. 2. 175.](#)

Partus difficiles iuuantur. [l. 1. 173.](#)

Passio Christi Domini qua-
pie.

INDEX:

- pietatē colitur ab Olym-
 pio. l. 2. 275.
 D. Pauli templū Maria Vn-
 garorum Regina Neapoli
 inuifit ſemel, & iterum. l. 1. 151.
 Pauli Philamarini in S. Eucha-
 riftiam pietas. l. 2. 269.
 Paula Lomellina Tocula pē-
 nē moribunda ſanitati re-
 ſtituitur. l. 1. 229.
 Pauperum amor, ac ſtudio
 in Olympio. l. 2. 243.
 Peccati nomen Olympio
 quāminiucūdam. l. 2. 237.
 Pecunia amiſſa mirē reper-
 tur. l. 1. 173. Et multipli-
 catur. 173.
 Petro Aloyſio Carafæ Epifc.
 Tricaric. Theatinum fore,
 prædicat. l. 2. 315.
 D. Philippus Nerius caſtitati
 alios reſtituit. l. 2. 342.
 Pilei Olympii ſalutares. l. 1.
 164. & 221. Commutan-
 tur pietatis ergo. l. 2. 348.
 Placidus Pallauicinus Olym-
 pii ſanguinis particulam
 penes ſe habet. lib. 1. 124.
 Pleraque ab eo mira. ibid.
 Quid is documenti à Frā-
 ciſco acceperit, quoties lu-
 ſtralem aquam acciperet :
 lib. 2. 276.
 Polixenā Fuſtōbergia Ca-
 ſertæ Princeps Olympio
 addiſta. l. 1. 36.
 Primitias eduliorum Deo cō-
 ſecrat Olympius. l. 2. 355.
 Prorex Neapolitanus ægro-
 tantem Olympium inui-
 ſit. l. 1. 86. & iterum. 190.
 Puer Ieſus Salutationem An-
 gelicam cum Olympio re-
 citat. l. 2. 296.

R

- R Anarum ſpecie Olym-
 pio ſunt moleſtiæ ma-
 li dæmones. l. 1. 88.
 Recessus Olympii. l. 1. 59.
 Reliquiæ menſe, Olympii ſa-
 lutares. l. 1. 141.
 Rigor, & comitas in Noui-
 tiorum Magiſtris. l. 1. 41.
 Romam ad Comitria allega-
 tur. l. 1. 76. Iterum Romam
 cum Venuſina Principe
 ibid.
 Romani milites Sacramen-
 tū quotannis inſtau-
 rabant. l. 1. 14.
 Roſmarinum in pretio habet
 Olympius, & cur? l. 2. 285.
 In Marianis ſolenniis flo-
 ret. ibid.

Tem-

INDEX

S

Sacellum Olympio desti-
natur statim à morte.

l.1.147.

Salernum deuotionis causa
petit. *ibid.* 78. luctatur in
eo sinu cum pelago. *ibid.*
Salerni ad illum concursus
ibid. 79.

Salue Regina, oratio Olym-
pio familiaris. l.2.288. Qua
multa impetrat. *ibid.*

Sanguis ex Olympii vena:
color, virtus, mira. *l.1.114.*

Et sequ. In ipsa Olympii
manu efferuescit. *ibid.* 120.

Scipionis de Angelis mortem
præuidet Olympius. l.2.
318.

Scrupulis exagitur. l.1.87.

Qui ab amore in Deum
existunt. l.2.239.

Septimius Robertus Episcop.
Tricaric. corrupta gemino
ab ulcere crura Olympii
ope restituit. l.1.166.

Seraphinus Abbas vestem
Olympii nostro Ariminen
si cœnobio addicit. l.1.211.
Quæ odore fragrat. *ibid.*

Serui cuiusdam & culpam,
& casum præcipitem a-

gnoscit Olympius, & ca-
dentē mirè iuuat. l.2.326

Somnus Olympio perparcus
l.2.352.

Species externa Francisci. l.
1.233.

Stephanus Tyronus Olym-
pii verbis ad frugem con-
sternatus. l.1.51.

Surrenti quā libenter mora-
retur Olympius. *lib.1.62.*

Organū mirè pulsat. *ibid.*

Eius inibi lachrymæ. *ibi-*
dem 70.

Syluia Caracciola Circelli
Marchionissa in difficulti
partu Francisci opem ex-
peritur. l.1.173.

T

Templa D. Virginis exi-
mio colit studio Fran-
ciscus l.2.283. Et reliqua
Diuorum Ecclesiæ. *ibid.*
262

Thomam Caracciolum, bel-
lo captum, prænunciat O-
lympius. l.2.300.

Thomas Mulcettula testatur,
multiplicata ab Olympio
grana piacularia. l.1.175.

SS. Trinitatis Imago, olim

Bbb

Iaco,

I N D E X

Iacobi de Stephano, penes
Franciscum Mariam Mag
gium, & ab ea in mortales
commoda. l. 1. 48.

Tumulus Olympii salutaris.
l. 1. 203.

Turcam ad rectam fidem,
conuertit Olympius. lib. 2.
252.

Tyrones ad omnem obe
dientiæ laudem effingit
Olympius. l. 2. 333.

V

Vestis Olympij in pretio.
l. 1. 139. Ab ea beneficia.
ibidem 219. mirè fragrat.
ibid. 212.

Vestem precariò, ac eleemo
synæ nomine petit Franci
scus mox moriturus. l. 2.
350.

Vesuuij erumpentis facies. l. 1.
138.

Vincētius Caracciolus Olym
pii precibus incolumis, &
morienti adest. l. 1. 183.

Vincentius Casellius eius pi
leo pleraque sibi, & alijs
impetrat. l. 1. 164.

Vincentius Rasus ægrelcens,
sanatur. l. 1. 164.

Violanti Pignatellæ Veggia
ni Principi marem sobor
lem prædicit Olympius se
mel, & iterum. l. 2. 321.

Vota Religionis repetere,
quàm laudabile. l. 1. 14. Ab
ea repetitione fructus.
ibid. 15. Familiare id Olym
pio. ibid. 2

Votorum instaurandorum,
Formula ab Olynpio. lib. 1
19.

Vulgi ingenium in rebus
probandis; improbandis-
que. l. 1. 1.

Z

Zenobia Pignatella, Cer
chiaræ Marchionissa,
Olympij sanguinem ser
uat. l. 1. 114. Quædam ab
eo mira, ibid. 119.

AVCTORIS ADMONITIO.

LECTOR, aduerte in *supra scripta Vita Venerabilis Serui Dei Francisci Olympij* non pauca me attingere, quæ Sanctitatem ipsius videntur adscribere: perstringo nonnunquam aliqua ab eo gesta, quæ cum vires humanas superent, miracula videri possunt: præfagia futurorum, arcanorum manifestationes, illustrationes, & hæc quæ sunt alia huiusmodi: beneficia etiam in miseros mortales, eius intercessione collata diuinitus; denique nonnunquam sanctimonia videor appellationem tribuere. Verùm hæc omnia ita meis Lectoribus propono, ut nolim ab illis accipi, tanquam à Sede Apostolica examinata, atque approbata; sed tanquàm quæ à sola suorum Auctorum fide pondus obtineant: atque adeò non aliter, quam humanam historiam. Proinde Apostolicum S. Congregationis S. R. C. & vniuersalis Inquisitionis anno 1625. editum, & anno 1634. Confirmatum integrè, atque inuiolatum iuxta declarationem eiusdem decreti à SS. D. N. Urbano Papa VI. anno 1651. factam seruari à me omnes intelligant: nec velle me vel cultum, aut venerationem aliquam per has meas narrationes vlli arrogare; vel famam, aut opinionem sanctitatis inducere, seu augere; nec quicquam eius existimationi adiungere, nullumque gradum facere, ad futuram aliquando eius beatificationem, vel Canonizationem, aut miraculi probationem: sed omnia in eo statu à me relinqui, quem seclusa hac mea lucubratione obtinerent, non obstante quocumque longissimi temporis cursu. Hoc tam sanctè profiteor, quàm decet eum, qui Sedis Apostolicæ obedientissimus haberi filius cupit, & ab ea in omni sua inscriptione, & actione dirigi.

| Fol. | Lin. | Errata- | Corrige |
|------|--------------|----------------|------------------|
| 5 | 3 | videlicet | videlicet |
| 12 | 32 | peracre | adde, desiderium |
| 19 | 18 | eam | ea |
| 32 | 20 | facile | facile |
| 48 | 29 | cum | cum |
| 76 | 22 | existimationis | existimationis. |
| 85 | 13 | aduersus | aduersus |
| 110 | vers.vlt. | mortalium | mortalium |
| 111 | 16 | opere | operæ |
| 119 | 1 | Iosephus | Iulius |
| | 4 | Ioanna | Hieronyma |
| 121 | 24 | viuidumque | viuidumque |
| 131 | 19 | pucherrima | pulcherrima |
| 145 | 13 | Hippocrates | Hippocratis |
| 196 | 1 | allegat | allegabat |
| 198 | 21 | voluntat | voluntati |
| 220 | 23 | addictissima | addictissima |
| 222 | 5 | Cacacciola | Caracciola |
| 254 | 18 | quot | quotquot |
| 281 | 5 | sol nia | solennia |
| 320 | 22 | Lauria | Laurini |
| 322 | 6 | quidam | quidam |
| 330 | 31 | tibi | tibi |
| 336 | 31 | Vcatio | Vicario |
| 350 | vers.penult. | despicacissima | despicacissima |
| 354 | 16 | fac | fac |

